

Leonardo Bruni

# **Epistolarum Libri VIII**

1541



# Tillykke med din eBog

Du har modtaget en eBog via **Det Kongelige Biblioteks EOD-service**.

Vi håber, du vil finde den både nytig og let at anvende. eBogen er leveret til dig som en søgbar PDF-fil, og det giver dig nogle særlige anvendelses-muligheder.

## Hvordan du bruger eBogen

### Læse på din skærm

Du kan åbne og læse eBogen via din almindelige PDF-reader, der ligeledes giver dig mulighed for at bladre mellem siderne og zoome i teksten.

### Udskrive på din printer

Du kan skrive hele – eller enkelte sider af - eBogen ud på din egen printer.

### Gemme på din computer

Du kan let gemme eBogen på din private computer, USB-nøgle eller diskette.

### Søge tekst

Du kan søge efter ord, dele af ord eller hele sætninger, i eBogen ved at bruge PDF-Reader'ens inbyggede søgefunktion. Denne finder du ved at klikke på ikonet "Search"  , eller trykke på tastaturknapperne [Ctrl+f].

### Kopiere og genbruge tekst

Du kan kopiere tekst fra eBogen ved at klikke på ikonet "Select toolbar"  , indramme den tekst, du ønsker kopieret og trykke på tastaturknapperne [Ctrl+c]. Du indsætter teksten, hvor du ønsker det, ved at klikke [Ctrl+v].

### Kopiere og genbruge billeder

Du kan kopiere billeder fra eBogen ved at klikke på ikonet "Snapshot Tool"  og indramme billede, du ønsker kopieret. Du indsætter billedet, hvor du ønsker det, ved at klikke [Ctrl+v].

## Betingelser for brug

Bruger du eBøger fra Det Kongelige Biblioteks EOD-service accepterer du samtidig de betingelser, der knytter sig til brugen af disse pdf-filer. Den vigtigste af disse betingelser er, at du kun må anvende eBøgerne til personlig ikke-kommerciel brug.

Læs alle betingelserne på <http://books2ebooks.eu/odm/html/kb/da/agb.html>



LEONARDI BRUNI  
ARRETTINI  
EPISTOLARUM  
*P A R S P R I M A.*

LEONARDI BRUNI  
ARRETINI  
EPISTOLARUM  
LIBRI VIII

AD FIDEM CODD. MSS. SUPPLETI, ET CASTIGATI  
Et plusquam XXXVI Epistolis, quae in Editione quoque  
Fabriciana deerant, locupletati

RECENSENTE  
LAURENTIO MÈHUS

ETRUSCAE ACADEMIAE CORTONENSIS SOCIO,  
Qui Leonardi Vitam scriptis, Manetti, & Poggii Orationes  
praemisit, Indices, Animadversiones, Praefationemque adjectit,  
Librumque Nonum, ac Decimum in lucem protulit.

ACCESSIONE

*Eiusdem Epistolae Populi Florentini nomine scriptae  
nunc primum ex Codd. MSS. in lucem erutæ.*

PARS PRIMA.



FLORENTIAE. MDCCXXXI.  
EX TYPOGRAPHIA BERNARDI PAPERINII.

---

Sumptibus Josephi Rigaccii.  
SUPERIORUM PERMISSU.



EMINENTISSIMO, AC REVERENDISSIMO PRINCIPI  
ANGELO MARIAE  
S. R. E. CARDINALI PRESBYTERO  
QUIRINO  
SEDIS APOSTOLICAE BIBLIOTHECARIO  
EPISCOPO BRIXIENSIS  
cc. cc. cc.

LAURENTIUS MEHUS FELICITATEM.



Uae res, & eae  
plane non con-  
temnendae, PRINCEPS EMINENTIS-  
SIME, me impulerunt, ut ego ho-

D E D I C A T I O.

mo Tibi novus, & nullo adhuc  
titulo benevolentiam Tuam pro-  
meritus ad Tuum Patrocinium,  
clientelamque confugerem. Nam  
cum omne studium, cogitatio-  
nemque meam ad id potissimum  
contulerim, ut eum mihi patro-  
num compararem, qui & auctori-  
tate sua invidorum impetus pro-  
pulsaret, aliorum vero animos  
nominis sui claritate ad legen-  
di studium excitaret; Tu unus,  
PRINCEPS EMINENTISSIME, mihi pro-  
pe divinitus oblatus es, in quem  
tanta, ac manu tam larga con-  
gessit DEUS OPT. MAX., ut sum-  
ma eruditio cum maxima aucto-  
ritate, maxima vero auctoritas  
cum summa eruditione certare  
videatur. Et quidem undenam

exor-

## DEDICATIO.

exordium sumam, PRINCEPS EMINENTISSIME? An ab illa admirabili, ac prope divina Majorum Tuorum virtute, quam per abavos, atavosque ad posteros transmissam, totam in Te uno conlocatam intuemur, ac veneramur? Sed egone haec generis Tui praeconia longe clarissima in laudem Tuam, PRINCEPS EMINENTISSIME, conferam, qui quamvis avitis illis Familiae Tuae splendoribus caruisses, Tu unus fuisses eorum amplitudinem, ac gloriam non aequiperaturus modo, sed longo superaturus intervallo. Et quidem propter egregias virtutes Tuas ad eum dignitatis apicem evectus es, ut paucos habeas pares, superiorem ve-

## DEDICATIO.

ro fere neminem: tantis praete-  
rea omnigenae eruditionis ad-  
miniculis imbutus, tantaque  
utriusque linguae cognitione in-  
structus, ut difficile dictu sit,  
utrum plus Tibi laudis afferat ae-  
quabile illud Tuum, ac ornatum  
dicendi genus, an veterum Scri-  
ptorum, ac numismatum monu-  
mentis veluti quibusdam lumini-  
bus distincta oratio. Testes sint  
Ecclesiastica illa Graecorum Offi-  
cia, de quibus tanta veterum  
Patrum ubertate differuisti, quasi  
omnem aetatem Tuam in sacro-  
rum voluminum lectione posue-  
ris. Testes, & illa Tua Corcy-  
rae Primordia: quam multa sunt  
de illa Insula & gravia, & utilia  
a Te accurate copioseque con-

## DEDICATIO.

tra Marmoram, Spanhemium,  
aliosque disputata? Ita ut om-  
nem monumentorum copiam,  
quae ex Homero, Apollonio,  
aliisque Graecis Scriptoribus, ac  
nummis peti poterat, penitus  
exhausisse videaris. Evidem &  
Corcyraeos existimo, cum ea,  
quae a Te de eorum patria tra-  
dita sunt, legissent, admirabilem  
ingenii Tui vim subspexisse, Ti-  
bique Italo Antistiti honorem  
tribuisse meo judicio longe ma-  
ximum, ut omnem de ritibus  
controversiam, de quâ tamdiu di-  
sceptaverant, Tuæ curae, atque  
integritati componendam com-  
mitterent. Quod quidem opus  
magnum plane, ac difficillimum  
prudentissime a Te, & summa-

cum

D E D I C A T I O.

cum laude confectum est. Quum  
vero Brixiensi Ecclesiae praefe-  
ctus fuisses, tantum operaे in ea  
excolenda posuisti, ut & Graecos  
caracteres advehendos curaveris,  
Graecaeque linguae magistrum  
magno evocatum stipendio con-  
duxeris, juvenumque animos ad  
virtutem erexeris, atque inflam-  
maris. Quid enim nunc com-  
memorem Litteraturae Brixianae  
Specimina? In quibus improbo  
labore, acerrimoque ingenio id  
adsecutus es, ut ea litteris man-  
dares, quae nec ante erant nota  
hominibus doctis, & erant co-  
gnitione dignissima. Atque ut  
ostenderes, quam par esses in sa-  
crae eruditionis facultate, & vete-  
res Ecclesiae Tuæ Patres in unum

volu-

D E D I C A T I O .

volumen redactos edidisti , & lu-  
culentissimam Ephraem Syri ope-  
rum editionem omni elaboratam  
industria adgressus es ; ita ut in  
quibus studiis tantum temporis ab  
initio tribuisti aetatis , in iisdem  
nunc gravissimorum munerum  
molestias honestissime deponas .

Quae cum ita sint , PRINCEPS EMI-  
NENTISSIME , mirum non est , si  
amplitudinis Tuae gloria excita-  
tus hoc qualemcumque tandem sit  
industriae meae monumentum  
Tuo potissimum Nomi*n*i*c*onse-  
craverim : cum praesertim id  
efflagitare videretur LEONARDUS  
ip*s*e , qui admirabilium Virtutum  
Tuarum fulgore invitatus in si-  
num Tuum evolare gestit . Sperat  
enim eadem Te benevolentia ex-

D E D I C A T I O .

cepturum suarum epistolarum  
munusculum, quâ praestantissimi  
olim Cardinales, idest Tui simil-  
limi eas scribentem, dictantemque  
prosequi dignati sunt. Hunc ita-  
que serena fronte laetus excipe,  
qui se totum Tibi tradit; dum  
nos interim Deum obsecramur,  
ut Te diu sospitem servet ad  
Religionis Catholicae, & littera-  
rum incrementum.

Dabam Florentiae Nonis Mar-  
tiis MDCCXXXI.



logum subjunximus. Dolendum sane est, quod ex Annalibus Sozomeni Praesbyteri Pistoriensis ea pars exciderit, quae ab an. 1410. ad annum 1450. producta fuerat. Nullus enim dubito, quin multa de Leonardo nostro nos edocuisset hic auctor synchronus, quum ad 1370. natalem Arretini annum copiosius in ejus se obitu dicturum pollicitus esset. Sed dolorem meum leniit Oratio elegantissima, quam in Templo S. Crucis ante cadaver habuit Jannotius Manettus Eques Aureatus, & Ambrosii Camaldulensis discipulus, qui propter Linguae Latinæ, Graecæ, & Hebraicæ cognitionem Trilinguis a Verino nuncupatus est, de quo plura pag. IV. seq. Italiae Orientalis Cl. Wolfi notis illustratae Celeb. Paulus Colomesius. Hanc Manetti Laudationem memoraverant jam Naldus Naldius in vita ejusdem Manetti, quam Tom. IX. Thes. Script. Ital. ediderat P. Burmannus, & ex Cod. MSS. Bonagiuntae Manetti Cl. Ludovicus Antonius Murratorius Tom. XX. Script. Ital. Naldo addendi Ammiratus, Pocciancius, Julius Niger, Oudinus, Fabricius, Zenus, ac Philippus Labbeus, qui in Append. Bibl. MSS. suppl. V. pag. 237. tradit in Cod. MS. Gabrielis Naudaei esse quinque orationes Jannotii Manetti, quarum prima funebris est, ea scilicet, quae dicta fuit in solemini Leonardi Are-

tini Historici, Oratoris, ac Poëtae Laureatione. *Inde orationis principium exhibet, quod tale est: Si immortales Musae, divinaeque Camoenae praestantissimi cives, &c.* Eamdem quoque delitescere Oxonii Cod. XV. Collegii Lincolniensis colligitur ex Part. 2. Catal. Cod. mss. Angliae, & Hiberniae pag. XXXX., ubi Jannotii Manetti oratio funebris in solemni Leonardi Aretini Laudatione. Quum hanc sedulo perquirerem, ac Bibl. MSS. excuterem, eam reperi in Cod. Chart., quem possidet Illustriss. & Reverendiss. Salvinus Salvinius Canonicus Florentinus, atque Antonii Mariae Salvini Viri summi Frater optimus, atque doctissimus, qui MSS. Codicem humanissime mihi exscribendum tradidit. Eamdem quoque adservat Cod. MSS. Bibl. Illustrissimi, & Reverendissimi Gabrieли Riccardii Marchionis, & Canonici Florentini, e cuius Museo longe locupletissimo plura in hac sylloge producentur. Itaque et si adeo prolixa sit, ut merito a Naldo Liber nuncupetur, integrum tamen Auditoris vitae subjungere voluimus, quum scripta fuerit tanto cum ornatu verborum, atque tanta cum sententiārum gravitate, ut ex ea non modo summus honor ad scriptorem veniret, verum etiam is dies, quo recitata fuit, universae Civitati honestissimus haberetur, ut idem Naldius luculentissime testatur. Et quidem Alaman-

mannus Luna in Epist. adhuc inedita ad Jan-  
notium Manettum Virum, ut ipse eum nomi-  
nat, Litteratissimum. Laudationem, inquit,  
praefantissimi Leonardi nuper a te habitam  
per hunc meum puerum remitto, quam a  
vertice ad calcem, ut aiunt, usque diligen-  
ter, accurateque perlegi, & eam tanta co-  
pia, ac suavitate refertam esse conspexi, quod  
procul dubio propriis eam manibus transcri-  
bere non praetereundum esse putavi, & apud  
me semper ipsam detinebo. Nam huic no-  
stro admodum Leonardo tantas laudes, praec-  
claraque facinora tribuis, quantas, & vir-  
tus sua postulat, & meretur, &c. & plura  
alia his simillima congerit. Aliam quoque  
funebrem Orationem dixit in obitu Leonardi  
nostrri Poggius Bracciolinus, quam ex veteri  
Codice MSS. Bibliothecae Colbertinae edi-  
dit Clariss. Stephanus Balutius Tom. III.  
Miscell. pag. 248., ac post Balutium recu-  
dendam curavit Tom. VIII. Thes. Script. Ital.  
P. Burmannus, eamque Hamburgensi Episto-  
larum Editioni praemisit Cl. Fabricius. Eam-  
dem & nos Manetti Laudationi subjecimus.  
In MSS. Cod. Chart., ubi nonnulla Landini,  
Campani, aliorumque carmina, & epistolae  
continentur, se se mibi obtulit Elegia quae-  
dam Caroli Arretini, quam in obitu Leonardi  
composuit, idemque esse puto, ac Elogia Ca-

roli Arretini, quae in Bibl. Mediolanensi exstare tradit Cl. Montfauconius, vel Caroli Arretini in obitu Leonardi Arretini funebre elegium, cuius meminit ex Cod. 80. Bibl. Lincolniensis Cas. Oudinus Tom. 3. de Script. Eccles., sive Laudes Leonardi Arretini, quas pag. 119. Script. Florent. recensuit Julius Niger, & ex Nigro Lib. 2. Bibl. med. & Inf. Lat. eruditissimus Albertus Fabricius. In Bibl. quoque Gabrielis Naudaei delitescebat Caroli Arretini Elegia pro obitu Leonardi Arretini viri doctissimi ad Benedictum Jurisconsultissimum ut pag. 61. Bibl. MSS. tradit Labbeus. Verum quum ea edita fuerit Tom. VI. Lat. Poëtarum Inlustrium, qui Florentiae an. 1720. excusi sunt, heic omittendam duximus, eo praesertim consilio, quod prolixitate sua molestiam potius, quam jucunditatem adlatura esset. Habet, Candide Lector, omnem curam, industriam, sedulitatemque nostram, quam in adornanda hac nova Epistolarum editione posuimus, eamdemque operam ponemus in aliis, quae deinceps sequentur. Sed quoniam ex nonnullis ejusdem saeculi scriptoribus paucae supersunt epistolae, & bac sane brevissimae, ut volumen confidere non possint; hinc nos postquam amplissimis collectionibus defundi fuerimus, nostrum ad has Studium potissimum conferemus, producemosque aliqua volumina, quae inscriben-

bentur Miscellanea Epistolarum, in quibus  
multiplices illae variorum Auctorum epistolae  
ordine chronologico digestae legentur. At de  
his plura fortasse, quam nolle. Tu fruere,  
Lector Benevole, & vale, &c.







# LEONARDI BRUNI

## V I T A.



*Leonardus ex Gente Bruna ab Arretio Etruriae civitate, in qua natus est, Arretini cognomen obtinuit. Natum fuisse anno MCCCLXX. scribit Matthaeus Palmerius in Libello de Temporibus, quem magna ex parte adhuc ineditum, & ex autographo an. MCCCCCLVIII. exscriptum adservat Cod. membr. Abbatiae Florentinae Monachorum Casinensium, de quo Cap. XXV. Diarii Italici Cl. Montfauconius. Palmerii verba ad an. MCCCLXX haec sunt: *Leonardus Brunus Historicus Aretii nascitur.* Vossius V. Cl. quum Lib. III. de Hist. Lat. Cap. V. Palmerium produxisset, ea ad an. MCCCCCLXX. adnotata fuisse perperam adseruit, quem operarum potius typographicarum, quam Vossii errorem animadverit Celeb. *Apostolus Zenus Tom. IX. Ephem. Venet.* Sozomenus quoque *Praesbiter Pistoriensis,* &*

auditor synchronus paria cum Palmerio tradiderat in Chron: cuius specimen Tom. XVI. Script. Italic. edit. Cl. Ludovicus Muratorius: *Leonardus Brunus*, habet ille ad an. MCCCLXX. qui *Florentini populi historias scripsit*, *Aretii nascitur*, de quo *infra dicetur plenius in obitu suo*. Laurentius tamen Bonincontrius Miniatensis ejusdem aetatis scriptor anno MCCCLXVIII. ortum fuisse scribit in Annalibus, quos eruit Tom. XXI. Script. Ital. idem Muratorius vir doctissimus. Anno Gratiae MCCCLXVIII Leonardus Brunus *Aretii nascitur vir singulari doctrina litteris graecis, & Latinis eruditus*. Haec Bonincontrius, de quo minime laborandum existimo, quem quoquomodo poterat & poëmata scripserit, & Historiam, ut optime de eodem observavit pag. 54. *Dialogi sui Paulus Cortesius*. Sed ab his quos diximus, dissentit Jannotius Manettus, qui de natali Leonardi anno verba faciens in ea oratione, quam *infra produximus*: *Leonardus noster*, inquit, *Aretii antiquissima, ac nobilissima urbe, & jampridem quorundam mirabilium ingeniorum productrice*, ut a prima ejus origine ordiamur, *trecentesimo sexagesimo nono supra millesimum Christianae salutis anno bonellis quidem, sed non admodum generosis parentibus cum egregiis quibusdam naturae muneribus feliciter nascitur*. Pater ei fuit *Franciscus Brunus*, quod intelligitur ex *Colucii epistola haec tenus inedita*, quae inscribitur: *Leonardo Cecco Bruno Aretino*, ut etiam ex altera ipsius Leonardi, quam nos nunc primum ex Cod. MS. erutam Num. VIII. Lib. X. edidimus: ex qua etiam constat eumdem *Franciscum obiisse*, tum cum *Leonardus adolescens esset*. Genere vero minime claro prognatum fuisse, sed a se ipso sibi nominis claritatem, & generis nobilitatem peperisse innuit his verbis *Poggios*: *Et genere Leonardus minime*

nime claro fuit. Sed quod natura non attulit, virtus elargita est. A se ipso enim nominis claritatem, ac generis nobilitatem traxit, quae vera est, & perfecta nobilitas. Ejus quoque patentes honestos quidem, sed non admodum generosos a Manetto adpellatos fuisse supra vidimus. In Bibl. Mediceo-Laurentiana Plut. LII. Cod. Chart. Num. V. adseratur Leonardi nostri invectiva ita inscripta: Leonardi Florentini oratio in nebulonem maledicuum. In ea praeter alia legitur: Genus igitur meum qua ratione spernis? Parentes enim habui, ut leviter dicam, ingenuos, & honestos; addo etiam, siquid ad hanc rem id pertinet, nec illocupletes, & cunctis honoribus in libera civitate perfunditos. Quamobrem etsi e genere minime claro fuerit, ex iis tamen parentibus ortus est, qui in libera civitate non solum non ignoti erant, quum ad omnes honorum gradus evecti fuissent, verum etiam inter primos adnumerabantur. Is ab ineunte adolescentia in patria Latinis litteris imbutus est, cumque ab hostibus captus in honesto quodam carceris cubiculo detineretur, ubi Petrarchae imago depicta erat, tanto studiorum ejus ardore inflammatus est, ut non multo post Florentiam se contulerit, in qua uberior discendi facultas, & amplior consequendae laudis campus esse videbatur: Quae Poggii verba sunt. Cum Florentiae moraretur, Leonardi ingenio faces veluti quasdam admovit Jo: Ravennas Grammaticus, ac Rhetor ea aetate celeberrimus, qui Petrarcham senem puer novit, atque ut ex Leonardo percepit Blondus, primus fuit, a quo eloquentiae studia tantopere tunc florentia longo postliminio in Italiam fuerint reducta. Quinimo sub eodem Grammatico Eloquentiae operam dedisse ex his Blondi verbis ostenditur: Hic enim, scribit idem Blondus de Jo: verba faciens, suopte ingenio

nio, & quodam Dei munere, sicut solitus fuit dicere Leonardus, eum, Petrum Paulumque Vergerium, Omnebonum Schola Patavinum, Robertum Roffum, & Jacobum Angeli filium Florentinos, Poggiumque, Guarinum, Victorinum Feltrensem, ac alios, qui minus profecerunt auditores suos, si non satis, quod plene nesciebat, docere potuit, in bonarum, ut dicebat, litterarum amorem, Ciceronique imitationem inflammabat. Sed ad Leonardi eloquentiam magnum sane adjumentum adulit *Colucius Salutatus* vir optimus, atque sapientissimus, qui Cancellarii officio apud Florentinam Remp. summa cum laude fungebatur, ac fatente *Poggio communis doctorum omnium parens*, atque educatur babebatur. Hic itaque Leonardum jam tum patre orbatum tamquam filiumcepit; Leonardus vero parentis loco *Colucium* semper habuit, ita ut alicubi patrem, ac praceptorum suum adpellet. Quanta autem eloquentiae vi, ac copia ab hac nova consuetudine utriusque ingenium auctum sit, difficile dictu est, praestatque ex ipsius *Colucii* verbis hoc percipere, qui in *Epist. ad Innocentium VII.* mutua illa studia sic describit: *Cum enim ipsum jamdiu recepisse in filium, ipse se totum conversatione domestica michi dederit, totum agnoscō, totumque discussi, nec me potest in aliquo tanto tempore latuisse. Continua, & studiosa ejus consuetudo fuit, & cum de cunctis, quae componerem, judex esset, & ego suarum rerum arbiter versa vice, nos mutuo, sicuti ferro ferrum acuitur, exercebamus, nec facile dixerim, & ex hoc dulci, & honesto contubernio uter nostrum plus proficerit. Uterque tamen eruditior evasit, ut fateri oporteat, mutuo nos nobis fuisse vicissim discipulos, & magistros.* Plura ad eundem Pontificem his similia scripsit *Colucius*. Suspicatur *Jacobus Lenfantius* in *Ep. ad Cl. de la Motte*

Motte, inserta Tom. I. Bibl. Germanicae Art. V. duos  
 Colucios existisse, qui Populi Florentini scribae fuerint & junioris familiaritate Leonardum usum fuisse.  
 Nam postquam ea ipsa Colucii verba ad Innocentium VII. adulit, haec comminiscitur: Il semble, qu' on  
 puisse conclure de cette lettre, que si d'un côté Colucci profitoit des lumieres de Leonard par rapport  
 aux belles lettres, de l'autre il avoit sur Leonard cette superiorite, que donne l'age, & l'experience.  
 Ce qui pouvoit bien etre de L. Colucius Salutatus, quand mème ce ne seroit pas celui, qui écrivoit en  
 1378., puis qu'en 1404. Leonard Aretin n' avoit, que dix-sept-ans. Ce, qui semble déterminer à croire,  
 que ce sont deux personnages differens de la même famille, c'est, que le P. D. Mabillon nous apprend,  
 qu'il avoit vù dans l' Abbaye de Vallombrosa un ouvrage manuscrit de Colucius Pierius de Stignano  
 Chancellier de Florence touchant le siecle, & la religion. Il n'y a nulle apparence, qu'un même homme se donne des nom differents dans ses ouvrages, sur tout, quand il y met son nom de famille, & qu'il ne paroît point par consequent, qu'il ait voulu se cacher.  
 Haec more suo, idest ineptissime Lenfantius. Nam Jo: Mabillonii verba leguntur Tom. I. Itin. Ital. pag.  
 181., & hujusmodi sunt: Multae sunt ibidem aliae  
 Beatorum Domesticorum Reliquiae, quorum elogia Hieronymus Radiolensis vulgo de Reggiola ejusdem loci  
 Monachus scripsit ad Laurentium Medicem. Hic codex haud vulgatus superest in Bibliotheca cum aliis  
 nonnullis, uti & Colucii Pierii de Stignano Cancellarii Florentini Libri duo de Saeculo, & Religione  
 ad Hieronymum de Uzano Camaldulensis Ordinis Monachum Florentiae apud Sanctam Mariam de Angelis,  
 quem Hieronymum in saeculo Nicolai nomen tulisse  
 idem auctor tradit. Ita Mabillonius, qui hoc, ut  
 puto

puto, adnotavit, ut Possevinum illustraret, apud quem Tom. 2. Appar. pag. 55. legitur, *Colucium de vera Religione scripsisse*. Sed quid ex his *Mabillo-nii* verbis erui possit, quo suffultus *Lenfantius Colucium Pierium de Stignano* diversum a L. *Colucio Salutato* esse conjiciat, haud equidem video; imo eundem esse testantur MSs. Codices, in quibus legere est L. *Colucius Pierius Salutatus de Stignano*, ut praeter alios prae se fert Codex *Pergamenus Bibl. Menarfianae*, ut ex ejus catalogo pag. 159. didicimus. Porro labitur idem *Lenfantius*, dum L. *Colucius*, interpretatur *Lucius Colucius*, quod etiam ante *Lenfantum* perperam fecerat Cl. V. *Stephanus Balutius* quum Tom. IV. *Miscell.* pag. 510. ex Cod. 1562. *Bibl. Colbertinae Colucii* epistolam ad *Nicolaum de Auximo* edidit. Nam *Linum*, non *Lucium* legendum esse non solum ostendunt MSs. Codices, sed etiam ipsem *Leonardus*, qui quum in Ep. VIII. lib. X. *Colucium* inrideat, quod jam senex se *Linum* nuncupare incooperit, ita jocatur: *Itaque nescio, an graviter a te sumptum Linum vocabulum*. Cum enim *Colucius Salutatus bellissime* dicatur secundum antiquos, qui *nomina*, aut *cognomina* babuerunt, nec *linum*, nec *stupam* adjungere necesse fuit ad tuum nomen illustrandum. Praeterea an. 1404. *Leonardus* non agebat annum decimum septimum, ut parum considerate scribit *Lenfantius*, sed trigesimum quartum, cum an. 1370. ut supra diximus, natus sit; neque illa *Colucii* epistola ad *Innocentium VII.* scripta fuit an. 1404., sed Mense Mayo an. 1405., cum *Arre-tinus Pontificiarum epistolarum Magister* electus est. Sed ut revertamur, unde digressi sumus, adeo *Colucii* exemplo, atque adhortationibus erectus est *Leonardi* animus, ut in Ep. XI. Lib. 2. ad *Bonifacium*, aliosque *Colucii* filios missa fateatur: *Quod graecas*

eras didici litteras, Colucii est opus. Quo<sup>t</sup> latinas non leviter inspicerim, Colucii est opus. Quid poëtas, quod Oratores, quod Scriptores ceteros legerim, didicerim cognorim, Colucii est opus, &c. Eloquentiae praeceptis satis instructus, ad Philosophiam animum applicuit, & Aristotelis Libros sic audivit, ut etiam publice de iis disputationes ex ordine studiorum sustineret, solidoque biennio ab illius disciplinae magistris incredibili aviditate imbutus est. Consule epist. XX. Lib. IV., ubi ea, quae diximus, iisdem pene verbis reperies. Postquam in dialecticis biennium posuerat, ad jus civile cognoscendum se contulit, quumque in hoc quadriennium jam insumpsisset multumque profecisset, an. 1399. *Manuel Chrysoloras* magno conductus stipendio Florentiam venit, quem ab an. 1396. Venetiis commorantem Nicolao Nicolo, *Colucio Salutato*, ac Jacobo Angeli adnitionibus invitaverat Florentinorum Respublica. Hinc Bonincontrius ad an. 1399. *Emmanuel Chrysolora Byzantius* per id tempus litteras graecas in Italiam adduxit, quae septingentis jam annis in Italia desierant cognosci. Hic patria a Turcis obsessa Venetiis salario illas edocebat. Deinde magno pretio a Florentinis conductus juvenes eorum publice erudiebat. Cum itaque ludum aperuisset *Chrysoloras*, quamplurimos auditores nactus est; inter quos praestiterunt *Robertus Ruffus*, *Pallas Onupbrii filius Stroza*, *Jacobus Angeli*, ac *Petrus Vergerius Justinopolitanus*, qui Patavio, ubi florebat, ad *Emmanuelem* audiendum se contulerat. Novae linguae inlecebris adliciebatur *Leonardus*, totumque se *Chrysolorae* tradere exoptabat; sed, ut ait *Manettus*, deferendorum studiorum suorum pudore commotus transfugii crimen expavescebat. Ego, inquit ipsem *Leonardus* in Comment. per id tempus Juri civili operam dabam,

non

non ruditam tamen ceterorum studiorum. Nam & natura flagrabit disciplinarum amore, & Dialeticis, ac Rhetoricis non segnem operam impenderam. Itaque in adventu Chrysolorae anceps factus sum, quum studium juris deserere flagitiosum ducerem, & tantam occasionem litterarum graecarum ediscendarum praetermittere scelus quodammodo arbitrarer, saepiusque ipse ad me juvenili motu inquietabam: Tu quum tibi liceat Homerum, Platonem, & Demosthenem, ceterosque Poetas, & Philosophos, & Oratores, de quibus tanta, ac tam mirabilia circumferuntur, intueri, atque una colloqui, ac eorum mirabilis disciplina imbuiri, te ipsum deserere, atque destitues? Tu occasionem hanc divinitus tibi oblatam praetermittes? Septingentis jam annis nemo per Italiam graecas litteras tenuit, & tamen doctrinas omnes ab illis esse confitemur. Quanta igitur vel ad cognitionem utilitas, vel ad famam accessio, vel ad voluptatem cumulatio tibi ex linguae bujus cognitione perveniet? Juris quidem civilis doctores passim complurimi sunt, nec te deficiet unquam discendi facultas. Hic autem unus solusque litterarum graecarum doctor, si e conspectu se auferet, a quo postmodum ediscas, nemo reperietur. His tandem rationibus expugnatus Chrysolorae me totum tradidi tanto discendi ardore, ut quae per diem vigilans perceperissim: ea nocte quoque dormiens agitarem. Haec ille: quem tres circiter annos in graecis litteris sub Chrysolora insumpsisse auctor est Manettus; atque ipsem in iisdem Commentariis supra biennium ab eodem se fuisse institutum tradit. Cum autem Florentiam reliquisset, & Mediolanum ad Imperatorem suum se contulisset Chrysoloras, ne id, quod ex praceptorre acceperat, dedisceret, sed potius augeret, in graecorum librorum versione elaborare coepit, sermonemque Basili ad discipu-

*cipulos instituendos*, tam apte, atque ornate trans-  
tulit, ut summam nominis gloriam consequutus sit.  
Sed cum res domi angusta ejus conatibus obstatet,  
inopia pressus ad juris civilis cognitionem se referre  
necessitate coactus est. Inter haec *Poggiius Braccio-*  
*linus maxima cum Leonardo nostro familiaritate con-*  
*junctus a Bonifacio IX.* tunc Pontifice Romam evo-  
catus, non multo post, anno scilicet 1403. Epistola-  
rum Apostolicarum scriptor factus est: cumque an.  
1404. diem obierit *Bonifacius*, suffectusque fuerit *In-*  
*nocentius VII.*, tunc *Leonardus Poggium* per litteras  
obtestatus est, ut aliquid sibi munus in Romana Cu-  
ria cum utilitate, honestateque conjunctum compa-  
raret. Ut amici postulationibus satisfaceret *Poggiius*  
duorum praesertim opera, qui Pontifici proximi erant,  
utebatur, ac *Leonardum extollendo*, ejusque scripta  
eisdem ostentando id adsecutus est, ut ille licet igno-  
tus Romam accersiretur. *Poggii litteris Romam ac-*  
*cusitus ad VIII. Kal. Apriles ad Urbem pervenit*, ut  
ipsemet scripsit ad *Coluctum Epist. I. Lib. I.*, quod  
incidit in an. MCCCCV., non in an. MCCCCIV.  
ut pag. XI. *Poggian.* tradit *Jacob. Lenfantius*, eumque  
fecutus *Cl. Fabricius Lib. 2. Bibl. Med.*, & *Inf-*  
*miae Latin.* Nam mense Martio an. MCCCCIV. vi-  
vebat adhuc *Bonifacius IX.*; *Innocentius* vero *VII.*  
an. MCCCCIV. mense Octobri Pontifex electus est.  
Ut primum Pontificis adeundi copia facta fuit, eidem  
se exhibere non omisit, qui adeo junior *Innocentio*  
visus est, ut rumor per Urbem diffunderetur, a  
Pontifice ob aetatem rejectum fuisse. Romae tunc  
versabatur *Jacobus Angeli filius*, quem *Jacobum An-*  
*gelum Rinuccinum fuis.* ex Cod. MSs. Bibl. Regiae  
innuit *Labbeus suppl. VIII. Bibl. MSs.* pag. 317., &  
ex *Labbeo Lib. IX. Bibl. med.* & *Inf. Lat. Cl. Jo. Al-*  
*bertus Fabricius.* Quisquis is sit (nam *Jacobum*

*Angelum apud Labbeum sejungendum arbitror a Rinnuccino, intelligendumque de Alamanno) summam graecae linguae cognitionem habuit, quam sub Chrysolora Florentiae hausit, ac Cnei Pompeii vita ab eo traducta exstat in Biblio. Mediceo-Laurentiana Plut. LXV. Cod. membr. num. XXVII. adservatque Bibl. Marciana in Cod. membr. Cosmographiae Ptolemaei Libros VIII., quos Jacobus Angeli e greco transtulit, ac Beato Papae Alexandro V. nuncupavit. Summa quoque eloquentiae vi praestitisse testatur elegantissima epistola, quam ad Emmanuel Chrysoloram praceptorum suum de Gregorii XII. electione conscripsit, atque ea adhuc delitescit in Bibl. Sanctæ Crucis Plut. XXII. Cod. membr. num. IX., ejusque meminit Tom. I. Itin. Ital. pag. 162. vir eximius Joann. Mabillonius. Is itaque graecis, latinisque litteris probe instructus, & Leonardo natu major, & quadriennio jam solido in Curia commoratus acerrime petere incepit, nihilque intentatum omisit, ut ipse dignitatem adipisceretur, animumque Pontificis adeo ambiguum reddidit, ut mensis fere totus elaberetur. Interea litterae ex Gallia a Duce Biturigenium ad Pontificem adlatae fuerunt. Tum Patres eum cohortati sunt, ut respondendi provinciam ambobus committeret: ita enim cognituros, uter utri praestaret. Quid postea factum sit, ex ipsius Leonardi verbis ad Columbum Epist. II. Lib. I. scribentis audiamus. Rescripsi, inquit, uti praeceptum fuerat, biduoque post constituto tempore meae illiusque litterae Pontifici, Patribusque recitatae sunt. Quibus lectis quantum interesse visum sit, nescio: illud tantum scio, fautores illius, qui tam arroganter illum michi praeferebant, aperte jam confiteri, se falsa nimium opinione ductos errasse. Pontifex certe ipse michi statim gratulatus,*



# CANDIDO LECTORI

LAURENTIUS MEHUS S. P. D.



Rigesimus octavus agitur annus, ex quo Vir Clar., & de Rep. Litteraria optime meritus Anselinus Bandurius novam Epistolarum syllogen pollicitus est, in qua & Francisci Petrarcae, & Colucii Salutati, & Leonardi Arretini, aliorumque literarum gloria praestantium epistolas ex Codd. mss. tunc primum erutas edidisset, ejusque propositum tam laudabile potefecerant jam ab anno 1703. Mense Septembri Diarii Trevoltiensis Auctores. Sed ad hoc, quod moliebatur, opus curis aliis dicuntur nrauam se adcinxit, doctissimorumque

Tom. I.



19-

hominum spem, quam tamdiu sustentaverat,  
adimplere neglexit. Et tamen nihil umquam  
utilius excogitari poterat, nihil praestantius,  
quam tantorum Herorum Epistolas in Bibl. MSS.  
pulvere delitescentes in lucem producere, qua-  
rum elegantiam si speles, ea summa est, si ve-  
ro argumentum consideres, historicum plerum-  
que, ac multiplex, ita ut ex iis, & littera-  
rum jam tum reviviscentium incunabula, &  
Principum, ac Populorum res gestas summa cum  
voluptate percipiamus. Quod cum ego ani-  
madverterem, optimeque nossem, quam felicite  
hujusmodi cimelia a Cl. Viris Jo: Mabillonio  
Bernardo Montfauconio, Petro Lambecio,  
Stephano Balutio, Edmundo Martene, Ur-  
fino Durand, aliisque perquisita, atque e te-  
nebris erepta fuerint, meam quoque operam,  
qualiscumque ea tandem futura sit, ad hanc  
spartam conferre decrevi, & quid valeant hu-  
meri mei, quidve recusent, experiri. Itaque  
amplissimam earumdem epistolarum conlectio-  
nem aggredior, magnum profecto opus, quis  
neget? Sed tibi, ut spero, haud displiciturum  
Nunc vero consilium meum paucis accipe. Ex  
epistolis Virorum saeculo decimoquinto Inlu-  
strium nonnullae sunt, quae typis editae cir-  
cumferuntur, plurimae vero in Codd. MSS. ad-  
huc latitant. Has publici juris facere utilif-  
simum, ac praestantissimum esse satis perspicuum

ar-

arbitror, nec dubitandi relinquitur locus. Quis enim bonarum litterarum amore inflammatus non gestiat contemplari in his epistolis, ac veluti intueri animatam, ut ita dixerim, effigiem Co-lucii Salutati, Bartholomaei Fontii, Francisci Barbari, Candidi Decembrii, aliorumque quamplurimorum, quorum tantum est in litteris nomen? Illae vero, quae typis excusae fuerunt, rarissimae sunt, innumeris praetererea mendis adeo inquinatae, ut quid sibi velint vix Oedipus ipse intelligeret. Testes sint elegansissimae Antonii Campani epistolae, in quibus emaculandis per litteras elaborarunt Cl. duumviri Daumius, & Reinesius, medicamque postremo manum adplicuit Cl. Burchardus Menckenius. Multa tamen σφάλματα adhuc supervent, & cum ope Codd. MSs. pristino eas nitori restituerim, quis michi jure succenseat, si rursus excudendas curavero? Jo: Albertus Fabricius (at qualis, & quantus vir?) novam editionem Epistolarum Leonardi Arretini an. 1724. elaboravit. Quae prodiit Hamburgi, formamque, ut ajunt, octavi praefere fert. Haec vero nibilo minus inquinata est, & ut specimen degustationis loco tibi adponam, in Epist. VIII. libr. IV. legitur in Edit. Fabriciana: Quo ergo facilius, eo minori conatu maxime delectaretur rogatus, in quid laudes meas apte concinneret. Nulla plane sententia. Le-

*ge ex Codd. MSS. Quo ergo facilius, eo mi-*  
*nori conatu opus est ad id, quod volumus*  
*assequendum. Nam & Themistocles ille sum-*  
*mus vir quonam cantu maxime delectaretur*  
*rogatus, ejus inquit, qui laudes meas apte*  
*concineret. Et Epist. XXII. Lib. IV. Nec*  
*sane in vobis reprehendo, quod tam leviter*  
*de rebus incognitis judicium proferatis. Cum*  
*scripscerit Leonardus, ut patet ex MSS. Nec*  
*id sane in vobis reprehendo: non est enim cu-*  
*jusque ista discernere; sed id reprehendo,*  
*quod tam leviter de rebus incognitis judi-*  
*cium proferatis. In Epist. vero VIII. Lib. I.*  
*ad Nicolaum Nicolum: Verum ego laboratu-*  
*rum quidem me, ne id contingat polliceor*  
*praestaturum: Sed verba Leonardi haec sunt:*  
*Verum ego laboraturum quidem me, ne id*  
*contingat, polliceor; praestaturum vero non*  
*polliceor. Omitto confusam periodorum di-*  
*stinctionem, orationis membra passim non in-*  
*tegra, sed mutila, ac barbare truncata, alia*  
*etiam pro aliis substituta, alia praetermissa,*  
*nonnulla vero adeo corrupta, ut si revivisceret*  
*Leonardus, suas esse epistolulas sedulo negaret.*  
*Quae cum ita sint, omnem operam, curam,*  
*cognitionemque meam in id contuli, & con-*  
*feram, ut quae editae sunt, ad fidem Codd.*  
*MSS. recensentur, iisque adjungantur, quae*  
*publica nunquam luce donatae fuerint. Id au-*  
*tem*

A D L E C T O R E M . v

tem omne praestitimus in Epistolis ejusdem Leonardi, quas primas omnium nunc prodire jubemus. Harum editiones duas exstitisse scribit Julius Niger in Hist. Script. Florent. pag 353. Augustanam videlicet apud Knoblochium an. 1521., & Basileensem apud Henricum Petri an. 1538. His tertiam adjecit Cl. Fabricius Lib. 2. Bibl. med. & Inf. Lat., eaque est Hamburgensis, quam ipse an. 1724. Hamburgi edidit. Sed aliam harum omnium vetustissimam nobis recensuit Tom. XXV. Memor. Niceronus, quam ab Antonio Moreto Brixiensi, & Hieronymo Alexandrino an. 1493. prodiisse scribit. In quo deceptus est vir Cl. Nam cum id acceptum referat Annalibus Typographicis Michaëlis Maittairii, bujus verba Tom. I. Annal. ad an. 1495 haec sunt: Leonardi Arretini Epistolae Familiares per Antonium Moretum Brixensem, & Hieronymum Alexandrinum fol. Haec Cl. Maittarius, qui an. 1495., non 1493. veterem epistolarum editionem excusam fuisse tradit. Altera tamen recensenda est, & ea quidem longe vetustior, atque a Jul. Negro, Jo. Fabricio, Michaële Maittario, aliisque praetermissa, quae an. 1472. lucem adspexit. Simillima, imo eadem est, atque illa, quam an. 1495. editam fuisse diximus, ejusque curram suscepserunt Antonius Moretus Brixensis, & Hieronymus Alexandrinus, hi videlicet,

*qui superiorem illam praeclarissimam nobis derant. In utraque occurrit eorum Epistola ad Jacobum Zenum Episcopum ea aetate Patavinum, quae octavo Epistolarum Libro subiecta est, & quum nonnulla contineat, quae in rem nostram sint, eam heic adponere lubet.*

Reverendissimo in Christo Patri, & Domino  
Jacobo Zeno Episcopo Patavio Antonius  
Moretus Brixiensis, & Hieronymus  
Alexandrinus S. P.

**I**N emendandis, imprimundisque Leonardi Arretini epistolis, Patavine Pontifex, libenter tibi paruimus. Turpe enim erat tibi apprime erudito nolle perlibenter morem gerere, quum praesertim in hoc & satisfacere tibi, ac caeteris impense doctis, qui minus invidia obcaecantur, & Leonardi Lucubrationibus aliquam gratiam referre possemus, qui de nobis tam bene meritus est omnibus lingua Romanam colentibus. Quoi quae viro doctrina, & eloquentia sit, praeter aemulos omnes judicent. Doctissimi quoque omnes hujus viri admirabilem eloquentiam, ingenii acumen, verborum copiam, maiestatemque sententiarum intueri poterunt. Complectere igitur, Clementissime Pater, hilari fronte opus, cuius te jampridem cupiddissi-

diffimum intelleximus. Scimus tamen plerosque livore quodam debilitari. Sed qui volunt, legant. Nos vero quanti fecerimus, hinc cognoscitur. Nam quicquid nobis erat pecuniarum, laeti impendimus. Bene vale, & nos, ut soles, ama.

*Hanc itaque editionem cum non vidisset Cl. Fabricius, plus vice simplici deceptus est. Nam Lib. 3. Bibl. Med. & Inf. Lat. pag. 1122. indicat ex MSS. Codice epistolam Colucii ad Innocentium VII. haec tenus, ut putat, ineditam, quam Lib. II. ejusdem Bibl. pag. 798. integrum adulterat, cuius initium tale est. Innocentio Papae Linus Colucius Salutatus post humilem recommendationem, &c. Verum haec publica jam luce donata fuerat in Vet. Edit., quod animadvertere poterat ex Tom. I. Bibl. Germanicae Art. V., ubi Jacob. Lenfantius nonnulla ex illa Colucii epistola adfert, cum praesertim Lenfantium se vidisse fateatur ipsemet Fabricius. Praeterea Lib. 2. ejus, quam diximus, Bibl. pag. 802. postquam Editiones Epistolarum Leonardi recensuerat, haec addit. Ab eo tempore autem beneficio meritissimi viri Joachimi Negelein Pastoris ad S. Mariae, & Professoris Norimbergensis evolvi codicem MSS., qui non modo editas illas epistolas pluribus locis emendatores exhibebat, sed etiam epistolas adhuc*

ineditas LII. quas ad praelum paratas ad nos misit, eisque libellum de Temporibus suis ex editione antiqua Veneta subjungi laudatus Negelinus voluit. Haec Fabricius, qui idcirco LII. epistolias abhuc ineditas se reperisse scribit, quod Codicem illum cum Edit. Basileensi contulerat. Sed si contulisset cum Edit. Vett. multo pauciores esse dixisset, quae ineditae abhuc essent. Nam in Vett. Edit. XXXVII. Epistolae leguntur, quae & in Augustana, & in Basileensi, & in Hamburgensi desunt. Nos vero in his epistolis recudendis Edit. Vett. expressimus, adeo ut nostra haec p[ro]a[ct]a Fabriciana longe locupletior evaserit. Duas tamen libri VII. ex Fabricio accepimus, quae fato nescio quo in Vett. illis omissae sunt. Porro σφίλματα, quae vetustas quoque Editiones occupaverant, omnia sustulimus ope Codd. MSS. quos magno numero consulavimus. Horum primus adseratur in Bibl. Mediceo-Laurentiana Plut. LII. Cod. VI. membranaceus ille quidem, & nitidissimo caractere exuratus, in cuius prima pagina elegantissima Leonardi nostri imago exhibetur. Titulus est: Incipit Liber Epistolarum Leonardii Arretini. Liber primus incipit foeliciter. Alter existat in eadem Bibl., eodemque Plut. num. VII. non membranaceus, sed chartaceus, ac nullo librorum numero insignitus. Tertius quoque ibidem delitescit, Cod. scilicet

XXIII. pariter Chart., atque initio mutilus: deest enim Epistola prima, ac dimidium secundae, ad calcem vero nonnullae desiderantur. In his tribus Codd. MSS., et si multas deesse viderim, quae in editis excusae sunt; aliquas tamen exscripti, quas nunquam e tenebris cruta-  
tas fuisse arbitror: illam puta ad Bernabam Seneensem, quae incipit. Multa continen-  
tur, &c. Ad Franciscum Piccolpassum: Ad-  
mirabiles profecto, &c. Ad Archiepiscopum Mediolanensem, eumdem videlicet Franciscum:  
Vidi exempla, &c. Ad Marcum Dandulum.  
Ego tuis ornatissimis, &c. ad Franciscum,  
Philelphum. In bonam quaeſo partem acci-  
pias, &c. Praeter hos tres Codices, alia MSS.  
exemplaria natus sum, quae non solum supe-  
riorum Codd. epistolas, sed etiam Librum no-  
num hac tenus ineditum mibi subpeditarunt.  
Ex his unum accepi a Cl. Barone Philippo Stosch  
Antiquariorum hujus saeculi facile Principe,  
qui ab Julio Gualtierio illud habuerat: alte-  
rum vero inveni in Bibl. Abbatiae Florenti-  
nae Monachorum Cassinensis Cod. nempe  
XXXXIII., in cuius fronte legitur: Leonardi Arretini Epistolarum Liber primus inci-  
pit feliciter. Alia duo mibi subministravit  
Bibl. Marchionum Riccardiorum, Cod. vide-  
licet N. I. XXI., & Cod. N. II. XVII. Ita-  
que quatuor illa MSS. exemplaria in charta ex-  
rata

rata sunt, librumque, ut diximus, nonum habent, qui epistolas XIII. continet: scilicet Ad Regem Aragonum, Laurum Quirinum, Nicolaum Cebam, Cyriacum Anconitanum, Cardinalem Columnensem, Leonardum Dathum, Andreoccium Petruccium, Jo: Tortellum, Baptisam Albertum, Alphonsum de S. Maria, sive de Carthagena Episcopum Burgensem, Jo: Cirignanum Lucensem, & Regem Aragonum, & hae quidem omnes ineditae sunt, si unam excipias ad Regem Aragonum, & alteram ad Cyriacum: primam, siquidem ad calcem editionis Hamburgensis editit Cl. Fabricius, aliam vero jampridem ex Cod. 4537. Bibl. Colbertinae eruit Tom. VI. Miscell. eruditissimus Stephanus Balutius. Nos autem horum Codd. ordinem religiose servavimus, multaque nos rationes movent, ut credamus, ab ipsis Leonardi autographo fuisse exscriptos. Nam quod epistolae in unum redactae volumen ab eo fuerint, non solum in Annalibus ad an. 1368. testatur Laurentius Bonincontrius, sed etiam Franciscus Poggius, Jannotius Manetus, ac Leonardus ipse in Epist. X. Lib. IX. ubi: cum intellexisset, inquit, quasdam promeis circumferri, quae meae non essent, conquirere illas coepi, & quas postea scriptissimam, servare, non tamen omnes, sed eas tantum, quae haberent in se narrationem rei non

non quotidianae. Porro hos, quos diximus Codd.  
exscriptos fuisse ex Auctoris autographo, plane ostendit MS. Chartaceus Epistolarum ejusdem  
Leonardi, quem possidet diligentissimus Typographeus noster Bernardus Paperinius, in cuius  
fronte legitur: Epistolae Divi, & Laureati  
Leonardi Aretini ex suis originalibus per  
Hieronymum Bartoli de Pensuero transum-  
ptae anni Domini MCCCCXXXIII. die  
X. Januarii Florentie. Is etsi ad calcem mu-  
tilus sit, idem tamen est, atque illi quatuor,  
de quibus nuper mentionem fecimus, si pauca  
tollas, & ea quidem non maximi facienda,  
ut pro Nicolao habet hic MS. Nicolao Nico-  
lo, vel de Nicolis, sive Nicolao Strozze:  
pro Nicolae, exhibet Nicolae de Medicis,  
& alia hujus generis quamplura. Cum hoc  
labore perfunctus essem, schedulasque meas ty-  
pographo traderem, indicavit Cl. Stoschio An-  
tonius Redius Arretii Codicem adservari, in  
quo librum nonum aliae epistolae nunquam edi-  
tae excipiebant Quamobrem humanissimum Re-  
dium precibus felicitare non destiti, donec a  
Mario Florio Patricio, atque Advocato Ar-  
retino hujus codicis possessore ejus exscribendi  
copia facta fuerit. Itaque voti compos factus, eas  
ad calcem rejici, librumque decimum ex his con-  
feci, quibus etiam addidi aliam epistolam &  
illam quidem elegantissimam de Origine Urbis

Mantuae ex Codd. membr. III., & V. Plut. LII. Bibl. Laurentianae, quam ad Jo: Francisco Gonzagam Principem Mantuanorum ab ejusdem familiaribus efflagitatus conscripsit ex Florentia VI. Kal. Junias MCCCCXIX. ut in fine ejus epistolae legere est. In Cod. VII. Chart. ejusdem Plutei alteram epistolam deprehendi, quae a Leonardo nostro mis- sa fuit ad Archiepiscopum Mediolanensem, Franciscum scilicet Piccolpassum, in qua Alphonso respondet. Nam Alphonsus de S. Maria, sive de Carthagena, quem nunc Alphonsum, nunc Episcopum Burensem in epistolis adhuc ineditis appellat Poggius, vir ea aetate doctissimus nonnulla in Aristotelis Ethicis a Leonardo in Latinam linguam conversis reprehenderat. Quae improbarat Alphonsus, defendere conatus est Leonardus in epistola ad eundem Archiepiscopum, quam nos Lib. VIII. num. IV. posuimus. Sed Alphonso non satisfecit, qui adversario reposuit Declinationes. Novae Alphonsi disceptationi objecit Arretinus epistolam, de qua verba facimus, incipitque Archiepiscopo Mediolanensi. Tu michi vi- deris optime Pater, &c. In altero Cod. Chart. ubi plures Panormitae epistolae leguntur, exstant nonnullae ad Jo: Marrasium Netinum Phi-losophiae, ac Medicinae Doctorem eximium, & Poetam celeb., de quo Pirrus, Mongito-  
rius

rius, Littara, Fabricius, aliquique. Hujus carmina, & ea quidem non pauca MSS. exhibent Codd. membr. LIII., & chart. L. Plut. XXXIV. Bibl. Mediceo-Laurentianae. Inter haec excellit carmen, quod inscripsit Angelinetus, poema scilicet amatorium elegiaco versu scriptum quod ab eo aetate jam confecto elucubratum fuisse perperam tradit Fazellus. Hoc autem Leonardi Arretini nomini consecravit, cuius proemium, quoniam ejusdem Arretini operibus lucem aliquam adfert, heic ex Codd. subjicere luet: Marrasii Siciliensis Poëtae ad eloquentissimum virum Leonardum Arretinum Praefatio in Angelinetum feliciter incipit:

Hunc Leonarde tuo volui obsignare libellum

Nomine, quo titulus luceat ipse magis.  
Si quo dandus honos graii, pariterque  
Latini

Eloquii, & quicquid laudis in orbe fuit:  
Si quo debetur fama immortalis avorum,  
Arrette tibi gloria prima manet.  
Effingis priscos nimia gravitate parentes,  
Et superas veteres tu probitate viros.  
Non solum dicant tibi se debere Latini,  
Verum & Argolici teque, tuosque collant.

Non minus in graium conversus sermo Latinus,

Quam

Quam graium per te lingua latina tenet.  
 Eloquitur lepida, ac ornata voce latinus  
     Factus Aristoteles, barbarus ante fuit.  
 Punica bella diu tot in annis mortua  
     vivunt,  
 Rex Cicero vivit, non moriturque Plato.  
 Quid recitem libros te traduxisse Pelasgos  
     Innumeros? totidem composuisse novos?  
 Italiae lumen, per te venere Camoenae  
     In Latium, per te dicta vetusta placent.  
 Indulgere velis nostro Arrette furori, &c.  
*His itaque amicissimis verbis compellatus Leonardus Marrasio respondit epistola quadam, cuius initium in Cod. MSS. tale est.* Leonardii Aretini viri eloquentissimi ad Cl. Adolescentem Marrasium Siculum epistola feliciter incipit: *Fons quidam, &c. Ea nempe est, a qua Liber sextus exordium sumit. Post hanc Leonardi epistolam sequitur in Cod. Chart. Marrasi Siciliensis epistola responsiva ad eloquentissimum virum Leonardum Arretinum de laudibus Fontis Gaii feliciter incipit:*  
 Non opus est scythicum senibus disquire-  
     re fontem,  
 Quo sibi demersis prima juventa redit.  
 Siccus apud scythiam per saxa latentia repit,  
     Funditat & lymphas ante Senense fo-  
         rum, &c.

Hanc

Hanc Marrasii responsionem excipit in Codd. mss. Leonardi Arretini epistola ad doctum Juvenem Marrasium Siculum, quae ita incipit: Nuper suavissime Marrasi cum apud quosdam praestantissimos juvenes, &c. ac numquam lucem adspexit. Quamobrem hae omnes Libro decimo adcessere, easque illis praeponsumus, quas ex Cod. Marii Flori habuisse diximus. Porro Philibertus de la Mare Senator Divionensis Vir Cl., omnia Leonardi opera non solum impressa, sed etiam ex Mss. Codd. eruta edere decreverat, eorumque catalogum an. 1653. publici juris divione fecit. Inter haec promiserat Epistolas Leonardi Arretini pro parte Communitatis Florentiae variis Dominis, & Communitatibus destinatas. Itaque cum multa sint, eaque praeclara, quae ex his monumentis erui possunt, easdem quoque in lucem producere, publicoque eruditorum commodo inservire conabimur. Eam autem ortographiac rationem plerumque in his servandam putavimus, quam ab Auctore usurpatam fuisse deprehenditur. Quare mihi, & nihil per litteram C michi, & nichil edidimus, cumque Antonius Grammaticus, quem perperam cum Antonio Cremonae Epist. XVI. Lib. I. confudimus, causam a Leonardo petiisset, cur ita scriberet; respondit Epist. 2. Lib. VIII. se ad id faciendum impulsum fuisse auctoritate Dan-  
tis,

tis, Petrarchae, Boccacii, ac Colucii Salutati, quos eadem scribendi ratione usos fuisse testatur. Hinc excudimus etiam leticiam, negocium, tristiciam: sic jocunditatem, jocundum, jocundissimum: malivolum, malivolentiam, benivolum, benvolentiam, &c. ut prae se ferunt Codd. MSS. His omnibus adjunximus nonnullas animadversiones, nec eas prolixas quidem, sed per breveves, quas plerumque hausimus aut ex Dialogis Pauli Cortesii, & Benedicti Accolti, vel ex Italia Illustrata Blondi, sive ex Volaterrano, vel ex Leandro Alberto, aut denique ex Dialogo Lilii Gyraldi, quem de suorum temporum Poëtis conscripsit. Sed maximo mihi usui fuit Diarium elegantissimum, quod elucubravit, & ad Eugenium Papam IV. misit Cyriacus Anconitanus. Nam cum singula loca enumeret, quae ad colligenda vetera monumenta adierat, homines quoque eruditionis gloria praestantes diligentissime recensuit. Hoc cimelium praestantissimum, & adhuc ineditum possidet in Cod. Chart. locupletissimae suae Bibl. Vir. Celeb., Philippus Stoschius, eodemque humanissime adnuente cum multis aliis Cyriaci Epistolis publicae luci donabimus. Leonardi litteris vitam praefiximus, quam ex ejus operibus, synchronisque auctoribus concinnavimus, scriptorumque tam editorum, quam ineditorum cata-

lo-

rejecto illo, me ad officium dignitatemque recepit. Haec Leonardus ad Colucium: qui ubi hoc accepit epistolam quamdam Innocentio scripsit, quae in aliquibus Codd., & duabus Vett. Edd. est tertia Libri primi, in eaque Pontifici gratias agit, alumnumque suum pluribus commendat. Errat Cl. Niceronus, dum Tom. XXV. Memor. eamdem a Colucio scriptam innuit, cum nondum dignitatem adeptus esset Leonardus: Falsa quoque effingit Varillasius, qui Lib. IV. Florent. Anecd. pag. 161. testatur, Romanam Curiam indiguisse Leonardi nostri propter negotia, quae cum Orientalibus Episcopis tractabat; ideoque Romam accitum fuisse. Nam si res ita se haberet, nunquam dixisset Poggius multas ac graves contentiones a se suscepas adversus quosdam, qui illud idem summopere ambiebant. Dum Romae esset, nonnullas ad Colucium exaravit epistolas, quae Lib. I. leguntur, interque alias commemoranda est Epist. IV., qua eum certiorem fecit de proelio, quod cum Innocentio VII. gesserant Romani. Decipitur Lenfantius, dum in Epist. ad Cl. de la Motte pag. 135., de qua supra mentionem fecimus narrat, Colucium a Leonardo monitum fuisse de tumultu, qui in electione Innocentii VII. accidit. Nam nondum Romam viderat Leonardus, dum Innocentius VII. electus est. Mense Augusto an. 1405 cum Pontifice Viterbum profectus est, ut colligitur ex Epist. V. Lib. I., ibique per litteras cum Colucio disceptavit, quoniam modo veteres, ac praesertim Homerus rebus, personisque nomina imposuerint. Duas illas epistolas idem Lenfantius pag. 136 ejusdem Epist. scriptas ad Poggium fuisse perperam tradidit, quum ad Colucium scriptae sint, qui Florentiae versabatur; Poggius vero utpote Leonardi collega in eadem urbe erat, ita ut nihil esset opus epistolis, sed praec-

fentem alloqui poterat *Arretinus*. Quum autem Vi-  
 terbii aegrotasset, & ad *Colucium* scribens tamquam  
 apud parentem questus esset, quod nec *vina*, nec  
*medicos*, nec aliud quicquam aegrotantibus aptum in  
 ea urbe reperisset, ab eodem acerrime reprehensus  
 est, quasi afficeretur circa corporis voluptates. Epi-  
 stolae initium, quam scripsit *Colucius*, tale est: *Li-*  
*nus Colucius Leonardo Cecco Arretino Salutem, &c.*  
 Rescriptum *Lonardus paululum subitatus*, ejusque epi-  
 stolam ex Cod. MSS. nunc primum *Lib. X. numer.*  
*VIII. edidimus*, quae incipit. *Vereor mi Coluci, ne*  
*te poenituerit, &c. Consule ep. X. Lib. I.*, in qua  
*Nicolum de hac re certiore fecit. Eadem, quae*  
*nos, adnotavit pag. 132. seq. Ep. ad Cl. de la Motte*  
*Lenfantius, sed Romae, non Viterbi aegrotasse per-*  
*peram, & contra ipsius Leonardii verba contendit.*  
 Illa igitur causa fuit, quae mutuam familiaritatem,  
 tot officiis inter *Leonardum*, & *Colucium* confir-  
 matam distraxerit. Mense Martio an. 1406. Ro-  
 manam repetiit Pontifex, quem *Leonardus* secutus est,  
 quumque arma adversus *Innocentium* rursus sumeret  
 Romanus Populus, imminerentque hostium copiae,  
 se auxiliorum convocandorum causa in *Picenum*, &  
*Gallicum agrum dimissum* fuisse significat *Nicolio*  
 in *Epist. XI. Lib. I. Romae VIII. Idus Aprilis*,  
 ut ad calcem epistolae legitur. Ariminum relique-  
 rat, & Caesenam versus contendebat, cum ei ad-  
 latus est nuncius de obitu *Colucii*, quo ego audi-  
 to, inquit ille, ita mente concidi, ut post longum spa-  
 cium vix me recipere valuerim. O me infelicem, qui  
 tali parente orbatus sim? Flebilibus hisce modis praec-  
 ceptoris, ac parentis sui mortem deflet in *Ep. XXII.*  
*Lib. I.* quam ad *Nicolaum* misit. Romanum reversus  
 ejusdem *Colucii* Laudationem elucubrare coepit, &  
*Nicolio* adhortante procedebat sane opus satis luculen-

te. Interea *Innocentius Pontifex*, qui *Leonardi* virtutem cognoverat, eidem Episcopatum ultro obtulit, quem ille respuit. Adi *Epist. XI. Lib. 2. ad Colucii* filios scripta. Aliis quoque titulis, atque honoribus ab eodem Pontifice affectum fuisse testatur ipse met in *Comment.* Exeunte an. 1406. diem obiit *Innocentius VII.*, evectusque fuit ad Pontificiam dignitatem *Gregorius XII.* qui votum suum, ac jusjurandum, quod pro tollendo Ecclesiae schismate fecerat, *Benedicto XIII.* adversario Pontifici per litteras nunciare, eumque ad pacem invitare debuit. Harum litterarum cum de industria cunctis bis, qui peritiores haberentur, mandata cura fuisset, tamdemque scripta seorsum cujusque Pontifici, Patribusque recitarentur, Arretina civitas, quam nonnulli contemnendam putant, iudicio omnium palmam tulit, junior inter seniores, nova inter veteres, ac diu exercitatos. Quae *Leonardi* verba sunt in *Ep. VI. Lib. 2. ad Nicolaum* scribentis. Increbescente itaque *Arretini* nomine, *Nicolaus Nicolus* per epistolam Decembri Mensis an. 1406. scriptam *Leonardum* hortatus est, ut Cancellarii munus peteret. Florentinorum enim *Respublica Benedictum Fortinum Colucit* successorem amiserat. Illud ( respondit *Leonardus X. Kal. Januarias ejusdem anni*) ante omnia praemissæ velim, quoniam de morte successoris *Colucii* per tuas litteras admones, me, nec si praesens essem, candidatum profiteri velle, nec absentem cupere, ut meum nomen per suffragium edatur. Quamobrem Pontifici adhaerens an. 1407. Mense Septembri Senas profectus est, quumque *Antonius Casinus Senensis* Canonicus tunc Florentinus, atque Ecclesiae Praepositus *Fesulanæ* ad Episcopatum Pisauri sublatus esset, Canonicatum Florentinum, ac Praeposituram *Fesulanam* pro se petiit, quae petenti a Pontifice concessa sunt, ut de-

prehenditur ex *Ep. XI. Lib. II.*, quam adire operaepretium est. Atque ea, ut opinor, causa fuit, qua impulsus Cl. Oudinus in *Indice Chron. Script. Ecclesi. de Leonardo* notaverit. *Presbyter, Summorum Pontificum Secretarius*. Quae cum ita sint, lapsus est *Niceronus*, dum *Tom. XXV. Memor. Oudinum* reprehendit, quod *Leonardum Presbyterum* nuncuparit, contenditque, numquam clericorum habitu indutum fuisse ea suffultus ratione, quod uxorem duxerit. Sed dubium non est, quin *Leonardus* clericali habitu processerit illo saltem tempore, quo *Canonici* titulo insignitus fuit. Nam exente Mense Octobri an. 1408. nondum se *Canonicatu* abdicaverat, quem postea *Salutato Colucii* filio contulit, pro quo illud Ecclesiasticum Beneficium quaeasierat, moraque quadam interposita eidem, ut diximus, concessit. *Jacobus Lenfantius* pag. 134. *Ep. ad Cl. de la Motte*, quum verba faciat de his duobus Beneficiis, quae *Salutato* comparaverat *Arretinus*, ita scribit: *Il demanda pour lui-même au Pape, ce qu'il ne pouvoit obtenir pour son ami absent, & il lui procura deux Bénéfices considérables l'un à Florence, l'autre à Pesaro Ville de l'état de l'Eglise, qui venoient à vaquer par la promotion d'un autre à l'Evêché de Fiesole.* Haec *Jacob. Lenfantius*, qui quantum a vero aberret, ex ipsa *Leonardi Epist. XI. Lib. II.* disci potest, ubi haec plenius enarrat. Nam *Antonius Casinus*, qui *Episcopus* creatus fuit, non ad *Fesulanam Dioecesim*, sed *Pisaurensem* assumptus est. Praeterea nullum ex Beneficiis duobus, quae *Leonardo* concessit *Pontifex*, *Pisauri* erat, sed ambo *Florentiae*, *Praeposituram puta Fesulanam, & Canonicatum Florentinae Ecclesiae*. Addit ad haec idem *Lenfantius a Bonifacio IX.* tunc *Pontifice* ea impetrasse. Sed hoc puerile est, quum *Bonifacius IX.*

Ec-

Ecclesiae gubernacula tractarit ante *Innocentium VII.* eo videlicet tempore, quo *Leonardus Romam non dicam* viderat, sed ne cogitarat quidem. Sed ad instituta pergamus. Senis cum *Gregorio XII.* egressus, Lucam an. 1408. Mense Januario adcessit, quumque omnes fere Patres, ac plerique ex Curiis *Gregorii reliquissent*, ipse cum nonnullis aliis Pontificem Senas repetentem Mense Julio ejusdem anni comitatus est. In hac Urbe *Leonardus agere coepit* cum *Poggio*, qui Florentiam profecturus erat, ut suo, amicorumque usus consilio curaret, ut in patriam revocaretur, idque etiam a *Nicolao Nicolio* per litteras Senis XV. Kal. Octobribus scriptas postulavit: *sed omnem, inquit, hujusmodi deliberationem in redditum meum a balneis reservo.* Constituerat enim ad VI. Idus Octobres ad aquas Petriolanas (mendose in textu Puteolanas) lavandi causa profici. Ad has profectus maximo cum honore exceptus fuit a Senensibus, quod ipse commemorat in Epist. dat. *Florentiae VIII. Kal. Decembres 1438.*, qua unum Politorum volumen Senensi Magistrati misit. *Dona siquidem, ait ille, & munera vel magno alicui Domino congruentia antecessores vestri tunc in Magistratu amplissimo constituti summa cum humanitate, summaque benivolentiae significatione usque ad ea loca michi trasmittere dignati sunt, ac tanto me honore affecere, quantus est pusillum hominem a Civitate maxima publice honorari.* A Balneis reversus Arretium Kal. Decembribus se contulit, ubi cum per dies multos Poggii litteras, a quibus totus pendebat, frustra expectasset, Ariminum contendit, quo confugerat *Gregorius Pontifex*. Nam *praestare censuit*, ut *vulgo dici solet, ruere semel, quam semper pendere*, ut scripsit ipsem *Poggio Ep. XVII. Lib. X.* quam nos ex *Cod. Chart. Marii Flori* nunc primum

protulimus. Cum Arimini esset, misit X. Kal. Martias an. 1409. ad Nicolaum Nicolum epistolam elegantissimam, in qua vetustatis reliquias, quae ea in urbe supererant, diligentissime recensuit, & ad calcem adjecit praestantissimam laudationem Caroli Malatestae ejusdem civitatis Principis, cum quo maximam familiaritatem habuit, ille vero eo amore, ac benevolentia Leonardum prosequutus est, ut hic in Ep. VII. Ltb. VI. ad Attum Militem testetur ita cum eo vixisse, ut neque mensa, neque venatio, neque studia litterarum ipsum ab eo sequestrarent. Qui, sequitur ibidem, peractis ad occasum venationibus ita redire Arimnum solebamus, ut duobus vel tribus passuum millibus disputando summis interdum contentionibus, ac desperatis prope clamoribus certaremus. Quae quidem verba cum Cl. V. Jo: Georgio Schelhornio nota essent, miror equidem, qua ratione impulsus Tom. 3. Amoenit. Litter. pag. 225. seq. ex MSS. Cod. Bibl. Krafftianae ediderit Leonardi Aretini in Carolum de Malatestis propter derogationem statuae in memoriam Maronis factae invectivam. Nam quamvis MSS. Codex Aretini nomen pae se ferret, ejus tamen auctorem discere poterat Schelhornius ex Chronico Philippi Foresti vulgo Bergomatis, qui pag. 375. de P. Paulo Vergerio seniore verba faciens, ejusdemque opera recensens: *Adversus*, inquit, *Sigismundum (lege Carolum) Malatestam*, qui *Maronis statuam e foro Mantuano dejici fecit, nobilem edidit invectivam*. Eam vero Pauli Vergerii elucubrationem esse aper te indicat Cod. MSS., qui exstat in Bibl. Lipsiensi, cuius indicem adornavit L. Joachimus Fellerus Cygneus apud quem pag. 295. legitur: *Petri Pauli Vergerii invectiva in Carolum Malatestam, qui Virgilio, & cunctis Poetis detrahebat*. Porro testatur Cl. Muratorius Tom. XV. Script. Ital. pag. 112. eamdem olim fe

se legisse in MSS. Cod. Bibl. Ambrosianae post Leonardī Arretini Librum de Institutione adolescentium ad Uterinum Carrariensem, eamque ita fuisse inscriptam: *Investiga contra Karolum de Malatestis pro eversione, & destructione statuae Virgili Mantuani Poëtarum maximū.* Itaque etsi auctoris nomen desideratur, tamen in fine haec leguntur: *Bononiae XIV. Kal. Octobris MCCCXCII. Petrus Paulus Vergerius de Giampietris de Sarnano.* Ex quibus verbis deprehenditur, & quis eam elucubraverit, & locus ubi elucubrata fuerit, & annus, ac mensis, quibus eadem prodierit. Quin imo quum idem Muratorius Tom. XVI. Script. Ital. ex MSS. Cod. Bibl. Eftensis orationes ejusdem Vergerii, atque epistolas edidisset, epistola prima est: *De Virgili statua Mantuae eversa per Carolum Malatestam ad Ludovicum . . . ubi Alidosium supplet ex Cod. olim Urbinate, nunc autem Vaticano Vir ille Celeber.* Quamobrem deceptus est Clar. Fabricius, qui Lib. II. Bibl. Med. & Inf. Lat. Schelbornum sequutus pag. 803. inter Leonardī opera illam investigiam enumeravit, erraruntque etiam Cl. Duumviri Edmundus Martene, & Ursinus Durand, qui Tom. III. Vet. Monument. pag. 868. eamdem sub Guarini nomine ediderunt. Sed ut ad Leonardum redeamus, quum Arimini vitam duceret, ac Gregorio XII. adesset, non quod illam causam probaret, sed propter jus quoddam familiaritatis, a quo tantummodo se detineri fatebatur, gravissimo Florentinae Civitatis decreto Florentiam revocatus est, quo cum pervenisset, per crebras litteras a S. R. E. Cardinalibus evocatus, Pisas ad III. Nonas Aprilis ejusdem anni 1409. commigravit. Celebrato Concilio Pisano, electoque *Alexandro V.* huic quoque Pontifici operam suam praestitit, cum quo per autumni tempus Pisias abiens, Pistorium concessit, ibique tota

hyeme commoratus circa initia veris anno 1410. Bononiam cum eodem profectus est. Paulo post e vita decepsit *Alexander V*, suffectusque *Balthasar Cossa*, qui *Johannes XXIII.* nuncupatus est, apud quem quum eo ipso Epistolarum scribendarum munere fungetur, eodem anno 1410. in Cancellarium a Populo Florentino accitus est. Tradit *Clar. Niceronus Tom. XXV. Memor*, *Leonardum* a Florentinis evocatum fuisse, tum cum *Johannes Pontifex* Bononiam properabat. Sed hoc a veritate abhorret; nam *Johannes Bononiam* profectus est an. 1413. exeunte: *Leonardus* vero an. 1410. Cancellarii munus adeptus est. Itaque scribere debuerat *Niceronus*, *Leonardum* Florentiam invitatum fuisse, tum cum *Johannes Bononiae* morabatur: quod etiam his verbis confirmat *Poggius*: *Sed cum Johannes esset Bononiae, Leonardus accitus est a vobis in Cancellarium*. Sed tum propter novi exercitii difficultatem, tum majoris spem emolumenti paucis mensibus Reip. inservivit, abdicatoque Cancellarii munere ad priorem vitam redisse, Romamque, in qua *Johannes Pontifex* aderat, regressum fuisse testatur idem *Poggius*. Porro *Johannes Bononia* Romam se contulit circiter mensem Apriliem an. 1411. itaque necesse est, ut post mensem eundem anno 1411. ab illo munere se abdicaverit *Arretinus*. Scribit *P. Niceronus V. Clar. Tom. XXV. Memor*, antequam Romam rediret, uxorem duxisse: sed hunc refellit *Poggius*: *Romam inquit, in qua Johannes Pontifex aderat, proiectus est*. Pauloque post uxorem dicit adolescentem optimam, ex qua unicum filium suscepit, quem moestum, & fordidatum, flentemque videtis. Tum ad Urbem rediens, &c.. Itaque paulo post quam Romam redierat, Florentiam rursus venit, inde Arretium, ubi uxorem duxit adolescentem nostrae civitatis, ut *Jannottii*

notii verbis utar, primariam. Ex epistola XVII.  
 Lib. III. ad XV. Kal. Apriles Poggio scripta, ubi  
 de suarum nuptiarum impensis agit, colligitur Ja-  
 nuario mense, aut Februario an. 1412. nuptias ce-  
 lebrasse. Urbi post haec se restituit, & exeunte  
 an. 1412. filium suscepit, quem *Donatum* ab eo fuisse  
 nuncupatum didici ex Cod. Chart. Bibl. Lau-  
 rentianae Plut. XXXIX. num. XII. ubi exstant  
*M. Tullii Ciceronis ad Atticum Lib. XVI.*, ad quorum  
 calcem legitur: *Hic Liber est Colucii Pterii de Sti-*  
*gnano; post Donatus Acciagolus emit a Donato Are-*  
*tino Leonardi Filio.* Quae cum ita se habeant, la-  
 pisi sunt *Volaterranus*, *Jovius*, *Vossius*, *Baelius*, *Han-*  
*kius*, aliique, qui tradunt *Leonardum* uni pecuniarum  
 contrahendarum studio deditum caelibem decepsisse, ca-  
 stigandusque etiam *Julius Niger*, dum pag. 119.  
*Script. Florentinorum* scribit, in ea, quam diximus,  
 epistola non de *Leonardi*, sed ejus filii nuptiis agi.  
 Roma a Ladislao capta an. 1413. Florentiam cum  
 Pontifice se contulit, & apud Cl. Muratorium Lib.  
 II. *Antiq. Eſtenſum* pag. 183. diploma exstat Joha-  
 nis XXIII. ad *Nicolaum III. Marchionem Eſtenſem*,  
 cui subscriptum videoas *L. de Aretio*, datumque est  
 apud *Sanctum Antonium extra muros Florentinos VIII.*  
*Kalendas Novembbris Pontificatus noſtri* (ideſt Joha-  
 nis XXIII.) anno quarto. Namque propter facio-  
 nes Pontifex intra urbem invitatus non fuit, sed in  
 suburbano Episcopi reſedit. Quamobrem ex hoc di-  
 plomate perspicuum est, *Leonardum* exeunte Mense  
 Octobri an. 1413. Florentiae adhuc tranſegiſſe; pau-  
 loque post principio hyemis Florentia Bononiā  
 abiit, mox in Galliam Cisalpinam cum Pontifice  
 profectus Placentiam primum, inde ad Laudensem  
 urbem, poſtea Cremonam, ac poſtremo Mantuam  
 cum eodem concesſit, exactaque hyeme tota Pon-  
 tifi-

tificem Bononiam repetentem an. 1414. sequutus est, ubi aetatem traduxit. Circiter Kal. Octobris ejusdem anni Bononiam reliquit, ac per Veronensem Tridentinumque agrum transmissis Alpibus Constantiam contendit. Quumque in eam Germaniae civitatem pervenisset, II. Kal. Januarii epistolam scripsit ad *Nicolum*, quae exiit Lib. IV. num. III. ubi & itineris sui historiam, & vetusta monumenta, quae Constantiae repererat elegantissime describit. Sed quum perspiceret multa pericula iis impendere, qui *Johannem XXIII.* sequerentur, Curiam Curialesque res deseruit, Constantiaque aufugiens ad II. Idus Martias an. 1415. Florentiam rediit. Narrant *Julius Niger*, *Albertus Fabricius*, omnes denique, qui Vitorum inlustrium vitas litteris mandarunt, tunc a Florentino Populo Cancellarium electum fuisse. Quod falsum esse ostendi potest ex verbis *Jannotti Manetti*, qui tradit, paucis post annis, quam Florentia abierat *Martinus Pontifex V.*, ad dignissimum publicarum Epistolarum officium universo Florentini Populi consensu delectum fuisse. Porro constat, *Martinum V.* Florentiam venisse Mense Februario an. 1419., ac decessisse Measse Septembri an. 1420., ita ut ex his pateat, paulo post an. 1420. illud munus adeptum fuisse. Neque vero id probandum est, quod commiscuntur nonnulli alii, se a Pontificiis epistolis scribendis tunc abdicasse. Docet enim idem *Manetus*, quod continuatis Sacrosanti Pontificatus successionibus per triginta circiter annos in eorumdem divinarum, ut ajunt, arcanorum Magistratu magna cum nominis sui gloria, nec minori etiam emolumento feliciter perseveravit. Itaque quum an. 1405. Epistolarum Pontificiarum Magister ab *Innocentio VII.* creatus fuerit, necesse est, ut usque ad annum circiter 1435. Secretarii, ut ajunt, Apostolici dignitatem retinue-

tinuerit. Ad II. Idus Martias Florentiam, ut diximus, reversus, utebatur solacio cum studiorum, quae longo intermissa spatio avidissime repetebat, tum etiam familiarium antiquorum, ut ipsem fateatur in Epistol. XI. Lib. IV. ad P. Mianum. Inter alia, quae incoepit, Libros XII. Florentinae historiae scribere adgressus est, eosque Januario mense an. 1416. jam exegerat, ita ut novem mensium spatio eodem elucubraverit. Quare ut aliquo beneficio Leonardi industriae gratias rependeret Florentinorum Respublica, civitate & certa censu quantitate, quae etiam ad filios manaret donatum fuisse auctor est Poggius, eamque, ut Manetti verbis utar, civilitatem an. 1416. Cosmi praecipue Medicei opera consequutus est. Hinc in illa, quam supra memoravimus, *investiva in Maledicuum Nebulonem* inquit Leonardus: *Nam quod Florentinus es civis, in eo sane parem te michi esse constat.* Et in Cod. Chart. Bibl. Mediceo-Laurentianae Plut. LII. Num. V. numquam Leonardus Arretinus, sed Florentinus nuncupatur: Videlicet: *Leonardi Florentini Isagogicon*, *Leonardi Florentini Laudatio Jobannis Strozae*, *Oratio Leonardi Florentini pro se ipso*, & nonnulla alia his similia. Per ea tempora Poggius Germaniam peragrans, nonnulla classicorum, ut ajunt, auctorum opera in lucem protulit, inter quos integer *Quintilianus* repertus est. Prius enim vix medium ejus partem, & eam ipsam laceram habebant, omniumque optimus *Fabii Codex* is putabatur, qui a *Gasparino Barzizio Bergomensi Grammatico* suppletus fuerat. Hujus Poggiani thesauri compos factus, in eodem emaculando elaborare coepit. Possidebat enim vetustum quemdam *Fabii Codicem*, ubi permulta continebantur, quae deerant in MS., quem repererat Poggius. Vide Epist. IX. Lib. IV. Quum an.

an. 1419. Florentiam, ut diximus, venisset *Martinus Pontifex V.*, huic quoque operam addixit suam, effecitque, ut omnem indignationem, quam propter cantilenam puerorum nescio quam in Florentinam Remp. conceperat Pontifex, prorsus deponeret. Quamobrem *Leonardi eloquentiam obstupecens* tanti eum fecit, ut an. 1420. Florentia proficisciens magnis praemiis, atque ingentibus pollicitationibus eumdem pelleixerit, ut secum Romanam contenderet quod numquam impetrare potuit. Interea An. 1426. Florentiam venit *Dominicus Capranica* ab eodem *Martino V.* Orator, qui Florentium Populum ad pacem cum Duce Mediolanensem ineundam cohortatus est, petiitque, ut Respublica ad Pontificem Oratorem mitteret. Ad id munus obeundum electus est *Leonardus*, qui, ut scribit *Ammiratus*, die XXXI. Maii Romanam profectus est. In Bibl. Mediceo-Laurentiana Plut. LII. Cod. Membr. Num. XV. adseratur: *Clarissimi, atque eloquentissimi viri Leonardii Areitini Oratiuncula ad Summum Pontificem Martinum Quintum incipit. Lege feliciter.* Haec oratio ea est, quam habuit tum cum primum Pontificem adlocutus est, cuius etiam meminit V. Cl. *Philibertus de la Mare*, ac numquam in lucem prodit. Denique Florentiam reversus, an. 1427. die XXVII. Novembris, quum minime gentium suspicaretur, ut ipsem ad *Bojardum* scripsit, litterato ex ocio invitus, ac repugnans jussu Civitatis negotiis publicis praefectus est: vel ut *Manettus* ait: *a Praesidibus, qui forte eo tempore administrandae Reip. gratia praefidebant, magno cum honore, atque ingenti emolumento ad dignissimum publicarum epistolarum officium universo Florentini populi consensu delectus est.* Alia quoque civitatis munia obivit, quae his verbis recenset *Poggius*: *Functus est etiam summis Magistris*

stratibus civitatis. Nam bis ex Decemviris summo civium favore factus fuit, Vexillumque societatis tribus gessit, ac ex Prioribus unus creatus est. Ad id quoque, quod praeceptum est in civitate Vexillum pervenisset, nisi mors vivendi finem attulisset. Haec ille: nunc autem Manettum eadem recensentem audiamus. Unde, inquit, inter ceteros ejus Magistratus, & publicae civitatis nostrae custodiae praestitisse, & ter in Decemviratu etiam fuisse, & demum in summa dominationis nostrae dignitate praeseditissime cognovimus. Adnotat Laurentius Bonincontrius ad anno 1440. Initio veris anni 1440. decem Baliae viri praeflantes Florentiae creantur. Neque enim erat expediens mediocribus viris, sed exercitatis tantam rem committere. Itaque Nereus Capponius, qui quinques ante eum Magistratum gesserat, Cosmusque Medices, & Angelus Acciajolus eques & Leonardus Brunus Arretinus fuere. His aliisque publicis muneribus summa cum laude perfunditus diem obivit supremum annum 1444., haeredemque reliquit Donatum filium, ut patet ex apographo ejus Testamenti, quod adseratur in Cod. 1255. Bibl. Strozianae, incipitque: Clarissimus, & illustris vates, & Orator insignis Dominus Leonardus quondam Francisci Brunii de Aretio civis Florentinus, &c. Leonardi mortem eo, quo diximus, anno accidisse probat Tom. IX. Ephem. Venet. Cl. Apostolus Zenus ex Ammirato, qui Francisco Venturio Vexillifero denatum scribit. Idem ostendit Jo: Campisi Epistola ad Aeneam Sylvium, quae est inter Sylvianas CLXXII. Ex hac schedula, scribit ille, mortem Leonardi accipies Aretini. Porro ea scripta est Romae an. 1444.. His adde Laurentium Bonincontrium in Annalibus Miniatensibus: Insequens annus 1444. multo turbulentior fuit. Leonardus Brunus in initio veris moritur vir omni laude di-

*dignissimus, litterarum etiam Graecarum peritia singularis, laureamque suscepit in morte.* Dissentire tamen videtur V. Cl. Mattheus Palmerius, qui in *Llibello de Temporibus ad an. 1443.* haec habet: *Leonardus Brunus historiographus Florentiae moritur II. Idus Martii aetatis suae an. LXXIV.* quae quidem verba retulit etiam Tom. I. *Itin. Italici* Vir eximus Jo: Mabillonius. Sed si quis recte ponderet, eadem cum superioribus Palmerium sensisse deprehendet. Quanta vero celebritate Leonardus a Florentina Rep. elatus fuerit, nos edocuit in *Vita Jannotii Manetii Naldus Naldius*, quem audire operae pretium est. Placuit nonnullis hominibus doctissimis, qui in consilium adhibiti fuere, revocare quamdam consuetudinem desuetumque sepeliendi morem, qui apud priscos longe antea viguisse, ut Leonardum pro summo ejus ingenio, summaque doctrina laureola donarent, oratione que Funebri pro concione habita vita ejus celebraretur, ut & ipsum merita laudatione honestarent, & ceteri ad decus, & gloriam excitarentur. Haec autem provincia hominis exornandi Jannotio demandata est, qui & orationem scripsit cum omni elegantia, & copia, illamque habuit ex loco editiore ad caput phe-  
 retrii, quo Leonardus jacebat indutus sericam vestem colore ferrugineo, supra pectus ejus apposito Libro, quo ille Historiam Populi Florentini magna sua cum laude prosecutus fuisse. Ubi vero ad locum pervenit orationis, quo significaretur decreto publico Leonardus summo esse afficiendus honore, donandusque pro summis ejus meritis laurea corona, Orator ipse suis manibus eam Leonardi capiti adposuit, frontemque cinxit lauro Apollinea spectante universo Populo Florentino, quum omnes minores praeter summum, qui minus accesserat, ne pro maiestate summa funere cuiusquam pollueretur, Magistratus adessent. Quin etiam Legati complures

*adfuere, qui a Regibus diversis, ac Principibus multis Christianae Reip. ad Pontificem summum, qui tunc Florentiae morabatur, missi essent. Praeterea docti omnes in quocumque litterarum genere, qui Pontificalem sectabantur Curiam, attente Jannotium orantem audiverunt. Haec de Leonardi funere Naldus. Negat Ammiratus ea causa laurea donatum fuisse, quod Poëta esset, contenditque nulla umquam poëseos laude fuisse. Optimum tamen fuisse vatem innuere videtur Jo: Marrafius in Epigr. ad Leonardum, quod MS. existat Plut. XXXIV. Bibl. Laurentianae Cod. Membr. Num. LIII. & Cod. Chart. Num. L. ubi Leonardum adloquens inquit:*

*Te sequor: es vates toto celeberrimus orbe,  
Orator summus, Rhetor in arte prior.*

*Arretine five: te tamquam numen adoro:  
Namque tibi placidam cessit Apollo lyram.*

*Apostolus Zenus V. Cl. Tom. IX. Ephem. Venet. testatur se vidisse alicubi nonnulla Leonardi nostri Italica carmina, quae nil, nisi vulgare quiddam redolerent. In Bibl. Mediceo-Laurentianae Plut. XXXXIII. Cod. Chart. num. XVII. adservatur: Domini Leonardi de Aretio de felicitate hominum. Initium tale est:*

*Lunga quistion fu già tra vecchi saggi,  
Et ancora nel Mondo sen contendé,  
Per qual uom meglio intende,  
Che sia felicità, en che consista.*

*Furono alcun, che vinti dagli raggi, ec.*

*Quam quidem elucubrationem ex Cod. 581. Bibl. Chisianae edidit Jo: Crescimbentus Vol. III Poes. Italicae Par. II. Lib. V, existatque etiam in Bibl. Ricardiana Plut. O. Ord. IV. Cod. Chart. num. XII. Codex quoque membranaceus Marchionum Guadagniorum N. 119., in quo varia Epigrammata Italica (vulgo Sonetti) ad Pium II., Eugenium IV., aliosque continen-*

nentur, mihi exhibuit quoddam italicum epigramma *Leonardi da Rezzo*, quod ita se habet:

*Veggio spenta merzè sopra la terra,  
E gli intelletti nostri infimi, e bassi,  
Di fede, e carità tanto esser cassi,  
Che morte fare pace, & fin di guerra, ec.*

Hoc vero prodiit inter Poëtas veteres, quos ex *Bibl. Vaticana*, ac *Barberina* edidit V. Cl. *Leo Allatius*, adseraturque etiam in *Cod. Chart. Bibl. Riccardiana Plut. O. Ord. III. Num. XXXII.* In *Cod. Chart. Bibl. Laurentianae Plut. XXXXIII. Num. XVII.* delitescit: *Chanzona morale di Messere Leonardo da Rezzo a laude di Venere*: Iacipit:

*O Venere formosa, o sagro lume,  
O salutar fulgore, o alma stella,  
Bella sopr'ogni bella,  
Che dal sublime cielo amor diffondi:  
Qual lingua, quale stilo, o qual volume,  
Qual eloquenzia prisca, over novella,  
Può con mortal favella, ec.*

Idemque adseratur in *Bibl. Riccardiana Plut. S., Ord. III. Num. XXXII. Cod. Chart.*, quem evolare mihi contigit beneficio Cl. *Viri Jo: Lamii Riccardiana Bibl. Praefecti*, qui sedulo de Rep. Litteraria optime mereri pergit. Verum non solum haec, sed etiam alia plura cecinisse auctor est *Manettus*, qui *Leonardum Florentinorum Poëtarum numero adjunxit, testaturque eum plura sparsim de variis rebus carmina composuisse, & quidem egregia, quae nondum morte præventus in volumina redegerat*. Ejus vero cadaver situm est in marmoreo quodam sepulchro, quod adhuc supereft in *Templo S. Crucis ad-dito epitaphio*, quod praeter alios *Tom. I. Mus. Ital. pag. 163.* retulit Vir Cl. *Mabillonius*, atque ita se habet:

POSTQVAM LEONARDVS E VITA MIGRAVIT,  
 HISTORIA LVGET. ELOQVENTIA MVTA EST.  
 FERTVR QVE MVSAS TVM GRAECAS TVM LATINAS  
 LACRIMAS TENERE NON POTVISSE.

Heic addere lubet alterum ab anonymo elucubratum, quod reperi in Cod. Chart. Bibl. Riccardianae Plut. M. Ord. III. Num. VII, atque hujusmodi est:

*Si merito doctis ornantur tempora lauro:  
 Impediunt meritas laurea ferta comas.  
 Namque decus nostrae linguae, graiaeque fuisse,  
 Clarus & orator, clarus & historicus.*



L LEONARDI BRUNI

# LEONARDI BRUNI

S C R I P T A.



**H**AEC sunt, quae de Leonardii Arretini  
Vita edifferenda putavimus, ac prudentes  
scientesque multa omisimus, quae ex dua-  
bus funebris orationibus paulo infra  
subjectis erui possunt. Supersunt adhuc  
opera, quorum magnum numerum elucubravit, &  
si Manetto credas, in quatuor super octuaginta con-  
sistunt. Pleraque ex his recensuere idem Manettus,  
Poggius Bracciolinus, ejusque expilator Jacob. Philippus  
Forelius vulgo Bergomas, P. Baelius, Gesnerus,  
Gaddius, Oudinus, Fabricius, Whartonus, Nicero-  
nus, Zenus, Niger, ac praecipue V. Cl. Philibertus  
de la Mare Senator Divionensis, qui amplissimum  
catalogum an. 1653. publici juris D. vione fecit. Sed  
quum multa nullo ordine recensita, nonnulla vero  
perperam tradita ab eo sint, novum eorum indicem  
adornare, nonnullasque vetustas editiones recensere  
decrevimus. Nunc autem rem ipsam adgrediamur.

I. **L**eonardi Arretini Historiarum Florentini Po-  
puli Lib. XII. Horum meminit Manettus,  
Poggius, Bartholomeus Scala, Leodrisius Cribellus,  
Philippus Bergomas, &c. Hoc opus elucubratum a Leo-  
nardo fuit an. 1415, ut supra diximus: editumque  
per Sixtum Brunonem Argent. ann. 1610. fol. Per-  
peram

peram tradit *Struvius Cap. XXVII. Bibl. Hist.* italice a *Leonardo scriptum fuisse*, ac deinde ab eodem *Brunone latine versum*. *MSs. extat in VII. Codd. partim Chart., partim membr. Plut. LXV. Bibl. Laurentianae*. Ad calcem Cod. V. haec leguat: *Historiarum Florentini Populi Lib. XII. explicit feliciter. Antonius Marii filius Florentinus Civis, atque Notarius transcripsit Florentiae ex originali idibus Juniiis, quo quidem tempore elegan- tissimus harum historiarum scriptor feliciter obiit. Nam praeter cuncta ornamentorum genera, quibus celeberrimum ejus funus a Populo Florentino egregie prae ceteris, ac mirabiliter ornabatur, nos ad peren- nem quandam gloriae suae illustrationem publico ejus- dem Populi nomine a Jannoccio Manetto, & funebri oratione elegantissime laudatum, & laurea coronatum fuisse conspeximus, atque ad Crucis Templum detuli- mus lugubre, ac prorsus admirandum, & omnibus quoque saeculis memorandum spectaculum. Valeas feliciter Lector. Liber Petri de Medicis Cosmi filii. Hi Libri italice traducti a Donato Acciajolo an. 1473. prodiere Venetiis eodem anno id testantibus Jul Ni- gro, Fabricio, Nicerono, &c. Primam tamen versio- nis editionem ponit Cl. Maittairius Tom. I. Annal. ad annum 1476. XII. Febrajo, ut ad calcem ejus editionis legitur, eique adcedit Poggii historia italice quoque traducta. Vidi Florentinam editionem an. 1492., quae die V Junii prodiit. Eamdem recudit Venetiis Sansovinus ann. 1561., produxitque ad an- num 1560. Aliam Venetam ann. 1560. memorare Oudinus, Fabricius, &c. Incipit: *Florentinam Ur- bem Romani condidere a L. Sylla Fesulas deducti, &c.**

II. Τε Λεονάρδος Αρρέτινος ἀπει τολμητας φλαρετίνων.  
Leonardi Arretini de Rep. Florentinorum. Hujus libelli meminit Volaterranus Lib. XXI. Autbrop. quem ut

hominis Latini non admodum ineleganter appellat. Inde Jacob. Forestus, Vossius, Zenus, &c. Nesciebat Casimirus Oudinus Lib. 3. de Script. Eccles., an hoc opusculum alicubi exstaret. Sed adseratur in Bibl. Mediceo-Laurentiana Plut. LX. Cod. Chart. Num. XVI. ut etiam animadvertisit in Cat. Cod. MSS. Bibl. ejusdem Wilhelmus Langius. Adseratur quoque in Regia Parisiensi Cod. 3049. ut in Gloß. Med. & Inf. Graecit. tradit Cl. Cangius. In Cod. etiam 1769. Bibl. Regiae reperiit testatur Labbeus in Bibl. MSS. Part. IV. Sect. III. pag. 47. Idem delitescit in Codice Bavaro teste Cl. V. Montfauconio, & Fabricio, & Upsaliae in Bibl. publica ex dono illustris Viri Jo: Gabrieли Sparrenfeldti. Cardinalis etiam Beffario hunc possidebat in sua Bibl., quem postea Venetis tradidisse patet ex catalogo Bibl. D. Marci, quem ex Cod. 2145. Bibl. Colbert. edidit Cl. Montfauconius. Is nunc exstat in Cod. Chart. 406. ejusdem Venetae Bibl., ut ex Catalogi nuper editi pag. 198. didicimus. Philippus quoque Tomasinus pag. 48. Bibl. Venet. ejusdem meminerat. Idem Libellus adseratur etiam in Cod. Chart. 493. ejusdem Bibl. Divi Marci. Vide Adpendicem Catalogi nuper editi pag. 311. Jo: quoque Sambucus V. Cl. hujus exemplar possidebat, quod postea in Bibl. Vindobonensem transit, Cod. videlicet Chart. 257. in quarto, ut Lib. V. Comment. testatur P. Lambecius; additique ante V. Cl. Sebastiani Tengnagelii praefectoram sublatum fuisse. Philibertus de la Mare hoc opusculum ex Codd. exscriperat, additaque Jo: Baptistae Lantini versione edere meditabatur. Vide Niceronum Tom. XXV. Memor pag. 292. Opusculi initium tale est: Εἴδεις ἐθνῶν εἰδέται τὰ πολιτικὰ τὰς μετέπειτας πόλεως, &c.

III. Leonardi Arretini de Temporibus suis libri duo. Horum meminit Manettus, & Jac. Bergomas, &c.

Edi-

Editi fuere primum Venetiis 1475., & 1485. ut testatur *Fabricius*. Praeterea Lugduni apud *Gryphium* 1539. teste *Oudino*, & *Philiberto de la Mare*, & Argentorati 1610. per *Sixtum Brunonem*, ut Tom. XXV. Mem. tradit *Niceronus*; eosdemque recudit ad fidem Cod. *Bergomensis* Tom. XIX. Script. Ital. Cl. *Muratorius*, exstatque haec historia in Bibl. *Mediceo-Laurentiani* Plut. LXV. Cod. membr. N. XVII. & Num. XIIIX, XIX, & XX. Codd. Membr. ejusdem *Plutei*: Et in Bibl. *Riccardiana* Plut. M. Ord. I. Cod. Membr. Num. XVI. & Plut. M. Ord. I. Cod. Chart. Num. XXII. & in Bibl. *Ambrosiana* *Mediolanensi* in quarto, H. XXXVI. Perpetram tradit *Fabricius* hos libros ab *Acciajolo* conversos Venetiis an. 1561. a *Sansovino* editos fuisse. Nam ea versio spectat ad Libros XII. Hist. Florentinae. Incipit: *Qui per Italianam homines excelluerint aetate mea, & quae condicio rerum, &c.*

IV. *Leonardi Arretini de bello Italico adversus Gothos gesto Libri quatuor*. Hujus operis meminit *Manettus*, *Poggius*, *Jac. Bergomas*, &c. Editum fuit *Fulginii* ann. 1470. per *Emilianum Fulginatem*, & *Jo. Numeister* teste Cl. *Maittairio* Tom. I. Annal. pag. 70. Inde Venetiis per *Nicolaum Jenson* 1471. testante eodem *Maittairio* Tom. I. Annal. pag. 93. Et cum *Rhenani* praef. *Basileae* 1531. & *Parisi* an. 1534. docente *Cas. Oudino*, & *P. Nicerono*, & cum *Zozimo Basileae* 1576. & cum *Agathia*, & *Jornande* *Lugd.* 1594, ut scribit Cl. *Fabricius*; & *Bellovisiis* an. 1607. ut tradit *Cas. Oudinus* Lib. 3. de Script. Eccl. pag. 2389, & *Struvius Cap. XI. Bibl. Historicae*. MSS. exstat in Bibl. *Laurentiana* Plut. LXV. Codd. membr. Num. X., XIII, & XVII. Eadem adservatur in Bibl. *Riccardiana* Plut. M. Ord. I. Cod. Chart. Num. VIII. & in *Ambrosiana* N. LIII., & Q. XXX. testante Cl.

Saxio, &c. Praecedit: *praefatio ad Julianum Caesarinum Cardinalem S. Angelii.* Ea vero incipit: *Etsi longe michi jocundius fuisset, &c.* Historiae autem initium hujusmodi est: Zenone Romano Principe Imperatore, &c. Tradit Jovius, Cuspinianus, Freherus, Crescimbenius, Baelius, Placcius, Jacob. Thomasius, Almenoveenius, Menagius, Fabricius, aliique omnes, Leonardum omisso Procopii nomine Libros hos pro suis venditasse, nullique ejus aetatis furtum suboluisse, quoad post Arretini mortem plagium detexerit Christophorus Persona. Aliam fabellam adsuit Varillasius Tom. IV. Florent. Anecd. pag. 162. Nempe cum Gothicam Procopii historiam invenisset Leonardus, nec alium Cod. MSS. exstare putaret, cum nullus Constantinopoli fuisset adlatus, eumdem Latine versum Procopii nomen occulens in vulgus edidit, graecumque codicem flammis tradidit. Sed utrumque falsum est: Neque enim Christophorus Persona, ut ipse perperam de se jaestavit, primus fuit, qui Gothorum Historiam e graeco Procopii expressam fuisse sealserit. Nam multo ante id praedicaverat Poggios in oratione Funebri: *Ex Procopio, inquit, Historiam Gothorum quatuor Libris complexus est, quae Poggii verba, ut Vossium aliosque refelleret, adulit Lib. IX. Ephem. Venet. Cl. Zenus, & ex eo Tom. XXV. Memor. P. Niceronus.* Praeterea ipsem in Epist. IX. Lib. IX. ad Job. Tortellium fatetur, se eam accepisse a Procopio. Ejus verba sunt: *De Historia vero quod petis, scias me post discessum tuum IV. Libros de Bello Italico adversus Gothos scripsi. Scripsi vero illos non ut interpres, sed ut genitor, & auctor.* Quemadmodum enim si de praesenti bello scriberem, noticia quidem rerum gestarum ex auditu foret, ordo vero & dispositio, & verba mea essent, ac meo arbitratu excogitata, & posita: eodem item modo

do ipse noticiam tantum rerum gestarum de illo (*Procopio*) sumens, in ceteris omnibus ab eo recessi, ut ipote qui hoc unum habeat boni, quod bello interfuit. Cetera illius sunt spernenda. Paria habet in Ep. VI. Lib. IX. ad Cyriacum, quam Tom. VI. Miscell. ex Cod. Colbertino edidit V. Cl. Stephanus Baluzius, ubi postquam *Libros IV.* de *Bello Gotlico* a se scriptos fuisse significavit, addit: *Est autem haec non translatio, sed opus a me compositum, quemadmodum Livius a Valerio Antiate, vel Polybio Megapolitano sumpfit, & arbitratu suo disposuit.* Itaque nunquam *Procopii* nomen occuluit *Leonardus*, sed palam edixit, se ab eodem sumpsisse, quemadmodum a *Valerio Antiate*, vel *Polybio* sumpserat *Livius*. Porro hanc historiam Italice ann. 1456 transtulit *Ludovicus Petroni Senensis*. In *Bibl. Laurentiana Plut. 61. Cod. Chart. Num. 1.* adseratur: *La Guerra Italiana chontra a Gbotti chomposta per Meſſer Lionardo d'Arezzo al Reverendissimo P. D. Giuliano Cardinale di S. Agnolo, e dipoi tradotta dal latino in volghare.* Incipit: *Benche a me molto più giochondo farebbe statto, &c.* An haec sit *Petroniana* versio, conferant, quibus ocium est. Perperam *Le Sieur Le Gallois* pag. 169. *Traité des Bibl. scripsit*, hos libros a *Lionardo gothica lingua promulgatos fuisse. Eamdem historiam gallice quoque editam fuisse Paris. an. 1667. me docuit Struvius Cap. IX. Bibl. Historicae.*

V. Leonardi Arretini de *Bello Punico* Libri tres. Horum meminit *Manettus Poggius*, ac *Jac. Bergomas*, &c. Editum fuit hoc opus Brixiae ann. 1498. ut Tom. I. *Annal. Typograph.* testatur *Cl. Maittaireius* cum hoc titulo: *Polybius historicus de primo bello Punico latine Leonardo Arretino interprete*; & Paris. apud *Aſcenſium* 1512. cum eodem *Polybii* titulo, & *Augustae Vindel.* 1537. MSs. extant hi Libri in

Bibl. Laurentiana Plut. LXV. Codd. Membr. Num. XI. XII. XIV. XV, & XVI. Ad calcem Cod. XIV. haec leguntur. Leonardus Arretinus edidit Florentiae XVIII. Kal. Januarias MCCCCXXI. Adservantur etiam in Bibl. Riccardiana Plut. M. Ord. I. Cod. membr. Num. XXXI., & aliis Codd. In eadem Bibl. reperitur haec historia Italice versa, sic inscripta: *Commentario della Guerra prima dei Cartaginesi co Romani Plut. scilicet Q. Ord. III. Num. XXV.* quam quidem versionem Venetiis editam fuisse tradit Niger, ac Niceronus. Reperitur etiam latine scripta in *Ambrosiana* H. XXXVII. in quarto testante Cl. Saxio. Incipit: *Vereor, ne qui me putent antiqua nimium conjectari, &c.* In Bibl. Laurentiana Plut. LII. Cod. Chart. N. XXVII. exstat: *Compendium primi belli Punici excerptum ex Libro, quem Leonardus Arretinus composit.* Incipit: *Primi belli Punici a Romanis contra Carthaginenses gesti, &c. & Plut. LXI. Cod. Chart. Numer. XLIV.* Leonardo d' Arezzo della prima Guerra Punica.. Initium hujusmodi est: *Parrd forse a molii, che io vada dietro, &c.*

VI. Leonardi Arretini *Commentarium rerum Graecarum ad Equitem Angelum Acciajolum.* Hoc teste Oudino edidit Gryphius Lugd. 1539. Lipsiae etiam a Joach: Camerario 1546. prodidisse tradit Fabricius. Idem Argentorati ann. 1610. per Sixtum Brunonem prodiit, ac postremo recudit Tom. VI. pag. 3392. *Thes. Antiq. Graec.* Cl. Gronovius. MSS. exstat in Laurentiana Plut. LXV. Cod. chart. Num. IX. & in Riccardiana Plut. N. Ord. I. Cod. chart. Num. IX. & in Ambrosiana Mediolanensi N. LIII. Incipit: *Animadvertis nonnumquam, o Angele, te admirari solere meam, ut ita dixerim, cunctationem, &c.*

VII. Leonardi Arretini *Isagogicon moralis disciplinae ad Galeotum Ricasolanum.* Hujus meminit Manetus, &c.

tus, &c. Sic etiam inscribitur: *Leonardi Arretini Dialogus de moribus ad Galcottonum Dialogo parvorum Moralium Aristotelis ad Eudemum amicum suum respondens.* Idecirco arbitror factum, quod in prima editione hoc opusculum ita sit inscriptum: *Aristoteles de Moribus ad Eudemum Latine Leonardo Aretino interprete, &c.* quod editum fuit Lovani 1475. decima Junii, ut ad calcem legitur. Vide *Maittaireum Tom. I. Annal. pag. 113.* Prodiit etiam juxta *de la Mare Parif. 1512.* & ibidem 1516. per *Ascensium*, ut testatur *Oudinus*; excusumque etiam cum *Jacob. Fabri* paraphrasi *Moralium Aristotelis* testante eodem Cl. *Oudino.* MSS. exstant in *Bibl. Laurentiana Cod. Membr. Plut. LII. Num. III. & Num. V. Cod. pariter Membr. & in aliis Codd. Plut. LXIX. & in *Bibl. Riccardiana Plut. N. Ord. II. Cod. Membr. Num. XII. & Cod. 285. Chart. Bibl. Vindobonensis*, ut *Lib. 2. Comm. Cap VIII.* testis est *P. Lambecius.* Incipit: *Si ut vivendi Galeotte, sic etiam be ne vivendi cura nobis eset, &c.**

VIII. *Leonardi Arretini ad Petrum Histrium dialogorum Libri II.* Horum meminit *Manettus*, *Poggius*, &c. Ita etiam hoc opus inscribitur: *Dialogi duo de disputationis, exercitationisque studiorum usu, & necessitate in litterarum genere quolibet.* Ab hoc gemino titulo deceptus est Cl. *Oudinus* *Lib. 3. de Script. Eccles.* pag. 2388. & *Julius Niger*, qui illos *Dialogorum* libros ab his diversos putarunt. Editi fuere illi dialogi *Basileae ann. 1536.* per *Henricum Petri* ut tradit *Tom. XXV. Memor. Niceronus*, & *Paris. 1642.* ut testatur Cl. *Oudinus.* MSS. exstant in *Bibl. Laurentiana Plut. LII. Cod. Membr. Num. III. & in Cod. 2156. Bibl. Regiae Paris.* ut pag. 47. *Bibl. MSS. Part. IV. Sect. III.* tradit *Labbeus.* Incipiunt: *Vetus est cuiusdam sapientis sententia, &c.*

## LVIII LEONARDI BRUNI

IX. Leonardii Arretini Cicero Novus ad Nicolaum suum. Hujus meminit Manettus, Poggius, &c. Hunc nuncupavit Leonardus Nicolio, & in preōmio ait, se inchoasse traductionem Plutarchi, ubi de Ciceronis vita agit. Sed quum multa defese viderit, Plutarcho omisso Ciceronis vitam confecit ex his, quae vel apud Latinos, vel apud Graecos de eodem scripta legerat. An haec Tullii vita alicubi impressa esset, se nescire faslus est Cl. Oudinus. Sed editam fuisse testatur Niger. MSS. exstat in Bibl. Laurentiana Plut. LII. Cod. Chart. Num. I. & Cod. Membr. Num. II. & Cod. Membr. Num. X., & Plut. LXV. Cod. Chart. Num. XXVIII. & Cod. Membr. Num. XXVII. &c. hoc titulo: *Marci Tullii Ciceronis Vita: Leonardus Aretinus composuit: inscribitur Cicero Novus.* Eadem Italice versa adservatur in Bibl. Riccardiana Plut. Q. Ord. III. Cod. Chart. Num. XV. Latine etiam in Bibl. Ambrosiana N. 165. ut mihi indicavit Cl. Josephus Saxius, & in Cod. 2030. Bibl. Parif. ut pag. 47. Bibl. MSS Part. IV. Sect. III. testatur Labbeus. Incipit autem: *Leonardi Arretini Prefatio in Ciceronem novum ad Nicolaum Nicolum.* Otioso michi nuper, &c. Deinde sequitur vita: *Tulliorum familiam, quae & Ciceronis postea cognomentum recepit, &c.* In nonnullis tamen Codd. MSS. Ciceronis vitam e graeco Plutarchi translatam, nec ab-solutam reperiri arbitror.

X. Leonardi Arretini de Aristotelis vita ad Cardinalem S. Crucis. Hujus meminit Manettus, ac Poggius, qui: *insuper, inquit, Aristotelis vitam scriptis multis ex auctoribus tam graecis, quam latinis contractam.* MSS. exstat in Bibl. Laurentiana Plut. LII. Cod. Membr. Num. III. & Num V. Eadem reperitur in Bibl. Ambrosiana I. 33. Incipit: *Prefatio Cardinali S. Crucis. Quanta nobis Aristoteles Philosphus,*

*phus, &c.* sequitur deinde vita: *Aristoteles Philo-*  
*bus ex oppido fuit, &c.*

XI. *Leonardi Arretini de Militia ad Raynaldum Albicium Equitem Florentinum.* Hujus meminit *Manettus*, ac *Poggius*. Hoc opusculum nunquam prodiisse arbitror. MSs. exstat in *Bibl. Laurentiana Plut. LII. Cod. Membr. Num. III. & Num. V.* Adseratur etiam in *Bibl. Ambrosiana*, ut *Tom. XIX. Ital. Script. testatur Cl. Muratorius*, nempe in 4. F. 45. & H. 37. & H. 91. & N. 173. ut mihi significavit *Cl. Saxius*. In *Cod. 215. Bibl. Norfolcianae* exstat: *Leonardi Arretini Liber de Re militari.* Idem est. Reperitur etiam in *Cod. 2156. Bibl. Paris.* ut pag. 47. *Bibl. MSs. Parte IV. Sect. III.* testatur *Labbeus*. Initium tale habet. *Fateor Cl. Vir & michi ipsi jam saepe in dubium venisse banc nostri temporis militiam, quae dignitatis, honorisque loco praestantioribus viris tribui solet, nec incuriosè quidem a me pervestigata. fuisse illius initia, atque progressus, &c.* Notatur ad calcem *Cod. MSs. promulgatum fuisse Florentiae XIX. Kal. Januarii 1421,*

XII. *Leonardi Arretini ad Job. Franciscum Gonzagam Principem Mantuanorum de origine Urbis Mantuae.* Hujus opusculi nec *Manettus*, nec *Poggius* meminit, idemque inter *Leonardi opera adhuc inedita recensuit Philibertus de la Mare.* MSs. exstat in *Bibl. Laurentiana Plut. LII. Cod. Membr. Num. III. & Num. V.* Idem quoque adseratur italicice conversum in *Bibl. Riccardiana Plut. S. Cod. Chart. Ord. III. Num. XXXIII.* atque ita inscribitur: *Epistola di Messer Lionardo d'Arezzo al Signor di Mantova dei fatti di Mantova, come fu posta.* Initium in *Codd. Laurentianis* hujusmodi est: *Non sum nescius, generosissime Ductor, cum ab hominibus litterarum studio ceditis pro cognitione rerum quic-*

*quicquam exquiritur, solere eos tenuitatem ingenii sui & rerum ipsarum difficultatem allegare, &c.* In fine Codd. MSS. haec leguntur: *Vale. Ex Florentia VI. Kal. Junias MCCCCXVII.*, quod supra indicavimus.

XIII. *Leonardi Arretini de studiis, & litteris ad Iulustrem Dominam Baptistam de Malatestis.* Hujus mentione Jannotius Manettus, &c. Editus fuit hic libellus Argentinae 1521. cum hoc titulo: *De bonis studiis epistola*, ut Tom. XXV. Memor. testatur Niceronus. Inde an. 1642. Gabriel Naudaeus ex Cod. suae Bibl. edidit ita inscriptum: *Leonardus Arretinus de studiis, & litteris ad Isabellam Malatestam.* Prodiit etiam in Libro, cui titulus: *Hugonis Grotii, & aliorum dissertationes de studiis bene instituendis Amstelaed.* 1645. Eumdem quoque recudit V. Clar. Thomas Crenius in *Meth. Stud.* Tom. I. Num. X. Roterod. an. 1692. MSS. exstat in Bibl. Laurentiana Plut. LII. Cod. Membr. Num. III. & Num. V. & in Riccardiana Plut. M. Ord. III. Cod. Chart. Num. IX. & Plut. M. Ord. I. Cod. Membr. Num. XVI. &c. Incipit: *Compulsus crebro rumore admirabilium virtutum tuarum, scribere ad te constitui, ut, &c.*

XIV. *Leonardi Arretini de interpretatione recta ad Bertum Genuensem.* Hoc opusculum memorat Jannotius Manettus, & inter inedita Leonardi opera recensuit Philibertus de la Mare.

XV. *Leonardi Arretini de Romae origine, & unde dicta sit.* Hoc opusculum nemo, quod sciam, memorat, exstatque MSS. in Bibl. Laurentiana Plut. LII. Cod. Chart. Num. XXVII. Incipit: *Variae quidem sententiae de Romae civitate, & unde dicta sit ab aucto-ribus traduntur. Quidam Pelasgos ob incredibilem rei militaris comparatam fortitudinem Romanam appelle- lasse ferunt. Alii, &c.* mutulus ad calcem est hic libellus.

XVI. *Interrogatio ad peritissimum virum Dominum Franciscum de Fiano per elegantissimum Leonardum Arretinum transmissa, videlicet quo tempore fuerit Ovidius, causam per quam Ovidius fuerit in exilium relegatus, & si revocatus ab exilio fuerit in patriam remissus scire cupientem.* Sic inscribitur in Cod. Chart. Sec. XV, quem possidet Cl. Philippus Stoschius. Sequitur in eodem Cod. MS. Francisci responsio, quae incipit: *Leonarde mi. Cupis a me scire, &c.* Hoc opusculum exstabat etiam teste Cl. Monfaucon in Bibl. Reginae Sveciae, nunc vero in Vaticana.

XVII. *Leonardi Arretini Liber de infititione adolescentium ad Ubertinum Carrariensem.* Hunc libellum cum hoc titulo adservari in MSS. Cod. Bibl. Ambrosianae me docuit Tom. XV. Script. Ital. pag. 112. Cl. Muratorius, idemque mihi significavit Celeb. ejusdem Bibl. Praefectus Antonius Saxius. Sed hunc non memorat Manettus. Praeterea in MSS. Codd., ac inter alios in Cod. Membr. Bibl. Laurentianae Plut. LXV. Num. XV. similis Libellus P. Pauli Vergerio tribuitur cum hoc titulo: *Petri Pauli Vergerii de Justinopoli ad Ubertinum de Carraria de ingenuis mortibus, & liberalibus studiis adolescentiae liber,* quem in lucem produisse ostendit in Annal. Typogr. Cl. Michaël Maittairius. Incipit: *Franciscus Senior avus tuus, cuius extant plurimae res magnificae gestae, &c.* Sed quum Ambrosiani Codicis initium iniquo temporis spatio exclusus a Cl. Saxio habere non possum, utrum illud opusculum P. Pauli Vergerii sit, temere affirmare non audeo.

XVIII. *Leonardi Arretini Viri doctissimi de Nobilitate Florentinae Urbis Libellus.* Hujus meminit ipsemet in Epist. VIII Lib. I. ad Nicolum; ex qua elucet an. 1405. ab eo elucubratum: aemulatum vero fuisse

fuisse orationem *Aristidis de Laudibus Athenarum* fatetur ipsem *Ep. IV. Lib. VIII.*, ubi ab Aristarco nescio quo se defendit. Eodem memorant *Mannettus*, *Poggius*, *Philippus Bergomas*, &c. ac numquam editus est. Exstat in *Bibl. Laurentiana Plut. LII. Cod. Chart. Numer. XI. & Plut. LXV. Cod. Membr. Numer. XV.* Idem quoque adseratur in *Bibl. Riccardiana Plut. M. Ord. I. Cod. Membr. Numer. XVI.* & in *Ambrosiana Mediolanensi* in 4. *M. 44.* inscribiturque *Laus Florentinae Urbis*, ut mihi indicavit Cl. ejusdem *Bibl. Praefectus Joseph Antonius Saxius*. Hinc deceptus est *Philibertus de la Mare*, qui *Leonardi opus de Nobilitate Florentinae Urbis* diversum putavit ab eo, quod inscribitur *Laus*, vel *Laudatio Florentinae Urbis*, & perperam in suo catalogo inter *Leonardi opera inedita recentissimum primum De Nobilitate*, ac paulo inferius, *Laudatio Urbis Florentinae*, cum idem sit. Incipit: *Vellem michi a Deo Immortali datum esset, ut vel Florentiae Urbi, de qua dicturus sum, parem eloquentiam praestare possem, vel certe meo erga illam studio, meaque voluntati.* Alterutrum enim, ut opinor, abunde esset ad illius magnificentiam, nitoremque ostendendum, &c.

XIX. *Leonardi Arretini Oratio in funere Othonis adolescentis praestantissimi*. Hujus tantum meminit *Gaddius*, *Philibertus de la Mare*, & ex eo *Julius Niger*, &c. Haec numquam lucem adspexit, & elucubrata a Leonardo fuit ann. 1405., tum cum *Viterbii* morabatur. MSS. exstat in *Cod. Bibl. Gadianae*, & in *Cod. Bibl. Ambrosianae* in 4. *M. 40.*, ut mihi indicavit Cl. *Antonius Saxius*. Eadem adseratur in *Cod. veteri Chart. Cl. Baronis Philippi Stosch*. Incipit: *Plenam lacrymarum, atque moeroris hodiernam diem nobis dedit acerbissima mors Othonis nostri*

*nostri praestantissimi, & impigerrimi Juvenis, qui diuturno, ac pertinaci morbo vexatus, cum jam virtus ejus iutari se se diucius non posset, quasi candelia quaedam paulatim assumpta est, pauloque fumi per acum dedito ad extremum interiit. Cujus quidem mors, &c.*

XX. Ex Epist. I. Lib. 2. ad Nicolaum deprehenditur, Leonardum ann. 1406. cum Romam rediisset, elucubralse Laudationem Colucii Salutati, qui paulo ante diem obierat: Leonardi verba haec sunt: *Quod autem de Colucii laudatione significari tibi postulas procedit sane opus satis, ut michi videtur, luculente. Sed an perfecerit, me latet. Sane in Bibl. MSS. nusquam reperti.*

XXI. Leonardi Arretini Laudatio Cl. V. Jobannis Strozae Equitis Florentini. Hujus meminit Manetus, &c. Hanc primus ex duobus Codd. uno Bibl. Regiae, altero Colbertinae eruit Tom. III. Miscell. Stephinus Baluzius, cum hoc titulo: *Eloquentissimi Viri Leonardi Arretini Oratio in funere Nannis Strozae Equitis Florentini.* Haec exstat in Bibl. Laurentiana Plut. LII. Cod. Membr. Num. III. & Cod. pariter Membr. Num. V. Adseratur etiam in Bibl. Riccardiana Plut. M. Ord. III Cod. Chart. Num. IX. cum hoc titulo: *Oratio funebris in civem clarum Jo. de Strozis Equitem Florentinum;* ut & in Ambrosiana Mediolanensi in fol. H. 48 & in 4. H 91. ut mihi indicavit Cl. Saxius. Initium hujus Laudationis in Codd. Laurentianis tale est: *Leonardi Arretini prefatio in Laudationem Cl. Viri Jobannis Strozae Equitis Florentini.* Incipit: *Lex fuit vetusta Solonis, &c.* deinde: *Incipit Laudatio. Jubemur nunc ad funeris, &c.*

XXII. Imperatoris Heliogabali Oratio protreptica, sive abhortatoria ad Meretrices. Hujus meminit

LXIV LEONARDI BRUNI

nit ipsem in *Epist. XVI. Lib. II. ad Nicolaum*: & ab eo elucubrata fuit an. 1407, dum Senis esset. Prodiit autem cum historiae Augustae Scriptoribus minoribus ab *Aldo Manutio* editis Venetiis an. 1519. exstatque ibi a fol. 291. usque ad fol. 295. Eadem adservatur MSS. in *Cod. Chart. Bibl. Caesareae Vindobonensis* Num. 285. ut *Lib. II. Comment. Cap. VIII.* tradit *Cl. Petrus Lambecius*; & in MSS. *Bibl. Gadianae*. Incipit: *Incredibilis me libido habet Com-militones, &c.* Ad calcem haec leguntur teste eodem Lambecio: *Leonardus Arretinus recreandi ingenii causa ridens, ludensque dictavit, unde severiores ro-gat, ne legant, urbaniores, ne efferant.*

XXIII. Clarissimi, atque eloquentissimi viri Leonardi Arretini Oratiuncula ad Summum Pontificem Martinum Quintum. Hujus meminit Philibertus de la Mare, atque ex eo Julius Niger: elucubrata vero est a Leonardo an. 1426, ut supra diximus. Haec adservatur in *Bibl. Laurentiana Plut. 52. Cod. Membr. Num. XV*, ac nunquam in publicam lucem prodiit: Incipit: *Consueverunt, Beatissime Pater, qui legationis officio fungentes Sedem Apostolicam, & sanctissimam adeunt, quantum ipsi verbis oreque adniti possunt, exquisitissimis eam laudibus conari extollere: quos tamen cum saepe praefens diligenter accurateque audiverim, atque una ex parte verba illorum, alia vero ex parte amplitudinem maiestatemque Sedis hujus pensarem, usque adeo deficere verba animadvertis, ut laudatores ipsi, eorumque conatus omnes ridiculi vi-derentur. Neque sane, &c.*

XXIV. Leonardii Arretini Oratio in *Hypocritas*. Hujus meminit ipse *Leonardus Ep. XIV. Lib. IV.* Eamdem memorant *Manettus*, & *Poggius*, &c. Edita fuit in *Fasciculo Ortuini Gratii Coloniae 1535*. Deinde in *Fasciculo* eodem recuso *Lugd. 1679. & Lon-dini*

dini 1691. Postremo recusa ann. 1699. ex Cod. Antonii Magliabechii. Adservatur MSS. in Bibl. Laurentiana Plut. LII. Cod. Membr. Num. III. & Cod. pariter Membr. Num. V. & in MSS. Gaddiano. Exstat etiam in Bibl. Ambrosiana in 4. F. XLV, &c. ut mihi indicavit Cl. Saxius: Incipit: *Ex omni genere hominum, quos variis damnabilibusque viciis ingentiosa, & ad malum prona coinquinavit improbitas, &c.*

XXV. Oratio Leonardi Florentini pro se ipso ad Praesides. Hujus meminit Manettus, &c. Ea scripta fuit contra Judam nescio quem ex vetusta opulentaque familia hominem potentem, atque gratiosum, qui accusatore Bernadetto emptionem domus cuiusdam dicebat a Leonardo contractam fuisse: quod Leonardus sedulo negat. Haec numquam e tenebris eruta fuit: Adservatur MSS. in Plut. LII. Bibl. Laurentianae Cod. Membr. Num. V. Incipit: *Etsi non fuit necessarium, Praesides, adversarios meos praesertim in tantis Reip. occupationibus vestris habebitis molestias, occupationesque afferre, propterea quod si de suo jure confidebant, legitimis, ordinariisque judiciis id persequi poterant; tamen letor equidem horum calumniam in me falso conficiam ad vestrum. potissimum judicium esse delatum. Videbitis enim manifeste, &c.*

XXVI. Leonardi Florentini Oratio in Nebulonem Maledicum. Hujus meminit Manettus, & Philelphus, qui nos docet in Nicolaum Nicolium scriptam fuisse. Philelphi verba sunt haec in Epist. XX. Lib. II. ad Cosinum Mediceum, ubi de Nicolao conqueritur: *In Leonardum autem, inquit, Aretinum qualem se praestiterit, ipsius Leonardi in eum invectiva testimonio est. Causas vero irarum inter Nicolum, & Leonardum habes in Epist. IV. Lib. V, quam consule. Porro haec numquam edita fuit: Adservatur MSS. in Cod. 286.*

*Collegii novi Oxoniensis*, in Cod. 2156. Bibl. Regiae ut pag. xxxvii Bibl. MSS. tradit *Labbeus*, & in Bibl. Mediceo-Laurentiana *Plut. LII.* Cod. membr. Num. V. & ad calcem mutila est. Et quum nonnulla in ea reperiantur haud vulgaria de Nicolio, aliquid heic lubet excerpere. Tradit itaque Nicolii avum primum Pistorii, deinde Florentiae cauponem fuisse, ejusque patrem capona egressum oleo se, ac lanificio perunisse. Quinque vero fratres habuisse, eosque Florentina civitate fuisse donatos. Quare valeant illi, qui *Nicolum ex nobilissima progenium familia sibi somniant*. Eidem exprobrat, quod usque adeo maledictis *Chrysoloram*, *Guarinum*, aliosque infectatus sit, quoad consilium coeperint ex hac urbe demigrandi. Itaque perperam a *Fabritio*, aliisque reprehenditur *Vossius*, tamquam *Philelphi* maledictis credulus, quod idem tradiderit Lib. III. de Hist. Lat. Cap. IV. Quod autem ad *Guarinum* spectat, *Guarini ipsius*, ait *Leonardus*, de his rebus scripta pрагrandis quidem, ac luculenta testatur epistola. Haec missa fuit ad *Blasium Guasconem*, incipitque: *Volui saepe numero animosi mores hominis, &c.* quam cum multis aliis ejusdem *Guarini* in lucem producemus. Ex eadem refellitur idem *Vossius*, qui tradit, *Nicolaum opuscula quaedam reliquisse ad Cosmographiam, Philosophiam, & antiquitatem pertinentia*. Inquit enim *Leonardus*: *Potes tu, qui aliorum inscitiam tam insolenter reprobendas, opus aliquod proferre studiorum tuorum?* Non exigo abs te grandia, nec multa. Unum saltem aliquid vel exiguum profer. At nichil babes, quod proferre queas, ne epistolam quidem unam, quod ignorantiae tuae exploratissimum est argumentum, &c. Hoc tamen de operibus latina lingua scriptis intelligendum est. Nam italice edidit opusculum quoddam, in quo rationes orthographiae ex fide aereorum, atque argenteo-

teorum numismatum, marmorum, ac Codd. MSS. explicavit. Hujus meminit *Guarinus* in Ep. adhuc inedita: *proxime, inquit, venit in manum ab eo editum in lucem opusculum, quod ille ad erudiendos compilavit adolescentes.* *Inscribitur autem orthographia, cum veritus orbographia possit appellari.* Nam cum erudire pueros per quandam inanem jactantiam concupiscit, rudem se se magis puerum patefacit. Tot in ea continentur artis praecepta, describuntur vocabula, ut correptas . . . syllabas diphthongis annotare non pudeat. Nec erubescit canus homo, aerei nummi, marmorisque, & Codicum graecorum testimonia afferre, cum nulla de vocabulo sit disceptatio. Quamobrem & Alphonso Neapolis & Siciliae Regi, & Antonio Sancti Marci Cardinali Eugenii IV. Nepoti, & Cosmo Mediceo veterum numismatum vindicibus addendus *Nicolus*, quem nec Cl. Bandurius in *Bibl. Nummaria*, nec Jo: Fabricius in secunda Banduriani operis editione recensuit. Id tamen discere poterant ex *Poggii* oratione in funere Nicolii, quam perperam tamquam ineditam ediderunt Tom. III. *Vet. Mon. Martene*, & *Durand.* In ea inquit *Poggius*: *Hic signa, & tabulae, hic veterum imagines, hic numismata usque a priori illa aetate, qua aes primum cudi, & moneta obsignari est copta conspiciebantur.* Sed plura de his alias: *Investiga Leonardi ita incipit: Respondisse tibi jamdudum perditissime scurra, nisi me id facere volentem amici omnes mei una cunctorum sententia vi prope adhibita retinuissent, asserentes id quod verissimum est, eam esse indignitatem tuam, atque adeo notam omnibus recordiam, atque dementiam, ut dedecorosum michi foret tecum in certamen descendere, nec secus contemnendam hanc rabiosam procacitatem tuam censemabant, quam viri puerorum, & sani furentium maledicta, & incla-*

## LXVIII LEONARDI BRUNI

*mationes solent contemnere. Fuit igitur tibi baffle-nus, &c.*

XXVII. *Leonardi Arretini in Carolum de Malatestis propter derogationem statuae in memoriam Manonis factae invectiva.* Hanc nec Manettus, nec Poggius, nec Philippus Bergomas, nec alii inter Leonardii opera recensuere. Primus fuit Cl. Jo: Georgius Schelhornius, qui Tom. III. *Amoenit. Litt. Pag. 222.* seq. ex Cod. Bibl. Krafftianae Leonardo tribuit. Sed P. Pauli Vergerii senioris esse supra ostendimus. Incipit: *Non est apud quem querar, Vir Magnifice, nisi apud te, qui solus, &c.*

XXVIII. *Orazione di Messer Leonardo di Arezzo Cancelliere Fiorentino detta da lui in presentia della Maestà Sua, e di tutto il popolo in sulla ringhiera, quando si diede il bastone al Magnifico Uomo Nicolo da Tolentino allora nostro Capitano di Guerra la mattina di S. Johanni Battista, cioè adì 25. di Giugno 1443.* Hanc Leonardi orationem Gaddius memorat, &c. Exstat MSS. in Bibl. Mediceo-Laurentiana Plut. XXXXII. Cod. Chart. N. X. & in Museo Marchionum Guadagniorum Cod. Chart. Num. 142. & in Bibl. Riccardiana Plut. S. Ord. III Cod. Chart. N. XXXXII. & Plut. R. Ord. III. Cod. Chart. N XII. & in aliis Codd. MSS ejusdem Bibl., ut etiam in Gaddiana. Incipit: *Di tutti gli esercizj humani, Magnifico, e potentissimo Capitano, &c.*

XXIX. *Risposta fatta per Messer Leonardo d'Arezzo per parte della Signoria di Firenze, e nella presenzia de Signori, e di molti altri Cittadini agli Ambasciatori del Re di Raona nell' anno 1443.* Hujus meminit Gaddius, ac Philibertus de la Mare. Adseratur MSS. in Bibl. Mediceo-Laurentiana Plut. XLII. Cod. Chart. N. X. & in Riccardiana Plut. R. Ord. III. Cod. Chart. Num. XII. & Plut. O. Ord. III. Cod.

*Cod. Chart. Num. XVIII. & Plut. S. Ord. III. Cod. Chart. Num. XXXIII.* Eadem quoque exstat in Bibl. Gaddiana. Incipit: *Magnifico, e prestantissimo Ammiraglio, e voi spettabile Cavaliere. Egli è comandamento de miei Magnifici Signori, &c.*

XXX. Orazione di Messere Leonardo d' Arezzo detta avanti il Sig. Gonfaloniere della Giustizia di Firenze. Haec adservabatur Venetiis in Cod. Francisci Lauredani, ut pag. 97. Bibl. Venet. MSS. auctor est Philippus Tomasinus. Sed unam ex duabus superioribus esse suspicor.

XXXI. Difensione di Leonardo Arretino a ripresori del Popolo Fiorentino nell' impresa di Lucca. Exstat in Bibl. Laurentiana Plut. XLII. Cod. Chart. Num. X, in Riccardiana non semel, & alibi. Incipit: *Da Lucca in questi giorni vennero lettere, la soprascritta delle quali si dirizzava a me proprio, &c.*

XXXII La Vita di Dante, e i costumi, e studj di Messer Francesco Petrarca Poeti chiarissimi composta novissimamente per Messer Leonardo Cancelliere Fiorentino facta nel MCCCCXXXVI. Petrarchae vitam edidit Patavii 1650. pag. 207. Petrarchae Redivivi Philippus Tomasinus, & cum vita Dantis recusa ex Cod. MSS. Jo: Cinelli ann. 1671. Vide Plut. I. Bibl. Volantis. MSS. reperitur in Bibl. Laurentiana Plut. XXXXII. Cod. Chart. Num. XVII, & Cod. Chart. Num. X, & in aliis Codd., & in Bibl. Riccardiana plus vice simplici, & in Bibl. Marchionum Guadagniorum Cod. Chart. Num. 142. Incipit proemium. *Avendo in questi giorni posto fine ad un' Opera assai lunga, &c.* Vita Dantis: *Li maggiori di Dante, &c.* Petrarchae vero: *Francesco Petrarca, &c.*

XXXIII. Storia di Antioco figlio di Seleuco innamorato della Matrigna Stratonica scritta da Leonardo

*do Aretino.* Hujus fabulae meminit ipsem Ep. X.  
Lib. X. ad Bindacum Ricafolanum. MSs. exstat in Bibl.  
*Abbatiae Florentinae Monachorum Cassinensem*, & in  
Cod. MSs. *Marchionis Gabrielis Riccardii Canonici*  
*Florentini.*

XXXIV. *Magni Basili de institutis juvenum*, ut  
testatur pag. 179. *Annal. Typograph. Michaël Mait-*  
*tairius*. Prodiit deinde Bononiae an. 1497 cum hoc  
titulo: *S. Basili de Liberalibus studiis, & ingenuis*  
*moribus Leonardo Arretino interprete.* Vide eumdem  
*Maittairium Tom. I. Annal. pag. 342.* Postquam hanc  
Bononiensem editionem recensuerat *Niceronus* cum  
altera Parisiensi, subjungit hoc opusculum, quod  
a libello mox laudato diversum arbitratur: *Basi-*  
*lius Magnus de legendis antiquorum libris*, aitque  
editum fuisse Argentorati 1507. Paris. 1508. & Ro-  
mae 1594. Sed hic *Basili libellus a Leonardo conver-*  
*sus nihil differt ab eo, de quo supra diximus, eumdem-*  
*que in omnibus fere Codd. MSs. diverso titulo insigni-*  
*tum videoas: In Bibl. S. Crucis Minorum Conven-*  
*tualium Plut. XIII. Cod. Membr. Num. XII. ita in-*  
*scribitur: Magni Basili Liber per Leonardum Ar-*  
*retinum de graeco in latinum translatus ad juvenes*  
*religiosos, quibus studiis opera danda sit. In Bibl.*  
*Laurentiana Plut. LXV. Cod. Membr. Num. XV. Ma-*  
*gni Basili ad juvenes religiosos, quibus studiis ope-*  
*ra danda sit: Plut. vero LXXVI. Cod. Membr. Num.*  
*XXXII. Basili oratio de studiis secularibus tradu-*  
*ta per Leonardum Arretinum. In Cod. XV. Colle-*  
*gii Lincolniensis: Liber Basili Magni, quo pacto gen-*  
*tilium*

tilium libros imprimis Christianos legere oporteat translatus per Leonardum Arretinum. Consule Part. II. Catal. MSS. Angliae, & Hiberniae pag. XXXX. In Cod. 137. Bibl. Norfolciana; Basilius Magni libellus, qui inscribitur de capessendis artibus a Leonardo Arretino translatus. In Cod. Chart. 285. Bibl. Vindobonensis: S. Basilius Magni liber ad nepotes ex graeco in latinum translatus. Vide P. Lambecium. Tom. II. Comment. Cap. VIII. Hoc itaque unum est opusculum dissimili titulo inscriptum, nec diversa inter se opera, ut sibi finxerunt viri doctissimi, quorum nomini parco: Versioni praecedit: *Leonardi Arretini prefatio ad Colucium Salutatum*, cui hunc libellum nuncupavit: Incipit praefatio: *Ego tibi hunc librum, Coluci, ex media, ut ajunt, graecia elegi, &c.* Versio autem: *Multa sunt, fili, quae horantur me, &c.*

XXXV. Xenophontis Philosophi liber, qui dicitur Tyrannus a Leonardo Arretino de graeco in latinum translatus. Hanc versionem memorat Manettus, ac Poggius, &c. MSS. adseratur in Bibl. Laurentiana Plut. LXV. Cod. Membr. Num. XV. & Plut. LXXVI. Cod. Membr. Num. XXXII. & in Bibl. Sanctae Crucis Minorum Conventualium Plut. XXII. Part. sinistrae Cod. IX. Exstat etiam in Ambrosiana Mediolanensi A. 166. & N. 104. & alibi. Praecedit: *Leonardi Arretini prefatio in Librum Xenophontis ad Nicolaum Nicoli*, cui dicatum est opusculum, incipitque: *Xenophontis Philosophi quemdam librum, &c.* Deinde: *Xenophontis philosophi liber, qui dicitur Tyrannus, incipit.* Initium tale est: *Cum ad Hieronem tyrannum Simonides poeta aliquando venisset, &c.* In Cod. Membr. Plut. XXII. Bibl. S. Crucis, de quo nuper mentionem fecimus, reperi inter alia Basilius sermonem, de quo supra, & hunc Xenophon-

*tis Tyrannum ex versione Arretini, deinde nonnulla e Luciano conversa, & in fine hujus Lucianae conversionis haec leguntur: Explicit feliciter 1403. 16. Maii. Scripta sunt haec Florentiae. Ex his patet has versiones omnium primas ab eo elaboratas, tum cum Chrysoloras Florentia abiit. Et sane in Epist. ad Nicolum Xenophonteam versionem primatas suorum studiorum appellat: testaturque Poggio, Basili Sermonem translatum ab eo fuisse, cum adhuc graecis auctoribus Florentiae vacaret, &c.*

**XXXVI.** *Marci Antonii Vita per Leonardum Arretinum e graeco in latinum traducta.* Hujus versionis meminit Manettus; editaque fuit Basileae apud Isingrinium 1542. cum his omnibus, quae sequentur. MSS. existat in Bibl. Laurentiana Plut. LXV. Cod. Membr. Num. XXVII, & Cod. Chart. Num. XXVIII. & Plut. LII. Cod. Membr. Num. X. & alibi saepissime. Praecedit: *Prefatio Leonardi Arretini in Vita M. Antonii ad Colucium Salutatum.* Initium tale est: *Marci Antonii vitam multiplici, ac varia historiarum serie contextam, &c.* sequitur Vita: *Marco Antonio avus fuit Antonius Orator, &c.*

**XXXVII.** *Vita Pyrrhi Epirotarum Regis per Leonardum Arretinum ex Plutarcho in latinum versa.* Hujus meminit Manettus. MSS. existat in Bibl. Laurentiana Plut. LXV. Cod. membr. Num. XXVI. & Cod. Chart. Num. XXIX. & alibi. Initium tale est: *Thebprotis, & Molossis post Diluvium Phetonta primum imperasse tradunt, &c.*

**XXXVIII.** *Vita Pauli Emiliae ex Plutarcho per Leonardum Arretinum in latinum translata.* Hanc memorant Manettus, ac Poggio, &c. MSS. adseruntur in Bibl. Laurentiana Plut. LXV. Cod. Membr. Num. XXVI. & Chart. Num. XXVIII. & alibi. Incipit: *Emiliorum fa-*

*familiam in urbe Roma patriciam sane, ac vetustam fuisse, &c.*

XXXIX. *Tiberii, & Caii Cracchorum vita per Leonardum Arretinum ex Plutarcho traducta.* Hanc memorant *Manettus, ac Poggius.* MSS. exstat in *Bibl. Laurentiana Plut. LXV. Cod. Membr. Num. XXVI. & Cod. Chart. Num. XXIX.* & alibi. Incipit: *De Agide, & Cleomede, quae dicenda fuerunt, superius enarratis, &c.*

XXX. *Q. Sertorii vita per Leonardum Arretinum in latinum conversa.* Hanc memorant *Manettus, ac Poggius.* MSS. adseratur in *Bibl. Laurentiana Plut. LXV. Cod. Chart. Num. XXIX. & Membr. Num. XXVII.* & alibi. Praecedit: *Prefatio Leonardi Arretini ad Antonium Luscum,* cui hanc versionem nuncupat. Incipit: *Credo nonnumquam tibi evenisse Antoni carissime, &c.* sequitur Vita: *Non est fortasse mirandum per infinitum tempus, &c.* In *Bibl. Riccardiana Plut. Q. Ord. III. Cod. Chart. Num. XV.* adseratur haec eadem vita in linguam italicam versa, &c.

XXXI. *Catonis Uticensis vita: Leonardus Arretinus transtulit.* Hanc recensent *Manetius, ac Poggius.* MSS. exstat in *Bibl. Laurentiana Plut. LXV. Cod. Chart. Num. XXVIII. & Membr. Num. XXVI.* & alibi. Incipit: *Catonis genus principium dignitatis, & gloriae, &c.*

XXXII. *Vita Demosthenis Oratoris: Leonardus Arretinus traduxit.* Hujus meminit *Manettus.* MSS. exstat in *Bibl. Laurentiana Plut. LXV. Cod. Chart. Num. XXVIII. & Membr. Num. XXVII.* & in aliis Bibl. saepissime. Incipit: *Demosthenis Pater Demosthenes, ut Theopompus historicus tradit, &c.* Hae sunt inlustrium Virorum vitae, quas ex *Plutarcho* traduxisse testantur *Manettus, ac Poggius.* In

In *Plut. LII. Bibl. Laurentianae Cod. Chart. Num. XXVII.* ubi plura Arretini opera continentur, repetitur: *Thesei vita ex Plutarcho.* Incipit: *Theseus quia non, &c.* Et sane Jo: Britannicus in *Ep. ad Senat.* Populumque Brixensem auctor est: *Leonardum ex Plutarcho vitas multorum in latinum translusisse.* Consule *Part. I. Spec. Litt. Brixiana* pag. 82. Imo Leonardus ipse in *Ep. ad Colucium vitae M. Antonii praefixa: habemus, inquit, in animo hos omnes Plutarchi viros in latinum convertere, &c.* Itaque utrum illa *Thesei* vita ab Arretino latina civitate donata sit, judicent eruditi.

**XXXIII.** *Platonis epistolae per Leonardum Arretinum de graeco in latinum traductae.* Has recensent Manettus, ac Poggius. MSS. adservantur in *Bibl. Mediceo-Laurentiana Plut. LXXVI. Cod. Membr. Num. XLIII. & Num. XLII. & Num. LVII. & aliibi.* Praecedit: *Leonardi Arretini prefatio in Platonis epistolas de graeco in latinum traductas ad Cosmum Medicem.* Incipit: *Inter clamatos strepitus, negociorumque procellas, &c.* deinde: *Argumentum.* Incipit: *Ter Syracusas profectus est Plato, &c.* Postremo sequuntur epistolae, & hae sunt. I. *Dion Syracusanus Dionysio, & fratribus:* Incipit: *Ego tam longa vobis opera, &c.* II. *Platonis epistola ad Dionysium:* Incipit: *Audivi ex Archidamo te censere, &c.* III. *Platonis ad Dionysium:* Incipit: *Petis, an rectius ponatur, &c.* IV. *Plato Atheniensis Dioni Syracusano:* Incipit: *Puto manifestam per omne tempus fore, &c.* V. *Plato Atheniensis Perdiccae:* Incipit: *Eufreο suasi, &c.* VI. *Idem Hermiae, Eraſto, & Dorisco:* Incipit: *Michi quidem videtur, &c.* VII. *Idem Hipparino, ceterisque Principibus Syracusas tenuentibus:* Incipit: *Scripsisti michi censere vos, &c.* VIII. *Idem Syracusanis, & sociis:* Incipit: *Qua-*

*maxime sententia prospere succendent res, &c.* IX. *I-*  
*dem Architae Tarentino:* *Incipit: Venerunt ad nos*  
*Archippus, & Philomedes, &c.* X. *Aristodoro.* *Incipi-*  
*t: Audio te imprimis familiarem esse Dionis, &c.*  
*XI. Amyntae.* *Incipit: Scripsimus tibi jam prius re-*  
*ferre multum, &c.* XII. *Incipit: Quae venerunt com-*  
*mentaria mirabile, &c.* Ad calcem Cod. LVII. Lan-  
*rentiani legitur: Antonius Marii filius Florentinus*  
*civis absolvit Florentiae VII. Kal. Julias 1427. Va-*  
*leas feliciter Cosma mi suavissime.*

XLIV. *Liber Platonis*, qui dicitur *Phedon de im-*  
*mortalitate animae a Leonardo Arretino traductus.* Hunc memorant *Manettus*, ac *Poggius*. MSs. ex-  
 stat in *Bibl. Laurentiana Plut.* LII. Cod. Membr.  
 Num. II. & *Plut.* LXV. Cod. Membr. Num. XV.  
 & *Plut.* LXXVI. Cod. LVII. & alibi. Praecedit:  
*Leonardi Arretini prefatio in Phedonem Platonis ad*  
*Innocentium VII.* *Incipit: Qui laudant tuam Sancti-*  
*tatem, &c.* deinde: *Incipit Liber Platonis qui dicitur*  
*Phedon de immortalitate animae.* Initium est:  
*Ipse adfueristi, o Phedon, ea die, qua Socrates vene-*  
*num bibit in carcere, &c.*

XLV. *Platonis Gorgias a Leonardo Arretino ex*  
*graeco in latinum traductus.* Hunc memorant *Ma-*  
*nettus*, & *Poggius*. MSs. exstat in *Bibl. Laurentia-*  
*na Plut.* LII. Cod. Membr. Num. II. *Incipit: Belli*  
*& pugnae oportere ajunt, o Socrates, ita participem*  
*esse, &c.*

XLVI. *Platonis Philosophi Liber*, qui dicitur *Phe-*  
*drus: Leonardus Arretinus traduxit ex graeco.* Hu-  
 jus meminit *Manettus*. MSs. adseratur in *Bibl.*  
*Laurentiana Plut.* LXXVI. Cod. Membr. N. XLIII.  
 & alibi. Praecedit: *Prefatio ad Antonium Luscum,*  
*cui hunc libellum nuncupat, eaque incipit: Subglo-*  
*riari licet, videntissime Lusche, praesertim ad te scri-*  
 ben-

benti, &c. deinde: *Argumentum: Incipit: Lysias fuit, &c.* Postremo sequitur versio: *O amice Pheidre, quoniam, & unde, &c.*

XLVII. *Platonis Crito, vel de eo quod agendum Leonardo Arretino interprete.* Hujus versionis meminit *Manettus*. MSs. exstat in *Bibl. Laurentiana Plut. LXXVI. Cod. LVII. & Cod. Membr. Numer. XLIII. & alibi.* Praeit: *Argumentum in Librum Platonis Crito: Initium est: Damnato Socrate, & in carcerem truso, &c.* sequitur deinde versio: *Quid tu hoc temporis venisti, o Crito? &c.*

XLVIII. *Leonardi Arretini Apologia Socratis.* Hujus versionis meminit *Manettus*. Vir Cl. Niceronus Tom. XXV. *Memor.*, dum tradit hanc apologiam excusam fuisse Bononiae 1502, eamdem Xenophontis esse putavit. In *Cod. quoque XXXIX. Collegit S. Mariae Magdalene Oxonii legitur: Xenophontis apologia Socratis per Leonardum e graeco.* Vide Part. II. Codd. MSs. *Angliae, & Hiberniae pag. LXXIII.* Sed e graeco *Platonis a Leonardo conversam fuisse aperte nos docet idem Manettus.* MSs. adseratur in *Bibl. Laurentiana Plut. LXXVI. Cod. Membr. Num. LVII, & Cod. Membr. Num. XLIII. & alibi.* Praeit: *Leonardi Arretini argumentum in Apologiam Socratis.* Initium est: *Socrates Philosopher vir omnium innocentissimus, atque justissimus, &c.* sequitur deinde versio: *Quid vobis acciderit Judices, &c.*

XLIX. *Aristotelis Ethicorum Libri decem secundum traductionem Leonardi Arretini.* Hujus versionis meminit *Manettus*, ac *Poggius*, editamque fuisse per *Henricum Stephanum Paris. 1504. & ann. 1510.* tenetur Cl. Niceronus. Ascensionam Parisiensem ann. 1516. adjunxit *Cas. Oudinus, &c.* MSs. exstat in *Bibl. Laurentiana Plut. LXXIX. Cod. Membr. Num.*

XIV. & in aliis Plutei ejusdem Codd. Adseratur etiam in Cod. Chart. Abbatiae Florentinae Cassinensis, & in Bibl. S. Crucis Minorum Conventualium Plut. XII. sinistrae Part. Cod. Membr. N. X. & in aliis Bibl. saepissime reperitur. Incipit: *Omnis ars omnisque doctrina, similiter autem actus & electio, &c.* Praecedit: *Praemissio quaedam ad evidentiam novae translationis.* Incipit: *Aristotelis Ethicorum libros facere latinos nuper institui, &c.* Hanc versionem Martino V. nuncupavit Leonardus. Incipit Epist. Nuncupatoria. Non novum esse constat Beatissime Pater, &c.

L. Aristotelis Politicorum Libri VIII. per Leonardum Arrstimum in latinum traducti. Hanc versionem memorat Manettus, ac Poggius, &c. eamdemque editam fuisse Venetiis 1504, & ann. 1505, & 1511, & 1517. testatur Niceronus. Ego vidi editionem Basileensem an. 1538. MSS. adseratur in Bibl. Mediceo-Lauren-tiana Plut. LXXIX Cod. Membr. Num. XXVI, & in aliis ejusdem Plutei Codicibus. Eadem reperitur in MSS. Abbatiae Cassinensis, Marchionum Riccardiorum, Minorum Conventualium, Marchionum Gauditorum, in Cod. Membr. Bibl. Caesareae Vindobonensis Num. 222, ut Lib. II. Comment. Bibl. Caesareae Cap. VIII tradit Clar. P. Lambecius, &c. Duplicem praefationem exhibent Codices. Una est ad Lectorem, qua se jam libros Ethicorum transstu-lisse scribit. Altera vero est Epistola nuncupatoria ad Eugenium IV, cui hanc versionem ann. 1437 consecravit, ac per Flavium Blondum eidem Pontifici a secretis obtulit. Vide Ep. XIV. Lib. X. quam nunc primum producemus, & Ep. I. Lib. VIII. Quanta humanitate munus accepert Pontifex, constabit ex Epist. ejusdem Blondi ad Leonardum scripta ex Bononia VIII. Idus Martias, quam nos cum nonnullis

LXXVIII LEONARDI BRUNI

nullis aliis publicae luci donabimus. Incipit Aristotelia versio: *Inter moralis disciplinae paecepta, quibus humana vita instituitur, &c.*

LI. Oeconomicorum Aristotelis libri duo a Leonardo Arretino in latinum conversi. Hujus versionis meini-  
nit Manettus, ac Poggius, &c. Prodiit cum libris Po-  
liticorum, de quibus nuper diximus, librumque pri-  
mum excusum etiam vidi Basileae 1538. MSS. adserva-  
tur in Bibl. Laurentiana Plut. LXXIX. Cod. Membr.  
N. XXI. & N. XVII. & N. XVIII. & N. XIX. &  
Num. XXIII, &c. & in omnibus fere MSS. Bibl.  
occurrit. Praecedit: *Leonardi Arretini prefatio in  
libros Oeconomicorum Aristotelis ad Cosmam Medicem.*  
Incipit: *Pretiosa sunt interdum parvi corporis, &c.*  
Traductionis initium tale est: *Res familiaris, & res  
publica inter se differunt, &c.* sequitur deinde: *Leo-  
nardi Arretini Commentarium super primum Oecono-  
micorum Aristotelis.* Haec libri primi explicatio ita  
incipit: *Res familiaris, & res publica inter se dif-  
ferunt diximus supra in proposito, &c.* Hanc expla-  
nationem excipit: *Commentarium Leonardi Arretini  
super secundum Oeconomicorum.* Principium ita se ha-  
bet: *Probam mulierem omnibus: In rei familiaris  
disciplina consideratio habetur, &c.* Porro de his  
duabus explanationum in Oeconomica Aristotelis  
libris mentionem facit idem Manettus, ac Poggius.

LII. Oratio Aeschinis in Ctesiphontem a Leonardo Arretino in latinum traducta. Hanc excudit Gra-  
tander Basileae ann. 1528, ut testantur Oudinus,  
Niger, Niceronus, &c. qui addit editionem ann. 1540.  
MSS. extat in Bibl. Laurentiana Plut. LIII Cod.  
Membr. Num. XVII, & Plut. LIV. Cod. Membr.  
Num. XVIII, & alibi, &c. Incipit: *Quanti conatus  
parentur, viri Athenienses, ad hoc judicium oppu-  
gnandum, quantisque precibus, &c.*

LIII.

LIII. *Oratio Demosthenis contra Aeschinem a Leonardo Arretino in latinum ex graeco traducta.* Hanc quoque eodem an. 1528. Basileae edidit Cratander, prodiditque etiam an. 1540. MSs. adseratur in Bibl. Laurentiana Plut. LIII Cod. Membr. N. XVII, & Plut. LIV. Cod. pariter Membr. N. XVIII, & alibi passim. In Cod. quoque Chart. 285. Bibl. Caesareae Vindobonensis extare nos docuit Lib. II. Comment. Cap. VIII. Cl. I. Lambecius, traditque adjunctam esse praefationem ad Dn. B. Episcopum Cremonensem, idest Bartholomaeum Capram, cui hanc versionem nuncupavit Arretinus. Praeedit: *Argumentum in orationem Demosthenis contra Aeschinem Leonardi Arretini.* Incipit: *Adversus Philippum Macedoniae Regem, &c.* Versionis vero initium ita se habet: *Primum quidem, viri Athenienses, Deos, atque Deas omnes precor, &c.* Ad calcem Cod. XVII. Plut. LIII. Bibl. Laurentianae haec leguntur: *Leonardus Arretinus hanc Demosthenis orationem ex graeco in latinum convertit, quam VII. Kal. Maii Romae absolvit feliciter. Intellige VII. Kal. Maii ann. 1407.* Vide Ep. X. Lib. II. ad Nicolaum.

LIV. In Bibl. Laurentiana Plut. LIII. Cod. Membr. Num. XVII. exstat alia Demosthenis oratio a Leonardo Arretino traducta, quae titulo caret: Incipit: *Nequaquam eadem michi videor intelligere, viri Athenienses, &c.* Est traductio Olynthiaca tertiae.

LV. In Plut. eodem Bibl. Laurentianae Cod. Membr. Num. pariter XVII. hanc quoque Demosthenis orationem a Leonardo conversam sine titulo vidi: Initium hujusmodi est: *Par quidem fuerat, Viri Athenienses, eos omnes, qui apud vos sententiam dicunt, nec inimicitia, nec gratia commoveri, sed quod optimum quisque factu putaret, id dicendo ostendere, praesertim cum vos de publicis rebus maximis atque*

atque gravissimis consulatis, &c. Est, ni fallor, Δημοσθένες ὁ τερπὶ τῶν ἐν Χεριόντῳ λόγος, atque hanc orationem transtulit per vacationem Romanae Sedis, ut scribit ipsem Nicolo Ep. V. Lib. II., nempe mense Novembri ann. 1406. Porro quatuor alias Demosthenis orationes transtulisse innuit *Manettus*, qui ejus *Orationum Libros* septem vertisse tradit. Sed de Demosthenicis versionibus ita Leonardus Ep. IV. Lib. IX. Sed ne suspicetur Alphonsus, illud sciat, nos non modo illas, sed alias insuper satis multas Demosthenis orationes, quas Cicero numquam attigit, e graeco traduxisse, ut satis grande volumen earum a nobis traductarum existat.

LVI. *Leonardi Arretini traductio attus primi primae Comoediae Aristophanis*. Haec adserabatur Venetiis in *Bibl. Josephi de Aromatariis*, ut pag. 94. *Bibl. Venet. MS.* testatur *Philippus Tomasinus*. Aristophanis quoque comoediā a Leonardo conversam recenset *Manettus*. Enumerat *Philibertus de la Mare* inter *Leonardi nostri opera*: *Comoedia Polixenae Leonardi Arretini Poetae Comici*. Idem esse puto.

LVII. *Theana ad Nicostratam*: Haec epistola e graeco a Leonardo translata exstat in *Bibl. Ambrosiana* in 4. H. XXI, ut mihi indicavit *Celebr. Josephus Antonius Saxius*, qui a me rogatus, humanissime, ut solet, ejus initium mihi significavit, quod ita se habet: *Audio virum tuum pellicis amore infanire, teque ob eam rem affici, &c.* Est secunda ex epistolis, quae sub *Theanus nomine circumferuntur*, quam pag. 742. *Op. Mythol.* edidit Cl. *Thomas Gale*, aliquique. Vide *Fabricium Lib. II. Bibl. Graecae Cap. X.* pag. 420, qui hanc versionem ignoravit. Haec graece exstat, si recte memini, in *Bibl. Laurentiana Plut. LV. Cod. Membr. Num. II*, ubi plures Libanii epistolae, ex quibus XLII. ineditas excerptis ann. 1698.

1698. Fridericus Rostgaard , quas nuper edidit Wolphius.

LVIII. De crudeli amoris exitu *Guisguardi*, & *Sigismundae Tancredi Salernitanorum Principis filiae*. Haec versio edita fuit Turon. in 4. in Domo Archiepiscopi ann. 1467. pridie Kal. Januarias ita inscripta, ut Tom. I. Annal. pag. LII. testatur Cl. *Maittaireius*. *Libellus de duobus amantibus in Latinum ex Boccacio transfiguratus per Leonardum Arretini*: ac conjungitur cum alio libello, cui titulus: *Francisci Florii de amore Camilli, & Aemiliae*. Vide eumdem *Maittatrium* pag. LXII. Reperitur etiam pag. 955. Op. Pii II. inter epistolas Num. 410, unde deceptus Cl. *Menagiis* perperam Tom. II. *Antibail.* hanc versionem *Aeneae Sylvio* tribuit; ut observavit Tom. XXV. *Memor.* P. *Niceronus*. MSSs. existat in Bibl. *Ambrosiana* in 4. O. LVII, & alibi passim. Inter Codd. MSSs. Cl. V. *Stephani Baluzii*, ut ex Tom. III Bibl. *Baluz.* pag. 108. didici, adserbatur: *Liber de Amoribus Gutsardi, & Sigismundae filiae Tancredi Principis Salernitani traductus de graeco in latinum a Leonardo Arretino*. Sed scriptoris errorem esse puto. Apud Cl. P. *Lambecium Lib. II. Cap. VIII.* ex Cod. Chart. 285. memoratur: Jo: *Boccacii Libellus de insigni obedientia, & fide uxoria ex italicō in latinum translatus a Leonardo Arretino*, cuius etiam praefatio ad *Boccacium* praefixa est. Eamdem *Leonardi* versionem esse putabat Cl. *Fabricius*. Sed perperam: Nam pro *Leonardo Arretino* legendum *Francisco Petrarcha*, quod patet ex Cod. 91. ejusdem Bibl. *Caesareae*, ubi reperitur inter alia: *De fide uxoria, & insigni, atque admirabili obedientia auctore Francisco Petrarcha*. Porro *Boccacii* quoque fabulam translulerat idem *Franciscus Petrarcha*. An res ita se habeat, videant ii, qui *Codicis inspiciendi co-*

*Tom. I.*

††††

piam

piam habent. Epistola ad *Ricasolani* ita incipit: *Cum saepius mecum egisses, ut fabulam illam Boccacii, &c.* Versio autem: *Tancredus fuit Princeps Sacerlitanus vir mitis quidem, &c.*

LIX. Leonardi Arretini *Epistolarum Libri VIII.* Hos octo *Epistolarum* libros recensuit etiam *Manetus*. Prima editio lucem adspexit ann. 1472. fol. ab *Antonio Moreto*, & *Hieronymo Alexandrino* procura-ta. De hac ne verbum quidem Cl. *Maittaireius Tom. I. Annal. Typograph.* Edit. primae, alteram siquidem nondum vidi. Hujusmodi *epistolarum* editionem penes se habere mihi per litteras significavit V. Cl. *Apostolus Zenus*. Nuncupata fuit *Jacobo Zeno Episcopo Patavino* viro doctissimo, & jurisconsultissimo, cui *Plautum quoque suum consecravit Georgius Merula*. Vide *Specimen Litteraturae Brix. Part. I. pag. IV. seq., &c.* Epistolam *Antonii*, & *Hieronymi* ad *Celeb.* illum *Antistitem* supra pag. VI. integrum ad-tulimus. Eadem editio cum eadem nuncupatoria epistola, eademque forma recusa fuit ann. 1495, ut supra diximus; & in fine legitur: *Leonardi Arretini Epistolarum Familiarium liber octavus, & ultimus finit. Die XV. Mensis Junii MCCCCLXXXV.* In utraque deest locus, ubi impressa fuit. Nos tamen *Brixianenses editiones* adpellavimus. Tertia editio prodiit *Augustae 1521* apud *Knoblochium*, quarta vero *Basileae 1535* apud *Henricum Petri*. Denique Cl. *Albertus Fabricius* ann. 1724. Basileensem editionem recudit. Sed hae & numero *epistolarum*, & typographicis mendis longe deteriores sunt. Hi octo *Epistolarum Libri* MSS. exstant *Plut. LH. Bibl. Laurentianae Cod. Membr. Num. VI, & Codd. Chart. Num. VII., & Num. XXIII., & alibi passim*. Non nulli tamen *Codd. MSS.* reperiuntur, in quibus non octo, sed novem *Epistolarum Libri* continetur, & hanc

hanc *Leonardi* ipsius collectionem esse arbitror. Il-  
lis, quos pag. IX. Epist. ad Lectorem iudicavimus,  
adde Cod. Oxoniensem, de quo *Baelius*, *Niger*, &c.  
Exstat videlicet in Bibl. Bodleiana Cod. 1352. olim  
*Guilhelmi Laudi Archiepiscopi Cantuariensis*. Vide  
Part. I. Catal. MSS. Angliae & Hiberniae pag. LXX.  
Simili MSS. Codice *Negelinum* usum fuisse suspicor, &c.  
Praeter has epistolulas in unum collectas, plurimae  
quoque huc, illuc sparsae inveniuntur, & quidem  
titulo ita diverso, ut Lectorem possint decipere. In  
Bibl. Ambrosiana in 4. R. XXI. adseratur: *Leonardi*  
*Epistola de Regia Potestate*. Rogatus a me Cl. Sa-  
xius tale esse initium significavit: *Melius erat, o Cy-  
riace, non tantum sapere, quantum sapis*, &c. Ex quo in-  
telligitur esse Epist. IX. Libri VI. In Bibl. Riccardiana  
Plut. S. Ord. III. Cod. Chart. Num. XXXXIII. ex-  
stat: *Epistola di Meſſer Leonardo de fatti, e antichi-  
tà di Kinini, e de dittonghi, e della magnificenza del  
Signor Carlo Malatesta Signore della detta Terra*.  
Est epistola IX. Libri III. italicice traduēta. Praeter  
familiares *Leonardi* epistolulas plurimae etiam in MSS.  
Codd. occurunt, quas Reip. Florentinae nomine ad  
Principes, diversoque Italiae Populos scripsit. In  
Bibl. Laurentiana Plut. XXXXIII. Cod. Chart. Num.  
XVII. reperitur: *Lettera mandata pe' Fiorentini a  
Viniziani per Meſſer Leonardo d' Arezzo*. Incipit:  
*Illustris, atque excelse Domine, Amice Karissime. Quo-  
niam per effectum operis manifeſte deprebendimus*, &c.  
Haec missa fuit pridie Idus Apriles ann. 1438., adser-  
vaturque etiam in Bibl. Riccardiana Plut. O. Ord.  
II. Cod. Chart. Num. XXVI.: & in Cod. Chart. Num.  
142. *Marchionum Guadagniorum*. In Eodem Codice  
eorumdem Marchionum delitescit: *Lettera di Meſſer  
Leonardo, scritta in nome del Comune de Firenze a  
Signori Anziani, e Comune di Lucca*. Initium tale-

est: Se si cercano le cose antiche, ec. In Plut. XXXXIII. Bibl. Laurentianae Cod. XXIV. legitur inter alia: La presente lettera mandarono i nostri Magnifici Signori al Popolo della Cipitâ di Volterra, tornati che furono alla divotione del Comune composta per Messer Leonardo d'Arezzo nostro Kancelliere. Incipit: Nobiles Viri, Amici Charissimi. Le cose humane secondo che ne mostra la experientia, pare che, ec. In Bibl. Gaddiana, & Riccardiana Plut. O. Ord. II. Cod. Chart. Num. XXVI., & Plut. S. Ord. III. Cod. Chart. Num. XXXXIII. invenitur: Lettera al Conte Francesco Sforza, quae ann. 1438. nomine Decemvirum a Leonardo scripta fuit. Sed de his satis, quum has omnes cum multis aliis ejusdem generis in lucem producturus sim.

LX. Formule di soprascritte per lettere. Hae existant in Bibl. Riccardiana Plut. P. Ord. I. Cod. Chart. Num. XXX. & Plut. S. Ord. III. Cod. Chart. Num. XXXVI. Harum etiam meminit Cl. Philtbertus De la Mare. In Bibl. Laurentiana Plut. XXXXIII. Cod. Chart. Num. XVII. in quo nonnulla Leonardi carmina adservantur, reperitur: Copia Suprascripturarum Litterae Domini Florentini. Incipit: Papae: Sanctissime, ac Beatisse in Christo Pater, & Domine Ven. & unice Vicariae Jesu Christi. Utrum sint hae formulae Leonardi nostri, me latet. In Bibl. quoque Riccardiana Plut. M. Cod. Chart. Ord. III. Num. VII. ubi carmina nescio quae Leonardi Arretini leguntur, reperi: Soprascritte: ad un Vescovo: Reverendo in Christo Patri Domino, Domino Episcopo Fesulano, &c. Quae quidem an Leonardo tribuenda sunt, mihi non liquet. &c.

LXI. Canzone Morale di Messer Leonardo, nella quale tratta della felicità referendo le opinioni de Philosophi. Hanc edidit Vol. III. Poef. Ital. Jo: Cre-

*scimbenius.* MSs. exstat in *Bibl. Laurentiana Plut.* XXXIII. *Cod. Chart. Num. XVII.* & *Plut. XXXI. Cod. Chart. Num. XXXI.* Eadem adseratur in *Bibl. Riccardiana Plut.* O. Ord. IV. *Cod. Chart. Num. XII.* & *Plut. M. Ord. III. Cod. Chart. Num. VII.* Incipit: *Lunga quistion fu già tra vecchi saggi,* &c. De hac supra.

LXII. *Chanson Morale di Meffer Leonardo da Rezzo a laude di Venere.* Hanc reperi in *Plut. XXXIII. Bibl. Laurentianae Cod. Chart. Num. XVII.* & *Plut. XXXI. Cod. Chart. Num. XXXI.*, & in *Bibl. Riccardiana Plut.* S. Ord. III. *Cod. Chart. N. XXXII.* Incipit: *O Venere formosa, o sacro lume,* &c. De hac quoque supra diximus.

LXIII. *Sonetto di Leonardo da Rezzo:* Hoc italicum epigramma ex Codd. MSs. *Bibl. Vaticanae*, ac *Barberinae* edidit V. Cl. *Leo Allatius*. MSs. legi in *Cod. Membr. Marchionum Guadagniorum Numer. 119.*, & in *Bibl. Riccardiana Plut.* O. Ord. III. *Cod. Chart. Num. XXXII.*: Incipit: *Veggio spenta merzè sopra la terra,* &c. Plura quoque sparsim de variis rebus latina carmina, & ea quidem egregia composuisse ex *Jannatio Manetto* supra docuimus.

Recensui jam *Leonardi Arretini* scripta, quae quidem in Codd. MSs. his oculis egomet vidi, titulumque omnium ex iisdem excerpsti, quem tibi exhibui. Neque tamen id mihi negotii datum credidi, ut omnes Bibliothecarum Florentinarum MSs. enumerarem, in quibus eadem *Leonardi* opera leguntur. Innumeros quoque Codices Gallicos, Anglicos, Germanicos, Italicos praetermissi, qui ea ipsa continent, quum operam meam in prolixa, ac prorsus inutili Codd. MSs. recensione insumere supervacaneum esse duxerim. Reliquum est, ut nonnulla indicem, quae in exteris delitescunt Bibliothecis, quumque eadem inspicere non potuerim,

an a Leonardi Arretini ingenio profecta sint , affirmare non audeo . Itaque Oxonii Cod. XXXIX. Collegii S. Mariae Magdalene existat : *Dialogus inter Ciceronem & Philistium* . Vide Part. II. Codd. MSS. Angliae , & Hiberniae pag. XXXII. In Cod. XV Collegii Lincolniensis adseratur : *Leonardus Arretinus ad Eugenium in duas Basiliis Homilias* . In Bibl. vero Regia Taurinensi : *Ptolemaei Almagestum Leonardo Arretino interprete* , ut testatur Cl. Montfauconius , qui etiam nos docet existare in Regia Paris. *Odysseam Homeri per Leonardum Arretinum versam* , quam olim posseidebat Aegidius Cardinalis Viterbiensis . Eamdem quoque versionem Leonardi foerum esse putabat Labbeus in Bibl. MSS. In Cod. XVII Collegii Etonensis in Anglia : *Bellum Sacrum Arretini* , quod Leonardo nostro in Catal. Codd. Angliae tribuitur : sed hoc opusculum est Benedicti Accolti . Dum Leonardi opera recenset Jacobus Gaddius , tradit in sua Bibl. existisse : *In Orationes Demosthenis , & historiarum latinorum Cornelii Nepotis , &c. Vitam Attici , &c. Tractatum de sphaera , & vitam Ciceronis volgarizata per lo illustre M. Lionardo da Rezzo nobilissimo Poeta* . Sed de hac versione supra mentionem fecimus . Item : *Pro honore Secretariorum contra Adversarios* . Quod nihil aliud esse puto , quam Epist. V. Lib. V. ad Martinum V. In Regia Paris. telle Cl. Montfauconio delitescit : *Leonardus Arretinus de Bello Trojano ; & Vita Caesaris , & Pompeii per Leonardum Arretinum* . Adfirmat Labbeus pag. 208. Bibl. MSS. Suppl. IV. existare in Bibl. Carmelitarum Excalceatorum Claromontensium in Arvernia : *Epistolae Phalaridis a Leonardo Arretino traductae* . At istius pseudophalaridis epistolas in graecum translulit non Leonardus , sed Franciscus Arretinus , ut prae se ferunt omnes MSS. Codices , & sub Francisci Arretini

tini nomine bis prodiere ann. 1471. ut Tom. I. *An-*  
*nal. Typograph. pag. 91.* observavit Cl. Maittairius,  
editionemque etiam ann. 1475. memorat Tom III.  
*Amoenit. pag. 130.* Georgius Schelbornius. In opu-  
sculo Jo: Alberti Fabricii, quod ille ann. 1689. edi-  
dit ita inscriptum *Decas Decadum, sive Centuria*  
*Plagiariorum*, recusumque cum aliis Fabricii ejus-  
dem opusculis Hamburgi 1738, Num. VIII. pag.  
XIII, ubi de his epistolis sermo habetur, haec  
leguntur: *Has Latine emisit Leonardus Arretinus*  
*Florentiae 1480.* Quamobrem a P. Baelio reprehen-  
sus, quod Leonardus ann. 1444. diem suum objerit,  
Tom. I. Bibl. Graecae pag. 406. errorem corrigens:  
*Aliam*, inquit, pridem versionem adornaverat Fran-  
ciscus Arretinus Florentiae 1480. Omisit tamen edi-  
tiones, quas nos nuper ex Cl. Schelbornio, ac Mait-  
tario indicavimus. In B.bl. Marquadi Gudii V. Ce-  
leb. adserabatur: *Codex Chartaceus Terentii manu*  
*Leonardi Arretini scriptus cum ejusdem notis.* Con-  
sule Catal. Bibl. Gudianae pag. 538. In fine Cod.  
MSS. haec inveniebantur: *Fint feliciter Leonardus*  
*Arretinus in Monasterio Florentino A. D. 1478.* vi-  
tio procul dubio oscitantis librarii, nam multo ante  
e vita excesserat Leonardus. Nonnulla quoque his  
similia recenset Philibertus de la Mare: *Videlicet:*  
*Officiorum Romanorum nomina: Leonardi Arretini*  
*de Institutione ad Herennium: Proemium in Oratio-*  
*nes Homeri: Della Liberalità al Popolo Aretino, &c.*  
Memini me legere in quodam Catal. Bibl. MSS. Notae  
*Leonardi Arretini in Orationem Ciceronis pro Quintio:*  
itidemque: *Oratio M. Tullii Ciceronis pro Marcello*  
*vulgarizzata per Dominum Leonardum Arretinum, &c.*  
Circumfertur etiam sub *Leonardi Arretini nomine*  
libellus ita inscriptus: *L' Aquila composta per il Ma-*  
*gnifico, & eccellentissimo huomo Messer Leonardo Are-*

LXXXVIII LEON. BRUNI SCRIPT.

*tino, e da quello curiosamente translata de Latino  
in volgare sermone. Hujus nonnullas editiones re-  
censet Cl. Niceronus. Sed haec omittamus, & Jan-  
notium Manettum splendide, apte, atque ornate di-  
centem audiamus.*



JAN-

# JANNOTII MANETTI

## ORATIO FUNEBRIS

*In solemnī Leonardi Historici, Oratoris, ac Poētae Laureatione incipit feliciter.*



immortales Musae , divinaeque Camoenaे , praestantissimi Cives , vosque alii clarissimi Viri hujus tam lugubris , atque tam luctuosū spectaculi Veneratores , in hac publica funebrium laudum celebritate vel graece , vel latine per se loqui , aut flere potuissent ; nequaquam nostro labore opus fuisse videretur . Ipsae enim hoc luctuosissimum Leonardi nostri praeclarissimi , ac singulatissimi alumni sui funus non solum verbis , sed lacrymis etiam copiosissime simul , atque eleganssime celebrassent . Verum quoniam ex praecipua quadam , & pene incredibili earum dignitate , majestateque in publicum prodire , ac flere non consueverunt ; ut haec dicendi , flendive munus in hujusmodi funebribus alumnorum suorum laudationibus ab hominibus susciperetur , voluisse perhibentur , quandoquidem jampridem in hunc modum usitatum fuisse accepimus , ut dignae defunctorum virorum laudes a vivis mortalibus agerentur . Cum igitur Magnifici hujus inclitae Civitatis Praesides talem Musarum naturam , ac tam diuturnam in publicum non prodeundi , flendive consuetudinem jamdudum a conditione Orbis ex litterarum monumentis repetita memoria fuisse intelligerent ; priscum Graecorum , ac Romanorum majorum nostrorum morem imitari in ornandis clarissimis viris , vatibusque laureandis , quam immortalem Leonardi nostri gloriam perpetuo Reip. silentio obscurare maluerunt . Quamobrem et si magnam quandam in hac eorum

rum Civitate eloquentissimorum virorum copiam, ac multitudinem florere cognoscerent, quibus vel ingenio, vel doctrina, vel dicendi facultate par esse non poteram; quia tamen me unum ex Collegarum suorum numero in hac tempestate recensendum esse contigerat, longe dignus, atque huic publicae celebritati accommodatus fore existimarent, si per me licet parum eloquentem, nunc vero principali pene civitatis nostrae magistratu forte fungentem, quam si per alium privatum simul, atque elegantissimum hominem tantum, & tam magnum hujus adeo lugubris, adeoque acerbæ solemnitatis, ac novae laureationis munus celebraretur. Mihi itaque venerandis memoratorum Praefidum praecptis, ut par est, parere, atque obtemperare cupienti latissimi in hac cum funebri laudatione, tum celebri praesentis Vatis coronatione ad pervagandum campi ostenderentur, si locus, & tempus, & ista mea momentanea, atque ut dicitur, ex tempore tanti muneris suscepit singula quaeque hujus clarissimi, & eloquentissimi Viri gesta paulo latius, atque uberior exornari paterentur. Sed & tempori, & loco, & mentibus vestris, ac mihi denique pene sine ulla praemeditatione dicenti in praesentiarum consulendum esse ratus, quoad potero, digniora ejus gesta brevissime simul, ac verissime absolvam. Vos autem, Praehantissimi Viri, in hanc omnem nostram defuncti Historici, Oratoris, ac Poëtae funebrem laudationem, quo facilius intelligere, atque memoriae mandare possitis, quaeeso diligenter attendite, ut ipsum ex integra quad in suarum bonarum artium cognitione, atque eleganti multiplicium librorum conscriptione hujusmodi poëtica laurea coronari meruisse recte cognoscere, atque intelligere valeatis. Sed ut haec nostra funebris oratio serie, atque ordine incedere videatur, ab origine repetentes primo de domesticis ejus moribus, qualis deinde in nostra Rep. fuerit, postremo de studiis bonarum artium, ac doctrinis pauca quaedam breviter recensebimus; nam si singula ipsius gesta memoratu digna vel paulo latius recensere vellem, dies profecto me tanta, ac talia recensentem deficeret.

Leonardus noster Arretii antiquissima, ac nobilissima urbe, & jampridem quorundam mirabilium ingeniorum productrice, ut a prima ejus origine ordinamur, trecentesimo sexagesimo nono supra millesimum Christianae

Salutis anno honestis quidem, sed non admodum generosus parentibus cum egregiis quibusdam naturae munieribus feliciter nascitur. Non multo post nativitatis suae tempora factum, ut Arretini longe magis, quam prius intestinis seditionibus agitarentur; nam Tarlati, & Ubertini Gibellinarum partium auctores, & principes aliquot armatorum milia ex oppidis, clientelisque suis in urbem contraxerant, veriti, ne ipsi per adventum novi Praefecti, quem Carolus Rex Ungariae urbe jam antea potitus noviter Arretium mittebat, ac secum cives nuper ejectos reducebat, e solo patrio exigenterentur. Quo praesidio adversarios suos munitos alterius factionis homines cernentes, ac, ne superiores habarentur, formidantes, e vestigio in arcem confugerunt. Ubi cum de opportunis remediis ageretur, Albericus Comitem, qui magnas equitum copias in finibus Perusini, & Cortonensis agri forte per ea tempora habebat, in auxilium vocare, adversariorumque bona, ut facilius cum suis ad opitulandum properaret, praedam sibi polliceri constituerunt. Ea conditione, atque his foederibus Albericus evocatus cum omnibus copiis in auxilium venit, receptusque per arcem simul cum his civibus, qui eo refugerant, in aduersarios erupit. Ceterum adversarii, ubi supervenisse auxilia equitum intellexere, confessim relicta urbe in proxima se se castella suarum partium receperunt. Equites vero victores ad praedam conversi nequaquam initis foederibus acqueverunt: nam & totam urbem diripuerunt, & cuncta tam amicorum, quam inimicorum bona promiscue in praedam converterunt. Verum cum ibidem hibernassent, & proxima aestate exinde abiissent, cives, qui ab illo ingenti naufragio reliquis superfuisse videbantur, in vacua, ac semiusta tecta redierunt. Tanto, ac tam incredibili patriae amore incendebantur. Inter haec Ludovicus Andegavensis Francorum quondam Regis filius, quem Regina Johanna liberis carens adoptaverat, cum quadraginta circiter millibus equitum in Italiam venit, ut regnum, quod per adoptionem suum factum fuisse existimabat, vi, & armis in ejus ditionem redigeret. Nam Carolum commemoratum Ungariae Regem ab Urbano VI. Summo Pontifice evocatum cum magnis Ungarorum copiis jam in regnum pervenisse, atque suis viribus id ipsum occupasse constabat. Sed cum postea longius, quam ab initio puta-

putaverat, bellum traheretur, aliam equitum manum millia circiter quindecim Duce Enghiramo quodam Gallo viro, domi praepotente, ac bello claro ex Gallia in Italiam evocavit. Hic vero tanti, ac tam novi exercitus Ductor cum primum Alpes transiisset, atque in Italiam accessisset, Apennino monte transmiso per Lucensem, Florentinum, Senensemque agrum in Etruriam descendit. Sed cum per ea loca iter caperet, Arretini exules supervenere, quos supra urbem reliquisse diximus, ac Arretium ob superiorē illius Populi calamitatem facile capi posse nuntiantes, atque omnem opem suam ad eius expugnationem largius pollicentes, quid plura? Galli equites spe praedae, & exulum pollicitationibus impulsi Arretium aggrediuntur, eamque urbem cum per refractam ab exilibus portam noctu ingredenterur, post multas civium caedes, qui nocturnis clamoribus exciti opitulandi gratia certatim concurrebant, ac varias quoque multiplicium proeliorum fluctuationes, paulo ante lucem totam praeter arcem epiunt. Mox victores ad praedam conversi omnia diripiunt, cives insuper exilibus infensos captivos ducunt. Haec autem omnia ne quis forte a nostro proposito aliena esse arbitraretur, nunc propterea in medium afferuntur, ut in hac Arretii direptione non solum Leonardi nostri patrem una cum Johanne Episcopo Arretino, atque cum aliis quibusdam egregiis viris exulum inimicis captum, atque in castellum Petrae-Mallae ductum, & longo ibi carcere maceratum, sed ipsum quoque, licet puer esset, ab alia exulum manu pro captivo habitum, & in Castellum Quaratae, quod ab exilibus tenebatur, adductum fuisse intelligatis. Ubi cum puer esset, non cum aliis captivis, sed honestiore quodam carceris cubiculo asservabatur. In eo loco forte Petrarchae poëtae, qui & ipse Arretii Florentinis parentibus natus erat, imago pariete egregie depicta cernebatur, quam cum quotidie tantulus puer etiam, atque etiam intueretur, vehementissimo quodam, mirabile dictu, studiorum suorum ardore incendebatur, nam suapte natura disciplinarum amore flagrabat. Postea vero quam Arretinae turbationes tandem ex Gallorum recessu quievere, quia suscepta a Florentinis pecunia eis Arretium concesserant, incredibili studiorum cupiditate incensus Florentiam venit, ubi cum Dialecticis, ac Rhetoribus non segnem, ut ipse quodam librorum suorum loco palam, & aperte testatur, operam impendi-

disset, demum tenuitate patrimonii cogente ad cognoscendum  
jus civile animum applicuit. Verum cum huiusmodi juris  
studiis assiduam quandam operam navaret, sive fortuna, sive  
potius divina providentia factum est, ut vir quidam Chryso-  
loras Byzantius domi nobilis obfessam a Turcis patriam suam  
cernens e media prope Graecia se in Italiam primo, deinde  
in Etruriam conferret, atque faustis omnibus Florentiana  
applicaret, ubi cum graecas litteras, graecasque disciplinas  
publice edoceret, dici non potest, quam brevi tempore fama  
suae atticae, ut ajunt, eloquentiae, atticaeque doctrinae in  
universam civitatem mirabiliter percrebuerit. Quid multa?  
Tanta ejus fama per ea tempora ferebatur, ut rotundissimas,  
atque delicatissimas Leonardi nostri aures licet jam apicibus juris  
implicatas, & suis ineptis commentationibus praepeditas ita  
primum concuteret, ut ad audiendum peregrinum hominem,  
ac veterem quandam, & integrum illorum antiquissimorum  
Graecorum doctrinam redolentem compelleret. At vero ubi  
aliquandiu ipsum publice legentem audivit, tanto, ac tam  
magno suavissimae linguae suae amore capiebatur, ut juris  
civilis studia praetermittere, atque in ejus disciplinam se to-  
tum tradere concupiseret. Quod quidem jam antea fecisset,  
nisi quodam deserendorum studiorum suorum pudore commo-  
tus transfugii crimen extimuisset. Quocirca cum secum ipse  
utram viam caperet, diutius cogitaret, tandem maturo con-  
silio praetermissis juris civilis studiis, in novum illud, & ad-  
mirabile graecarum litterarum gymnasium, quae per septen-  
gentos circiter annos jamdudum ex Italia aberant, incredi-  
bili discendi ardore totum se contulit. Quod ipsum cum  
ex cognitione Homeri, Platonis, Demosthenis, Aristotelis,  
ceterorumque Poëtarum, Philosophorum, & Oratorum, de  
quibus tanta, ac tam mirabilia fama undique intonante cir-  
cumferebantur, & a quibus omnia nostrarum doctrinarum  
genera tamquam a propriis fontibus ad nos profluxisse videban-  
tur, tum ex his etiam, quae ab eo ex greco in latinum  
mirabiliter profecto, ac divinitus conversa cernebamus, re-  
ctissime simul, atque sapientissime fecisse constat, ut omissis  
ambiguis juris civilis aenigmatibus nobilissimae linguae recupe-  
rationi operam daret. Per hunc igitur modum in novam  
istam peregrinarum litterarum disciplinam traditus tanto di-  
scendi ardore agebatur, ut quae per diem vigilans perce-  
pif.

pisset, ea noctu dormiens agitaret. Cum itaque in hujusmodi graecarum litterarum studiis tres circiter annos contrivisset, ac satis probabili, atque optima disciplina institutus fuisset, Chrysoloras ipse ex Florentia abiens Mediolanum ad Imperatorem suum, qui e Graecia in Italiam profectus ibidem commorabatur, se contulisse dicitur. Leonardus tamen vir prosector magni animi, altique consilii ex hujusmodi praceptoris sui abitione non modo non deserenda earum litterarum studia, sed potius totis animi, & corporis, ut dicitur, viribus prosequenda ratus traducendis operibus graecis operam navare coepit. Quod cum saepe numero exercendi ingenii gratia experiretur, res ab initio ita sibi profere succedebat, ut primae ejus traductiones legentibus omnibus adeo elegantes viderentur, ut mirabilem ex us famam consequeretur. Unde ab Innocentio Septimo Summo Pontifice vel in primis eruditissimorum virorum per ea tempora observatore, magno cum honore, & ingentibus titulis ad faciarum Epistolarum Magistratum evocatus est. Cui quidem cum singulari quadam multarum rerum cognitione, tum etiam praecipua dicendi elegantia ita placuit, itaque gratus fuit, ut toto vitae suae tempore ab ejus latere numquam discederet. Post mortem vero memorati Innocentii sub Gregorio deinde Duodecimo, tum sub Alexandro Quinto, sub Johanne deinceps Vigesimo Tertio, sub Martino denique Quinto continuatis sacrosancti Pontificatus successionibus per triginta circiter annos in eodem divinorum, ut ajunt, arcanorum Magistratu magna cum nominis sui gloria, nec minori etiam emolumento feliciter perseveravit. Nam quamquam plures singularissimos, doctissimosque viros secum collegas haberet, solus tamen omnium dominari, ac regnare videbatur, quod ut facilius cognoscere, atque intelligere possitis, de singulis Pontificibus, Alexandro dumtaxat excepto, quoniam paulo post coronationem suam vita defungitur, singula quaedam gravitatis, ac fidei plena breviter enarrabimus. Nam & Gregorium, cum ex ingenti illo Romanae Ecclesiae schismate aliis ei ipsi, aliis vero Benedicto faventibus in Pifano Concilio ambo Pontifices de collusione incusarentur, ac postea damnarentur, deserentibus ceteris Curialibus nunquam deserere voluit, sed & Senas, & Ariminum eo usque secutus est, quoad ex gravi quodam Civitatis nostrae praecepto

revocaretur. Johannes vero post Alexandri mortem ad Sigismundum nuper ad imperium delectum, & in finibus Italiæ per ea tempora commorantem duos ex Romanae Ecclesiæ Cardinalibus, ut Generale Concilium advocaretur, mittere constituens, cum Leonardo solo, usque adeo ejus virtutibus confidebat, tota suae mentis arcana communicare non dubitavit. Futuri enim Concilii locum alicubi esse nolebat, ubi Imperator plus se ipso potuisset. Unde huic soli tantarum rerum participi mandata amplissima, potestatemque maximam mittendis Legatis ad honestatis speciem se daturum esse praedixit, ut palam ostentare, atque in medium proferre possent, & tamen amplum illud mandatum clanculum ad certa loca restringere decreverat. Itaque consilio de locis illis secum communicato, arbitris praeter ipsum solum remotis, Legatos alloquitur, multisque verbis ad munus legationis diligentissime obeundum adeo benivole cohortatur, ut firmum excipiendorum locorum propositum diu antea excoigitatum (mirabile dictu) momento temporis immutaret, ac cuncta arbitrio, potestatique suae, chirographo, ubi ea loca scripta erant, coram ipsis lacerato liberalissime committeret. Legati potea ad Sigismundum cum ampla mandati auctoritate profecti Constantiam urbem transalpinam, Imperatorique subjectam pro loco Concilii delegerunt, quae quidem causa fuit, ut Pontifex ubi paulo post eo applicuisset, mox seditionibus ortis Imperatoriis jussibus caperetur, & carcere aservaretur, captivus deinde per plura, ac varia oppida detentus, tandem sua sponte, seu invitus Pontificatu se abdicavit. Quid de Martino dicemus? Qui cum non satis benivolo erga nos animo ex urbe nostra recedere videretur carminibus quibusdam, quae de illo vulgo jactabantur, supra quam dici potest infensus, paucis diebus antequam ex hinc recederet, dulci quadam, & devota ejus oratiuncula mirabiliter placatus est. Nam cum forte in cubiculo suo assisteret, & Pontifex hinc inde deambulandi gratia proficeretur, postquam aliquot spatia tacitus confecisset, ad ipsum porrecto vultu, brachioque molliter elato indignabundus his vocibus convertitur: *Martinus, inquiens, Papa quadrantem non valet.* Quo hic auditu statim verba illa recognoscens (puerilis enim cantilena de eo circumferebatur) quid hoc est, ait, *Beatissime Pater?* Num ad aures quoque tuas bujusmodi puerorum

*rum nugae perwenerunt?* At ille nihil ad haec: sed eodem vestigio consistens: *Martinus Papa quadrantem non valet eisdem verbis stomachans repetivit.* Tunc vir sapientissimus deprehensa illius animi infensione ( nam verba de se vulgo cantata assidue refricabat ) incredibili tanti Principis indignationi, si qua posset, pro honore, & emolumento civitatis mederi statuit. Unde brevi quadam, & humili beneficiorum a nobis susceptorum commemoratione opportuno tempore usus, per ea, quae postea subsecuta sunt, Pontificem satis placasse creditur, cum puerilibus naeniis aures non admoveare oportere Pontificalem gravitatem elegantissime simul, atque gravissime ostendisset. Nam ubi ipsum perorantem audivit, & plurimum laetus est, & ejus orationem etiam, atque etiam laudavit. Quanti vero verba sua fecerit, paulo post manifestissime demonstravit. Cum enim abire statuisse, advocatis Civitatis nostrae Praesidibus beneficia Florentini Populi in eum collata benigne admodum recognovit, & eodem ordine, quo ab hoc tunc vere, ut dicitur, vivo dicta fuerant, cuncta recensuit. Quoniam vero singularis hujus sapientissimi Viri sapientia praecipua quadam, & admirabili eloquentia condita commemorato Pontifici semper antea mirum in modum placuerat, maxime autem ea indignationis suae tempestate gratissima fuerat, magnis preemiis, atque ingentibus pollicitationibus assidue hominem, etiam dum recederet, invitare non desinebat, ut Sanctitatem suam ceterorum Curialium more Romam sequeretur. Sed cum ipse jam pridem Florentiam, quam plurimum diligebat, utpote prium doctrinae, ac dignitatis suae receptaculum, propriam sibi patriam delegisset, eam deferere noluit. Et cum ex uxore quoque primaria nostrae Civitatis muliere unicum filium suscepisset, & pluribus insuper quorundam maximorum beneficiorum & civilitatis, & immunitatis muniberis ob admirabiles vires suas a Florentino populo honestatus fuisset, ac laboribus denique, & vigiliis, & sua illa incredibili eloquentia amplas divitias comparasset, Florentiae cum uxore, & liberis, & cum concivibus amicis, ac demum cum libris suis quiete commorari, atque in gratiam redire, quam Romanum profici sci maluit, quibus omnibus ob varias qualdam extenorum locorum peragrationes jamdudum bellum indixisse videbatur. Ubi paucis post annis commoratum, a Praefidi-

fidibus, qui forte eo tempore administrandae Reip. gratia praesidebant, magno cum honore, atque ingenti emolumento ad dignissimum publicarum epistolarum officium universo Florentini Populi consensu delectum fuisse constat. Nam praeter maxima pecuniarum praemia, quae exinde memoratis laboribus, ac vigiliis non immerito reportabat, eum primum ac solum e scribis publicorum munerum ex praecipuo quadam admirabilium virtutum suarum privilegio participem extitisse non ignoramus. Unde inter ceteros ejus Magistratus, & publicae Civitatis nostrae custodiae praestitisse, & ter in Decemviratu etiam fuisse, & demum in summa dominationis nostrae dignitate praeseditse cognovimus. Quibus quidem in Magistrisbus quantum primum litteris, cum ad diversos Italiae populos, tum ad varios Principes, Reges, Imperatores, Pontifices Florentini Populi nomine elegantissime scriptis profecerit, difficile dictu est. Quantum deinde utilitatis Legationibus ad Reges, & Pontifices nostris nominibus suscepitis illa sua admirabili, ac prope divina eloquentia pererit, postremo quantum suis integris, sapientibusque consiliis, si quando vel de pace, vel de bello, vel de hujusmodi magnis atque arduis rebus ageretur, nobis profuerit, non satis dici potest. Hoc tamen unum in eo mirabile, atque omnibus seculis celebrandum praetermittere non possum. Ut eum omnium non solum nostri temporis, sed cunctorum prope antiquorum eloquentissimus haberetur, non minus prudenter, ac confilio, quam sua incredibili eloquentia hanc nostram Civitatem, quam ut supra diximus, patriam sibi suam delegerat, ab acerrimis, & oppugnantibus hostibus, & fortissime defendit, & sapientissime conservavit. Quotiens enim Decemvir ad curam bellii gerendi creabatur, totiens modo nescio quo Resp. quasi divinitus ageretur, ex magnis, & eminentibus periculis eripiebatur. Nam cum Franciscus Sfortia universi exercitus ductor jam admodum adversus Venetos indignaretur, quod sibi Padum transire nolenti ab eis stipendia non solverentur, ac propterea cum Philippo Maria Mediolanensi reconciliari conaretur; Florentini quo se verterent nescientes, Oratores suos illico Venetas miserunt, ubi aliquot menses frustra commorati, postquam re infecta Florentiam redierunt, Florentini eam reconciliationem interim utrinque tractatam, ac tandem conclusam necessitate cogente secuti

funt.. Unde Piccininus , qui ex Gallia Cisalpina cum aliquot equitum , peditumque millibus jam ad Forum Pompilii per Flaminiam venerat , hujusmodi reconciliatione audita non cunctandum esse ratus , statim incredibili celeritate cum omnibus copiis in Galliam revertitur , Venetosque aggressus multa eorum oppida faciliter expugnat . Quocirca Veneti , ubi de opportunis eorum remedis crebrius , ac diutius ageretur , tandem societatem nostram , quam paulo ante sprevisse videbantur , maturo consilio repetere decreverunt . Hac igitur ipse dissolutae confoederationis tempestate primo in Decemviratu una cum quibusdam aliis nostrae Civitatis peregregiis civibus creatus est . In quo quidem Magistratu , cum res Venetorum pluribus oppidis amissis jam satis periclitaretur , rursus communi utrarumque partium consensu societas non multo ante scissa resumitur . Itaque per hunc modum inita denuo societate Franciscus exercitus ductor cum magnis equitum , peditumque copiis Florentinorum opera ad opitulandum Venetis celeriter transmissus , eorum res labantes , ac jam prope deletas mirabiliter restituit . Nam inter cetera gloriofa ejus gesta Veronam urbem jam ab hostibus captam hac sua profectio cum magna eorum strage recuperavit , & hostes insuper ipsos a Venetorum cervicibus propulsavit . Proxima deinde aestate iterum in eodem Magistratu bonis omnibus refectus ita se gessit , ut Philippi Duceis copiae nobis ob initam cum Venetis societatem , supra quam dici potest , infensa longe a finibus nostris arcerentur , atque totum in Galliam bellum gereretur . Tertio deinceps anno Piccininus Gallia in medio Gallici belli furore relicta cum magnis suorum copiis , & cum quibusdam exilibus nostris in Etruriam venit , ubi cum Apennino transmiso in agrum Mugellanum descendisset , & cuncta nullis repugnantibus passim populararetur , tantum omnibus terroro incusit , ut plerique cives vix intra urbis moenia se ~~se~~ prae magna formidine continere auderent . Attonita igitur per hunc modum civitate , atque in maximo discrimine ob repentinis hostium incursiones constituta , rursus vir sapientissimus Florentini Populi decreto Decemvir cum aliis praestantissimis civibus creatus est . Neque enim tunc maxima , ac pene cervicibus nostris impendentia pericula mediocres homines deposcebant . Ubi vero magnanimi viri , & alti quidem

dem consilii ad curam belli gerendi creati sunt, plerisque copiis in Galita ad reliquias Gallicae expeditionis persequendas dimissis, & exinde pauca, & multa aliunde equitum auxilia procurabant. Unde missis hinc inde ad conducendum milites pecunias post duos circiter menses partim ex Gallia, partim ex agro Piceno, partim etiam ex Flaminia Florentinis plura equitum auxilia opportuno tempore supervenerunt. Piccininus, qui prope in expugnandis pluribus oppidis nostris tantumdem pene temporis contriverat, circa saltuosa Casentini loca passim populabundus vagabatur. Ex quo quidem factum est, ut uno, & eodem Junii mense copiis ad sufficientiam in Gallia relatis, & accitis ad reprimendos hostiles impetus in Etruriam undique equitibus, mirabile dictu, & hostes in Gallia proelio victi superarentur, & Piccininus etiam amissis pene omnibus suis ita prope Anglare oppidum profigaretur, ut vix cum paucis evadendi gratia burgum ingredieretur: quo si nostri parta, ut debeat, victoria illico accessissent, ipse cum reliquis omnibus haud dubie capiebatur. Nam & ex hostium equitibus pauci admodum evaserant, & omnia quoque, quae in hostilibus castris fuerant, ad nos devenerant, & burgenses etiam supra mille ducentos homines in proelio capti apud victores tenebantur, & omnia denique adversariorum Ducum vexilla suscepta erant. Hac itaque Florentini victoria habita Bibienam, & Romenam, ac cetera oppida prius amissa faciliter recuperarunt, & Puppium insuper cum omnibus Castellis, quae prius Comitum fuerant, in eorum ditionem redegerunt, ac totum praeterea Casentinum potestati, imperioque suo in hoc fausto, ac felici Decemviratu ita prospere subjecerunt, ut ex turbulenta tempestate, qua creati fuerant, magnam, & gloriosam victoriam reportarent. Cum igitur de domesticis ejus moribus, & qualis etiam in nostra Rep. fuerit, pauca quedam è multis memoratu dignis, ut ab initio promisimus, breviter pertractarimus: reliquum est, ut de bonarum artium studiis deinceps absolvamus. In quo quidem si forte Venerationibus vestris paulo longiores videremur, quam brevitas temporis, & hujusmodi celeberrimi funeris solemnitas patetur, date quaesumus nobis hanc veniam, ut de omni doctrinarum suarum genere oratorio more parumper prosequamur, ne vos ex nimia orationis brevitate certa quadam ad-

C J A N N O T I I M A N E T T I

mirabilium virtutum cognitione fraudaremini, & ipse quoque propriis, ac funebribus laudibus privaretur. Quanta fuerit in hoc glorioso doctorum hominum, atque Romanae eloquentiae splendore, ut a grammaticis ordiamur, poëtarum pertractatio, quanta historiarum cognitio, quam integra, & quam incorrupta verborum interpretatio, quanta litterarum latinarum, & graecarum eruditio, facilius mentibus nostris excogitare, quam verbis explicare possumus. Quantum ille deinde cum excogitandis, tum disponendis, & exornandis rebus in hac ipsa dicendi facultate excelluerit, ex multis, ac variis scriptorum suorum voluminibus evidentissime demonstravit. Quantum denique in morali philosophia valuerit, ex pluribus Platonis, & Aristotelis, ceterorumque Philosophorum, pace cunctorum dixerim, principum traductionibus ita manifestum est, ut luce clarius apparere videatur. Omnia namque commemoratarum artium studia animo suo non solum nostra, atque domestica, sed graeca etiam ac peregrina tenebat. Admirabilis in eo erat memoria poëtarum Pindari, Aristophanis, Euripidis, Hesiodi, Homeri, ceterorumque Graecorum, ut nostros omittamus, quos omnes ita familiarissimos habebat, quasi ipse propria eorum poëmata confecisset. Admirabilior etiam historiarum recordatio: Thucididis (ne forte de Latinis dumtaxat Historicis a nobis dicta fuisse intelligeretis, quos non secus memoriter carpebat, quam si ipse illarum rerum gestarum scriptor extitisset) Thucididis inquam, & Herodoti, ac Diodori, & Polibii, aliorumque multorum admirabilissima: insuper veterum Oratorum exacta quaedam peritia, & certissima eorum, atque expressissima imitatio. Missum facio Ciceronem nostrum, cuius usque adeo verax imitator fuisse credebatur, ut ipsum imitacione sua quotiescumque voluisse, pene ad unguem expressissime putaretur. Aeschinem quoque, Isocratem, Lysiamque, & Demosthenem graecorum Oratorum principes generose admundum imitabatur. Ingens denique praedictorum Philosophorum in eo ipso intelligentia vigebat, atque haec omnia nova quadam graecae linguae recuperatione, quae per septingentos circiter annos longe, ut supra diximus, ab Italia exulaverat, non sine magna cunctorum Latinorum gloria assequebatur. Et ne forte nos prae nimio dolore lacrymis obortis vix vera, nedum falsa referre valentes fictas ad votum laudes nunc cele-

## ORATIO FUNEBRIS. CI

celebrare putaremur, quod laudationis genus graeci panagyricon appellarunt: omnium memoratarum doctrinarum suarum complura fidelia, & aeterna testimonia breviter referemus. Nam varias Aristophanis, Basilii, Xenophontis, Plutarchi, Demosthenis, Platonis, Aristotelis interpretationes suas certa quaedam ac perpetua utrarumque & latinarum, & graecarum litterarum monumenta extare non ignoramus. Aristophanis enim comediam, Basilii etiam epistolam, ac Xenophontis Tyrannum, & has Plutarchi vitas M. Antonii, Pauli Emilii, M. Catonis, T. & C. Graccorum, Sertorii, Pyrri Regis Epirotarum, Demosthenis libros singulos, ejusque orationum libros septem, praeterea Platonis de immortalitate animi, Gorgiam, Phedrum, Apologiam, Critonem, epistolas libros singulos, Aristotelis denique Oeconomicorum libros duos, Eticorum decem, Politicorum libros octo ita e graeco in latinum convertit, ut nulla prope eloquentiae ornamenta (mirabile dictu) desiderare videantur. Ex hujusmodi igitur Poëtarum, Historicorum, Oratorum, ac Philosophorum traductionibus maximas ei gratias agere, maiores etiam habere deberemus, nisi nimis ingratii essemus, partim quia ex sua praecipua, ac singulari industria divina veterum graecorum ingenia cognovimus, cum antea traducta non essent, partim quia haec Aristotelica vitio priorum interpretum corrupta, atque depravata nunc primum latina effecta fuisse intelligimus, Aristotelemque philosophorum principem cogitationes suas cum singulari elegantia litteris mandasse nequaquam in praefentiarum amplius ambigimus, quod etsi a veteribus, & quidem magnae auctoritatis viris scriptum esse legeremus, nullo tamen pacto prius credere poteramus. Quare si tot suae, ac tam elegantes & Poëtarum, & Historicorum, & Oratorum, & Philosophorum denique interpretationes ubique apud latinos reperiuntur, eum praeter exactam quamdam utriusque linguae cognitionem pleraque etiam illorum auctorum probe, atque integre cognovisse manifestum est. Quonam enim modo peritissimus utrarumque literarum interpres sine certa quadam eorum, quae interpretatur, eruditione & fideliter interpretari, & eleganter convertere queat, non sane intelligimus. Sed ne in his ipsis quamquam luce clariora esse videantur, vel parumper haerere, dubitareve possitis, attendite quæso, ut quanta, & quam magna pro-

CII JANNOTII MANETTI

priarum rerum monumenta suo, ut dicitur, marte litteris mandaverit, recte intelligere, ac considerare valeatis. Scripsit enim complura sparsim de variis rebus, & quidem egregia carmina, quae nondum morte praeventus in volumina redigerat; de Militia insuper, de Interpretatione recta, de Laudibus Florentinae Urbis, Laudationem Johannis Strozae, Pro se ipso ad Praefides, Vitam Ciceronis, Vitam Aristotelis, De studiis, & Litteris, Isagogicon Moralis Philosophiae. Et ne aliquod dicendi genus ab eo intentatum relinquatur, contra hypocritas, & in Nebulonem male dicum libros singulos praeципua quadam, & admirabili elegantia condidit, atque absolvit. Composuit praeterea Explanacionum duos in Oeconomicorum Aristotelis Libros, Dialogorum totidem, Epistolarum suarum Libros octo; dictavit denique De primo Bello Punico libros tres, Commentarium rerum Graecarum librum unum, de Bello Italico adversus Gothos libros quatuor, de Temporibus suis libros duos, Historiarum Florentini Populi libros duodecim. Si itaque omnium commemoratorum librorum numerum recensebimus, in quatuor super octuaginta confitete deprehendemus. Cum igitur vir sapientissimus Poetas, Historicos, Oratores, Philosophos cum graecos, tum latinos ita interpretaretur, ut & proprias eorum sententias probe intellegret, & ita imitaretur, ut & carmina componeret, & annales, & historias, & commentaria conscriberet, & variis dicendi generibus omnem vim oratoriam complectetur, & Philosophorum dicta e graeco in latinum mirabiliter converteret, itaque conversa dilucide explanaret; quantis ipsum & quam magnis laudibus dignum esse censemus? sed cunctis traductionibus, ceterisque ejus scriptis praetermissis, ad dignissimas quasdam oratoriae facultatis, atque historiarum suarum laudes accedamus. Si omissis graecis scriptoribus, ut nostris brevitatis causa contenti simus, M. Cato, Fabius Pictor, L. Piso primo antiqui Annalium conditores apud veteres Romanos maiores nostros egregiis quibusdam laudibus celebrabantur, quod annales sine ullis orationis ornamenti scriptitassent: si deinde Crispus Sallustius ob multipli-ces diversarum historiarum conscriptiones, si C. etiam Caesar ex Commentariis Belli Gallici, Bellique Civilis, si Q. Curtius gestorum quoque Magni Alexandri scriptor, si Justinus insuper ex suo Trogi Pompeii epitomate, si praeterea

Sue-

## ORATIO FUNEBRIS. CIII

Suetonius Tranquillus ex duodecim suorum Caesarum vitis, postremo si T. Livius ex variis Romanarum rerum historiis ingentes, ac maximas laudes consensu omnium non immrito reportarunt, quoniam partim ex puris historiarum, partim vero ex commentariorum, partim etiam ex epitomatibus descriptionibus seorsum ab illis auctoribus editis mirum in modum laudatos esse conspicimus: quantis nos laudibus illud nostrum Latinorum decus in hac doctorum hominum penuria non natum, sed potius ab aliquo Deo factum annalium, & commentariorum, & historiarum scriptorem **exornare**, & in coelum tollere deberemus? Si insuper M. Tullius omnium nostrorum Oratorum princeps, & caput primas Romanae eloquentiae partes ex orationibus, & ex ceteris ejus scriptis sine controversia assequebatur; quantum hoc nostrum Italiae decus non solum eximium Oratorem, sed etiam optimum Historicum commendabimus? Quoniam vero in T. Livii, ac M. Tullii mentionem quasi invicem comparantes incidimus, quorum alter Romanarum historiarum parens, alter autem latinae eloquentiae princeps putabatur, ne haec vobis admirabilia, & forte incredibiliaviderentur, pauca quaedam memoratu digna trium tantorum virorum propemodum comparandi gratia in medium afferemus. Livium multos variarum historiarum libros elegantissime scripsiſſe concedimus. At hoc nostrum praecipuum Romanae eloquentiae decus praeter multiplices historiarum, & aliarum rerum suarum libros, annales, & commentaria ornatiſſime compoſuisse non dubitamus. Cicero vero Arati Poëtae carmina, & Xenophontis Philosophi Oeconomicum, & duas quoque illas nobilissimas duorum illorum eloquentiſſimorum Oratorum Demosthenis, & Aeschinis orationes, inter seque contrarias e graeco in latinum convertit: Platonem vero, & Aristotelem ceterorum tam Graecorum, quam Latinorum, ut ita dixerim philosophorum capita, forte obscuritate earum rerum, quae ab illis tractabantur, deterritus, nequaquam convertere ausus est, cum id magnopere efficere concupisceret, ut ad latinorum cognitionem divina illa ingenia transferret, quod tamen non fecit, nec ei, ne faceret, ut verbis suis utar, interdictum putabat. Multa praeterea in soluta oratione cum in dialogis, tum in simplici sermone se ipso auctore memoriae mandavit; nam multos egregios libros, & plures

praecipuas orationes, & duo illa praecolla epistolarum suarum volumina mirabili profecto, ac prope incredibili elegantia composuit. At vero Leonardus noster vir eloquentissimus non modo duas illas nobilissimas orationes a M. Tullio antea conversas, & jampridem incuria majorum nostrorum amissas, ac deperditas, sed etiam, ut cetera leviora omittamus, pleraque Demosthenis, Xenophontis quaedam, Platonis, & Aristotelis multa elegantissime simul, atque suavissime traduxit. Complura insuper Ciceronis more conscripsit; nam & Dialogos, & Orationes, & Epistolas in unoquoque dicendi genere mirabiliter exornavit; Annales praeterea, & Historias, ac Commentaria generose admodum cum magna viventium, & posterorum utilitate composuit, quod Cicero nullo unquam vitae suae tempore fecisse videtur. Et ne forte malignas similitatis, & invidiae latebras, si maiores & digniores defuncto viro laudes tribueremus, non vobis, quos omnes ex tanti luminis extincione altius flere, atque prope ejulare conspicimus, sed quibusdam absentibus moveremus, ad quorum manus haec oratio nostra pervenerit: paulo post finem dicendi faciemus, cum dignissimum tantae commissionis officium penitus expleverimus. Commemorati enim hujus inclitae Civitatis Praefides, qui omnia & de domesticis defuncti hominis moribus, & qualis in nostra Rep. fuerit, & quantum in bonarum artium studiis valuerit superius enarrata plane, aperteque fama increbescente cognoverant, ac veteres Graecos, Romanosque majores nostros in ornandis clarissimorum virorum funeribus imitari cuperent, tria nobis eorum collegis praecollis injunxerunt: ut primo hoc praeclarissimi Viri funus dignis quibusdam laudibus celebraremus, ut deinde idipsum hujusmodi peregregiis plurimorum funeralium muneribus, multisque insignibus drapporum agminibus, atque nobilissimo vexillo exornaremus: postremo, ut veneranda tanti Vatis, Oratoris, & Historici tempora hac laurea corona insigniremus. Ceterum nos jam primum tibi, Clarissimum Latinorum Decus, satis quantum probrevitate temporis fieri licuit, superiori oratione nostra ad diuturnam admirabilium virtutum tuarum memoriam fecisse existimamus, & credimus. Secundum in praesentiarum agimus, ut te Excellentissime Civitatis nostraræ Gubernator tantis, ac tam ingentibus Florentinorum donis ad perennem quam-

quamdam tuorum in Remp. meritorum commemorationem illustraremus. Quibus jam rite peractis reliquum est, ut tempora tua, Eximie Vates, prisco, Graecorum, Romanorumque more hac laurea coronaremus. Sed antequam ad ipsum coronationis actum accedamus, antiquos Imperatores, veteresque, & novos nostri pene temporis Poëtas primo laurea coronari solitos paucis ostendemus, deinde quas ob causas laurorum potius, quam olearum, vel palmarum, vel hederarum vel aliis quibusdam perpetuo videntibus frondibus coronarentur, brevissime demonstrabimus: postremo hunc clarissimum Virum, & optimum Historicum, & eximium Oratorem, & egregium Poëtam extitisse parumper declarabimus. Militares coronas ceteris nobiliores octo circiter ex crebris veterum auctorum lectionibus fuisse accepimus, quarum haec nomina ferebantur: Obsidionalis, Civica, Muralis, Castrensis, Navalis, Ovalis, quasi Triumphalis, & Triumphalis. Obsidionalis e gramine siebat, quam ii, qui obsidione liberati erant, ei Duci, qui liberaverat, propterea donabant, quod ibi gramen plerumque generaretur, ubi obsecsi tenebantur. Hanc Coronam gramineam Senatus, Populusque Romanus Q. Fabio Maximo secundo Bello Punico non immerito dederat, quoniam Urbem Romam obsidione hostium liberasset. Civica appellabatur, quam civis civi, a quo in proelio servatus erat, testem vitae, salutisque perceptae concedebat. Ea e fronde quernea, vel lignea ob id efficiebatur, quod victus antiquissimus ex quercubus, atque ilicibus capiebatur. Hac corona civica L. Gellius vir Censorius in Senatu Ciceronem Consulem donari a Rep. censuit, quod ejus opera atrocissima illa Catilinæ conjuratio detecta, vindicataque fuisse. Murali corona ab Imperatore donabatur, quisquis primum murum subiens per vim in oppidum hostium ascendisset. Castrensis dicebatur, qua Imperatores eos donabant, qui primum pugnantes hostilia castra ingredierentur. Ea insigne valli habebat. Navalis erat, qua maritimo proelio donari solebant, qui hostium naves vi armati transfluisserent. Ea quasi navium rostris insignibatur, atque hae tres ex auro fieri consueverant. Ovalis mirtea habebatur: illa ipsa Imperatores utebantur, quandocunque ovandi gratia in Urbem revertabantur. Ovare autem dicebantur, si quando victores vel ex indignis bellis, vel non cum justis hostibus gestis domum remearent,

rent, aut quum hostile nomen humile, & non idoneum, ut  
 servorum, piratarumque fuisset, aut deditio ne repente facta  
 in pulvere, ut dici solet, incruentaque victoria obvenisset,  
 cui facilitati mirtum Veneris frondem aptam, & accomoda-  
 tam esse non injuria putaverunt, quod non martius, sed  
 quasi venereus quidam triumphus foret, ac per hunc modum  
 Octavianus Augustus post Philippense, & rursus post Siculum  
 Bellum bis ovans Urbem ingressus est. Quasi Triumphalis  
 nuncupabatur oleagina, eaque coronabantur non qui proelio  
 interfuerint, sed qui dignum aliquem pro absentibus Im-  
 peratoribus triumphum procurassent. Triumphalis ex lauro  
 siebat, & quia ceteris omnibus praeferebatur, solis dumtaxat  
 triumphaturis Imperatoribus servabatur, qui cum ex anci-  
 piti proelio, cruentaque victoria vicit superatisque hostibus  
 in patriam reverterentur, triumphalibus curribus cunctis or-  
 namentorum generibus praeditis ipsi tamen undique purpu-  
 rei, ac laurea coronati per Urbem vehebantur. Quod ut  
 clarius intelligere, ac memoriae mandare possitis, pauca quae-  
 dam nostrorum triumphantium exteris brevitatis causa praet-  
 termissis exempla referemus. Octavianus Augustus, qui Julio  
 Caesari nunc a nobis parumper omisso in imperio successit,  
 tres curules triumphos post duas illas ovationes suas Dalmat-  
 icum, Aetiacum, Alexandrinum continuo triduo mirandum  
 spectaculum de more laurea coronatus egisse legitur. Ti-  
 berius deinde Caesar, cum ei toto Illyrico perdomito, &  
 in ditione Populi Romani redacto triumphus decerneretur,  
 ac ipse ob Q. Vari cladem, qui sub idem fere tempus in  
 Germania una cum tribus Legionibus perierat, decretum sibi  
 triumphum differre, quam triumphare maluisset; Urbem ni-  
 hilominus praetextatus, & laurea coronatus intravit. Nero  
 insuper e Graecia per Neapolim, per Ancium, & Albanum  
 Romam reversus, eo curru, quo Augustus olim triumpha-  
 verat, veste purpurea, clamydeque stellis aureis distincta, ac  
 olympiaca, & laurea corona capite redimite Urbem ingredi-  
 tur, cum prius etiam triumphantis habitu, & laurea coronatus  
 in Capitolium ascendisset, postquam Mithridatem Armeniae  
 Regem Romanam venientem quasi triumphatus recepisset. Sed  
 ut quanti haec laurea a veteribus Romanis aestimaretur, pla-  
 nius cognoscere, atque intelligere valeatis, quicquid M. Crasso  
 ovanti, & Julio Caesari triumphanti contigerit, quaeſo di-  
 ligent

ligenter animadvertisse. M. enim Crassus quoniam bello Fugitivorum confecto ovans redibat, mirteam coronam ovationibus legitime adtributam ita insolenter aspernatus est, ut Senatus consultum faciendum per privilegium curaret, ne mirto, sed lauro coronaretur. Julius quoque Caesar quamquam quinques confectis bellis triumphasset, & quinque curules triumphos Gallicum, Alexandrinum, Ponticum, Africanum & Hispaniensem laurea de more coronatus peregrisset: ex omnibus tamen decretis sibi a Senatu, Populoque Romano honoribus nullum libertius, quam jus laureae perpetuo gestandae recepisse scribitur. Huius laureae tanta per ea tempora Imperatores cupido incesserat, ut novos quosdam, immertosque triumphos sibi decerni postularent. Unde de jure triumphandi lege cavebatur, ne quis triumpharet, nisi saltem quinque millia hostium una acie cecidisset. Et ne tam praeclarae legi ex nimia quadam gloriose laureae cupiditate ullatenus derogaretur, eam alterius legis praesidio comprobarunt, quae graviter Imperatoribus minabatur, si qui falsum aut hostium occisorum in proelio, aut amissorum civium numerum literis Senatui retulissent, eosque apud Quaestores Urbanos jurare jubebat, cum primum Urbem intrassent, se se de utroque tam hostium, quam civium numero vere Senatui rescripsisse. Praeterea veteres memoria trecentorum circiter supra mille annorum de nostris duntaxat repetita recentesque, ut ita dixerim, Poetas hujusmodi laurea coronari consueuisse legimus. Nam ut ceteros mittamus, Statuum Tolosanum, & Claudianum Florentinum, quorum alter Domitiani, alter vero Theodosii senioris temporibus floruit, & Petrarcham patrum, & Colucium nostra memoria Florentinos, & egregios vates laureis coronatos fuisse accepimus. Olearum frondes, si secularibus, sacrisque litteris credimus antiquitus pacis, ac victoriae signum, non secus quam temporibus nostris habentur, extitisse cognovimus. Si enim figmentis poetarum aures admovemus, hoc ipsum luce clarius apparebit. Nam cum Neptunus, & Minerva, ut in fabulis traditur, Athenas condidissent, atque de impositione nominis inter se contendenter; Diis praesentibus his foederibus convenerunt, ut qui terra proprio instrumento percussa laudabilorem effectum ederet, is novae urbi nomen imponeret. Cum itaque Neptunus terram tridente percusset,

## CVIII JANNOTII MANETTI

sisset, atque equus belli omen repente profiluisset, Minerva autem hastam in eam projecisset, olivamque pacis arborem produxisset, Minervae nomine, quae graece Athene dicitur, Diis arbitris Civitas appellata est. Si deinde historiis adhaeremus, id ipsum manifestissime deprehendemus. Quippe a Marco Varrone viro rerum humanarum, divinarumque doctissimo de Cecrope Athenarum Rege in hunc fere modum scriptum fuisse novimus. Eo enim Athenis regnante, cuius temporibus urbem conditam credit, atque ambigente, quo nomine nova Civitas appellaretur, mox oleae arborem alibi apparuisse, & alibi aquam erupisse scribit. Unde Regem adeo prodigia ista moverunt, ut ad Apollinem Delphicum sciscitatum mitteret, quodnam agendum videretur. Legati ob oraculo revertentes oleam Minervam, undam Neptunum significare, in suaque potestate constitutum esse reulerunt, ex cuius nomine duorum Deorum, quorum illa signa apparuerant, civitas vocaretur. Hoc Regem auditio omnes cives utriusque secus in consilium advocasse tradit. Mos enim tunc erat, ut feminae publicis consultationibus interesserent. Consulta igitur per hunc modum multitudine, mares pro Neptuno, feminas pro Minerva sententiam tulisse prodit. Sed quia numerus seminarum major, quam marium uno dumtaxat inventus est, Minervam eo certamine superasse, ac propterea suo graeco nomine sic civitatem appellatam fuisse demonstrat. Si divinis denique litteris confidimus, nullatenus de eo ipso dubitare poterimus. Nam ubi diluvii aquae, a quibus universum terrarum Orbem ex sacrorum Librorum lectionibus mundatum fuisse intelleximus, parumper cessare, montiumque cacumina apparere coeperunt, columbam nescio quam mordicus, quasi divinitus ageretur, ramuscum quemdam viridantis olivae in signum pacis, ac victoriae praetulisse nequaquam dubitamus. De palmarum arboribus ab Aristotele, & Plutarcho scriptum esse comperimus, ut quamquam magnis ponderibus superimpositis premerentur, nunquam tamen cedere viderentur. Unde propterea veteribus placuisse tradiderunt, ut palma certum quoddam victoriae signum ab omnibus haberetur, quoniam ea esset hujusmodi arboris natura, ut urgentibus, opprimentibusque non cederet. Et ne de neutrō, vel ut de frivolo, atque temerario quodam victoriae signo suspicari valeremus, utrumque ab

Ecclesia militante quot annis renovari intelligimus, quoniam oleae palmarum ornamentis intertextae cunctis fidelibus populis propterea exhibentur, ut simul & de olea veteris, & de palmis novi Testamenti tamquam de certis quibusdam, evidenter pacis his, ac victoriae signis annuis commemorationibus admoniti vere, atque fideliter instruantur. Hedera vero a priscis illis tantopere celebratur, ut Alexander Rex Macedonum ob terum a se gestarum magnitudinem cognomento Magnus viellis superatisque Indis exercitum suum victorem instar Liberi Patris, quem in India pro Deo venerabantur, hujusmodi frondibus coronatum in patriam traduxerit, cum tamen persica corona in honorem Persei atavi sui antea uteretur, qui primus ex Perside allatam apud Aegyptios eam arborem servisse traditur. Vetustissimos etiam Poëtas hedera, seu quasi quodam mentis furore perciti baccarentur, ac Faunis, Satyrisque finitimi haberentur, seu quod eorum carmina aeternitatem mererentur, hujusmodi semper virentibus frondibus coronari solitos ab idoneis auctoribus scriptum fuisse legimus. At vero cum tractu temporis omnia bonarum artium genera velut ab ipsis veterum doctrinarum incunabulis rudia, & inculta postea limarentur, factum est, ut Poëtae hederis omisis, ne baccantium more insanire putarentur, lauribus quoque perpetuo virentibus coronarentur. Quod ob tres dumtaxat causas a politioribus, & cultioribus viris introductum fuisse non injuria existimamus, & credimus, ut vates perpetuis laurorum potius, quam vel olearum, vel palmarum, vel hederarum frondibus decorarentur. Primo ut Imperatores devictis superatisque hostibus triumphaturos imitarentur, quasi ipsi libidine, segnitieque perdomitis, tamquam acerrimis quibusdam humani generis inimicis non immerito triumpharent. Deinde quia talem, & tam ingentem famam ex poëmatibus ab eis egregie confectis se se consecutos fuisse arbitrabantur, ut ex hujusmodi laureatione aeterno quodam glorioissimae vocis, famaeque praecoonio neminem, ne Jovem quidem fulgoribus suis tantae, ac tam celebratae gloriae magnitudini officere posse palam omnibus significant. Physici enim hujus dumtaxat arboris naturam eam esse scriptum reliquerunt, ut inter ceteras plantas sola a fulminibus non laedatur, ac sic semper observatum fuisse dicunt, ut omni quidem tempore illaesa, inviolataque permanserit. Postremo quia veteres

## cx JANNOTTI MANETTI

Parnasum montem Apollini dicatum, lauribus, utpote Musis pergratissimis arboribus undique affluere memoriae prodiderunt; idcirco Poëtas Pieridum alumnos, civiliori ut ita dixerim, mortalium vita laureis coronari coepos, ac postea semper hactenus servatum nostra quidem sententia non iniuria arbitramur. Cum igitur de Imperatorum, Poëtarumque laureis duabus ultimae divisionis nostrae partibus in praesentiарum absolverimus: restat, ut hoc nostrum Italiae decus non solum optimum Historicum, & eximum Oratorem, sed egregium etiam Poëtam fuisse deinceps ostendamus. At vero quoniam de Historis, Annalibus, & Commentariis, atque de Dialogis insuper, & Orationibus, & Epistolis multifariam ab eo, elegantissimeque conscriptis singillatim superius commemorasse meminimus, ex quibus ipsum, & optimum Historicum, & eximum Oratorem extitisse jure ambigere, suspicarive non possumus, ea ipsa repetere, & crebrius auribus vestrīs inculcare supervacaneum esse censemus. Itaque poëtica paulo altius ab origine repetita, de poëtis pauca diceamus, ne forte hunc peregrium diversarum rerum scriptorem in Poëtarum numero recensendum fore suspicarem̄. Mihī mecum ipsi crebro diligenter, & accurate de poëtica cogitanti, poëtas bifariam extitisse videri solet. Veteres enim uno quidem modo ex propriis ingenii viribus, quod absque ullis, vel cum paucis bonarum artium studiis ex interna quadam mentis agitatione docente natura agitur, & commovetur, poëtas bonos fieri tradidere, atque hujusmodi tamquam Deo plenos interdum sacros, interdum divinos, interdum vates a priscis scriptoribus appellatos esse conspicimus. Putabant enim poëtam bonum neminem existere posse, id quod a Democrito, & Platone in scriptis relictum esse dicebant, sine inflammatione animorum, & sine quodam afflato quasi furoris, cuiusmodi fuisse ajunt, Orpheum, Sybillas, Hesiodum, Pacuvium, multosque alios, quorum Orpheus ex nimia, ac profecto admirabili lyrae suae suavitate cicures, & feras, faxaque & silvas, mira & eloquii dulcedine captas traxisse fertur. Sybillas vero quasi furentes, & Deo plenas utpote divinarum voluntatum participes, atque conscientias a consiliis Deorum enuntiandis aeolico quodam genere sermonis cognominaverunt. Hesiodus autem pastor rudis, & indoctus aquula Castalii fontis libata ita ad summum poeticae eva-

fit, ut nobilissima dogmata sua a Platone, & Aristotele in mediis eorum utriusque Philosophiae naturalis, & moralis voluminibus magna cum veneratione velut oracula saepe numero frequententur. Pacuvius etiam Tragaedias suas non levi, ac remisso animo scripsisse traditur. Alio quoque modo homines ex litterarum studiis, atque plurimarum doctrinarum eruditione poëticam assequuntur, quales fuisse Homerum, Pindarum, Euripidem, Sophoclem, Aristophanem, Virgilium, Ovidium, Flaccum, Senecam, Statium, omnesque alios, qui per studia, & disciplinas sine aliqua interna mentis agitatione nonnulla poëmata vel graecis, vel latinis versibus mandaverunt. Et ut planius quicquid summatim de facultate poëtica dici possit, strictim, & quasi per transennam intelligatis, non alienum visum est, unde hoc Sacrum Poëtae nomen derivaretur, paucis absolvere. Poëtae nomen a quodam verbo graeco derivatum esse constat, quod latine facere significat; proinde poëtā recte factorem latine interpretari possumus. Sed quoniam inter cuncta humani generis opera ea ceteris praeferabantur, quae a dignis scriptoribus celebrabantur, & quia inter illa, etiam quaecumque versibus mandabantur, aliis omnibus praeponerantur; ideo cunctis omissis illa sola poëmata appellabantur, quae carminibus efferebantur, quasi quaecumque metris canerentur, digniora esse censerentur, quam ea, quae in soluta oratione litteris traderentur. Quocirca figmenta versibus mandata ut pote venerationi quodam, & altiori genere dicendi explicata ob excellentiam nominis, & ut Graeci dicunt per antonomasiā poëmata quasi sola essent ea mortalium opera nuncupari consueverunt. Poëtae igitur priscis illis praetermissis, quos veteres propriis nominibus vates appellabant, pinxit, ut ajunt, minerva omnes illi antiquitus habebantur, quicumque digna quaedam, altaque figmenta egregiis carminibus prodidissent. Itaque si quis poëta esse cuperet, quaedam egregia poëmata describat oportet. Quod ni ita esset, & Moyses, & Hieremias, & Job, & David, & Solomon, quorum cantica apud Hebraeos ex canoniceis eorum Libris ab hominibus in illo sacro idiomate vel mediocriter eruditis hebraicis versibus dictata cernuntur, poetae simplicibus cognominibus, non cum sacrorum carminum adjectiōnibus appellarentur. Ut de David, apud Basiliū virum graecarum

literarum peritissimum, ac sanctissimum scriptum esse legimus, quem quidem Poëtam sacrorum carminum appellare non dubitavit. Eodemque modo de Juvenco quodam Hispano, Sedulioque judicaretur, quos hexametris versibus Evangelia composuisse constat. Similiter quoque de Empedocle, ac Lucretio censeretur, quorum alterum apud Graecos, alterum vero apud nos de rerum naturalium causis carminibus scriptis manifestum est. Quid igitur faciemus? Nonne in hoc secundo Poëtarum numero Leonardum nostrum jure, ac merito collocabimus? Ita profecto: primo namque magnam quandam graecarum, & Latinarum Literarum cognitionem mirabiliter adeptus est. Varias deinde omnium pene ingenuarum artium eruditiones ingenue admodum comparavit. Historias quoque, Annales, & Commentaria uberrime, ornatissimeque composuit, & quod ad artem oratoriam spectare videtur, dialogos, orationes, & epistolas elegantissime simul, atque copiosissime tractavit. Proinde ipsum & optimum Historicum, & eximium Oratorem fuisse recte, ac jure dubitare non possumus, & quod maxime ad poëticam ipsam pertinere cognoscimus, cunctorum cum Graecorum, tum Latinorum poëtarum singula quaeque ita ad unguem interpretabatur, quasi ipse propria eorum poëmata commentatus absolvisset. Unde si sua quoque paulo diligentius, atque accuratius animadverterimus, egregium etiam poëam exitisse nequaquam ignorabimus. Est enim, ut ait Cicero, finitus oratori poëta numeris astrictior paulo, verborum autem licentia liberior, multis vero ornandi generibus socius, ac pene par. In hoc quidem certe prope idem, nullis ut terminis circumscribat, aut diffiniat jus suum, quominus ei liceat eadem facultate, & copia vagari, qua velit. Et non multo post in eodem libro verba haec posuit: Atque id primum in poetis cerni licet, quibus est proxima cum Oratoribus cognatio, quam sint inter se Ennius, Pacuvius, Acciusque dissimiles, quam apud Graecos Aeschylus, Sophocles, Euripides, quamquam omnibus par pene laus in dissimili scribendi genere tribuatur. Praeterea diversa, multipliciaque comentus & plura sparsim de variis rebus carmina composuit, quae, ut supra diximus, nondum morte praeventus in volumina redegerat. Unde ipsum Poëtam fuisse nequaquam dubitari, suspicarive possumus; ob id vero, quoniam optimus histo.

historicus, & eximus orator erat, in eo poëtae nomen non tam celebre jure obscurari, ac confundi videbatur. Quemadmodum enim Homero, atque Ennio, Platonis quoque, & Aristotelis contigerat, ut quamquam partim in hac facultate dicendi, partim vero in conscribendis Annalibus plurimum valuerint; unusquisque tamen propriis illarum bonarum artium appellationibus censebatur, in quibus singuli excelluisse dicebantur, ac prius jamdudum hactenus servatum esse videbatur, ut docti simul, & indocti Homerum, atque Ennium Poëtas, Platonem vero, & Aristotelem Philosophos omnissimis ceteris denominationibus cognominarent: ita eodem prope modo Leonardo nostro contigisse conspicimus. Etsi enim cuncta tam Graecorum, quam Latinorum poëtarum volumina evolvisset, atque ea omnia eleganter interpretaretur, & multa insuper sua carmina componeret; quoniam tamen propria quaedam Historici, & Oratoris cognomina excellebant, idcirco poetae nomen paulo obscurius in eo, ut supra diximus, obscurari, atque confundi videbatur. Quas ob res cum Venerationibus vestris, Clarissimi Viri, ut ad vos tandem aliquando revertamur, & de domesticis defuncti hominis moribus, & qualis in nostra Rep. fuerit, & quantum in liberalibus bonarum artium studiis, atque in multiplicibus scriptorum suorum voluminibus excelluerit, satis, abundeque ostenderimus, ac etiam quemadmodum Imperatores, atque Poëtae laurea coronari consueverint, & cur lauribus quoque potius, quam oleis, vel palmis, vel hederis, aliisve quibusdam perpetuo virentibus frondibus de more corona-rentur, plane, & aperte explicarimus, & hoc insuper nostrum Italiae decus & optimum Historicum, & eximum Oratorem, & egregium Poëtam extitisse hactenus demonstramus, atque ex prolixiori oratione, quam ab initio putarimus, tamquam ex longiuscula peregrinatione, & velut diuturno quodam postliminio divina ope freti demum in patriam reverterimus; reliquum est, ut vobis ingentes gratias agamus, maiores etiam habeamus, quoniam cum singulari quadam, & accurata rerum nobis paulo uberius relatarum attentione, tum etiam ex vestris jugibus lacrymis hoc celebrissimum funus mirabiliter decorastis, quibus quidem brevitatis causa praetermissis, postremo ad ipsum coronationis actum accedamus. Nos itaque ad te, Clarissimum Latinorum Jubat

parumper conversi, beata & felicia tempora tua ad perpetuum quoddam, & aeternum admirabilis sapientiae, atque incredibilis eloquentiae viventibus, & posteris testimonium ex nostro Senatus consulto hoc dignissimo Laureae ornamento feliciter coronabimus. Quocirca venerandis memoratorum Praesidum nostrorum mandatis, ut par est, parere, atque obtemperare cupientes, hac te Laurea optime Historice, eximie Orator, egregie Poëta ad perennem quandam, & aeternam tuarum bonarum artium memoriam, ac sempiternam inefabilis prope gloriae tuae illustrationem publico hujus Florentissimi Populi nomine faultis omnibus in praesentiarum coronamus, ut te ternario Florentinorum Poëtarum numero Claudiani, Petrarchae, ac Colucii, quos e nostris hominibus solos, Dante, & Boccacio praetermissis, quoniam alter exilio, alter vero paupertate oppressus digna lauri corona redimiri non potuerunt, jamdudum per mille circiter annorum curricula merito laureatos fuisse constat, quartum fortunatissime, ac eloquentissime te Leonarde non immerito adjungamus, te inquam nuper in singulari quadam Dei, & hominum gratia defunctum, te inquam secundum Latinae Linguae decus, te denique praecipuum quendam Romanae eloquentiae Principem, cuius quidem cadaver humana jam a nobis laurea coronatum hic e regione jacere conspicimus, animum vero e vinculis corporis relaxatum, ac solutum tamquam ex hoc caliginoso carcere, atque procelloso pelago divina illa, ut ita dixerim, laureola redimitum in coelum certum quoddam, & aeternum Beatorum Spirituum receptaculum ob integritatem, & sanctimoniam vitae evolasse non injuria existimamus, & credimus, ut cum reliquis triumphantis Ecclesiae Spiritibus aevo sempiterno in perpetuis jubilationibus perfruatur, quoisque ipse novissimo die resumpto corpore reviviscens, atque hoc iterum factus, postea duplice & humana, & divina laurea coram Omnipotenti Deo semper coronatus appareat. Vale felix laureatum, utrariumque litterarum, & eloquentiae Decus.



# POGGII BRACCIOLINI ORATIO FUNEBRIS

IN OBITU

LEONARDI ARRETINI.



Odiernus, Florentini, dies, atque hic publicus  
moeror communi voluntate suscepitus declarat,  
quanta hujus praestantissimi, atque omni laude  
dignissimi Viri virtus extiterit, & quam cara  
& grata universae sit Civitati, cum videamus  
Magistratus hujus Urbis, omnium Ordinum consensum, uni-  
versum populum ad ornandam hanc funeris pompam una  
mente suis decretis ultro in eandem sententiam convenisse.  
Nullus est enim, qui se civem esse existimat, qui non suum  
studium, atque operam praeftiterit ad cohonestandas hominis  
exequias optime de Rep. meriti, & ejus, cui parem rara  
secula protulerunt. Magnum quippe & praeclarum hoc te-  
stimonium virtutis est, & laudis, & mea sententia plurimi  
aestimandum. Is enim justus, & verus est honor, qui soli  
virtuti sponte conceditur, & recte factis: non qui aliunde  
quaeritur, aut precibus est, aut suffragiis hominum men-  
dicatus. Non generi, non majoribus, non parentibus Leo-  
nardi, non amicis rogantibus ii honores tribuuntur, sed pro-  
bitati, prudentiae, continentiae, integritati vitae: ut non

††††††† 2

ex-

externo opere quaesitus, sed a sola virtute profectus apparet. Itaque cum cetera vitae commoda nobis quaerenda sunt, tum vero maxime virtutis ratio omni conatu appetenda, cum tanta illius cultoribus tum vivis, tum mortuis sint honoris praemia constituta. Licet autem satis fructus virtutis in ipsa virtute positus videatur; tamen ad laudem quoque confert, & posteritatis memoriam ab his diligi, coli, ornari, praedicari, qui & ipsi in laude vixerunt. Sed mihi pietas praecipue Civitatis, tum celebris hoc in ornando funere civium frequentia maxime laudanda esse videtur, qui hujus singularis Viri memoriam tam grata significatione benivolentiae prosequantur. Quae res tum spectat ad mortui gloriam singularem, tum vivos excitat ad capessendum eum vitae cursum, quem propter conspiciant hunc civem tales honores consecutum, ac tam carum Reipubl. extitisse. Quamvis autem Leonardi virtus nullius externa laudationis opera egeat ad se ornandam, quippe qui sibi vivens laudem perperit immortalem; tamen praestandum est a nobis debitum officium amicitiae nostrae, quae jam amplius annis quatuor & quadraginta inter nos similium studiorum cursu copta, semper viguit sanctissime absque ulla querela, aut benivolentiae intermissione. Solent quandoque inter amicos dissensiones, jurgia, & contentiones exoriri, ut intermissio quae-dam benivolentiae fieri videatur. Sed nostra semper inviolata permanxit animorum conjunctio, quorum amorem nullius unquam dissidii causa distractit. Et id quidem jure inter nos contigit. Ea namque vera est, ac stabilis amicitia, quam optimarum artium studium, & bonorum morum similitudo contraxit, quae quoniam mutua benivolentia, & officiis fovetur, necesse est, ut ita sit firma, ac diurna. Et licet ab omnibus doctis, ac eloquentibus viris hoc munus postuletur, ut famam ejus, qui hujus seculi nostri, & doctrinum omnium maximum fuit ornamentum, celebrem reddere ad posteros debeant; tamen id praecipue a nobis suo quodam jure videtur exigere jus nostrae amicitiae, & voluntatum, studiorumque conjunctio, ut in quem vivum summa beneficia contulimus, defuncti quoque memoriam aliquo munere afficiamus. Sed antequam de eo, quod proposui, dicere aggrediar, paucis mihi queri liceat de communi omnium nostrum conditione, quae mihi in angusto nimis, & in incerto.

ORATIO FUNEBRIS. CXVII

to rerum statu videtur esse posita , deque fatorum *injuria* , quae me omnibus his privarunt , quos mecum ab ineunte adolescentia litterarum studia summa caritate , & benivolentia devinxerunt . Nam primo communem doctorum omnium parentem Colucium Salutatum humanissimum , ac doctissimum virum , tum Robertum cognomento Rufum , deinde Nicolaum Nicolum , viros omni litterarum genere , & humanitatis studiis praestantissimos , deinceps omni virtute virum celebrem Laurentium de Medicis , pluresque alios summa mihi amicitia conjunctos eripuit nobis . Restabat hic unus veterum studiorum , & quasi renascentis olim academiae socius , quem cum non solum studia , sed cogitationes quoque communicare solitus eram , revocans saepe ferrones nostros ad illam prioris aetatis nostrae jocunditatem , cum omnes hi viverent , quos modo nominavi . At hunc quoque in ipso fructu laborum suorum interceperunt , ostenderuntque , nihil extremo die esse incertius , nihil hac nostra infirmius *vita* . Et quidem hic obitus non admonet magis de futuro , quam de praesenti tempore esse cogitandum . Incertus est enim , ac dubius status vitae , fragilis hominum natura , corpus imbecille , & quod multos subeat casus . Nam si , ut inquit Varro , homo bulla est , eo magis senex . Erat Leonardus noster septuagenarius , tamen valido corpore ac robusto , quippe qui raro adversam valetudinem sit expertus , ut nihil ei ad praesens , quam mors repentina extimescendum esse videretur . Sed nihil nos fallit magis , quam quod nemo adeo senex est , quin annum , ut scribit Cicero , speret se esse victurum . Quo fit , ut longius quandoque trahamus res nostras , quam deceat viros sapientes , & cogitata vitae ratio postulet . Mors enim a tergo instat , & conatus nostros quamvis honestos in medio apparatus interficunt atque abrumpit , & omnia secum ausert , nisi quae virtute , & vitae bonitate fuerint comparta . Itaque perbeati meo judicio illi aestimandi sunt , quorum vita non hac brevitate temporis circumscribitur , quae omnibus animantibus est communis , sed ad posteros longo intervallo virtutum beneficio propagatur . Quamvis autem nil sit in morte mali , neque post ipsam quidem his , qui juste ac recte vixerunt , ( nam in ea vitae anteactae viri boni praemia adipiscuntur , totaque vita sapientis nihil aliud , quam mortis meditatio esse debet ) tamen dolendum est nobis ,

## CXVIII POGGI BRACCIOLINI

bis, qui reliqui sumus talium virorum praesidio & virtute privati. Etenim mors non his defenda, aut misera videri debet, qui diem obeunt, si justitiam coluerunt, sed illis potius, qui supersunt. Illi enim fortunae omne arbitrium effugerunt; his novarum rerum impetus pertimescendi. Illi suum finem, in quo est vitae perfectio, sunt fortiti; aliis asperum iter agendum. Quo vero meliores habentur fines, quam ea, quae ad finem spectant; eo sapientis mors melior perfectiorque, quam haec vita aestimanda est. His mors gravis esse debet, quorum vita morti est similis, nulli virtuti conjuncta. Quibus autem perpetua laus & gloria, vitaeque anteactae fructus proponitur; ii mortem aequo animo ferunt, tanquam laborum finem, & praemia meritorum. Quoniam vero (ut jam redeamus quo nostra defluxit oratio) illius laudes sumus prosequuntur, cuius nulla pars vitae laude vacavit, ita eas distribuemus, ut tum vitam omni commendatione exactam, tum opera, quae in nostram utilitatem edidit, recenseamus. Natus est hic Arretii civitate admodum antiqua, ac maxime nobili, & olim inter capita Etruriae, cum ea potens viris, armisque esset, aestimata. Haec olim urbs adeo opibus, virisque magnifica, & opulenta fuit, ut eam isolam quondam P. Scipioni ad Bellum Punicum proficisci trigesinta millia scutatorum pollicitam esse, galeas totidem, pilula, gaesa, hastas longas millia quinquaginta, summamque pari cuiusque generis numero expleturam, secures, rutra, falces, alveolos, moles, quantum in quinquaginta longas naves opus esset, tritici centum, & viginti millia modia, & viaticum decurionibus, remigibusque allatura T. Livius refert. Magna profecto potentia, amplitudo, opulentia ejus civitatis censenda est, quae tantum ad Belli Punici expeditionem attulit, quantum universa Etruria vix hodie possit efficere. Sed & nostris quoque temporibus duabus rebus, quibus honor & fama praecipue acquiritur, semper claruit, militari gloria, & studiis litterarum. Multos illa civitas nobiles & egregios in re militari viros, ut de superioribus sileamus, nostra aetate protulit: plures litterarum studiis in omni genere doctrinae praeclaros, quorum pars diem suum obiit, partem Dei beneficentia ad communem eloquentiae & sapientiae usum nobis reservavit, qui cum sint nobis notissimi, eorum nomina, ne iis blandiri videat, praetermitto. Unum non praeter-

teribo, quod forsitan multis ignotum est; Franciscum Petrar-  
chan virum doctissimum, ac sapientissimum, cuius ingenio plu-  
rimum debemus, patria, ut ipse testatur, Arretinum suisse.  
Itaque maximas civitati illi docti omnes & habere, & agere  
gratias debent, quae Musarum domicilium videtur nostris  
temporibus extitisse. Certe ab eis humanitatis, & sapientiae  
studia exulta maxime sunt, atque amplificata. Et genere  
Leonardus minime claro fuit. Sed quod natura non attulit,  
virtus elargita est. A se ipso enim nominis claritatem, ac  
generis nobilitatem traxit, quae vera est, & perfecta nobili-  
tas. In quo enim virtutum splendor consistit, in eo ingenua  
ac perfecta nobilitas inest, non exterius proficiens, sed na-  
scens domi, non alieno, sed proprio beneficio parta, non  
majorum opera, sed suis vigiliis, laboribus, studiis acqui-  
sita. Nam qui genus jactat suum, ut Tragicus inquit, alie-  
na laudat. Et quidem quanto praestat lumen praebere aliis,  
quam alieno splendore lucere; tanto satius est sibi peperisse  
nobilitatem, quam alterius munere accepisse, si tamen acci-  
pi potest, & non sibi quisque nobilitatem comparat virtu-  
tum gloria, & recte factis, ex quibus maxime nobilitatis aura  
resplendet. Itaque five, ut Aristotelii videtur, ei nobilitas  
virtute & opibus comparatur, hic egregie nobilis evasit: si-  
ve, ut Stoicis placet, sola virtus illam parit, satis abunde  
nobilitatus est, & claritate nominis per ora omnium pervul-  
gatus. Ab ineunte adolescentia latinas litteras in patria per-  
cepit; & quum animo majora quaedam conciperet, Floren-  
tiā se contulit, in qua uberior discendi facultas, & am-  
plior consequendae laudis campus esse videbatur. Ibi quadriennio Juri Civili operam dedit. Quo in studio cum pluri-  
mum profecisset, supervenit Manuel Chrysoloras ex Urbe Con-  
stantinopoli Graecorum omnium sapientia, & eloquentia tum fa-  
cile princeps, qui studia graecarum litterarum, quae jamdiu in  
Italia oblita & sepulta erant, apud nos primus excitavit. Et cum  
plures ad ejus doctrinam confluarent, haberenturque coetus  
praestantiores, Leonardus illorum gloria commotus, cum  
in eo studio magnam laudem propositam videret, posthabita  
juris civilis cura adhaesit Manuela, brevique effecit, ut om-  
nes coauditores tum bonitate ingenii, tum studio diligenter  
facile superaret. Exercebatur tum Latina in Graecum ser-  
monem, tum Graeca in Latinum convertens. Sed cum pra-

que in lingua adeo profecisset, ut eloquentia excelleret omnes, qui tum doctissimi habebantur, labores vero suos tantummodo laudari, nihil vero sibi afferre emolumenti cerneret, & premebatur inopia, ut qui tenui esset censu: rediit ad disciplinas juris civilis, quae suis cultoribus opes & divitias pollicentur. Querebatur saepe mecum pro nostra familiaritate, se invitum, & necessitate compulsum relinquere ea studia, ex quibus magnam sibi gloriam paratam omnes praedicabant, & ad eam scientiam, quae jam antiquasset, se reverti; praeferunt cum tanquam studiorum suorum primicias jam quaedam opuscula edidisset summa cum eloquentia, & omnium commendatione. Accidit interea, ut ego ad Curiam Romanam proficerer Bonifacio IX Pontifice, fieremque paulo post, quam accesseram, litterarum Apostolicarum scriptor, quod officium & utile est, & honestati, dignitatique coniunctum. Successit anno post Innocentius VII defuncto Bonifacio in Pontificatu. Et cum antea Leonardus, qui illam legum molestiam effugere cupiebat, primo verbis, deinde litteris egisset mecum, ut curarem, ut in curiam accersiretur ad aliquod exercitium, ex quo victum honestum posset consequi, mihi vero cum his, qui essent Innocentio proximi, summa esset necessitudo; laudando Leonardum, & orationis elegantiam, virtutemque prae ceteris extollendo, ac simul quaedam ejus scripta ostentando effeci, ut is, licet ignotus tum Pontifici, tum ceteris, ab Innocentio Secretarius fieret, duorum praeferunt opera, qui Pontifici erant carissimi, mihique satisfacere cupiebant. Qua in re multas, ac graves contentiones suscepi adversus quosdam, qui illud idem summopere ambiebant. Sed ego omnia pro amico subeunda esse judicans, & illius desiderio satisfacere cupiens, nullum laborem, nullam diminutionem bonorum, nullam malivolentiam pro nostra coniunctione declinandam putavi. Meis itaque litteris accitus ad Urbem, pauloque post meorum opera Secretarius effectus, ostendit vera esse, quae a me de eo ferebantur; brevique se in Pontificis, qui humanissimus erat, benivolentiam insinuans illi acceptissimus fuit. Eodemque officio, quod semper summa integritate, fide, innocentia administravit, Gregorii quoque, atque Alexandri, & Johannis tempore, cuius Pontificatus quaestuosisimus fuit, functus est, multasque tum pecunias Johannis indugentia con-

contraxit. Sed cum Johannes esset Bononiae, Leonardus ac-  
citus est a vobis in Cancellarium, quo in officio paucis men-  
sibus praefuit. Nam tum novi exercitii difficultas, tum ma-  
joris spes emolumenti eum coegerunt, ut abdicato officio,  
ad prioris exercitii vitam rediret. Romam, in qua Johannes  
Pontifex aderat, profectus est. Pauloque post uxorem dicit  
adolescentem optimam, ex qua unicum filium suscepit, quem  
moestum, & folidatum, flentemque videris. Tum ad Ur-  
bem rediens, Pontificem securus est, quoad Constantia civi-  
tate Germaniae, quo Concilii causa accesserat, aufugeret.  
Hic cum cerneret, Johannem praecepitem se agere, multa  
vero tum pericula illum sequentibus impendere viderentur;  
finem illius sequendi sibi constituens, Florentiam reversus  
est. Et cum litteris ac scribendi jure contentus, ac honesto  
otio frueretur, iterum Cancellaria ei a vobis demandata est;  
quae summa cum laude, atque auctoritate usque ad extremum  
vitae tempus ab eo gesta est. Functus est etiam summis Ma-  
gistratibus civitatis. Nam bis ex Decemviris summo civium  
favore factus fuit, Vexillumque Societatis tribus gesit, ac  
ex Prioribus unus creatus est. Ad id quoque, quod praece-  
puum est in civitate, vexillum pervenisset, nisi mors viven-  
di finem attulisset: quae licet in aetate proiecta contigerit,  
tamen acerba dici potest, atque immatura, si virtutes ejus  
consideretis, si mores, si scribendi utilitatem, si gravitatem,  
si prudentiam, si otium, quod semper ad scribendi curam,  
utilitatemque viveantum conferebat. Quae omnia nobis dies  
unus abstulit, eumque abstulit, quem, si fas esset optare,  
operebat fieri immortalem. Quia autem duo genera sunt  
hominum, qui procul a laude militari vitam honestam se-  
quentur, alterum eorum, qui animum suum applicant ad  
Rempub. gubernandam, inque ea administranda labores pro  
communi utilitate suscipiunt, alterum eorum, qui otio dedi-  
ti litterarum quiescunt procul a turbine populari: utrumque  
Leonardus noster est summa cum laude complexus.  
Nam otii fructus uberrimos nobis, & quamplurima ingenii  
sui monumenta reliquit. Rei etiam publicae curas gubernan-  
dae adiit; in qua ita versatus est, ut summa continentia,  
integritate, & virtute, atque innocentia nemini cesserit, &  
praestiterit multis. Magna haec summi ingenii argumenta  
sunt, & praestantis naturae insignia, cum in otio tantum

Reip.

## EXXII POGGII BRACCIOLINI

Reip. muneribus sit impartitus, quantum qui nihil aliud agunt, & tanta conscriperit, quanta ne illi quidem asse-  
quentur, qui procul a Reip. laboribus summa in quiete con-  
fenserunt. Vita fuit per omnem aetatem parcissima ac seve-  
ra, summa vixit aequitate, continentia animi, modestia, ju-  
stitia, ut qui neminem unquam lacerret injuria, nemini  
maledixerit. Amicis praefto erat, si quid ejus opera uti vel-  
lent. Prudentia, ac gravitas in eo viguit singularis. Quod  
ei tempus a litteris supererat, & a Reipub. negotiis, tum  
privatae rei impartebat, tum coetui amicorum, quibus ad-  
modum delectatus, domi severus, foris humanus fuit. Mo-  
rosior paulum, difficiliorque habitus est, quam studia huma-  
nitatis, doctissimi viri ratio postulare viderentur. Sed mo-  
rositatem parcitatemque a natura contraxit, virtutes sibi  
studia, ac scribendi, agendique diligentia pepererunt. Ve-  
rum quod multis vitio tribuitur, id ego in viris doctis mi-  
nime judico reprehendendum. Non enim aliquando non sibi  
irasci hominis est virtute praestantis, sed trunci potius, ac flui-  
pitis insulsi. Quidam tarditate mentis, ac stupore quodam pi-  
gescunt, nihil sentientes, etiam si more bubulorum animalia  
pungantur, quod non virtutis videtur esse, sed stupiditatis.  
Nam excitata ingenia, prompta, vigentia necesse est com-  
moveri quandoque ad breve tempus; & aut aliorum timiditate,  
aut injuria, aut errore subita quadam indignatione ex-  
citari, id magis naturae ingentis, ac perspicacitatis esse vide-  
tur, quam aut dissimulare passionem, ut multorum, qui se  
bonos haberi volunt, mos est, aut omnino non commoveri,  
quod nulla virtus praestat, sed mores aut callidi, aut hebe-  
tes sensus, aut ignari. Non autem subita effervescentia, &  
repentina quaedam indignatio, quae nemini noceat, est vi-  
tuperanda, sed potius commendanda. Excitat enim animum,  
& ingenium solet reddere perspicacius. Haec vitae ratio vi-  
ri optimi fuit, quam paucis prosequuti sumus, ut ad ea  
quaes majora sunt, quaeque mihi secundo loco proposueram  
dicenda, veniamus. Cum adhuc graecis auditoribus Floren-  
tiae vacaret, transtulit sermonem quendam B. Basili, quem  
habuit ad discipulos instituendos mira dicendi suavitate, ut  
non traducta oratio, sed a se profecta videatur. Deinde  
summa eloquentia dialogum quendam edidit, in quo cum  
primo libro viros praestantissimos doctissimosque Dantem,

Fran-

Franciscum Petrarcham, Johan. Boccacium, eorumque doctrinam, eloquentiam, opera impugnasset; secundo in superioris excusationem ipsorum & virtus laudata est. Et vitam Tiburii & Caii Gracchorum, Paulii Aemilii, Catonis Posterioris, Sertorii quoque, & Ciceronis ex Plutarcho latinas fecit. Sed vitam Ciceronis non tamquam interpres, sed velut a se editam composuit, multa addens a Plutarcho praetermissa. De Laudibus hujus florentissimae urbis edidit librum unum. Transtulit praeterea libellum Xenophontis de Tyranno, ex Platone vero Gorgiam, & Phaedonem, & epistolas quasdam. Ex Aristotele autem Oeconomicam, in cuius explanationem quaedam edidit, ac Ethicorum, & Politicorum libros, in quibus rejecta barbarie pravorum translatorum ita ad verbum fere sententias exprimit, ut facile intelligi queant a Latinis. Insuper Aristotelis vitam scripsit multis ex auctoribus tam Graecis, quam Latinis contractam. Commentaria quoque primi libri Belli Punici ex Polybio Graeco Historico duobus libris expressa reliquit. Ex Procopio Historiam Gothorum quatuor libris complexus est. Volumen quoque Epistolaram, & plura opuscula, velut de Militia, contra Hypocritas nostri temporis, separatim Historiam, multaque praeterea composuit, in quibus dicendi elegantia, & summa ingenii vis appetat. Sed quod sibi summam etiam laudem omnibus afferet seculis, Historia est de rebus Florentinorum duodecim libris scripta. Orsus est eam paulo supra trecentesimum annum, a quo tempore res Populi Fiorentini certiores ex superiorum scriptis reperiuntur, opus certe luctulentum, & quo fama, nomenque Florentinae Urbis in aeternum ad posteros certo, & maximae auctoritatis scriptore demandabitur. Non autem quod proposuerat, ad extremum deduxit. Nam cum constitueret ad haec nostra tempora usque historiam prosequi, bella solummodo, quae cum priori Duce Mediolani gessimus, conscripsit, reliqua perficere conantem mors interruptit. Hujus historiae causa singulare a vobis est ei virtutis praemium constitutum, quod & gratae ob susceptum beneficium Civitatis memoriam paeberet, & alios excitaret ad commendanda gesta ejus Urbis, quae tam memorem se paeest bene erga patriam meritorum. O Civitatem egregiam! O Rempublicam & summis laudibus extollendam! O dignam maximo Imperio Urbem, in qua

tanta doctrinae praemia exposita esse videamus! Neque ullam esse rempublicam , ullum populum , ullos Principes , apud quos studiis humanitatis & eloquentiae deditis majora virtutis munera sint concessa , apud quos tantus habeatur optimarum artium studiis honos. Nam cum primum domicilium Leonardus Florentiae elegit , historiamque coepit contexere : civitate a vobis , & certa censu quantitate , quae etiam ad filios manaret , in civitate donatus est. Eadem immunitas & Carolo quoque Arretino summa eloquentia , atque sapientia praedito postmodum concessa . Postremo quoque & mihi , licet in doctorum , aut eloquentium numero minime sim- censendus . Sed tamen mihi eadem similius studiorum de me concepta opinione idem muneris tribuistis . Leonardi vero , quae ante ad tempus concessa erat , immunitatem in laborum suorum retributionem perpetuam effec- sis. Tantum abest , ut hanc Rempublicam poeniteat gratias beneficij reddidisse , ut illud majore liberalitate voluerit esse accumulatum . Ubinam gentium audimus tanta beneficia , Ci- vies , tam propensam in ornandis viris excellentibus civita- tem , tanta suffragia eloquentiae studiis impensa ? Haec ve- ro praestans humanitate ceteris gentibus communis bonarum artium patria dici debet , & dicendi artis officina , quae hu- manitatis doctrina praeditos recipit , colit , sovet , & sumi- mis honoribus ornat , tum dum spiritum trahunt , tum etiam , dum vita sunt functi . Apud Athenienses olim magna copia fuit scriptorum , qui eorum res gestas suis vigiliis ornarunt , tum Graeci , tum peregrini ; sed nullum eorum legimus ali- qua ab Atheniensibus suorum laborum praemia publice con- sequutum . Romanorum facta , & dicta multa praeclara inge- nia conscripsere . Ennium tantum civitate donatum accepi- mus opera P. Scipionis ; nullum ex reliquis , cum plures fue- rint , comperimus aliquo a Republica munere affectum , cum suam in tradendo posteritati Romanorum memoriam vitam , & operam collocassent . Haec sola inter ceteras urbes , tanquam sapientiae domicilium & studiorum optimorum auxtrix admirabili quadam virtute , & animi excellentia Pierum , qui primus ejus gesta suis scriptis in lucem prodere est aggressus , maxima beneficia in vivum , singulares honores in mor- tuum collocavit , ostenditque , quam accepti ii sibi essent , quo- rum opera in suo honore , & laudibus versaretur . Magnum hoc

hoc in reliquis incitamentum ad capessendum id doctrinae genus, in quo qui elaborant, maxima suorum laborum, vigiliarumque sunt praemia consecuti. Major illorum consolatio, quibus civitatis indulgentia fuit tam propensa, ut singuli munere fungerentur maxima civium gloria, quorum nomen reddetur scriptorum studiis, & tali beneficentia immortale. Sed quoniam Leonardus iter nobis ostendit, tum virtutibus suis, tum ingenii praestantia ad laudem, & gloriam consequendam; hortor eos, quorum vitae ratio est a literis aliena, ut ejus virtutem, continentiam, probitatem, caritatem erga patriam imitantur. Licet enim etiam sine litteris civem esse praecclarum, & eum Rempubl. tum consilio, atque opere juvare. Nam & apud priscos illos, & apud posteriores fuere permulti absque ulla doctrina excellenti virtute praediti, qui res & bello, & pace praeclaras magna cum laude gessere. Et cum virtutis laus in actione consistat, continentiam, probitatem, innocentiam, animum in consulendo liberum, in agendo diligentem potius, quam scientiam civitas desiderare, atque appetere videtur. Verum litterae si accedant, minime sunt repudiandae, sed appetendae potius, si desint: quoniam afferunt summum ornamentum earum cultoribus, & ad res agendas doctiores, ac perfectiores solent reddere. Illos vero, quibus Musae sunt cordi, quiue bonarum artium studiis deduntur, obsecro, ut eum vitae cursum, quem coeperunt, dicendo, scribendoque prosequi omni conatu, atque animi contentionе nitantur, sectenturque illius vestigia, cuius laudes in coelum consensu omnium eferuntur, in primis autem virtutem colant, & habeant vitae ducem, sine qua & litterae contemnendae sunt, & doctrina omnis videtur esse repudianda. Nam quibus pluris est scientia, quam virtutis indagatio; ii viri evadunt callidi, & perniciosi & tum Reip., tum ceteris inutiles. Longe enim errant illi, a quorum mentibus abest virtus suorum actuum, atque operum moderatrix, doctrinamque ad salutem hominum comparatam, ad perniciem gentium convertunt. Re enim honesta abutuntur ad scelus, & perfidiam, & tanquam virginem castam videntur prostituere in nefarios usus. Itaque oinnes, qui viri magni, & ceteris praestantiores esse volunt, nomenque suum reddere clarum; litterarum studiis, & doctrinae exercitia virtutum adjungant, eaque ad Reipubl. & ad singulo-

cxxvi POGGII BRACC. ORAT. FUN.

gulorum utilitatem conferant. Praestat enim indoctum ci-  
vem esse, quam malum, minusque malus civis rudis, quam  
doctus, qui rempublicam perturbat, & nocet civitati. Qui  
autem haec duo enixe amplectuntur, necesse, ut primum  
beata vita fruantur, quae virtute & recte factis acquiritur:  
tum vero assequantur memoriam nominis sempiternam, po-  
stremo felicitatem futurae vitae, quae est vera & perfecta fe-  
licitas, quamque omnes debemus appetere, consequuntur.



AD-

# AD PROBATIONES.

**I**llustrissimus, & Reverendissimus Dominus Salvinius Salvinius Canonicus Florentinus videat Librum hunc, cui Titulus: *Leonardi Bruni Arretini Epistolarum Libri VIII.*, & referat, an aliquid contineat, quod Catholicae Fidei, vel bonis moribus adversetur.

Datum Flor. 14. Novembr. 1740.

*Julius del Riccio Vicarius Generalis.*

**I**llustrissimi, & Reverendissimi Domini Vicarii Generalis Florentini demandatae mihi curae obtemperans, cum Librum hunc *Epistolarum*, &c. accurate, diligenterque perlegem, nihil in ipso offendit, quod vel Christianae Religionis sanctitati, vel bonis moribus adversetur; quare, ut in manibus eat doctorum virorum, luce dignum censeo.

Ex aedibus meis III. Kal. Decembr. A. S. MDCCXL.

*Salvinus Salvinius Canonicus Florentinus.*

Attenta supradicta relatione imprimatur

*Julius del Riccio Vicarius Generalis.*

**R**ev. Adm. Pater Thomas Maria Griselli Ord. Praed. Sacrae Theologiae Professor Primarius iu Collegio S. Marci Florentiae, & S. Officii Consultor Theologus jussu Reverendissimi Patris Inquisitoris Generalis videat *Libros Epistolarum Leonardi Arretini*, &c. & referat, an permitti possit, quod typis mandentur.

Dat. in S. Officio apud S. Crucem Florent. 1. Dec. 1740.

*Fr. Franciscus Antonius Benoffi Min. Conv.  
Sac. Theologiae Magister, Vicarius Gene-  
ralis Sanctae Inquisitionis Florentiae.*

Jussu

**J**USSU Reverendissimi Patris Magistri Pauli Antonii Ambrogii Generalis Inquisitoris attente perlegi Librum, qui inscribitur *Leonardi Bruni Arretini Epistolarum, &c.* ipsumque dignum censeo, qui publica luce donetur.

Dat. Florentiae in Collegio D. Marci Ordinis Praedicatorum 10. Decembris 1740.

*Fr. Thomas Maria Grifelli in supradicto Collegio Primus Sac. Theol. Professor, & Sanctae Inquisitionis Consultor Theologus, &c.*

Stante superiori attestatione imprimatur

*Fr. Franciscus Antonius Benoffi Min. Conv.  
S. T. Mag. Vic. Gener. S. Inquis.*

*Carolus Ginori Vedit.*

### MONITUM.

Errata quae irrepperunt, ita corrigenda. In Epist. ad Leet. pag. 3. verl. 18. in voce *michi* dele litteram *c.* Pag. 5. eiusdem Ep. v. 7. lege an. 1535. Pag. 10. verl. 23. lege *Poggins Bracciolinus*. Pag. 13. verl. 24. repone: *Verum etiam Argolici*. Pag. 41. Vitae verl. 21. pro *Diploma* emenda: *Epistola*, eodemque modo paulo infra. Pag. 50. verl. 7. supple: *ostuaginta volumina*, &c.



LEONARDI BRUNI  
ARRETINI  
EPISTOLARUM  
LIBER PRIMUS.



I.

LEONARDUS ARRETINUS COLUCIO (1) S. P. D.

*Quid apud Pontificem<sup>(2)</sup> egerit, feceritque.*



OMAM veni ad octavum Kal. Apriles,  
moxque, ut primum licuit, Pontificem  
adiens salutandique causa, & mei  
ipsius exhibendi, ab eo perbenigne qui-  
dem, ac perhumaniter receptus sum.  
Quamquam primo statim congressu, ubi me aspexit  
nullo adhuc verbo a me facto, conversus ad eos,  
*Tom. I.*

A

qui

(1) Colucio Salutato Cancella-  
rio Florentino, & Leonardi  
in Studijs Magistro, & Socio.

(2) Nempe Innocentium VII.  
Pont. Maximum.

qui proxime adstabant, junior hic est, inquit, longe quam putaram. Haec prima vox illius a me audit a est. Post haec ego consueta veneratione illum affatus cum essem, ipseque per pauca quaedam respondisset, resumpsit ea ipsa, quae primo aspe-  
ctu edixerat. Summa verborum ejus ista fuit: officio, cuius me gratia evocasset, magnum pondus, magnamque dignitatem inesse, nec litteras modo, verum etiam annos flagitare; nam adolescentem ei muneri praeesse vix satis habere dignitatis. In te autem, inquit, caetera me omnia invitant, aetas dehortatur; Sed haec alias considerare licebit. Ita tunc ab illo dimissus sum. Plenum erat auditorium, cum haec a Pontifice dicebantur, diffususque rumor est, quasi ob aetatem impedire dignitatem nancisci. Quae vox in spem multos erexit, & in primis Jacobum Angelum<sup>(1)</sup> familiarem tuum, qui verbum ea de re prius fecerat nunquam, is nunc acerrime petit. Incendunt, ut audio, illum fautores quidam, perturpe sibi affirmantes, si ejus, qui quadriennio jam toto in Curia fuerit, nulla ratione habita, ego absens, ac solo nomine cognitus accersor, praesertim cum ea sit aetate, ut plus quam maturus huic muneri videri possit. Hac ille indignatione percitus, & in spem elatus, cursitat nunc cum fautoribus suis, multosque ad Pontificem horatores submittit, & quod super omnia molestissimum est, comparationes odiosae ab illis inducuntur. Itaque video fortuna quadam mea fieri, ut cum quo dudum aemulo studiis litterarum Florentiae contendi, cum eodem michi nunc Romae sit de honore, dignitateque certandum. Sed meum quidem factum legitimum est sine quisquam obtrectatione; illius autem conatum non ambigo tibi improbum, injus-  
tum-

(1) Jacobus Angelii a Scarparia in Etruria Filius, de quo supra in Vita.

stumque videri, totumque ex librō, transversaque invidia proficiſci. Nam si locum hunc concūpivit, cur non ante adventum meum petierat? Si non concupivit, cur nunc tandem cupid? difficultatem videlicet meam ſibi facultatem eſſe vult, pendentemque me, cui opem ferre oportuit, crudeli inhumanoque impetu ad ruinam impellere. Ego certe, quamquam me novitas ipſa loci, & inconsuetudo hominum, multaque ſimul alia in hac re perturbant, tamen non deero ipſe michi, conaborque, & annitar, ut quamquam aetate me ſupereret, caeteris tamen rebus ipſe a me ſuperetur. Vale Romae III. Non. Aprilis.

## II.

## LEONARDUS COLUCIO S.

*Quomodo aſsecutus fit, quod a Pontifice petierat.*

**S**cipſi antea tibi de contentionibus, in quas huic profectus praeter ſpem, voluntatemque incideram. Postea haec ſecuta ſunt. Pontifex ob eam, quam tunc ſcripsi causam, ambiguum, diſferrando, ac procrastinando, neque rejicere plane me, neque recipere videbatur. Fautores adversarii, competitorisque mei multa continuo illi ſuggerentes, infuſurrantesque, ac moleſte nos invicem comparantes, incertiorem in dies Pontificem reddiderant. Ita mensis fere totus transactus eſt. Tandem vero contentiones, & lites, & adversariorum jactantiae, comparisonesque illae moleſtissimae eum finem habuerent, ut non modo non graviter ferendum, ſed optandum etiam fuerit, & precandum, illas adversus

me intercessisse. Nam cum ferveret maxime id certamen, ac summa jam spe adversarii tenerentur, litterae ad Pontificem ex Gallia venerunt a Duce Biturigensum. Res, qua de agebatur gravissima erat, & maxima, ipsarumque litterarum longa, & elaborata series. Ad has cum respondere Pontifex accuratius vellet, ex Cardinalium sententia michi, competitorique meo negocium mandavit, quasi in hoc ipso utriusque nostrum, judicium facturus. Hic ego letatus michi occasionem praestitam cum illo, ut optabam, in comparationem veniendi, rescripsi uti preeceptum fuerat, biduoque post constituto tempore meae illiusque litterae Pontifici, Patribusque recitatae sunt. Quibus lectis, quantum interesse visum sit, nescio; illud tantum scio, fautores illius, qui tam arroganter illum michi preeferabant, aperte jam confiteri, se falsa nimium opinione duos errasse. Pontifex certe ipse michi statim gratulatus, rejecto illo, me ad officium, dignitatemque recepit. Haec tibi rescribere festinavi, ut si quam forte superioribus ex litteris molestiam suscepisti, eam nunc tandem tota re cognita omnino deponas. Vale.

## III.

## LEONARDUS COLUCIO SALUTATO.

*Quid illi ex commendaticiis amici literis<sup>(1)</sup> accesserit.*

**E**T si sciam, quae tu nuper de me ad Pont. Max. scripsisti, ea omnino vera non esse; tamen, fatebor enim ingenue cupiditatem animi

(1) Haec Colucii epistola ad || multas alias ejusdem Colucii  
Inn. P. VII. edetur a me inter || hactenus ineditas.

mi mei, gratissima michi illa quidem, & acceptissima fuere. Tanti enim facio judicium tuum, ut vel unius epistolae testimonio universos obtrectatorum impetus, quibus nescio quo meo fato ubicunque sim carere non possum, facile me fracturum esse confidam. Nam tu sic omnia in meam laudem complexus es, ut nullus jam malivolis ad me carpendum relinquatur locus, nisi plane judicio tuo voluerint contradicere. Quamquam nescio, mi jocundissime Coluci, michi ne, an tibi, qui illa scripsisti, plus laudis ex illa tua epistola provenerit. Nam laudes quidem meas ex testimonio tuo homines crediderunt, tuas autem suis, ut ita dicam, oculis intuiti sunt. Lecta est enim epistola tua Pontifici, cum multi honestissimi viri utriusque ordinis adfissent, & nonnulli Romanae Ecclesiae Cardinales, quam cum attentissime, & summo cum silentio totam audissent, omnes tandem uno ore ad te laudandum, extollendumque conversi sunt. Te doctissimum, te eloquentissimum, te virorum optimum praedicabant. Movebat eos, ut michi videbatur, gravitas, atque ornatus orationis tuae; sed super omnia movebat illa ingens atque incredibilis caritas, quam te habere erga me perfacile tuis in litteris apparebat: quae quoniam ex vero animo, ac simplici quadam bonitate profici sci videbatur, mirum in modum universis placebat. Itaque aspiciebant me omnes, quasi te ipsum cernerent, & studia illa, atque exercitationes nostras, in quibus tunc ferro ferrum acuisse nos dicebas, mente voluntabant, applaudebantque amicitiae, & familiaritati nostrae, nec poterant me non aliquid esse putare, quem tu tanto studio laudare non dubitaras. Ex tuis ergo litteris effectum video, ut si qua existimatio erat jam de moribus ingenioque meis apud ho-

mines constituta, ea non solum confirmata sit, verum etiam accumulata. Quod si unicum beneficium abs te accepissem, agerem nunc tibi gratias multis verbis; sed sunt tot, & tam ampla, quae in me contulisti, ut si verbis satisfacere velim, stultissimus sim existimandus. Itaque non agam tibi gratias, sed semper habebo, referam vero libenti animo, si quando facultas dabitur. Litteras autem tuas, quarum exemplum ad me misisti, reddendas esse non censui. Nullo enim modo faciendum michi visum est, ut simultas jam sopita, & oblivioni tradita refricaretur. Nam si malo animo in me est, satis in eo punitur, quod de me quotidie audit, & videt multa, quae ipse nollet. Illud etiam quod in principio scripsisti, eum ante omnes fuisse postulatum, profecto caret veritate. Nunquam enim, hoc ego exploratissimum habeo, postulatus, aut petitus, aut requisitus fuit, nisi forte postulationem vocat quorumdam amicorum suorum exhortationes, ut eum locum petere vellet. Qui tamen quantum errarent, paulo post declaratum est, cum ipse per se, ac per amicos petens, nichil omnino praeter repulsam obtinere potuerit. Vale.

## IV.

## LEONARDUS COLUCIO S.

*Certiorem reddit, quomodo bellum Romani Cives  
cum Pontifice gesserint.*

**A**D litteras tuas accuratius respondebo, cum plus ocii nactus fuero; nunc ista vulgaria transigam. Primum video quid moneas, & sequar consilium tuum, nec quicquam praetermittam.

tam. Pro Religiosis vero illis, qui se in Galliam transferre cupiunt, dabo operam, ut quam cito ad te diplomata perferantur. De situ urbis Romae, si turbationes permiserint, cito, ut spero, te compotem reddam. Salvum rediisse Bonifacium nostrum, michi gratissimum est. De Salutato autem curabo diligenter, ut ita fiat, quemadmodum fieri postulas. Nos sumus hic continenter in armis, atque eo fit, ut minus operaे adhibere literis queam. Tanta est enim Romani Populi inconstantia, ac perversitas, nullus ut quieti relinquatur locus. Heri ante lucem egressi Urbe Romani cum quibusdam auxiliaribus regiis Pontem Milvium occupare tentarunt. Turrim super eo ponte nostri custodiunt, ne quis invito Pontifice transire possit: vehementer ibi aliquot horis pugnatum est. Tandem nostris laborantibus subsidio missi equites, Romanos in fugam vertere paucis interfectis, frequentibus vulneratis. Illi in Urbem reversi solita temeritate in Capitolio consistunt, multitudinem convocant. Festus erat dies; plebs ocioſa, & vino calens concursat. Sumuntur raptim arma, vexilla promuntur; ad oppugnandas Pontificis aedes ire pergunt. Nostri contra instare, parare tela, cohortari, insistere, expectare forti animo populi impetum; ante Molem Hadriani, quae male pacata nobis est, vallum jacere. Nox denique certamen diremit. Ea nocte vigiliae per totam Urbem factae. Nescio quem fine res sit habitura. Tu gaude; & si quid de Pisis habes, me certiore fac. Vale II. Nonas Augusti ex Urbe CCCCV supra mille.



## V.

## LEONARDUS COLUCIO S. P. D.

*Quemodo Pontifex, civibus quibusdam Romanis  
occisis ab Urbe effugerit.*

**S**uperioribus diebus ad te scripsi, quis esset status rerum nostrarum. Deinde haec secuta sunt. Ad VIII. Idus Augusti Romani quidam Cives ad Pontificem venere gratia, ut ajebant, discordiarum componendarum. Hi post multa in auditorio agitata cum re infecta domum redirent, paulo supra molem Hadriani invaduntur. Capti ex iis undecim, nam ceteri in ipso impetu dilapsi evaserant, ad Ludovicum Pontificis nepotem, cuius jussu capti fuerant, adducuntur. Ibi cum multa eis exprobarentur de perfidia in Pontificem, de oppugnatione Pontis Milvii recentissime tentata, de insidiis occultis, de corruptela Regis, illique respondentes pleraque a se recte facta defenderent, exarsit ira Juvenis, ac retundere ora gladio coepit. Denique omnes XI trucidati sunt, ac post caedem ex fenestris aedium praecipites dati. Inter hos duo fuerant ex VII. Viiris, quos ad gubernandam Rempublicam Romanus Pontifex creaverat. Ceteri autem VIII ex primariis civibus, & quod dolendum est, nonnulli ex iis, qui has molestias inferri nobis permoleste ferebant. Hujuscce autem rei cum celeriter fama per Urbem vulgata esset, itur confessim ad arma, complementur omnes aditus, clamoribus, & vociferationibus omnia resonabant. Ego paulo ante fiducia eorum civium, qui ad Pontificem venerant, flumen transgressus in Ur-

Urbem ieram. Itaque mox auditio tumultu, recipere me ad nostros propero. Caetera igitur Urbis dimensus cum ad pontem Hadriani pervenisse, armatorum ingentem catervam, qui aditum occupaverant, offendendo. Stabat ferri acies mucrone corusco, stricta parata neci. Quod ego simul atque prospexi, averso celeriter equo in proximum angiportum desilio, ac mutata veste pedes me turbae admiscens, stationes armatorum incognitus pertranseo. Vix me digresso minister, quem cum equis reliqueram, ab armatis oppressus est, & equi vestesque abduxi. Michi vero postquam ad nostros perveni, primum spectaculum fuit caelorum acervus. Jacebant enim media in via sanguine foedati, & magnis vulneribus confossi. Stetti horrens, lustravique oculis omnes; quosdam etiam ex iis michi notos recognovi. Inde ad aedes Pontificis ire pergo. Ille miro dolore angebatur. Res enim tota eo inscio transacta fuerat: vir pacificus & mitis, a cuius lenitate nichil est, quod magis abhorreat, quam caedes, & humani sanguinis effusio, maestus se se ac fortunam deplorabat suam oculos ad Coelum tollens, quasi Deum invocaret suae erga Populum Romanum innocentiae. Pontifex igitur circa hoc intentus, nec quid ageret, nec ubi consisteret prae nimio dolore sciebat. Circumstantium autem variae erant sententiae. Alii abeundum confessim censebant, nec impetum Populi Romani tam insigniter laesi irritatique expectandum: esse insuper haud procul ab Urbe Regias copias, quas pro Romanis stare non ambiguum erat. Alii nullo modo abeundum, sed obsidionem tolerandam, auxiliaque ex amicis oppidis accersenda censebant. Erant etiam, qui posterius, vel altera die abeundum putarent, ut simul colligendarum rerum spatium esset, simul ut non fuga, sed migratio illa videretur. Duo erant adiutus,

tus, quibus ex Urbe Roma ad nos pervadi posset: unus per pontem, cui Moles Hadriani superimposta est, alter per Transtiberim, & Janiculi Collem. Ad Molem Hadriani, quoniam de fide ejus, qui arcem tenebat, dubitabatur, stationes nostrorum militum oppositae fuerant, valloque, & aggere in modum castrorum munitae. Ad Janiculum moenia erant nonnullis in locis vetustate collapsa: haec quoque loca armatis complebantur. Resisti sine dubio poterat contra omnem populi vim; verum quia cibaria paucorum admodum dierum aderant, & Regiae turmae nobis infestae adventare nunciabantur, vicit eorum sententia, qui suadebant e vestigio abeundum: Igitur sarcinas colligere, & impedimenta componere nostri contendunt. Quod ubi pro angustia temporis factum est, primum equitum turma una, deinde impedimenta, peditesque proficiscuntur, post hos Pontifex cum omni Curialium turma. Extremum fuit equitum agmen, qui aliquo intervallo secuti, vim, si qua immineret, a tergo repellerent. Supererant quatuor diei horae, cum Urbe egressi sumus. Profecti non sine magno timore circiter secundam noctis horam ad vicum Cessianum XII millibus passuum ab Urbe pervenimus. Ibi per eam noctem commorati, postridie prima luce castra movimus, & circiter sextam diei horam sutrium pervenimus. Sutrini, multitudine extra portas diffusa, Pontificem alaci vultu receperunt. In hac Urbe, quod reliquum erat diei, ac secutam noctem commorati, postera die Viterbum contendimus. Res quidem ita gesta est: nos, ut spero, aliquot menses Viterpii manebimus. Haec tibi scripsi leviter febricitans. Marcus familiaris tuus salvus est: una enim nobiscum ex Urbe aufugit. Quantum ad eum spectat, dabimus operam, ut quem-

quemadmodum fieri mandasti , ita fiat . Vale . ex  
Viterbio .

## VI.

LEONARDUS COLUCIO S. P. D.

*Quae ratio imponendorum nominum fuerit :*

**Q**uaeisti ex me , an Hēctoris nomen aliud significet , quam Priami filium , & quid Mīsenus Eolusque designent , quibusve litteris scribi debeant . De quibus ego vix quicquam certi respondere possum , cum libros hic habeam nullos , sed quantum memoria tenere videor , Hēctor idem significat , quod defensor , sive tutator . Sic est enim apud Platonem in eo libro , qui inscribitur de nomine ; Docet ibi Plato haec Heroum nomina non esse vera , sed pleraque eorum a poētis conficta , ut Hētorem quidem appellatum dicit , quia Urbem tenuerit , patriamque tutatus sit ; Astyanacta vero , quia cum Hēctoris filius esset , ad eum spectabat imperium Urbis ; Asty enim Graece Urbs est , Anax , imperator ; inde Astyanax dictus a viris , nam mulieres ut inquit Plato , Scamandrium appellabant . Remotae enim a civilibus officiis , non dignitatis nomine vocitabant filium Hēctoris , sed proprio . Agamemnonem dictum quia tolerantiam habuit in bello : aga quidem nimium est , memnon autem tolerans . Adraustum quia rem non conficit Thebanam A enim privatio est tam apud Graecos quam apud nos : drao autem facio , unde Adrasti nomen est factum . Id etiam magis in Hyppoliti nomine appetet . Cum enim hyppos equus sit , lio autem discerpo ,  
& ab

& ab his nomen ipsum Hyppoliti conficiatur: quis non intelligat, id quidem nomen ab eventu fabulae inditum fuisse? Multa praeterea docet Plato in eo ipso libro, per quae non solum res finxisse poëtas ostendit, sed etiam nomina plerumque affinxisse. De Eolo autem, & Miseno nihil habeo, quod referre possim ex alicujus auctoritate. Misenus tamen significare potest odiosum, Eolus autem vietum, & putridum. Haec tibi dicere possum, in quibus si tibi satisfacio bene est, si non satisfacio, incommoditatem librorum accusa. Vale.

## VII.

LEONARDUS COLUCIO S. P. D.

*Quo consilio Homerus nomina rebus personisque  
tribuerit.*

**N**on satis conspicuum tibi factum ais, quod superioribus ad te litteris de Hectore scripsi, petisque & unde id nomen ductum sit, & quomodo, apertius explicari, & simul admirari videris, si id primaevum non sit, sed postea ab eventu quodam illi viro tributum, ut apud nos Torquati, & Cincinnati, & Africani. Ego autem exiliter porro jejunaque rescripsisse non inficias eo. Sed accidit hoc pudore quodam, quod ad te hominem ea aetate auctoritateque hisce de rebus scribens, quas tibi notiores esse puto quam michi, veritus sum, ne obtunderem auris, ineptusque fierem, si prolixius in iis ostendendis fuerim commoratus. Itaque velut admonuisse & tanquam digito monstrasse contentus, non ultra explicui. Sed quoniam illud tibi placere in-

intelligo, parebo equidem voluntati tuae, & quod tunc properatio abstulit, nunc mora resarciet. Primum igitur de Hectore non dubito, quin id sit non proprium nomen, sed a poëta fictum, ut etiam neque de Astyanacte, neque de Hyppolito dubitari potest. Nam, & Astyanactis aliud nomen ab ipso poëta dicimus Scamandrium, & Hyppoliti, quem fabula tradit turbatis distractum equis, nomen hoc ipsum ita designat, ut plusquam manifestum sit ab eventu fabulae fuisse impositum. Nec ulla sane admiratio vel tibi, vel aliis esse debet, si a poëtis fingantur nomina, cum res ipsas fingere illis permittamus, quas constat minus esse in potestate nostra secundum naturam, quam nominum ipsorum impositiones, praesertim cum justa sit ratio nuncupandi, ut est in his ipsis, quae supra memoravimus. Hectoris enim filius, quia spe successionis quasi designatus quidam Rex opinione hominum habebatur, Astyanax a poëta dictus est, adeoque fictum nomen praevaluit vero, ut Scamandrium quis fuerit, nemo sciat, Astyanacta vero omnes cognoscant. Hyppoliti quoque non dubito, si modo quisquam is fuit qui Thesei filius ab equis distractus fertur, aliud nomen fuisse, quod postea ab hoc ficto & adventitio obscuratum deperiit, ut jam nisi Hyppolitum nemo intelligat. Eadem ratio de Hectore est, quod & ipsum a poëta fictum appetet. Dictum ajunt ab eo, quod Urbem tenuerit, quod quia non satis clarum, tibi videri scribis, conandum est lucidius aperire. Tale enim aliquid intelligi volo, quale est Virgilianum illud:

*In summa custos Tarpeia Mallius arce*

*Stabat pro templo & Capitolia celsa tenebat*

Tenere enim hoc in loco tueri est, & defendere. Ab hac itaque significatione tractus est Hector. Nam ἔχω graece teneo est, inde Hector verbale nomen ex

ex eo illi tributum, quod is solus patriam tenuerit contra Graecorum impetum. Patescere jam arbitror quid ipse intelligam; nil tamen vetat enodatus explicari. A poëta enim ipso si quis in hunc modum quaerat: Dic michi, Homere, tu apparatus Graecorum tantos facis, ut mare quidem classibus, terra autem incredibili armatorum multitudine compleatur. Conveniunt Reges cuncti, & proceres ad Trojam oppugnandam: obsident illam, atque circumstant. Quis ergo adversus tantam vim tenere Urbem poterat? In hunc modum si quis roget respondebit Poëta: filius erat quidam Priami Regis maximus natu. Is Dux, & Imperator incredibili virtute contra tantam Graecorum manum Trojam tenebat, atque eam ob rem, cum haec in poëmate describerem, hunc ipsum admirabilem praestantemque virum a tenendo Hectorem nuncupavi, nomenque a re fingendo pertraxi. Quotiens ergo de Hectori scribo, totiens de eo, qui Urbem tenebat sentio. Nec multum admodum interest, Hector dicitur, an is qui Urbem tenebat. Haec igitur, si poëta dicat, liquidissimum erit, quod requiris. At enim, inquies, non solum Hector tenebat Trojam contra tantos hostium conatus, quo pacto enim id posset? sed & alii cum eo perplurimi Troës, & Licii, & Dardani cominus pugnaces. Immo solus, si Homero credis. Quodam enim loco sui carminis cum Hectoris mentionem fecisset, quasi rationem hujus afferret, ita subjunxit; solus enim hic servabat urbem, & moenia longi ambitus, & alio loco inquit: solo stabant Hectore Troja. Nec tamen in hoc ipso mentitum putas Homerum, quia solum dixerit. Nam Imperator in exercitu, ut Aristoteli placet mentis atque animi instar habet; milites vero quasi membra quaedam ipsius, & instrumenta sunt. Ut igitur ne-

neque pes , neque manus , neque dolabra facere opus dicuntur , sed artifex , cuius iussu illa moventur ; ita in bello non militum , neque exercitus ; sed Dux Imperatorisque opera sunt . Imperator vero erat Hector . Non ergo superlatione neque jactantia Homerus de Hectore locutus est , quod solum hunc dixerit Trojam servasse , sed philosophia plenus Divina quadam intelligentiae vi ex arcane veritatis ista de- prompsit , laudes in re militari ac res bello gestas Imperatori & Duci , hoc est rationi , & providentiae totas ascribens . Vale .

## VIII.

LEONARDUS SALUTEM DICIT NICOLAO<sup>(1)</sup>

*Platonem suis dotibus praedicat , & quanam ratione transstulerit ejus libros .*

**E**T si ego , mi Nicolae , prius quoque vehementer amabam Platonem tuum , sic enim placet michi appellare illum , pro quo tu aduersus indoctorum turbam omni tempore pugnavisti ; tamen ex quo hunc dialogum ejus latinum facere incepi , tantus michi benivolentiae cumulus accessit , ut nunc amare ipsum videar , prius autem solummodo dilexisse . Cave enim existimes quicquam omnino reperiri posse , quod aut sapientius scriptum sit , aut facundius . Quod quidem ego nunc magis , quam antea intelligo , cum ob convertendi diligentiam singula ejus viri dicta undique conteram , atque olfaciam necesse est . Maximas itaque Colucio pa-

(1) Nicolao Nicolo Patricio Florentino , ac in Graecis litteris doctissimo .

patri, ac praceptoris meo gratias ago, qui injungendo hoc munere tantum michi beneficium attulit; prius enim Platonem dumtaxat videram, nunc vero etiam, ut michi videor, cognovi. Cujus ego liberos si aliquando absolvero, & latinos, quemadmodum percupimus, effecero, nae, tu mi Nicolae, quicquid adhuc legisti, p[re]e illius viri majestate contemnes. Est enim in illo plurima urbanitas, summaque disputandi ratio, ac subtilitas, uberrimae divinaeque sententiae disputantium mirifica jocunditate, & incredibili dicendi copia referuntur. In oratione vero summa facilitas, & multa, atque admiranda, ut Graeci dicunt *χαρις*. Nichil est enim insudationis, nichil violenti: omnia sic dicta sunt, quasi ab homine, qui verba atque eorum leges habeat in potestate, ipsa optima, ac ditissima natura omnes animi conceptus summa cum facilitate venustateque exprimente. Eiusmodi quidem apud Graecos est Plato, quem ego nisi apud latinos quoque talem ostendero; aperte sciant, illum meo vicio deteriorem factum, nec se Platonem legere putent, sed meas ineptias. Verum ego laboraturum quidem me, ne id contingat, polliceor; praestaturum vero non polliceor, non enim auderem talia de me ipso polliceri. Illud certe tibi, nisi fallor, praestabo, ut Platonem tuum sine molestia legas, addo etiam, ut cum summa voluptate legas, quod ut puto neque a Calcidio, neque ab hoc altero, qui bene atque graviter nomen suum suppressit, adhuc tibi praestitum est. Sed illi forsitan alia via ingressi sunt, ego autem alia. Illi enim a Platone discedentes, syllabas, atque tropos secuti sunt; ego autem Platonis adhaereo, quem ego ipse michi effinxii, & quidem latine scientem, ut judicare possit, testemque eum adhibeo traductioni suae, atque ita traduco, ut illi ma-

maxime placere intelligo. Primo igitur sententias omnes ita conservo, ut ne vel minimum quidem ab illis discedam. Deinde si verbum verbo sine ulla inconcinnitate, aut absurditate reddi potest, libentissime omnium id ago; Sin autem non potest, non equidem usque adeo timidus sum, ut putem me in crimen lesae majestatis incidere, si servata sententia paulisper a verbis recedo, ut declinem absurditatem. Hoc enim ipse Plato praefens me facere jubet, qui cum elegantissimi oris apud Graecos sit, non vult certe apud Latinos ineptus videri. His ego fretus, nisi quod tibi pollicitus sum effecero, non recuso equidem, quominus in pistrinum dedar. Sed haec satis. Orationem, in qua laudes Florentinorum concessi, Laudatio Florentinae Urbis inscribi placet, eamque, ut Colucius videat, curabis. Vale. Nonis Septembris.

## IX.

LEONARDUS S. D. PANAGATHO.

*Gratulatur amico ex captivitate liberato.*

**N**escio quibus verbis, aut qua oratione uti queam ad hanc immensam animi laeticiam, voluptatemque exprimendam. Tanta est enim magnitudo gaudii, ut omnia verba leviora, frigidioraque videantur. Redditus est michi frater, amicus comes, familiaris, socius studiorum pariter ac voluntatum, atque inde redditus est, unde redditionem ejus jam planissime desperaram. A durissimo carcere, a truculentissima bestia, a manibus immanis tyranni, qui nocentum, & innocentum caedibus pari-

ter inhiabat , michi redditus est . Ab hoc tam crudeli , tamque saevo portento meus dulcissimus , ac suavissimus Panagathos sospes , incolumisque evasit . Abiit maeror , cessavit afflictio , recessit animi assidua aegritudo , neque enim michi poterat esse quicquam dulce , dum is amicus , quem ego plusquam dimidium animi mei semper putavi , in squalore , & carcere injustissime tenebatur . Ah quos ego dolores , quas erumnas perpessus sum ? Quotiens Deos atque astra crudelia appellavi ? Quotiens justiciam Dei culpavi , quae talia sufferret ? Sed , ut inquit ille , lenito quidem gradu ; jam enim non solum ex liberatione tua laetiam capio ; verum etiam ex ruina hujus novissimi Phalaridis , quae michi in immensum accumulat gaudia . Sed haec satis . Nunc vero mi dulcissime Panagathe , sic enim te magis appellare juvat , nam tantundem significat , & minus habet asperitatis , ut unquam antea te amavi , ita etiam nunc amo ; & ut de tua injustissima captivitate summum dolorem accepi , ita de tua justissima liberatione summam capio voluptatem . Et quoniam in hoc loco positus sum , perscrutare quicquid Curia habet Romana : Si quid est quod usui tibi existimes , michi notum face . Ego quicquid mea opera , studio , diligentia efficere possum , in tua potestate esse totum profiteor . Vale .



## X.

LEONARDUS S. D. NICOLAO.

*De reditu Pontificis in Urbem, & quod Colucius alienatus sit a se sine causa dolet.*

Pegrata michi fuit diligentia tua, quod libros ad me festive induitos misisti. Sive illos Cerberus, sive Radamanthus ornavit, bellissime se habent. Id tamen admiratus sum, quod sine tuis litteris venere. Pontifex cum universa Curia paulo post recessurus est ad Urbem. Ego jampidem te vocassem cognito desiderio tuo videndi Romanum. Iter enim hoc medium confecisses nobis comitibus atque sociis, quod certe voluptati, ut opinor, tibi fuisset; verum ita producta res est usque in hanc diem, ut in ambiguo fuerit, verbis ne dumtaxat, an revera iter esset futurum. Profecto, contra atque fieri solet, in hac deliberatione nostra evenit. Non enim major pars meliorem vicit, sed melior eademque major a minore atque pejore superata est. Ingemiscente enim Curia Viterbio abimus paucorum cupiditate ambitioneque compulsi, & Romanum vadimus ad homines praeter quam magnifice quondam a nobis offensos, ingenio quoque ac natura ad res novas proclives. Nec omnino pacata est Urbs; nam intra moenia ipsa Molem Hadriani hostis habet obsessus quidem, attamen habet; qua de re non bene a prudentibus viris video augurari. Nos uteunque tantem res sunt, bono animo erimus. De Colucio autem nostro quo me vertam necio. Scripsit enim nuper ad Pontificem commen-

dationem de me amplam sane , ac luculentam . Ego statim perhumaniter , ac verecunde illi per meas litteras de hoc ipso multis verbis gratias egi , nec praetermissi superiora ejus beneficia ; nichil denique abfuit , quominus illi in benivolentia insigni etiam cum gratitudine responderem . At ipse quasi vereatur , ne homines ex illa commendatione sua pluris me facerent , quam sat esset ; secundis continuo litteris mirabilem palinodiam cecinit . Nam cum ad eum , quasi ad parentem questus essem , quod febriens nec vina , nec medicos , nec aliud quicquam aegrotantibus aptum in hac urbe reperisse ; abrepta hinc occasione , quasi ipse Zeno , aut Diogenes esset , me ut insanum lacerare coepit , quod videlicet afficerer erga corporis voluptates . Utinam hae voluptates inimicis proveniant meis , ut quotidiana febre estuantes vina , & medicos requirant ! Quam humanius erat mecum pro nostra amicitia ipsum quoque quod iis caruerim , doluisse ? Sed omittamus : ego enim ad eum rescribens<sup>(1)</sup> cum plane stomacharer , ad hoc ipsum respondere nolui , veritus , ne , si respondere coepisset , impetus me ultra , quod vellem , corriperet . Itaque eam trasgressus parenti alia quaedam levia , quae inepte quidem ejus epistola continebat , non absque aculeis quibusdam infectatus sum , & hoc ipsum fecisse me poenitet . Nam tolerare honestius fuit , quacunque mente id agat ; praesertim cum parentis eum loco habuerim haec tenus , & habiturus perpetuo sim . Vale V. Idus Martii MCCCCVI.

LEO-

(1) Haec Leonardi ad Celsium epistola haec tenus inedi- || ta ex MSS. Codd. infra lib. X, a me edetur.

## XI.

LEONARDUS NICOLAO SALUTEM.

*Reintegrari bellum cum Romanis civibus post  
Pontificis in Urbem redditum.*

**I**Nvitus equidem, quod tibi jam ante scripsi, Romanam redieram: magis tamen invitus abscedo. Ju-  
vabat enim quaecunque esset rerum conditio, una  
cum reliquis eandem fortunam subire. At immin-  
entibus copiis hostium, & crescente in dies metu,  
Pontifex me auxiliorum convocandorum causa in  
Picenum & Gallicum agrum dimittit. Qua in re  
cum cetera sint molesta, illud tamen me juvat,  
quod te videre ante redditum spero. Vale. Romae  
VIII. Idus Aprilis.

## XII.

LEONARDUS NICOLAO.

*Dolet propter amicum vita defunctum.*

**H**ERI cum Arimino proficisciens Caesenam ver-  
sus contendarem, nunciatus est michi obi-  
tus Colucii nostri optimi ac sapientissimi vi-  
tri, quo ego auditio ita mente concidi, ut post lon-  
gum spacium vix me recipere valuerim. O me in-  
felicem qui tali parente orbatus sim! Atqui ego  
cum Pontifex me in hanc legationem dimitteret,  
quanquam iter erat molestum; tamen ea de causa

id munus suscepi, quod sperabam, idque cum eo pepigeram, me confecto negocio Florentiam ventrum, & aliquot dies voluptatis causa apud vos moraturum. Nunc, ut video, non ad voluptatem, sed ad luctum venturus sum. Nam quomodo siccis oculis plateam illam, quomodo publicas aedes, & templa Florentiae Urbis potero intueri, in quibus cum illo praestantissimo viro sum diutissime conversatus? Quomodo te, ceterosque familiares conspicerem, quos non immerito lugere conjecto? Sed finem scribendi faciam. Impedior enim lacrimis. Volo autem, ut me Bonifacio, ac ceteris filiis, itemque Joanni nepoti totum offeras. Cum enim pater illorum michi pro parente fuerit; decens est, ut filios ipsos pro fratre colam. Vale IIII. Idus Maii ex Mutiliana MCCCCVI.

XIII.<sup>(1)</sup>LEONARDUS NICOLAO MEDICI<sup>(2)</sup>.*Amicum monet de reditu suo in Urbem.*

**S**Tatueram ad te nichil scribere, antequam Romanam rediisse; Sed cum Laurentius Cremensis vir perfamiliaris, & studiosus tui hodie michi occurrens, nunquid ad te vellem, rogaret; nolui ipsum omnino vacuum dimittere litterarum mearum. Scito igitur me jam multos dies Viterbiis com-

(1) Hanc Epistolam, quae in Fabriciana Edit. deest, sic ex Edit. Brixiensi, & MSS Laurentianis, Riccardianis, Benedictino, ac Gualteriano

hic de more exhibuimus.  
 (2) Viro Cl. quem praceptor domi assiduus eruditus Arretinus. Ita de eo Blondus in Ital. Inlus,

commoratum. Nam iter sic infestum latrociniis & hostilibus incursionibus fuit, ut tuto transire posse desperarim. Nunc vero quoniam induciae quaedam cum hostibus factae dicuntur, licebit iter arripere, quod faciam hodie, ut spero. Ex Urbe Roma prolixius ad te scribam. Vale II. Kal. Julias.

## XIV.

LEONARDUS SALUTEM D. ANTONIO  
GRAMMATICO<sup>(1)</sup>.

*Fastidio verbum quid apud autores significet.*

**R**Em supervacuam postulare videris, & actum: quod est contra proverbium, agere. Nam cum in tanto conventu hominum, tantaque celebritate ex mandato Pontificis sententia dicta sit, nichil omnino relictum puto, de quo quisquam super ea re jure possit ambigere. Quamquam & antequam judicaretur ejusmodi erat haec vestra disceptatio, ut nulli, qui modo aliqua legisset non ridenda illa quaestio videretur. Etenim quis nisi omnino ruditus, & ab omni doctrina penitus alienus dubitandum putaret, quid de natura, aut significatione alicujus verbi tenendum sit, quod videat apud excellentissimos latinæ linguae Autores, quemadmodum significet, frequentissime declaratum? Omnes qui in arte Grammatica unquam scripserunt, quotiens de significatione verbi, vel constructione dubitatum est, ad

B 4

viro-

(1) Patria Mediolanensem fuisse patet ex epistola Libri VII. Alibi tamen Cremonensem nominatur, sicut etiam Poggius, cuius nonnullae epistolachas-

ctenus ineditae ad Antonium Cremonae, vel Cremonensem Virum Cl. a me in hac sylloge in lucem proferentur.

virorum doctissimorum scripta configiunt, atque ex illorum usu, quo pacto nobis utendum sit, firmissime tradunt. Quid enim Priscianus Caesariensis in libris suis aliud docet, quam quemadmodum eruditii homines latinis verbis sint usi? Hoc ejusmodi est: quamobrem? Sic enim Cicero in Protagora, sic Plautus in Asinaria, sic Lucanus in Sexto. Nonne cum ex istorum, aut caeterorum autoritatibus confirmavit, & sibi, & aliis satisfecisse arbitratur? Idem apud Graecos facit Aristarcus, idem caeteri omnes, qui hanc artem tractavere, & recte. Cum enim arbitrium ius, & norma loquendi penes usum consit; quis efficacius, quam doctissimi, & elegantissimi homines, & in dicendo maxime comprobati pos- sunt de hoc usu testimonium perhibere? Indoctorum enim corruptela, non usus loquendi appellandus est, sed abusio. Cum igitur legamus, fastidientis stomachi est, & rursus: oluscula quae nunc squalidus in nigra fastidit compede fessor, & invenies alium si te hic fastidit Alexis, & coelestes delicias fastidire, &, si sciret regibus uti, fastidiret olus, qui me notat, & millia hujuscemodi apud probatissimos autores scripta; quid jam relinquitur, quod de natura, aut significatione hujus verbi fastidio, nisi cum summo audientium fastidio disceptari possit? Si apud unum dumtaxat ex iis, quos memoravi, hoc verbum sic constructum reperiatur; tamen propter autoritatem scribentis approbandum censerem. Cum vero apud omnes eodem modo reperiatur, quis nisi stultus, & arrogans jam improbabit? Quod si nullam rationem inveniremus, cur ita diceretur; tamen ipse usus excellentium virorum pro ratione esset habendus. Nunc vero cum præterquam quod omnes hoc modo videmus locutos, etiam ratio evidens sit, cur ita dicatur; nullus omni-

nino repugnandi relictus est locus. Nam cum fastus elationem animi per despectum significet, clarum est illum fastidire, qui per hujusmodi fastum aspernatur, & despicit. Non igitur carnes fastidire te possunt, cum inanimes sint, nec in illis cadat hujusmodi elatio. Aliud est enim fastidire, aliud fastidium parere. Parit enim fastidium res, quae me per saturitatem, vel alium quemvis modum ad aspernandum inducit. Ipse vero animus, qui aspernatur, & quasi ab ea re se contrahit, & quodammodo abhorret, fastidire dicitur. Sic Coridonem Alexis per fastum, id est per elationem animi fastidiebat. Sic C. Marius L. Syllam fastidivit quaestorem; Sic qui sciret regibus uti, fastidiret olus. Quod nonnulli parum intelligentes, nec subtiliter discernentes, ista duo confundunt, praesertim cum a vulgari consuetudine loquendi mentem nequeant avocare. Sed certe, ut ei qui recte edificare velit lapides ad filum redigendi sunt, non filum ad lapides; sic ei, qui recte loqui curat, non intellectus ad verborum struem, sed strues ipsa verborum ad intellectum est referenda. Hac igitur ratione, & simul superiorum autoritatibus motus te vietorem in hac controversia judicavi, atque etiam hodie judico, & adversarium illum tuum, qui te vestigia, autoritatesque antiquorum imitantem, minus congrue loqui contendit, rudem, atque improbandum esse dico. Vale.



XV.<sup>(n)</sup>

LEONARDUS NICOLAO S.

*Amicum monet de sententia a se lata, epistolaque  
ad illum missa.*

**M**Itto tibi exemplum ejus epistolae, quam me per tuas litteras flagitasti; ridebis opinor legens; sed longe magis risisses, si stultiam Romani populi duobus grammaticis faventis conspexisses. Commiserat enim michi Pontifex, cum jam ad ipsum studia partium non secus, ac seditio quaedam urbana pervenisset, ut causa per me cognosceretur. Fastidiosus ergo judex fui, & cum fastidio de fastidio disceptavi, illorum fastidiens ineptias, qui per fastidium veram sententiam fastidebant. Vale. Romae. Kal. Augusti.



LEO.

(i) Hanc, quae in Fabriciana dicitur, sic ex vet. Edit. & MSS. damus.



LEONARDI BRUNI  
ARRETINI  
EPISTOLARUM  
LIBER SECUNDUS.



I.<sup>(1)</sup>

LEONARDUS NICOLAO S.

*Quibus rebus maximarum laudum materia  
praebeatur scriptoribus.*



Egocia Lupi nostri de quibus significari  
tibi jam saepius me per tuas litteras  
monuisti, scias plane his proximis die-  
bus esse confecta: postulatio enim, quae  
michi illius nomine tradita fuerat, no-  
bis deprecantibus per Pontificem admissa est. De  
qui-

(1) Haec epistola in vet. edit. nonnullisque Codicibus est ultima  
primi Libri.

quibus ad ipsum scribo latius, quae litterae, ut ei reddantur, curabis. Quod autem de Colucii laudatione significari tibi postulas, procedit sane opus satis, ut michi videtur, luculente. Verum quia institutus sic fuerat sermo, quasi in ipsius viri funere secundum antiquum morem ejusmodi haberi videantur oratio; saepe mecum ambigo, an praestet totam dicendi rationem sic mutare, ut fictionem in re presertim seria evitemus, nec lachrymis, & lamentationibus ei tempori congruentibus impediamur multa, quae relatu digna forent, referre. Tempori enim ut nosti, inserviendum est, nec jocunda tristibus satis concinne admisceri possunt. Itaque si rationem dicendi mutavero, videor paulo ampliorem campum ad dicendum habiturus. Nam quod de prolixitate orationis me admones, idem michi quoque placebat siveque institueram. Sed nichil fas esse duco te a me celari: amicus enim ad amicum loquor, id est ipse ad me. Stamina ipsa, & fila nescio ob rei ipsius de qua agitur, vel ingenii, vel utriusque simul paupertatem mirifice me destituunt ad id, quod exorsus fueram, pertexendum, atque ut ego nunc video, & ut tu clamare plerumque soles, nos plane hoc tempore homunculi sumus, quibus etsi magnitudo animi non deesset; materiam certe deest ad nominis atque gloriae amplificationem. Marcum Clodium Marcellum Siracuse captae, Nola defensa, Hannibal repulsus, & multis secundis proeliis superatus, Consulatus V, Proconsulatus II, Caesus dux hostium, & opima Feretro Jovi suspensa spolia, Triumphus, & Ovatio celebrem redundunt. De Marco Portio Catone Syllae trucidandi consilium, Tribunatus militum, Aerarium purgatum, thesauri Cipro devecti, contentiones tribunitiae, contiones infestae, repulsa Consulatus, Praetura urba,

bana, civile bellum, & ferro prius, deinde manu impetita viscera latam ad scribendum Ciceroni nostro praefliterunt materiam. Agesilai vero, quem laudat Xenophon, Herculis posteritas, Lacedaemonis imperium, magnificae res gestae, innumerabilia per Asiam, Graeciamque trophoea, puellaris verecundia, & probata per omnem aetatem castitas memoratur. Possum infinitos pene referre de nostris ac Graecis illustres viros, quorum latissime sunt res gestae diffusae. Nos autem hodie quam in angusto versamur? Quid enim nunc referam? aut quid dicam? magistratus ne in urbe vel extra urbem gestos? At me quam magnifici hi magistratus sint, valde poenitet. An res bello gestas? Apud Pociole credo memorabilem editam pugnam, aut tu legere poteris absque risu, aut ipse ego, si compos mentis fuero, describere audebo. Contentiones populares nullae sunt, leges perlatae nullae, decreta etiam nulla, mores dumtaxat, & humanitas superest. Tamen in illis ipsis, nisi aliqua insignia liberalitatis, humanitatis, prudentiae, severitatis, constantiae supra consuetudinem egregii ac rari exempli edita facinora extent, satis copiose laudari non possunt. Universi quidem generis laus parum habet momenti, nisi ad singularia descendis. Singularia vero, qui admirabilia videri possunt, nisi sint egregia, & rara, velut Fabii subventio pro salute Minutii ab hoste circumventi, quo uno facto summus ille Imperator tres maximas victorias consecutus est: vicit enim se ipsum, vicit inimicum, vicit hostem; Velut Marcelli humanitas, & magnitudo animi, qui fasces deposituit consulares, ut accusatoribus Siracusanis apud Senatum conquerentibus par esset. In his atque hujusmodi laudandis prius mehercule charta atque atramentum michi deforet, quam oratio. Nos vero quid simile

simile aut par? Quid egregium aut admirabile praeter studia, & litteras? Itaque me in illis iactabo immodice, & tamen caetera diligenter perquiram, & colligam, quo prolixitas impleatur. Vale.

## II.

LEONARDUS FRANCISCO PRINCIPI  
CORTONENSIMUM <sup>(1)</sup> SALUTEM P. D.

*Qua mortis morbi specie interierit  
Innocentius Papa <sup>(2)</sup>.*

**V**arie delatam ad te famam de Innocentii morte non equidem admiror. Quippe & hic apud nos in loco ipso atque adeo in ipsis aedibus, quibus ipse diem obiit, varia varii suspicantur opinanturque; plena est enim malivolorum Curia. Alii confessim putant, quae vellent mala, alii per calumniam, & quae non putant, diffundunt. Michi vero quantum ex his, quae aspexi, judicare licet, nequaquam dubium est illum natura interiisse. Quid enim aliud putem de homine, qui & supra septuagesimum aetatis annum, & valitudine fracta ac misera fuerit? Neque enim nunc primumvis morbi in illo, sed jampridem erupit. Nam praeterquam quod pedibus aeger, & lateris dolore nonnunquam cruciabatur, bis apoplexia, quod quidem scierim, correptus est, Romae primum levius, dei-

(1) Ab aliis Dominus Cortonae dicitur, interfectusque fuit Mense Octobri an. 1407. iul-  
su Loisi ejus Consobrini.  
Vide Sozomenum.

(2) Innocentius Papa VII. die

V. Novembris an. 1406. Ro-  
mae diem obiit maxima in-  
firmitate oppressus. Ita So-  
zomenus. Alii die festo de-  
functum malunt.

deinde Viterbii gravius, cum in auditorio federet. Quo quidem in loco nisi aliquot familiares circa illum suissemus, qui accurrentes suscepimus, spectante multitudine de sella in caput volvebatur. A nobis tunc in cubiculum relatus semianimis plane atque elinguis, nonnisi longa medicorum cura demum evasit, si id est evadere, mortem differre. Per Martium inde mensem Romam regressus, quandiu aestas caloresque fuerunt, non improbe se habere visus est; vergente mox in hyemem anno, rursus corruit, atque interiit. Illud modo interfuit, quod prima illa Viterbiensi aegrotatione linguam sic impeditam habuit, nichil ut exprimere non ridicule quiret. In extrema vero ipsa qua defunctus est, nullum linguae impedimentum apparuit. Praeterea in prima illa difficilis, & morosus, in hac per facilis, ac perhumanus. Quadriduo ante obitum ejus tabellarios Florentini Populi, qui captas tunc primum Pisas attulerant, in cubiculum ad eum perduxerunt, cum quibus ita prospere locutus est, nullo ut premi morbo videretur; tanta vero patientia, & humanitate, ut pedem ex Iodice nudum proferret, quo illi oscularentur. Interiit autem Romae apud Basilicam Vaticani, corpusque ejus post funebrem pompam in eadem Basilica sepultum est. Vale.



## III.

LEONARDUS FRANCISCO PRINCIPI  
CORTONENSIMUM S. P. D.

*Describit quomodo Pontifex<sup>(1)</sup> in locum Innocentii electus sit.*

**Q**UOD flagitas, ut ad te scribam de actis nostris, est michi quidem non satis ocii ad singula exaranda; attamen percurram, quae magis cognitu digna videbuntur. Post Innocentii mortem, funusque de more illi peractum, longa Patrum deliberatio fuit, supersederent ne electione, an alium in demortui locum Pontificem crearent. Faciebat vero dubitationem, quod Principes Galliarum, quorum, ut scis, populi diversa sectantur, Pontificem suum, quem Benedictum vocant, strictis promissionibus adegerunt se se abdicaturum esse, five Cardinales nostri supersederent electione, five Pontifex ipse item se abdicaret, quo utriusque Collegio in unum conveniente, unica indubitati Pontificis sequeretur assumptio. Santa certe provisio Principum Galliarum, & a cunctis fidelibus merito commendanda. Neque enim finem ullum inventari schismatis sperare licebat, si de jure disceptaretur: praesertim cum praeter Deum judicem ea causa nullum haberet. In hac igitur consultatione, cuius tu & causas, & respectus jam cernis, occupati

Pa-

(1) Gregorius XII. natione Venetus mense Novembri (die nempe 30.) elegitur in Papam qui septuagesimum annum a- gens prius dicebatur Angelus

Corrarius Cardinalis Aquileensis in sacra pagina peri-  
fissimus, & homo justus re-  
putatus. Ita Sozomenus.

Patres, quid utilissimum esset haud facile statuerant, propterea quod in supersedendo, & seditionum metus, & longior temporis delatio, & frustratio adversarii, & hujusmodi multa timebantur, & in eligendo voluntas ejus, qui assumptus esset, formidabilis videbatur. Vicit tandem eorum sententia, qui eligendum quidem Pontificem suadebant, sed validissime obligandum, quo adversario se abdicare volente, ipse quoque Pontificatum dimitteret. Ea mente jam Conclave ingressis, supervenit Joannes Dominici<sup>(1)</sup> a Florentinis Orator. Huic postulanti contra consuetudinem fenestella Conclavis aperta est, & alloquendi Patres facultas permissa. Summa orationis ejus ista fuit: missum se a Florentino Populo, ut Patres cohortaretur, electione supersederent; eam quidem esse certissimam viam unionis consequendae. Haec multis verbis, magna que facundia homo dicendi exercitatus cum egisset, Patres per se ipsos ferventes magis incendere visus est. Itaque responsum a Patribus est, quando jam Conclave intrassent, electuros quidem, verum ita provisuros, ut electus qui fuerit, procuratorem potius ad deponendum Pontificatum, quam Pontificem se factum intelligere possit: id enim jampridem se constituisse, atque ea mente Conclave ingressos. Finito in hunc modum colloquio, suum ad negocium Patres revertuntur. Cautio ab illis haec adhibita est: unusquisque Patrum promisit solemniter, ac Deo vovit, & jurejurando sanxit, si sibi contingat ad Pontificatum sumi, adversario Pontifici statim scripturum, iovitaturumque ad se se invicem abdicandos; procuraturum insuper omni via, & modo

Tom. I.

C uni-

(1) Beatus Jo: Dominici de Banchinis Florentinus Ord. Praed. qui post a Gregorio XII. At-

chiepiscopus Ragusinus, inde Cardinalis Titulo S. Xysti Lecac an. 1408. renunciatus est.

unicatem, idque bona fide, sine ulla fraude promissionem, & votum, & jusjurandum quod ipse praestitisset, omnibus Regibus, Principibusque per suas litteras primo quoque tempore significaturum, quo eos testes haberet obligationis suae. Ea multis solennibusque verbis cum in libellum redigissent, & chirographa singulorum confecta essent, agitare post-hac de electione coeperunt. Vir quaerebatur non tam peritia rerum gerendarum, quam fide integritateque idoneus. Quippe ad bene agendum in hac quidem re non calliditate consilii, neque profundo, arcanoque pectore, sed bona voluntate opus fore videbatur. Ita animati cum singulos perpenderent, tandem in Angelum Corrarium natione Venetum mentem consensumque omnes verterunt<sup>(1)</sup>. Is fuerat paulo ante opera Innocentii Pontificis inter Patres adscitus, cum ante titulo tenus Patriarcha Constantinopoleos haberetur, vir prisca severitate, & sanctimonia reverendus. Is ergo Conclavi egressus, promissionem, votum, & juramentum, quae privatus fecerat, nunc in potestate constitutus iterato novavit, atque ita loquitur de unione, ut si caetera desint, pedibus, & baculo se se iturum ad eam conficiendam asseverat. Nos opera videbimus, & certe spes bona supereft ob eximiam hujus viri integritatem. Praeterea tanta est omnium ad hanc rem conspiratio, atque ita ertei cunctorum animi, ut si tergiversari voluerit, nullo modo sint permisuri. Vale.

LEO.

(1) De Gregorii XII. electione pulcherrima Jacob Angelie epistola ad Emanuel Chrysoloram adseratur in Bibl. S. Cris-

eis, de qua tom. I. Mus. Ital. Mabillonius; etiamque in hac sylloge producemos.

## IV.

LEONARDUS NICOLAO S.

*Ocii negotiorumque rationem reddit amico.*

**S**Excentarum epistolarum tibi debitor sum, & quidem jam antea sic in mora constitutus, ut vix illa purgari posse videatur. Sed tibi etiam atque etiam videndum est, utrum praefest solutio-  
nem hujus debiti particularem recipere, an dum to-  
tam summam persequeris, totum amittere. Hoc  
igitur quoniam te malle opinor, his tabellis partem  
dissolvam, reliqua deinde alias, quoad datorum rece-  
ptorumque fiat ratio par. Illud ante omnia praemis-  
isse velim, quoniam de morte successoris Colucii  
per tuas litteras admones, me, nec si praefens es-  
sem, candidatum profiteri velle, nec absentem cu-  
pere, ut meum nomen per suffragium edatur. Satis  
enim michi est honoris quicquid est, locumque te-  
neo pro aetate honestissimum non ambiendo, neque  
petendo quaesitum, sed ultro a Pontifice Maximo  
oblatum. Hic ego michi vivendum puto, atque, eo  
magis, quod bona spes habetur, hanc pestiferam di-  
visionem e medio sublatum iri. Erecti sunt enim  
cunctorum animi post Innocentii mortem, & qui ante  
mussabant, nunc palam unitatem efflagitant. No-  
vus Pontifex depositis contentionibus adversario scri-  
psit, benigne illum ad pacem invitans, seque para-  
tum offerens, si ille hoc idem facere velit, Pontifi-  
catu abdicare, quo unica Romani Pontificis sequat-  
ur electio. Harum literarum, cum de industria cun-  
ctis his, qui peritiores habentur, mandata cura fuis-  
set,

set, tandemque scripta seorsum cujusque Pontifici, Patribusque recitarentur, Arretina Civitas, quam nonnulli contemnendam putant, judicio omnium palmam tulit, junior inter seniores, nova inter veteres, ac diu exercitatos. Expectarem ut haec ab aliis audires, nisi tu quoque jam me plus aequo contemnere videreris, qui me lethem potasse scribis, & inter Curiales occupationes bonarum artium studiis decoxisse. Atqui nullae unquam de majori re a Pontifice ullo scriptae fuerunt, nec aut gravior, aut inquisitoria materia unquam extitit, & in qua singulae pene syllabae attenuatae examine discuterentur. Non possunt omnia mandari litteris, & simul festinat tabellarius, ac ex tempore michi scribendum est. Quod vero flagitas, ut laudationi Florentinae Urbis, quam nuper edidi, nunc parta victoria, Pisisque in ditionem adactis hanc partem adjungam, ego quoque faciendum censerem, si cursum victoriarum non longius processurum existimarem. At ego majora expecto, ni frustra augurium vani docuere parentes. Quare historia opus erit, & si sapient cives tui, docto alicui demandabunt.<sup>(1)</sup> Mitto unam ex Demosthenis Philippicis, quam proximis diebus interpretatus sum. Tu vide, an ea interpretatio hominis, qui longa potarit oblivious, videatur. Aliam vero orationem famosam, scilicet illam pro Ctesiphonte, quam habeo in manibus, si haec non displicerit tibi, alias mittam. Nunc istam habe degustationis loco. Vale Romae X. Kal. Jan.

LEO-

(1) Hac provincia functus est V.  
Cl. Mathaeus Palmerius in  
Comment. de Captiv. Pisarum,

& post Palmerium scripsit etiam de Bello Pisano Bernardus Oricellarius.

## V.

LEONARDUS NICOLAO S.

*Quando narratione opus sit, quando non, in causis:*

**O**RATIONEM Demosthenis, quam proximis diebus, cum per vacationem Romanae Sedis ipse quoque ab occupationibus vacarem, ex Graeco interpretatus eram, puto te jam legisse, & praeterea tua diligentia omnem ejus vim studiosissime annotasse. Sed tunc cum illam ad te darem, oblitus sum aliquid praefari, ac praemittere, quo tibi ejus cognitio clarior ac dilucidior esset. Itaque nequaquam mirarer, si te, & de Diopythe, & Cheroneso, & de totius rei serie dubietas quaedam haberet; res enim apud nos minime celebris est, nec eam narrat orator, illa, ut opinor, de causa, quod tunc in consultatione explicata, omnibus nota, atque aperta erat, ut est etiam apud Ciceronem nostrum ibi: *parvis de rebus, sed fortasse necessariis consulti-  
mur P. C. de Appia via, & de Moneta Consules,  
& de Lupercis Tribuni plebis referunt.* Vides hic per oratorem nullam rei notitiam praeberi, quod omnia fuerint ante in consultatione explicata. Quamquam alias aliter; ut de Imperatore deligendo post principium ait: *bellum maximum, & periculosissi-  
mum vestris sociis, atque veltigalibus a duobus Regi-  
bus Mithridate, & Tigrane, & caetera usque illuc  
ubi dicit: causam quam sit videtis, nunc quid agen-  
dum sit considerate, ubi de narratione ad partitio-  
nem sermo traducitur.* Credo satis notum fuisse Populo Romano Mithridaticum bellum, tamen nar-

rare libuit. Quod tamen non ex necessitate facere ostendit cum dicit, *atque ut inde oratio mea proficiscatur, &c.* ubi manifestum est magis ad ordinem causae, quam ad necessitatem hujusmodi narrationem accommodari. Sed haec omittamus. Quando enim supersedendum sit narratione, & Cicero ipse docet, & is qui dicturus est, ex temporis, & cause, personarumque opinione peritiaque judicabit. Ut autem ad illa veniam, quae tunc praetermissi, cum pax pro Philippo esset Atheniensibus, nec secunda tamen, nec tuta, missus est Diopythes cum delectu civium, qui Cheronesum habitarent. Id erat quasi coloniam deducere, veluti apud nostros Fesulas a L. Sylla, & Bononiam a Scipione sunt Coloniae deductae. Accipiebant hi, qui deducti erant, arma & viaticum ex publico, & agri portio viritim assignabatur. Cum igitur Diopythes in Cheronesum venisset caeteris ejus regionis hominibus haud cunctanter colonos recipientibus, sola Cardianorum civitas recusavit. Ob quam causam cum bello a Diopythe lacerrentur, accito Philippo se se per illius auxilia defenderunt. Hoc Diopythes indigne ferens maritimam Thraciae regionem, quae Philippo suberat, depopulatus est, atque se inde propere in Cheronesum recepit. Querebatur ergo Philippus, & pacem esse ruptam praedicabat, seque ulturum hujusmodi colonos per litteras suas Atheniensibus missas comminabatur. Ea de causa concio habetur, & ad populum de ea re publice refertur. Dicuntur graves in Diopythem sententiae, & ab iis maxime, qui Philippo favebant. Demosthenes vero Diopythem defendit, & ad bellum adversus Philippum cohortatur, quod quibus rationibus faciat legendu discitur. Cura ut valeas mi suavissime Nicolae. Romae II. Kal. Januarias.

LEO.

VI.<sup>(1)</sup>

LEONARDUS NICOLAO S.

*Nicolaum rogat, ut pro amico Gellii codicem  
transcribi curet.*

**P**etrus Mianus vir jocundissimus, & in primis bene litteratus vehementer cupit Noctes Atticas sibi Florentiae transferibi. Itaque mecum egit, & quotidie agit, ut tibi hoc negotii dem. Sperat enim per tuam diligentiam commodissime fieri posse, ut scriptor, & exemplar reperiatur, & studium adjungatur ad illas recte, & celeriter prescribendas. Nummorum autem quicquid vel pro charatis, vel pro scriptore opus fuerit, exsolvetur. Id ut tibi praesto sit, apud mensam Joannis Medicis providit. Hoc amici mei negotium ut suscipias, ac tua solicita diligentia cures, etiam, atque etiam togo. Vale. Romae VI. Kal. Aprilis MCCCCVII.

## VII.

LEONARDUS FRANCISCO PRINCIPI  
CORTONENSIMUM S. P. D.

*Quod duo Pontifices conati sint unitatem Ecclesiae  
facere, quidam autem restiterint.*

**P**ostquam alias ad te litteras dedi de unitatis negocio, haec subsecuta fuere. Pontifex noster statim ab initio adversarium<sup>(2)</sup>, uti promiserat,

C 4

(1) Haec quoque deest in edit. || Brix. & Codd. MSS. ita edimus.  
Fabriciana, quam nos ope edit. || (2) Benedictum XIII.

ferat , per litteras invitavit ad Pontificatum simul deponendum . Ille tandem ferme syllabis ad eum rescripsit , eadem invitatio fuit , eademque cohortatio : locus deinde necessarius visus est , in quo & Pontifices ipsi , & Collegia convenienter . Ad hoc Savona pari consensu recepta est , urbs medio ferme spatio , & tam mari quam terra accessibilis . Prospere hucusque , & plane , ex sententia . Deinde turbationes suborte graves , cunctaque suspicionibus referta . Necessarii enim quidam propinquique Pontificis post assumptionem ad ipsum confluentes suspicionem apud multos pepererunt , quasi voluntatem prius retam inflectere conentur . Accedit quoque Ladislai Regis detestandus conatus . Cum enim Regnum Siciliae ad sedem spectet Romanam , & in hac divisione nostri quidem Pontifices Ladislao , diversi autem Ludovico Andegavensem Duci id Regnum concederint , ac certamina ea de causa fuerint permagna , in quibus tandem Ladislaus praevaluit , Regnumque solus possidebat ; veretur nunc , ne abdicatione facta , & utroque Collegio ad electionem coeunte , Gallicus forte aliquis ad Pontificatum sumatur , qui favorem in regno obtinendo ad Ludovicum convertat . Hac itaque suspicione permotus , omnes machinas adhibet ad unitatem impugnandam . Quod quidem factum Patribus , ac bonis omnibus ita molestum est , ut ad summum odium Regis nomen pervenerit . Nam illi quidem satis cautum erat ex formula ipsa , qua providetur , in cunctis dignitatibus , ubi plures a diversis electi repertuntur , possessori dumtaxat jus fore . Itaque suspicantur quidam , non tam eo metu Regem moveri , quam id arcane moliri , ut per divisionem perpetuam Sedes Romana imbecillior maneat , ac nunquam in formidabile robur integrata evadat . Quicquid tandem cum

eum moveat, aperte renititur, adeoque proficit, ut  
Saona communi consensu ad conventum delecta jam  
jam respuitur. Quo quid ignominiosius Italico no-  
mini accidere possit, non equidem video. Oratores  
ex Gallia permulti quotidie ad nos: invitant, hor-  
tantur, excitant. Nos plane dormimus, nec quem-  
admodum fiat hoc tam sanctum opus, sed quo-  
modo non fiat cogitamus. HABES ACTA NOSTRA, quae  
quoniam ad te liberius scripsi dolore quodam per-  
motus, occule queso has litteras, ne in aliorum per-  
veniant manus. Vale Non. April. MCCCCVII.

## VIII.

LEONARDUS FRANCISCO PRINCIPI  
CORTONENSIMUM S.

*Quo pacto Urbem Romam hostis ingressus sit noctu,  
quoque modo expulsus.*

**S**cipi nuper quid homines suspicarentur de Regis voluntate. Postea res insecurae cuncta etiam, quae prius obscura videbantur, magis patefecerunt. Regis enim copiae ingentes conjunctis sibi Romanis exilibus ad duodecimum lapidem via latina convenisse, atque inde ad Urbem occupandam venturae dicebantur. Erecta eo metu civitas confestim ad Pontificem decurrit, periculaque ostentans providere jam inde precabatur. Ille negare sedulo adventare quemquam, totumque rumorem hunc a malivolis fictum dicere, ut suspitiones, discordiaeque majorem in modum augerentur. Haec Pontificis asseveratio, quoniam ex vero profici sci animo videbatur, fidem multitudini fecit. Itaque nichil quasi sub-  
eset

esset periculi , domum reversi cives positis armis quieverunt . Haec dicta fuerant ad vespertas . Eadem illa nocte de prima statim vigilia Regis<sup>(1)</sup> milites quidam , exulesque Romani per vasta solitudinis loca muros intrarunt ; refracta deinde proxima porta aditum equitibus patefecerunt . Ad horum ingressum clamor sublatus per Urbem diffunditur , itur ad arma , concurritur adversus hostes , ac pluribus simul locis praelia conseruntur . Pontifex ubi ista sensit , confestim ab aedibus Vaticani , quibus inhabitabat , se se in Molem Hadriani recepit ; Patrum vero nemo secutus est , praeter unum Columnensem<sup>(2)</sup> : nam caeteri metu perculsi , fuga sibi consulere , quam cum Pontifice includi maluerunt . Nec ego unquam nomine magis turbulentam puto fuisse , trepidis omnibus , & incertis , quid agere , quo ve consistere deberent suspecto Pontifice , nec tota quidem Urbe idem sentiente , fugaque ipsa Patrum debilitabat animos , quasi praestantes sapientia viri , ac plurimum discernentes , quoniam intelligerent resisti non posse , mihi grandi consilium assumpsissent . Quamdiu nox fuit , hostis superior habebatur , nec jam procul a Capitolio pugna erat . Sed albescente mox coelo Paulus<sup>(3)</sup> Ursinus cum equitatu subsidio nostris veniens , per diversam ab hoste regionem ingresus , media vadens Urbe , transversis itineribus ad eam portam pervenit , per quam hostes intrarant . Ibi dissipatis stationibus pone aggreditur , ita ut inter multitudinem populi , ac suum equitatum medios hostes haberet . A fronte igitur , & a tergo vexati , in fugam tandem vertuntur . Capti eorum multitudo ingens , & in his prin.

(1) Ladislai scilicet .

(2) Otto , seu Odo Columna ab Innocentio VII Diaconus Cardinalis renunciatus Titulo .

Sancti Georgii in Velabro .

(3) Paulus de Ursinis Pontificis Exercitus Dux .

principes ferme omnes diversae factionis. Ex tempestate igitur admodum turbida, mox serena lux Urbi effusit, ac ex moerore laetitia ingens, ut ego ipse spectator horum omnium admirer, tantam mutationem tam brevi tempore contigisse. Revocati ex fuga Patres, cum jam eorum plerique multa passuum millia sutrium versus abiissent, summa gratulatione omnium rediere. Sunt, qui putent, hanc totam rem a Pontifice de industria compositam, quo mentio omnis unitatis obrueretur, quod futurum erat, si Rex obtinuisse. Nos de Pontifice nullo modo credimus, de propinquis vero dubitamus. Pontifex habere in animo videtur Senas petere, inde vero Lucam. Sed res adhuc perpaucis nota est. Vale.

X.<sup>(1)</sup>

LEONARDUS NICOLAO S.

*Regat ut in villa cum conveniat.*

**A**ntequam Viterbio proficiscerer, dedi ad te orationem Demosthenis pro Ctesiphonte. Lator fuit Petrus Bardella, qui Romae negotiatur. Eam orationem arbitrabar te jam legisse, ac expectabam litteras ingentis leticiae. Cum itaque in hac expectatione essem, ac jam mecum ipse, quod tardior fores, stomacharer; ecce quidam a te michi litteras attulit. Capio avide, atque aperio. Caput litterarum querelas contra me: medium autem, & finis nescio cuius beneficioli molestias continebat. Spe igitur destitutus laceravi illico litteras a Muisis alienas, & alias expectare cepi. Cras ero in villa Lupi

no-

(1) Hacc etiam desideratur in edit. Fabriciana.

nostri, quae est Senis propinqua. Si te nichil impedit, illuc properato: sin expectare mavis, ego pro pediem Florentiae te conveniam. Et tamen de hoc ipso beneficio ita faciam, ut te velle intelligo. Vale. Senis V. Idus Septembris MCCCCVII.

X.<sup>(1)</sup>

## LEONARDUS NICOLAO S.

*Amicum rogat, ut Tullii codicem adornari curet.*

**N**on puto opus esse, multis ut verbis te cohorer, cum tibi & de amicissimi viri negocio, & de re tibi grata leve onus impono. Tu enim ipse re cognita moveri debes sine ulla postulatione, & rogatione nostra. Bartholomeus <sup>(2)</sup> Cremensis mirifice, ut tibi alias narravi, studiis humanitatis deditus est; idque cum superiori tempore ante Presulatum studiosissime fecisset; non potest nunc Presul factus eas, quas ante coluit, Musas non affectuose amare, earumque sacra ferre ingenti, ut Maro noster ait, percussus amore. Cum igitur volumen habeat praeclare scriptum orationum Ciceronis, cupit, ut singulorum capita librorum splendore litterarum illuminentur. Tu ergo in ea re diligentiam tuam adhibebis, dabisque operam, ut non auro, nec murice, sed vetusto more hae litterae fiant. Nam inaurare vel hic potuisset, si hujuscē rei cupiditas

(1) Haec desideratur in Edit. Fa-bricana.

(2) Bartholomeus Capra primo Pontificiarum Epistolarum sub Inno-c. VII. Magister, inde Cre-

monensis Episcopus, post Ar-chiepiscopus Mediolanensis. Vide Aris. Tom. I. Crem. Inl. & Ughellum Tom. IV. Ital. Sacrae.

ditas ipsum haberet. Verum haec spernit, & antiquitati deditus est. Quare facies ut tibi videbitur, utque existimabis amatori antiquitatis potissimum gratificari. Volumen ipsum tibi mitto. Vale. Senis.

## X I.

LEONARDUS BONIFACIO COLUCII FILIO;  
FRATRIBUSQUE S. P. D.

*Quantam curam habuerit ejus, quem in fidem  
recepit.*

**Q**uantam parenti vestro homini doctissimo, viroque praestantissimo pietatem mortuo etiam praeferare debeam, nec oblitus equidem sum, nec unquam uti spero, quamdiu vita supererit obliviscar. Quid enim si me genuisset ille plus aut caritatis, aut benivolentiae, aut amoris michi potuit impartiri? Multi genitores a filiis se rogari expectant, ille semper michi ultro & inrogatus occurrit. Multi frena dimittunt filiorum, cum adolescere ceperunt; ille in hac ipsa aetate frena mei suscipiens nunquam ex curriculo deflectere passus est: sed monendo, castigando, incendendo ad virtutem praestantiamque direxit. Quod Graecas didici litteras, Colucii est opus; quod latinas non leviter inspexerim, Colucii est opus: quod Poetas, quod Oratores, quod Scriptores ceteros legerim, didicerim, cognorim, Colucii est opus. Nemo unquam parens in unico dirigendo filio tam sedulus fuit, quam ille in me, cuius ingenium, in quo tamen amore nimio decipiebatur, ita natum ad haec studia praedicabat, ut si aliorum diverterem, manus se se michi allaturum, ac vi retra-

tracturum minaretur. Qui post aliquot annos , cum me tunc primum vocatu Pontificis Romam petere volentem lacrimans dimitteret , quasi praefatio quodam futurae mortis familiam michi suam multis verbis commendavit , sed praecipuam de Salutato curam , mandataque injunxit . Eum sane , inquit , quod oculis non satis valeret , nullae ferme rei gerendae satis aptum , permagnam sibi curam sollicitudinemque afferre . Nam de caeteris quoniam sani essent , minus admodum laborare : huic autem videndum esse jam nunc , & quae sustentamenta vitae sint praeparanda . Statuisse vero potissimum , ut in Clericos transcriberetur , proinde rogare me , obtestarique per amorem , quem erga me unum semper unice habuisset , ut adolescentem ipsum in meam fidem , tutelamque reciperem , efficeremque mea opera , ut cum aliqua dignitate , & honestate vitam ducere valeret . Hoc ego tunc in meam fidem cum recepissem , quid enim nunc de me , ac de desiderio narrem meo , qui non minus erga Colucium , quam erga parentem semper affectus fuerim ? Sed velle quidem non satis est , nisi opereris ; nec vero id satis , nisi prudenti studio annitare : nec etiam id satis , nisi ad effectum perducas . Qui enim in fidem suam quid recipit , non voluntatem bonam dumtaxat , ut michi videtur , nec qualemcunque operam praestare contentus esse debet . Affirmare profecto possum , nec vivente illo , neque postea defuncto studium & diligentiam ista quidem in re michi defuisse . Apud duos adhuc Pontifices fui Innocentium , & Gregorium . Cum utroque saepissime de hac re , & instantissime egi ; sed ita plena est expectantium Curia , imo vero non expectantium , sed obviam euntium , ut quotiens aliquid vacaverit , a mille raperetur . Gratiam vero nostram minuit , quod nos non pro nobis , sed pro alio penteba-

tebamus clarissimi quidem viri filio, quis negat? at tamen absente, & a familiaritate Pontificis alieno. Itaque qui praesentes vel Pontifici ipsi, vel alicui Patrum deserviebant, semper adhuc praelati sunt petitioni meae, & ea quidem causa, quominus adhuc obtainuerimus, refragata est; quod postquam sat is expertus sum, ad consilium versus constitui personam meam praetexere; neque enim alium finem ullum fore videbam desiderio nostro. Postulabatur ergo nuper venerabilis vir Antonius Senensis<sup>(1)</sup> ad Episcopatum Pisauri. Ob id factum duo illius beneficia vacatura sperabantur, Canonicatus Florentinae Ecclesiae, & Praepositura Fesulanae. Haec ego ita fore aptissima Salutato existimabam, ut si nos effugerent, nunquam alias me consecuturum eam facultatem arbitrarer. Sentiens ergo quid me hactenus impeditisset, non jam pro illo, sed pro me ipso petere professus sum. Pontifex vero etsi admirabatur mutatam voluntatem meam, nam Episcopatum michi ab Innocentio oblatum sciebat me respuisse, tamen concessit, nec deest tamen illi, ut animadverte potui, suspicio, quam diluemus simulatione, & mora quadam interposita. Haec ego vobis nota facere constitui, ut sciatis, haec beneficia Salutato nostro impetrasse. Etsi dilatio intercedat quaedam oportet, ne Pontifex indigne ferat, se hoc praetextu circumventum fuisse. Vestrum quoque interea fuerit commonefacere Salutatum, ut quoniam beneficia habet parata, det operam efficiatque, ne ipse imparatus ad illa, quae Clericum scire decet, reperiatur. Valete Senis.

LEO-

(1) Antonius Cafini, qui deinde a Martino V. Cardinalis creatus est Titulo Sancti Marcelli.

XII.<sup>(1)</sup>

LEONARDUS NICOLAO S.

*A negligentiae increpatione se defendit.*

**H**odie tibi scripsoram ante lucem: postea redditae michi sunt litterae cum increpatione negligentiae, cum rei meae, tum etiam alienae. Omnino reor ex parvitate animi provenire, ut pusillis de rebus magnam sollicitudinem putes capiendam, & exigui precii res grandes existimes. Quid enim opus fuit litteris meis? An non tu ipse michi scripseras te procuratorem faciendum, ut ille quasi persona quaedam aliena majorem facultatem haberet opitulandi? Cum igitur tu haec scribebas, & ille asseveraret, quid aliud ipse facere debui, quum eam sic disponerem, ut vobis placuerat? Tibi etiam, cum michi sis qui es, propositum esse debet, ut quod in tuo faceres negotio, id facias in meo. Quare si qua de re ambigis, peritiores consule, atque ita prosequare, ut in re fore existimabis. Denique tu haec me valde curare putas, vel tanti facere, ut ab ipsis nunc pendeam? Non est ita, michi crede: si res eum, quem cupimus finem habuerit, michi gratum erit: longe tamen gratius foret, si M. Tullius revivisceret. Satis de re mea. Nunc de aliena: Litteras amici tui diligenter tradendas curavi, & responsa postulare feci. Quid ultra quaeso a me requiris? An etiam ut extorqueam ab invitis? Omnia facere debui in re amici tui. Et feci equidem, & facio; nec video quid pretermissum a me sit, quod

te

(1) Haec quoque decet in Edit. Cl. Fabricii.

te, vel illum debuerit commovisse. Mianus forte, quod Florentiam erat venturus, respondere neglexit, saepius quidem a me postulatus. Alias litteras Camerario, & Paulo, ac ceteris tradidi. Quae mea culpa est, si respondere non curant? Forsan scriptum in his nichil est, quod responsum mereatur. Instruat me in negocio suo, & actorem rei esse velit, non litterarum exactorem. Tunc si defuero me carpe. At de re penitus ignota quid ipse rescribere debui? Quare vide obsecro, ne tu magis carpendus sis, qui pro quaque levissima re sic atrociter contra amicos inclames. Vale. Idibus Octobris. Senis.

XIII.<sup>(1)</sup>

LEONARDUS NICOLAO S.

*Amicum rogat, ut nonnulla ex Cicerone transcrib<sup>e</sup> jubeat, aliaque significat.*

**M**Itto tibi orationes Ciceronis in Verrem recte quidem scriptas, sed ut videbis male emendatas. Qui enim corrigere voluit, eas plane corruptit. Quamobrem tuae diligentiae erit, non quae postea mutata sunt, sed quae prius erant, transcribi jubere; idque facies sine ulla festinatione. Nam michi quidem cordi est etiam, quos mecum habeo libros, apud te omnes deponere, ne ferantur una nobiscum in hac fluctuosa tempestate, & ambigua peregrinatione, in qua nec portum nec sedem certam perspicimus. Me quidem valde poenitet sic a vobis properasse. Nam potui quatuor dies adjungere.

Tom. I.

D.

gere

(1) Hacc desideratur in edit. Fabriciana.

gere ad communem voluptatem. Rumores enim qui affreabantur de Pontificis itinere, vani erant. Vale.

## XIV.

LEONARDUS S. D. ZACHARIAE<sup>(1)</sup>.

*Quid in causa amici fecerit.*

**E**T litteras tuas accepi, & quod me facere jubebas, quantum in me fuit, diligenter effeci. Impedimenta haec prohibent: proditor ille non adest. Procurator ab eo relictus mandatum habere se negat ad translationem faciendam. Cum praetore multa pro te, & pro causa tua verba feci, postulans si quo jure ordinario vel ex bono, & aequo fieri posset, ut saltem in indebita pecunia solvenda, eam conditionem admitti juberet, quae vel in quocumque debito propter malignitatem temporis esset concedenda. Negat ille suarum esse partium aliquid tale jubere contra actoris voluntatem, pro quo sententia jampridem lata sit. Scripturum se tamen pollicetur ad prosopopejam illam, quam nunc, ut audio, Neapolis habet. Poggius noster omnibus assentiri paratus est, quae ad commoditatem tuam pertinebunt. Res tota differetur in redditum tuum. Interim dabo operam, ut illi scribatur. Sed quantum profecerimus apud elatam duri hominis cervicem, nescio. Tu cura ut valeas. Ex Senis X. Kal. Januarii.

## XV.

(1) In omnibus MSS. Codd. est  
Zucharo, nempe Ser Antonii filio Notario Florentino.

Porro haec epistola deest in  
edit. Fabriciana.

## XV.

LEONARDUS PETRO MIANO S. P. D.

*Quam excellenter in Papae Cardinaliumque confessu  
oratores Venetorum dixerint.*

**J**Amdui nichil magis oratorium Curia Romana audivit, quam vocem praestantissimi viri Zachariae tui<sup>(1)</sup>, immo potius nostri. Ego enim propter maximas ejus virtutes amori erga illum tuo aut nichil aut non multum concedo. Qui cum a Pontifice maximo publice audiretur astantibus Reverendissimis Patribus Sanctae Romanae Ecclesiae Cardinalibus, & frequentissima Cleri, populique multitudine circumfusa ita locutus est, ut in verbis ejus robur fortissimi viri, prudentia doctissimi hominis, elegantia disertissimi oratoris perfacile appareret. Vellem aspexisses, quanta cum attentione auditus est, ut in tanta multitudine ne respiratio quidem alicujus sentiretur, majestate orationis, ubertate sententiarum, copia optimorum verborum mirum in modum animos demulcentibus. Dixit praeterea fortis vir Marinus Caravellus, & ipse quoque magno cum spiritu, nec minori cum majestate, qui etsi non latino, sed patro sermone in dicendo uteretur, tamen nec sua caruit laude, & alti, ac sinceri animi haud dubie apparuit. Denique per hos duos Oratores universam Curiam Venetorum civitas sibi mirifice

D 2

con-

(1) Zacharias Trivisanus vir doctrina consilioque celebrimus, oratio cuius extans coram Gregorio Pontifice Ro-

mano habita pro Ecclesiae unione suadenda illum eloquentissimum fuisse ostendit. Ita Blondus in Ital. Inlustr.

conciliavit, ut amplissima, & potentissima, & prae-  
terea optima, & pacis amantissima ab omnibus ha-  
beatur. Cui si palmam hujus sanctissimae, & opta-  
tissimae Christianorum, & Ecclesiae redintegrationis  
Deus servaverit, nichil in toto Orbe terrarum erit  
penitus gloriosius. Sed de rebus publicis alias: nunc  
autem de privatis loqui malo. Ego Zachariam no-  
strum convenio saepissime, & quantum ocii ab ora-  
toriis negotiis, quae mirabili vigilantia exequitur,  
sibi datur, id totum in librorum, ac studiorum agi-  
tatione consumimus. Quibus vellem adesses! quam-  
quam ades tu quidem semper sermonibus nostris,  
sed tamen alio quodam modo vellem te praesentem  
intueri: non enim dubito, quin jocundissima inter  
nos saturnalia ageremus. Vix tamen est, ut non in-  
videam felicitati tuae, qui Manuelem<sup>(1)</sup> Chrisoloram  
virum doctissimum, atque optimum tamdiu Venetiis  
distineas, ejusque adventum in Curiam retardes.  
Nos enim ut alias saepius, ita nunc cum Oratoribus  
vestris ut veniret expectantes, non semel frustrata  
spes est, & fecellit opinio, quem rogo, ut meo no-  
mine salvare jubeas, & volumen Augustini de Civi-  
tate Dei, quod apud te illius nomine deposueram,  
eidem tradito, faciasque me certiorem, an aliquos  
libros Graecos michi deferat. Hodie decretum est,  
uti Pontifex Lucam se contulisse debeat ante finem  
mensis Januarii; altera pars in Veneris portum.  
Vale. Ex Senis.



## XVI.

(1) Leonardi Arretini, Poggii, || in Graecis litteris praecepto-  
Nicolai Nicoli, aliorumque rem.

XVI.<sup>(1)</sup>

LEONARDUS NICOLAO S.

*Agit de oratione sua, in qua Elagabalus  
meretriciam artem commendat.*

**T**U me philosophum esse censes, & nichilominus Eliogabalum postulas. Vide ne non cohereant petitiones, & exhortationes tuae. Nisi forte hanc eandem Philosophiam meam interpretare, & si ita est accipies opus sane philosophicum non ex Zenonis disciplina, sed ex intimo Epicuri finu depromptum. Ridebis, ut opinor, hanc incertissimam contionem: quamquam multis pepercis, quorum michi copiam suscepisti causa ultro largiebatur, & in taberna vinaria abstemius fui. Itaque valde equidem vereor, ne utrique me subaccusare non immerito possint: severi quia rem non satis gravem suscepimus; urbani quia in causa pingui, & copiosa jejunior fuerim. Ac in me fortassis illud jaetabitur: aut undique religionem tolle, aut usquequaque conserva. Sed de urbanis quidem non multum labore, si me continentiores fuisse arbitrabuntur. Cum severis autem, & tristibus plus michi, ut opinor, negotii supererit. Verum ut Lucilius non Romanis, qui erant peritiores, & in poematibus judicandis nimium curiosi, sed Tarentinis, & Reginis se scripsisse affirmavit; sic ego tristibus, & severioribus negotio me scripsisse, nec ab illis legi volo. Est autem aliud quoddam genus hominum, qui in joco severi, & in severitate jocosus sunt; qui neque Catonis rigida.

D 3

dita.

(1) Haec desideratur in editione Fabriciana.

ditatem, nec Scipii dissolutionem sectantur: Hoc est qui nec Curios simulant, nec Baccanalia vivunt. Iste, ut spero, hanc mediocritatem meam & legent non inviti, & probabunt non simulate. Denique loquantur omnes ut liber. Ego si michi & tibi uni satisfecero, ceteros omnes cum suis judiciis floccipendo, eorumque opiniones, & oblocutiones vix unius assis existimo. Tu vale mi dulcissime Nico-  
lae. Ex urbe Senis.

## XVII.

LEONARDUS RUFFO S. P. D.<sup>(1)</sup>*De duorum dissentientium Pontificum animo.*

**A**ccepi litteras tuas per breves, in quibus id modo flagitas, ut quid agatur, quidque spei sit de unionis negocio, tibi rescribere ne pigeat. Accipe igitur: postquam Lucam pervenimus, creibitro citroque oratores fuere. Sed nichil adhuc perfectum, ne inchoatum quidem, quod dignum ulla spe michi videatur. In adversario Pontifice nequamquam recta mens; quamquam simulat ille mirabilis astutia, ut facile imprudentes decipere possit: sed nihil sani, crede michi, illi inest: si enim inesset, quid vetaret rem perfici? Quicunque enim istorum vere vellet, quod & juravit, & promisit; alter etiam si nollet, compelleretur. Quam enim excusa-

(1) Roberto Ruffo, quem Rossum appellant Colucus, ac Blondus. Hic in latinis litteris fuit cum Nicolao Nicolo Ludovici Marsili discipulus, in græcis vero una

cum Leonardo nostro Emanuele Chrysoloram audivit, ac inter Cl. aetatis suae viros recensetur ab Accolto, Poggio, aliisque.

tionem, aut quod diffugium habent? Nunc vero quia uterque tergiversatur, alter alteri excusationem, & diffugium praeberet. In nostro Pontifice recta, & simplex natura, sed ut quisque bonus, & simplex, ita facile ab improbis decipitur. Quidam enim honores ab eo sperantes in sinum ejus adulantando irreplerunt. Hi & formidines inanes illi incutiunt, & recta volentem nonnunquam inflectunt. Ego, ut animi sunt, turbationem aliquam formido. Nichil est enim infensius, nichil indignantius. Vale.

XVIII.<sup>(1)</sup>

LEONARDUS NICOLAO S.

*Thomam quendam ei commendat.*

**C**Ogitabam tibi prolixius scribere, & propediem, ut spero, id faciam: Nunc autem brevitatis causam affert festinatio tabellarii, qui me in ipso discessu, nunquid vellem, rogavit. Est Florentiae vir egregius Thomas Britannus michi amicus, & studiorum nostrorum, quantum illa natio capit, ardentissimus affectator. Huic ergo cupienti ineptias nostras, idest libros novorum poëtarum emere, rogo ut omni cura, diligentiaque assistas. Denique pro natura, & moribus tuis admonendum te familiarius putavi, ut si quid contra sententiam, opinionemve tuam cuperet, aut sentiret, eidem te mittam, ac minime adversantem praeastes. Vetus est enim: ut homo est, ita morem geras. Vale.

## XIX.

LEONARDUS RUFFO S.

*Quendam cupiditates animi sui potiores habere, quam Ecclesiae unitatem.*

**P**er binas jam litteras a me petis, quid de Joanne Dominici aestimandum sit, variumque de eo sermonem apud vos esse significas. Quid autem ego ad te scribam de re diffcili atque ardua? Nichil enim diffcilius, quam mentem hominis intueri<sup>(1)</sup>. Itaque nil dicam ipse de me: sed qualis sit opinio vestrorum hominum de illo, ostendam. Praestantissimum esse virum, & scientia eloquentiaque eminere nemo inficiatur. Querela tamen est adversus eum, quod cum ipse in primis auctor sua-forque unionis fuisset, ac ceteros omnes ardentissime commoveret; tamen postquam Episcopatus<sup>(2)</sup> illi a Pontifice datus est, quasi medicata offa praeclusis faucibus, nichil post hoc pro unione, sed multa adversus eam videtur suafuisse. Atqui nemo, qui primo illum audisset, existimavit munus Pontificis ab illo non rejici. Accepit tamen, ut deprehenditur non ingrate, ac majora sperare illum ajunt prodita causa, quam prius tamen acriter perurgebat. Nos vero,

(1) Optime observat Leonardus noster nihil difficultius quam mentem hominis intueri. Nam Jo. Dominici fuit vir integrissimus, & propter suas admirabiles virtutes in Beatorum numerum cooptatus est. Quare non dubitandum, quin

ea falsa sint, quae ab invidiis, ac verae virtutis calumniatoribus in hominem sanctissimum jactata in hac epistola referuntur

(2) A Gregorio XII Archiepiscopus Ragusinus creatus est; ut supra diximus.

vero, ut de mentis illius arcano nichil scimus; sic ea, quae agit moliturque, non probamus, affirmamusque primo illius ardori, & studio haec posteriora videri contraria, parumque sibi ipsi illum constare. Quod utinam sapientia quadam majori faciat, ac non ambitione! Ego quidem hunc hominem, ut sis, amo propter excellentiam virtutis, atque eo magis doleo, ipsum in hanc adversam opinionem hominum incidisse. Nemo est omnium, qui peccare ignorantia illum putet, sed cupiditate animi transversunt agi. Vale.

## XX.

LEONARDUS ROBERTO RUFFO S.

*Villae descriptionem cuiusdam, laetitiamque  
amicorum continet.*

**I**N medio turbationum, ac molestiarum, quibus per hoc tempus omnia redundant, letissimus heri nobis, ac jocundissimus affulxit dies, qui mentes nostras depulsis tristiae nubibus mirifice serenaret, memoriamque omnem praesentium vel impendentium calamitatum penitus auferret. Tres enim familiarissimi in unum convenientes, & non bellicum, sed bacchicum concinenter satis magnam sodalium, & amicorum manum contraximus, omnibusque ad leticiam dispositis in villam Alamanni<sup>(1)</sup> Archiepiscopi Pisani ipso Alamanno duce veluti ex diu-

(1) Alamannus Adimarius Archiepiscopus ea aetate Pisanus, qui mox ab Jo: XXIII. in Ordinem Praesbyterorum Cardinalium cooptatus est Tito S. Eusebii, dum apud Regem Galliarum legatione fungeretur. Vide Ciaconium, Ughellum, aliosque.

diuturnis vinculis emissi nullum gaudendi, imo ut  
verius dicam, repuerescendi genus omisimus. Villa  
est media ferme inter Lucam, & Pisas a dextra ri-  
pa Ausserici fluvii amoenissimo in loco sita, & maxi-  
me ad rusticanas voluptates excogitata. Surgens  
enim leviter in collem, subiectamque planiciem re-  
spiciens, montes a tergo habet conjunctos ad aucu-  
pationes venationesque apriissimos. Itaque sive rapaci-  
ave, sive mordaci cane, sive plagis, sive venabulo,  
sive cursu, denique sive feris, sive avibus, sive pi-  
scibus delecteris, vicini montes, conjuncti colles,  
subiecta planicies, praeterfluens amnis affatim omne  
genus praedae tibi largiter sumministrant. Verum  
nobis illuc profectis, nec venari apros placuit, nec  
figere cervos, nec rursus lepores canibus agitare fu-  
gaces, nec fera blaueolis unguis armata sonoris ce-  
pit avis praedam. Sed traxit nos, & vendicavit sibi  
incredibilis amoenitas Ausserici amnis, qui tectus  
fronde populea cristallino alveo, viridibus ripis mi-  
ra placiditate fluebat. Quibus allecti depositis togis,  
& calceis acerrime piscati sumus. In quo ita lusi-  
mus, ut pueri, ita clamavimus ut ebrii, ita concer-  
tavimus, ut dementes insanique videremur. Aderat  
omnibus ipse Alamannus, qui quanquam religione  
impediebatur una ludere, tamen ita spectatorem se  
praebebat, ut ea quae gerebantur mira festivitate  
risuque comprobaret. Egressis tandem a fluvio cae-  
na dubia apponitur ex piscibus rostratisque avibus.  
Expectasti fortasse ut dicerem navibus; sed non est  
ita, non est. Sed aderant aves multae, vina pluri-  
ma, omitto caetera, quae cuncta opipare apparata  
fuerunt. Post caenam vero avide voraciterque, ut la-  
borantibus in aqua evenire consuevit, assumptam,  
deambulatio fuit equestris inter flaventes segetes, &  
amena vireta, ramosque foecunditate fructuum in-

cur-

curvos, qui longe lateque vagati cantantes alii, alii jocantes post multas variasque urbanitates ad ipsum amnem, quem antea vado trajeceramus, reversi, & in arena depositi luctantes inter se agricolas nudos, & lacertosos, qui placendi gratia convenerant, quasi in gladiatorio certamine usque ad primam noctis horam lectissime spectavimus, cum illi saepe violentia majoris roboris prostrati, & gravissimo casu ad terram elisi cenoque involuti uberem ridendi materiam nobis praeberent. Sed ego genera ipsa voluptatum, non singula ac minuta, nam id quidem longius esset, enarro. Scis enim tu, quam multa esse soleant inter familiares letos, & unanimiter ad festivitatem paratos. Denique hic dies procul dubio fastis ascribendus est, & meliore lapillo numerandus, praesertim cum eo turbationis devenerint res nostrae, de curialibus loquor, ut summo studio conquirendum sit aliquid, quod nos quacunque ratione ab illa amarissima cogitatione divertat. Vale. Lucae IIII. Idus Junii.

## XXI.

LEONARDUS S. P. D. PETRILLO  
NEAPOLITANO.

*De magnis Romanae Curiae turbationibus.*

**E**N quod jamdudum saepe inter nos collocuti divinabamus fore, ut nubila haec tempestas in dies magis magisque ingravescens procellam denique subitam horrendamque daret, tandem aliquando effectum est. Patres enim longa indignatio, iraque permoti relicto Pontifice abierunt. Quo qui-

quidem die nil aut procellosius, aut turbulentius fuisse unquam imaginari possum. Tuam igitur sapientiam valde euidem laudo, quod ista providens te ante Neapolim in tutum recepisti; me autem culpo, quod cum non minus fortasse quam tu ista providissem, subire tamen malui, quam vitare. Accipe ergo a nobis, quemadmodum res gesta sit; nam & avere te arbitror veritatem cognoscere, & falsa per eos, multa, qui ignorant, circumferuntur. Repetam igitur superiora quaedam ex eo videlicet tempore, quo tu a nobis discessisti, quo facilius rei gestae causas, progressusque intelligas. Fuerat Pontifex noster, postquam Roma abiit, menses aliquot Senis commoratus. Tempus interea venit, quo Saonae constituerat adesse. Id cum summa omnium bonorum querela tempus diffluere passus est, promissumque neglexit, contemptisque. Adversarius autem Pontifex Saonam, uti promiserat, venit, & quidem ad praescriptam diem, nostrique absentiam illudens singulis horis accusabat. O rem acerbam, & non praefentium modo Italorum, sed posteriorum quoque dedecus ingens! Quid enim turpius nobis accidere potuit? quid foedius? quid ignominiosius<sup>(1)</sup>? Locum pro unione Christianorum a nobis paulo ante sponte consultoque receptum, mox erectis cunctorum animis adire postea noluisse? Haec tu scribere audes, dicet quispiam, cum sis in Pontificis familiaribus? protinus ita. Quid enim nunc adulter, & alia sentire me fingam? unus quippe Christianorum sum, & unus Italorum. Alteros fraudari unitate, & pace, alteros ut infidos & foedifragos in crimen vocari disruptor.

Non

(1) Audax est Leonardus, & ea scribit, quae omittere satius fuisset. Ego vero nullus dubito, quin multa augeat, dum

eloquentiam suam ostentare vult; et si eadem tradant Ciconius, Oldoinus, aliquie,

Non tu igitur Pontificem amas? imo plus certe quam isti, qui mentiendo, & adulando diversa illi suaserunt. Ego enim veram Pontificis gloriam concupivi. Ea profecto fuit in unitate, & pace Christiano populo, ut promiserat, exhibenda, quo quid gloriosus, quid immortalius esse potuit? Isti vero, ut quomodocunque federet, etiam cum querela hominum suaserunt, quod qui gloriosius putant, dementes ipsi sunt, praesertim cum obscurum non esset, haec quae nunc evenerunt, fuisse ventura. Sed redeo illuc, unde digressus sum. Cum Pontifex Saonam non venisset, & adversarius ad praescriptum diem eo profectus nostram absentiam accusare nunciaretur; indignantibus cunctis, & aperte frementibus secunda quaedam navigatio, ut dici solet, recipitur, ut alter Pontifex in Veneris portum, noster vero Lucam veniret. Senis igitur per Mensem Januarium maximis nivibus profecti Lucam devenimus. Ibi utpote ex propinquo crebris ultiro citroque oratoribus missis acceptisque nichil res se habere melius apparebat. Nec sane mens in alio Pontifice sana erat. Sed occulebat ille quidem bona fronte malum propositum, & certe in causa superior habebatur. Nam & Saonam ierat ad praescriptum diem nostro turpiter deficiente, & postea, quasi vera cupido ines-  
set, Etruriae littus advenerat obviam strenue pro-  
fectus tarditati nostrae. Cumque in nostram, ut ita dicam, terram pervenisset, illud haud imprudenter dicere videbatur, se in littore esse velle, ne a clas-  
se tutelaque sua discederet longius: locum autem recusare nullum, modo littoreus esset. Haec illius summa erat. At noster quasi contra nitens ad littus descendere recusabat, mediterranea probabat loca, nec tamen omnia, sed ea tantum, quae se Pontifi-  
cem existimarent. Ita alter quasi aquaticum animal  
in

in siccum exire, alter quasi terrestre undas aspicere perhorrebat. Exacerbabat vero dolorem quod vulgo aestimabatur, neque illi si in siccum descenderet, neque huic, si littus adiret quicquam periculi subesse. Nec ipsi quoque id non intelligere putabantur, sed metum de industria fingere, quo desideria hominum frustrarentur. Erant igitur querelae ingentes, & aperta jam protinus oblocutio, indignabanturque omnes ea aetate homines, supra septuagenarium uterque est, quo paucos federent annos, & Dei metum, & hominum censuram posthabere. Haec erat hominum indignatio, & querela. De me autem si quaeris, ego deceptum Pontificem nostrum ab iis, de quibus supradixi, metumque inanem per malos suasores injectum illi existimabam. Conspiceram enim ab initio illius rectissimam voluntatem; mutatum vero ex se ipso bonum quidem virum persuadere michi non poteram. Nam si malignum putassem, non tu praevenisses abeundo. Cum esset hic status rerum, ecce nova turbatio superioritur. Constituit enim Pontifex noster Cardinales novos in Ecclesiam Romanam assumere. Hujus vero causae erant duae: una, quia fautoribus quibusdam suis gratiam referre cupiebat, praesertim id magnopere flagitantibus, alteraque, admiscendo vetustis Patribus novos assumptiones temperaturum se illorum vehementiam existimabat. Non enim dubium erat, Patres adversus hanc Pontificis voluntatem esse reclamaturos. Et est mos, nichil tale absque illorum consensu a Pontifice decerni. Fortiter igitur conandum ratus, Patres in consilium vocat. Convenerunt trepidi, & jam inde aliud alii suspicantes: paratur secreto locus, subsellia ponuntur. Prodit e cubiculo Pontifex, & in throno resedit: Patres inde suis locis confidere jubentur. Ubi confessum est, Pontifex

sex contra consuetudinem duos circa se familiares retinuit, ceteram multitudinem omnem exclusit. Id, sive ut interventu nostro, si quid opus foret, uteretur, sive aliam ob causam fecerit, incertum habeo. Mora quaedam prius, & silentium fuit; inde Cardinales aspiciens non satis leto vultu, praecipio, inquit, ut nemo vestrum assurgat. Haec prima illius vox cum mentes subita admiratione percussisset, alio alium aspiciente indignanteque, Henricus Tusculanus quid est, inquit, hoc Pater, & quid sibi vult istud praeceptum? Quandoquidem, inquit Pontifex, vobiscum nequeo recte agere, providere Ecclesiae volo. Ad hoc Henricus inflammato vultu, immo destruere Ecclesiam vis<sup>(1)</sup>. Hic cum indignarentur omnes, sedenter tamen, primus omnium Raynaldus Sancti Viti in Macello Diaconus vir, ut tunc visum est michi, omnium qui aderant cordatissimus repente assurgens, moriamur potius inquit. Est ille ut tu scis procero corpore. Itaque plerique post hunc surrexerunt. Sed in nova, & subita re prospicere licebat quid in unoquoque animi vigorisque inesset. Rubebant alii, alii pallebant, ira & jurgio alii, alii prece suppicioque nitiebantur. Columnensem ego vidi ad pedes Pontificis provolutum; rogantemque ne ita facere vellet; contra vero Leodiensem minabundum, & contumaciter incensum. Burdegalensis vero quasi medius quidam, modo iras leniebat, modo Pontificem precabatur. Ita re infecta consilium tandem dimittitur, praecepto tamen prius a Pontifice edito, ne quisquam Patrum Urbe

Luca

(1) Libertatem, qua utitur Leodinus in describendo, & fortasse augendo Sacrosanctæ nostræ Romanaræ Ecclesiae Schismate, haud equidem probbo,

eoisque improbaturos confido, qui Romanos Pontifices amili mecum veneratione prosequuntur.

Luca exiret, neve injussu suo convenienterent. Id rursus praeceptum non minus asperitatis suspicionisque habere visum est. Itaque majores confessim securi motus, omnia perruperunt. Leodensis siquidem post praeceptum illud Pontificis mutata veste Luca egressus aufugiit. Id cum auditum esset, immittuntur equites, qui illum vi reducere conentur. Hi ergo vestigia parum caute securi Pisanum in agrum discurrerunt, qui est in Florentinorum ditione, nec tamen Cardinalem ipsum apprehendere potuerunt, nam parum ante veniens in oppidum Librafactam se jam receperat. Rixa tamen non procul ab oppido coorta est & quidam ab equitibus vulnerati. Ea cum Lucae vulgarentut, Lucensis Princeps<sup>(1)</sup> veritus, ne Florentinorum iras quasi violato eorum territorio contra se provocasset, equites qui ea patraverant cum Lucam redirent, ad ipsam Urbis portam capi jussit. Erat Pontifex quoque sollicitus de equitum suorum errato, graviterque ferebat Florentinorum fines ab illis violatos. Itaque propere Marcellum Strozam virum clarissimum, qui tunc in Curia morabatur, & me quoque una cum illo ad se vocavit, dicit, quae gesta sint nullo suo iussu, sed equitum temeritate fuisse commissa. Nos ergo Florentiam oratores ire jubet, ac rem apud Civitatem purgare. Cum essemus in ejus conspectu, mandataque acciperemus, repente ingressus quidam nunciat Cardinales omnes uno agmine simul abire. Eo nuncio Pontifex aversus illico dimittere nos, ac aliis traducere animum coactus est. Neque enim falsa erant, quae de abitu Cardinalium nunciabantur. Nam illi quidem ex captivitate equitum recepto animo, prius enim Principem ipsum, equitesque for-

(1) Paulus nempe Guinibus, || Luca aufugere passus est, ut qui postea omnes Cardinales || infra scribit Leonardus.

formidabant, abeundi palam consilium suscepereunt. Adjuvit eorum coeptum Florentinus quidam Civis paucis ante diebus Lucam missus, qui tunc praefens ex hoc ipso occasionem nactus pro invaso territorio ab equitibus vociferabatur. Ob hujus maxime clamorem, & simul ob equitum injuriam conterritus Lucensis Princeps abire Cardinales passus est. Luca igitur egressi eodem die Pisas migravere. Spectaculum mehercule durum fuit, atque acerbum, Patres cernere abeuntes; sed acerbior paulo post michi apparuit Curialium secessio. Dividebatur enim multitudo tota, & quasi ab uno corpore membra divellebantur, aliis Cardinales sectantibus, aliis cum Pontifice remanentibus, plurimis vero incertis, & vacillantibus: querelarum, & detestationum plena erant omnia. Pontifex haud multo post novos Cardinales creavit quatuor: vellem melioribus auspiciis creatos; nam, nisi, fallor, multa, & terribilia impendent. Ego Pontificem non desero; tenet enim me familiaritatis jus, & officium, quod apud illum gessi, a quo salva existimatione mea recedere posse non videor. Affirmo tamen permulta, quae hic fiunt, michi nequaquam probari. Vale.



## Tom. I.

(1) Joh. Ser Cambii de Rebus gestis Lucensium ad an. 1408.  
Il ditto Papa (Gregorio XII.) pronunziò contra la volontà di tutti i Cardinali un suo Fratello nominato il Vescovo di Bologna, e suo Camarlenço: un suo Nipote nominato il Vescovo di Siena: un Erate Gio-

## E XXII.

vanni Dominichi dell' Ordine de Predicatori Fiorentino: un altro suo attinente nominato Protonotaro d' Udine: Ita Johannes. Errat tamen: nam Episcopus Bononiensis non erat Frater Gregorii XII. sed ex Fratre Nepos; ut Episcopus Senensis Nepos ex Sorore.

## XXII.

LEONARDUS RUFFO S.

*Cardinales reliquise Pontificem aliosque a  
Papa creatos.*

**A**Udivisti, quae hic turbationes coortae sunt. Patres enim, ut jampridem suspicabar, Pontificem reliquerunt. Magna profecto res, et, nisi fallor, initium maximarum novitatum, de quibus refert plurimum, quid sentiat Civitas vestra. Tu, si quid habebis, facies me certiorem. Ego Pontificem non deseram, non quod michi haec probetur causa, sed in familiaritate ejus cum fuerim, non videor absque reprehensione deserere illum posse: ita tamen perstabo, ut mei juris sim, nec quemquam offendam. Pontifex post discessum Patrum Cardinales assumpsit quatuor, in quibus est Joannes Dominici, quem Ragusinum dicunt. Vellem melioribus auspiciis creatus esset. Nam multa, ni fallor, impendent, per quae non esse praestet, quam esse. Vale.





LEONARDI BRUNI  
ARRETINI  
EPISTOLARUM  
LIBER TERTIUS.



## I.

LEONARDUS PETRO EMILIANO<sup>(1)</sup> S.*De statu Romanae Curiae.*

Uo in statu res nostrae sint, quibusque agitemur vel potius jactemur fluctibus, te audivisse, & audire quotidie scio, & nunc plenius de Zacharia tuo clarissimo viro cognosces. Quamquam difficile videtur, rem sic referri a quoquam posse, ut non multo a veritate ipsa, ac magnitudine

E 2 tur-

(1) Veneto, Episcopo Vicentino litteris multum, pluri-

mum prudentia decorato. Ita de eo Blondus in Ital. Inlustr.

turbationis supereretur. Ego autem mirum in modum discurcio, quod non absurum, quod non in aliquo urbano, vel suburbano, vel denique in aliqua silva inter spelea ferarum abditus hoc tempore lateo libris studiisque intentus. Quivis enim locus michi jocundus esset, modo hanc exitialem ruinam, & cineres ipsos crematae Ecclesiae, quos hic degens videre cogor, aspicere non possem. Itaque, & te felicem arbitror, qui vel Dei beneficio, vel singulari providentia tua jam pridem ab hujusmodi incendio eruptus sis, & me parum fortunatum, qui nunc in ista navicula fluctuant, ac pene summersa una cum ceteris naufragium facio. Super qua re te rogo atque obsecro, ut si quid habes, quo animum aegrum consolari possis, michi rescribas, & hunc dolorem vel eruere, vel lenire tua sapientia, & facundia conere. Hoc ego a te expecto. Marinum <sup>(1)</sup> Caravellum, & Zanchariam nostrum viros praestantissimos mirifice diligo: sed ut minus frequens, quam conjunctio familiaritatis nostraræ postulabat, cum illis versarer, temporis conditio, & rerum turbulentia coegerunt. Vale, & me dilige, mi jocundissime Petre.

II.<sup>(2)</sup>

## LEONARDUS NICOLAO S.

*De variis negotiis amicum monet.*

**L**AURENTIO, quem michi per tuas litteras commendasti, scribo, ut negotia ejus processere. Omnino illi cupio satisfacere, sed genus petitionis parumper exorbitat. De negocio autem Fefula-

(1) De his duobus Venetis Orationibus videndum Sanutus in Vitis Ducum Vener. ad an.

1407.  
(2) Haec desideratur in edit. Cl. Fabricii.

fulano animadverti, quanto studio annitaris. Itaque & ego in ea re tibi morem geram. Libros quos michi misisti accepi, e quibus volumen illud Aristotelis pergratum est, alterum nec multum cupiebam, priusquam viderem, & postquam vidi, confessim satiatus sum, nec puto michi a graeculo barbato satisfactum. Dii illum perdant. Tu vale.

## III.

LEONARDUS S. DICIT NICOLAO.

*Turbatam Curiam esse, seque indicat inopem consilii.*

**P**lures iis diebus a te michi redditae fuerunt epistolae omnes ferme commendaticiae, quibus si tardior in respondendo fui, ignosce precor non occupationibus rerum agendarum, quae nullae sunt in hoc tempore, sed perturbationi, & aegritudini, quibus assidue mirum in modum discrucior. Eum quippe in locum res deductas cerno, ut necessarium sit moerore confici, & quasi consternari amissa jam spe, ac in pejus labentibus in diem rebus. Sed his omissis, quae accusari facilius, quam emendari possunt, breviter respondebo. Quantum ad Fesulanum negocium attinet, vacabit quidem Ecclesia: sed tamen illi ipsi, qui prius tenebat, dabitur in commendam: sic enim in cunctis, quorum memoriam teneo, factitatum recordor. Itaque non videtur hanc curam in praesentiarum suscipiendam esse, & qui aliter existimant, consuetudinem, michi crede, ignorant. Ego tamen paratus sum quocumque in casu huic studium & diligentiam adhibere,

quoniam & justus vacationis est modus, & non omnino injustum desiderium; nam alterum illum, qui per ruinam alterius ad generalem bestialitatem ascendere cupit, utinam michi adesset potestas non de Monte Carmelo, sed de Caucaso praecepitem dejiciundi! Neminem cognovi adhuc virum bonum, qui hujusmodi pompas & insanias per hanc viam sibi ultra oblatas non repudiaret, nedum ambiendo, & flagitando perquireret. Ad sextum Idus Octobris constitui ad aquas Puteolanas lavandi causa proficisci; eroque fortassis ibi Octobrem totum, deinde constituam, quid michi in futura hyeme sit agendum. Si qua ratione me explicare ex hac procellosa tempestate possem, libenter ad vos tanquam in tranquillum aliquem portum me reciperem. Nam hic manentem multa undique conturbant. Primum istis non obsequor ut ipsi efflagitant, saepeque adversus eorum voluntatem contumaciter repugno, nec quicquam exequi volo, nisi quod mea aequitas patiatur. Alii vero praestantes viri, qui nuper secesserunt, meam hanc moram graviter, & inique ferunt, praesertim cum collega meus hic nuper abierit, & certe insalutato hospite. Itaque utrisque displico, istis quod non obsequor, illis, quod non sequor. In hujusmodi molestiis constitutus, quo me vertam nescio. Omnem hujusmodi deliberationem in redditum meum a balneis reservo. Deus bene vertat consilia nostra. Se quis XV. Kal. Octobris.



IV.<sup>(1)</sup>

LEONARDUS NICOLAO S.

*Arretii se aliquid novi exspectaturum significat.*

**V**eni Aretium Kal. ipsis Decembribus, sumque  
hic moram facturus, donec a Poggio aliquid  
rescribatur, qui instructus atque doctus de  
omni cura, & cogitatione mea ad vos profectus est.  
Circumspicite diligenter omnia quaeso, ut maturius  
quid agendum michi sit, statuere possitis. Vale.  
Aretii II. Nonas Decembris.

## V.

LEONARDUS NICOLAO S.

*Pertinaciae notam a se repellit.*

**Q**uod ad me ita scribis, quasi ad hominem du-  
rum, ac nimium pertinacem, qui nec ab  
amicis moveri possit, nec persuaderi sibi per-  
mittat, vehementem mi dulcissime Nicola, admira-  
tionem suscipio. Nam quis me facilior, & ab omni  
obstinatione, duricieque remotior? Quis amicorum  
sententiis morigeratior, & obsequentior unquam  
fuit? Atqui ego nuper Senis Poggio nostro commisi,  
de consilio tuo, & ceterorum amicorum, quid in  
illo negocio per me agendum foret, statueretur. A  
quo tamen nec Aretii permultas dies expectans, nec

(1) Haec deest in edit. Fabriciana.

postea Arimini tamdiu commoratus ullam, neque litteram, neque nuncium, cum quotidie anxius expectarem, & ex illo totus penderem, accepi. Non poteram in hanc suspicionem adduci, ut Poggius in re mea praesertim tam seria ac tanti ponderis torperet, ac per negligentiam labi tempora sic periculosa patet. Vos potius arbitrabar deliberabundos, & ambiguos propter difficultatem consilii, & incertitudinem rerum futuratum expectare, ut aliqua inde firma spes vobis ostenderetur. Tu ergo vide, & mature cum ceteris amicis nostris delibera. Vale Kal. Februarii Arimini.

## VI.

## LEONARDUS RICCIO S.

*Quemdam esse suspectum male sentire de Pontifice.*

**V**Ocavit me hodie Card. Senensis <sup>(1)</sup> ac vehementem querimoniam michi adversus germanum tuum exposuit, quod ipsum postea omni reverentia & obsequio honorasset, quod in praesentia Regis, & alibi cum multa contra Pontificem diccerentur, ipse praesens, & audiens nunquam restiterit, quod litteras, quae per Pontificem eidem transmissae fuerant, nunquam ostenderit, sed tacendo illius calumniis quasi consentientem se praestiterit. Addit etiam esse factum, ut Joanni Cincio Equiti Britanno, & Metensi Episcopo, qui Pontificis fa-

ve-

(1) Gabriel Condalmerius Venetus Gregorii XII. ex Sorore Nepos Praesbyter Cardinalis Titulo S. Clementis, ac Episcopus Senensis.

verbant partibus, fides derogaretur detestis eorum consiliis apud Regem. Haec omnia se accepisse ex litteris Veneti cuiusdam, qui Londonis negotiatur, affirmat, a quo commendationes germani tui saepius jam suscepit. Itaque non dubitare se, quin & haec quae superius dicta sunt, & alia insuper multa, de quibus ille non scribebat, contra honorem Pontificis fuerint ab eo peracta. Haec Senensis ad me, tanquam ad hominem tibi arctiori vinculo conjunctum cum indignatione quadam exprobravit. Ego quae pro tempore dicenda videbantur respondi, fecique meo solito more, ut ad mitigationem irarum conatus omnes adhiberem. Sed tu vide, quid agendum puttes: michi quidem ad mores istorum, & conditio nem locorum, in quibus Anconitana Ecclesia est, mentem vertenti major formido incumbit. Intelligis quid dicam; quare mature, & prudenter consilium sume. Arimini Kal. Februarii.

## VII.

LEONARDUS NICOLAO S.

*Quid agendum sit iis, qui Episcopatum desiderant.*

**B**inas proximis diebus abs te litteras accepi, sic tamen, ut quas tu prius dederas, michi posterius redderentur. In primis, quae michi hodie redditae sunt, intellexi amici tui, qui ut Deo servire sine inopia possit, Episcopatum desiderat opulentum, eximiam cupiditatem, & immaturam procul dubio festinationem. Atque ut huic parti ante  
om.

omnia respondeam , nec amicum tuum virum utique bonum , sed minime , ut michi quidem videtur , astutum spe vana deludi permittam , primo scias , de privatione illius , quo de scribis , nullam omnino in hac nostra Curia fuisse , aut esse mentionem , falsumque rumorem ea de re vestras ad aures pervenisse . Illud praeterea haudquaquam tacuerim , quod suam , & tuam prudentiam fugere non debet , in hujusmodi promotionibus Episcoporum necessarium esse , ut aliqua diligens , & operosa praeparatio antecesserit , per quam animi eorum , qui dare possint , ita dispositi sint , ut dare velint . Hujus ergo praeparationis , & opportunae , & necessariae , & sine qua qui sperat , stolidi ac vane sperat , in hoc amico tuo ego nichil video ; & si per me verbis dumtaxat fieri posse credatis in hoc tempore , & in hac tanta Florentinorum Civium multitudine , quibus aut pro adversa inclamatione , medicata , ut ita dixerim , offa praecludendae sunt fauces , aut pro favore , aut navata opera gratiae referendae , vehementer erratis .

*Aude altiquid brevibus gyaris , & carcere dignum ,  
Si vis esse aliquid , probitas laudatur , & alget .*  
 Haec ego scripsi liberius , ut intelligere possitis , alter per vos super hac re istic vigilandum , & providendum esse . Nam quantum ad me attinet , paratissimus sum , sed hoc non satis habet virium hoc tempore , tantaque ambitionis hominum cupiditate . Quare faciat ipse qui petit , ut aliquo memorabili obsequio , aliquave insigni re gesta nomen ejus apud Pontificem commendetur . Medio posuit Deus omnia campo , nec sedentibus coronaे , sed pugnantibus traduntur . Quod autem in eadem epistola scribis tibi meum adhuc consilium vehementer placere , est id michi quidem , ut ita existimes , pergratum ; sed Nicola noster contra sentit , Poggius vero ad utrum-

utrumque mussat. Itaque illud Horatii dicere nona  
immerito possum.

*Tres mihi convivae prope discordare videntur  
Poscentes vario multum diversa palato.*

Nunc venio ad alias litteras tuas. Expecto epistolas,  
quas michi ubiores, prolixioresque polliceris, quibus  
vellem, ut de Salutato responderes, quando Poggius  
noster, ut dudum Apollinis Delphici oraculum, ob-  
mutuit. Vale. Arimini Idibus Februarii.

## VIII.

LEONARDUS ZUCHARO S. P. D.

*Significat, qua ratione inter partes se  
integrum servet.*

**V**Ellem interdum michi scriberes, & quae istic  
agantur, quaeve sperentur, notum facere tua  
solita diligentia curares. Ego Arimini sum,  
verumtamen ita sum, ut meus sim, & meo arbitrio,  
non alieno vivam. Nichil enim facio, nichil scribo,  
nisi quantum michi placet. Placet autem tantum,  
quantum tu nosti. Nulla adhuc littera mea, ne  
unus quidem apex conspici potest, de quo quisquam  
in hac miserabili divisione possit querimoniam ad-  
versus me justam habere. Adeoque nota est omni-  
bus haec integritas mea, nichil ut omnino michi,  
quod ad hac divisionem spectet, demandetur, pro-  
cessus & hujusmodi pestilentias nec legere, nec scri-  
bere, nec ubi legerentur, scriberentur, adesse un-  
quam volui, quae res multum ad utilitatem, & grati-  
am michi obest. Sed obsit quantum vult; semel  
decrevi ita fore in Curia, ut neminem laedam. Si  
hanc

hanc integritatem servare michi liceat , morabor : si non licuerit , confessim abibo . Vale .

## IX.

## LEONARDUS NICOLAO S.

*Vetus tatis reliquiae Arimini Urbis quae sint , item quid differat civitas ab urbe .*

**E**isti mecum pro cetera tua diligentia , & vetustarum rerum eximia cura , ut si quid antiquitatis Arimini reperirem , tibi notum facere per meas litteras curarem . Quod postquam intellexi , tametsi antea sponte mea satis accurate visendi studio cuncta lustraveram ; tamen cognito desiderio tuo circumviri rursus urbem , omniaque perscrutatus sum , & quam diligentissime potui , singula quaeque prospexi , ut tuae quamaccumulatissime satisfacerem voluntati . Est autem Ariminum , ut te ignorare minime arbitror , Populi Romani Colonia antiquissima quidem , ac celeberrima . Sed evenit in hac , quod in ceteris antiquis urbibus evenire solet , ut reliquiae , ac monumenta quaedam vetustissimorum operum conspiciantur , verum ita ruinis quassa , ac vetustate ipsa consumpta , ut nec cuius figurae , nec ad quem usum fabricatae fuerint , quamvis diligentissimus prospector queat agnoscere . Duo tamen notabilia , & praestantia antiquorum operum monumenta , quae adhuc pene integra supersunt , digna annotatione , & visu speciosa , tibi quam minus inepte potero , describere conabor . Porta est sublimis ac magnifica lapide quadrato , & diligenti artificio perpolita , cuius antiquitatem ex litteris superne incisis

cisis conjecturare licet. Quanquam enim ex parte quadam disiectae; tamen & Consulis mentionem habent, & diphthongi quaedam secundum antiquam scribendi normam, ut pro viis *vieis*, & pro celeberrimis *celeberrimeis* more Graecorum, qui nonnunquam hujusmodi diphthongo utuntur, scriptae legantur. Ejus vero portae latera turres duae utrinque muniebant, quas tamen quia non item ex lapide, sed ex latericio fuerunt, jam antiquitas pene totas asumpsit. Habes unum monumentum, nunc aliud accipe non minus insigne. Pons est ex marmore ornatissimus ac pulcherrimus, quem, ut litterae ab utraque sponda docent incisae, Divi Augustus, & Tiberius dedere. Fieri potest, ut alter incepit, alter absolverit, vel ut ab altero destinatus, ab altero sit perfectus. Quomodo cunque sit, pontis structura est permagnifica, marmora undique decorant. Quatuor in alveo pedes habet, arcibus quinque ripas conjungit, latitudo est satis ampla, ut binae quadrigae adversum citatae se ad invicem non impediант, & via insuper ab utraque parte per gradus paulo altiores secundum parietes, qua pedibus iri possit, relinquatur. Parietes vero ipsi ex marmore sunt per hunc modum facti: singuli lapides deinceps positi per latitudinem recti, & a summo teretes suo tantum pondere, moleque subnixi viam utrinque muniunt, & pontis oras claudunt extremas. Quod autem pro magnificentia ejus operis maxime noto, longius trans ripam ab utraque parte structura pontis eodem ornatu facieque protenditur, ne mutatione alvei fallere, aut circumvenire amois possit. Via autem a ponte strata fuit lapidibus illis, quibus circa urbem Romam multa itinera strata fuisse cernuntur, extantque adhuc reliquiae quaedam, lapidesque ex eo genere passim jacentes pluribus in

locis conspicuntur evulsi. Ex iis vero duobus monumentis satis aperte judicari potest, hanc Urbem priscis illis temporibus majoris ambitus, quam hodie sit, non fuisse, sed aliquanto etiam minoris. Nam ea ex parte, quae Pisaurum, ac Fanum fortunae spectat, antiqua est porta, de qua supradixi, & ex opposita regione oppidi, qua Rennam versus itur, pons est Augusti, & Tiberii super flumen, quod urbem abluit: aliis rursus ex partibus tam versus mare, quam versus continentem moenia cernuntur vetusta, a quibus productum esse pomerium constat, & spatium antiquae urbis additamento non parvo amplificatum. Quod si quis forte non putat hanc, quam dico parvitatem, illi tam crebrae apud historicos mentioni, ac celebritati hujus loci convenire, majoremque, & ampliorem fuisse contendat; is cogitare debet ob opportunitatem potius hujus Urbis, quae extremis Italiae oris sita, Gallisque finitima accommodata erat, quam ob magnitudinem ejus tam frequentem mentionem haberi. Illud insuper considerandum est, quod plerosque non satis eruditos interdum fallit, aliud urbem significare, aliud civitatem: urbs enim est solum aedificia, & moenia ab orbe, quo locus cingitur, appellata. Civitas autem est congregatio hominum jure sociatorum, & eisdem legibus viventium; unde bonus vir, ut ajunt Stoici, ex urbe quidem pelli potest, ex civitate vero non potest, ut licet urbs ipsa parva fuerit, civitas nichilominus maxima & amplissima fuisse potuerit. Neque enim multum refert, ut opinor, intra urbem cives habitent, vel extra, modo iisdem legibus, unoque statutis consilio vivant, eisdem magistratus vereantur, muneraque, & honores simul capiant. Perusium, & Aretium parvas fuisse urbes ex utriusque antiquis moenibus aperte di-

discernitur; eaedem tamen Civitates magnae, & Etruriae capita fuere. An credis multitudinem civium, quae nunc est, cum illa quae tunc erat, aliquo modo comparandam? Dici procul dubio non potest. Quid ergo erat? & intra, & extra urbem civitas vocabatur. In ipsa vero urbe, quod erat praecipuum civitatis oppidum, fora erant & judicia, & magistratus, qui cum res postulabat, in concilium cives vocabat. Hoc etiam nomen ipsum civitatis attestari videtur. *Civis* namque vocare est; inde *cetus*, inde *cives*, inde *civitas*, inde etiam illa composita concio, concilium, conciliabulum, & alia hujusmodi congregationis vocabula ex eo dicta, quod multitudine varie dispersa in unum convocabatur. Qui vero ajunt civitatem dici, quasi civium unitatem, ii, cum eorum pace dictum sit, omnino delirant inscitia litterarum. Velim namque ab ipsis audire, num & parvitas dicatur, quasi parvorum unitas, & similiiter diversitas, & varietas, diversorum & variorum unitas. Probat insuper illa ratio, quod apud veteres distinctio fit inter *cives*, & *peregrinos*, non ut hodie facimus ineptissime quidem, sed tamen facimus. Imperitia enim non solum rerum, sed etiam verborum omnia in hac temporum nostrorum faece confudit inter *cives*, & *comitativos*. *Peregrinus Rex Numa Pompilius Romae fuisse* dicitur, quod erat ex Sabinis licet finitima civitate, tamen aliena, & Ciceronem nonnunquam malivoli propter immodi-  
cam judiciorum potentiam peregrinum Regem vocitabant, quod erat Arpinas origine. Haec dixisse velim, ut quam diversa sit urbis, ac civitatis significatio non ignoremus, nec admirationi sit nobis, si celeberrimarum ac potentissimarum olim civitatum parvas interdum urbes, & quae tantae celebritati famae non videantur respondere, conspicimus. Possem

sem ad hoc multa ex antiquis adducere , quibus ea ,  
 quae supradixi , de civitate , & urbe manifestissime  
 comprobantur , nisi vererer , ne in re manifesta te-  
 dium , ac fastidium prolixitas pareret . Sed redeun-  
 dum est , unde digressus fui . Tanquam enim , si  
 praesens tecum loquerer , facultatem quandam eva-  
 gandi licentius , & de tota antiquitate loquendi mi-  
 chi assumpsi , putans id tibi plus voluptatis , quam  
 molestiae allaturum . Urbem igitur Ariminum ve-  
 tustis illis temporibus minorem aliquanto , quam  
 nunc sit , fuisse appareat ; civitatem nichilominus lon-  
 ge majorem , ut supra dixi , arbitror fuisse . Ex mo-  
 numentis autem vetustis duo tibi descripsi , quae mi-  
 chi relatu digna videbantur . Sed postquam antiquo-  
 rum hujus loci monumentorum facere mentionem  
 institui , & liberius evagari epistola coepit , non prae-  
 teribo unum hujusc loci , ac pulcherrimum priscae  
 antiquitatis specimen , cui nec illa iuclita Roma ,  
 quae imperium terris , animos aequavit Olympo , ne-  
 que Athenae , aut Syracusae magnificarum quondam  
 urbium ingentes ruinae quicquam par , aut simile in  
 suis hodie reliquis habent . Est autem hoc non mar-  
 mor Parium , non lapis Numidicus , non Phidiacum  
 ebur , non Corynthium vas , non statua ex aere , aut  
 marmore fabricata , non aedificium , non pensiles hor-  
 ti , non cochlea columna , non theatrum , non obe-  
 lisca , non signum , non tabula , non toreuma res  
 mutae quidem , & puerorum oblectamenta , sed praef-  
 stantissimorum virorum , eorum dico , quos stupidi le-  
 gentes admirari , & quorum memoriam venerari so-  
 lemus , vivam & animatam effigiem . Virum enim  
 praefstantissimum , & michi crede , qui quam lentus ac  
 diffidens laudator esse censuerim non ignoras , virum  
 inquam praefstantissimum ex illo prisco genere ho-  
 minum in hac urbe inveni Carolum Malatestam

Prin-

Principem hujus civitatis, quem quotiens intueor, totiens michi aliquem M. Marcellum, aut Furium Camillum invictissimos bello duces, & eosdem in pace mitissimos atque optimos viros, legibusque obtemperantissimos videor intueri. Crede michi Nicolae, non te fallo, nec ipse fallor. Nunquam vidi hominem, qui magnitudine animi, & ingenii praecellentia, aliisque summo Duce dignis virtutibus ad antiquos illos illustres viros proprius michi videtur accedere. Nec tamen nunc a me in hoc viro tibi recensendo laudationem oratoriam, & dicendi artificium expectes. Illis enim hujuscemodi ornatu opus est, quorum virtutes, ac res gestae satis per se ipsas formosae non sunt, ut mulieres videmus illas maxime fuso ornatuque inniti, quae sua ac vera pulchritudine carent. Praeterea nec tempus, nec propositum meum, nec epistolaris brevitas patitur me nunc per rhetorum praecepta discurrere, & panegyricas commendationes excerpere. Itaque illa praetereo, quae de generis claritate, quae de amplitudine ac gloria majorum, quae de fortunis ac facultatibus, ceterisque hujus generis verissime, & accumulatissime possem, si in his demonstrandis occupatus esse vellem, referre. Quid enim attinet splendorem familiae, ceteraque hujuscemodi in hujus laudem adducere, cum ipse quocunque in loco natus susset, propter egregias virtutes sibi ipse fuerit nobilitatem gloriam, & amplitudinem pariturus? Illud tantum breviter & summatim dicam, ex clarissima hujus familia praestantissimis ac summis viris continua successione referta, sic omnes superiorum virtutes Dei munificentia in istum collocatas, ut quicunque in hac familia aut consilio, aut magnitudine animi, aut strenuitate, aut justicia, aut liberalitate conspicuus fuerit, in hoc uno tamquam legitimo omnium suc-

cessore cunctae hujusmodi superiorum suorum praestantissimae dotes appareant. Est enim, ut quidem videtur, prorsus mirabile, quam multis ac variis rebus hic Princeps excellat. Et primum in rebus bellicis quanta hic vir gloria sit, quantumque judicio omnium, qui rei militaris peritiam habent, excellere putetur, consentiens omnium fama testatur; extantque res ab eo gestae magnae quidem ac memorabiles, & ab ipsa adolescentia continuatis victoriis feliciter confectae, in quibus & generosa celsitudo cordis ad pericula capessenda, & inter ipsa pericula invictum corporis atque animi robur apparuit. Rursus ad pacem, atque ad eas res, quae sine armis geruntur, si te vertas, invenies consilii maturitatem, & prudentiam singularem, quae in hoc viro tanta est, quantam & acumen excellentis ingenii, & multarum ac maximarum rerum tritus & diuturnus usus maximam in homine efficere potest. Accedit ad haec illud meo judicio mirabile, ac nescio si recte dixerim, stupendum, quod vir in his rebus, quae a studiis abhorrende videntur, occupatissimus tantum literatura, & doctrina pollet, quantum pauci assequuntur ex his, qui universam aetatem in hujuscemodi studiis posuerunt. His adjicias illa praeclera, sine quibus omnis praestantia in Principe deformatur, modestiam, honestatem, mansuetudinem, tranquillitatem, religionem, sanctimoniam, integritatem, & haec omnia egregia. Est praeterea tanto naturae munere, ut ad singula praecipue natus videatur: celerrime legere, versus facere, soluta oratione eleganter dictare, & quod in robustissimo corpore mirandum est, nec ipse de eo scriberem, nisi de divo Augusto, ac divo Tito Vespasiani filio idem legifsem, ita venuste propria manu scribere, ut omnes librarios vel adaequare faciliter, vel superare possit.

Ita-

Itaque haud facile dixerim robustior an doctior, corpore an mente validior atque aptior, justior, an ingeniosior sit aestimandus. Sunt insuper, qui felicitatem ejus ex successibus rerum bene gestarum magnifice extollant, quod equidem tribuendum puto cum industriae summi viri, tum ejusdem justiciae, ac pietati: verbum est enim Furii Camilli, omnia prospere evenire sequentibus Deos, adversa spernentibus. Nolo quemquam ex antiquis praestantibus viris in contentionem adducere, sed certissime confido, cum de vetustis rebus a me quaesiveris, hoc specimen antiquitatis nequaquam fuisse praetereundum. Vale. Arimini X. Kalendas Martias.

## X.

LEONARDUS PETRO EMILIANO S. P. D.

*Excusat se, quod non frequentius scripsiterit.*

**O**Pinor tibi non satis manifestam solum, verum etiam satis probatam esse causam, cur per hosce menses ad te scribere haud multum properaverim. Cum enim epistolarum officium sit, ut absentis de his rebus, quae apud nos geruntur, certiores faciamus, atque ego apud eos degerem, quorum opera ac voluntates a te minime probari sentiebam; committendum non censui, meae ut literae, in quibus praesertim nichil utilitatis ad corrigendam emendandamque prolapsam rempublicam inesse poterat, aliquid aut suspicionis, aut offendionis contraherent. Scis enim, quia ubi adversus quempiam infensi sunt animi, omnis omnino communictio, etiamsi nichil habeat nocimenti, molestissima

est. Quamobrem intermisi equidem ad te scribere, cum tamen amor erga te meus nullam intermissionem caritatis aut benivolentiae pateretur. Nunc autem quoniam ex eo loco, in quo nichil aliud, quam jus quoddam familiaritatis me detinebat, decreto Florentinae Civitatis revocatus sum, & jam sine cuiusquam offensa scribere posse videor; dabo operam, ut quam intercapedinem abstulit condicio temporis, hanc jam liber, & omni solutus cura animus exsupplet. Hoc item a te, qui iisdem, ut opinor, rationibus adductus longum michi litterarum tuarum silentium praestitisti, nunc submota causa censeo faciendum. Sic & quod intermissum est, assiduitate crebritateque faciliter instaurabimus, & non longi temporis incommodum longa, atque continua comoditas leniet. Vale.

## XI.

LEONARDUS S. D. ANTONIO.

*Qualis veri magistratus animus, qualisque corrupti.*

**I**Ngentem voluptatis partem peregrinatiunculis meis defuisse existimo, quod nec Florentiae, nec Aretii tecum esse potuerim, sed alternatis temporibus, dum ego Florentiam venissem, tu Aretii fueris, dum rursus Aretium peto, tu Florentiam remigraris. Super qua re vix est, ut non putem michi fortunam invidisse, & cum cetera, ut optarem, praestaret, hoc unum denegasse, ne cupiditas mea penitus impleretur. Valde tamen molestius michi fuit, te Aretii non invenisse quam Florentiae; primo quod

quod non quemadmodum Florentia Aretium, sic Aretio Florentiam petiturus eram. Deinde quod licet prius esset apud me firmissima de tua probitate constituta opinio; tamen ita magnas, & egregias laudes admirabilium virtutum tuarum, in ea Civitate, quae te proxime semestri cum imperio praesidentem experta erat, audivi, ut longe magis inflammatus sim ad benivolentiam, & caritatem tui. Itaque valde angebar animo, facultatem michi ademptam tibi praefenti e vestigio gratulandi. Fuit enim profecto virtus omni tempore admiranda, sed aetate nostra tanto magis, quanto bonorum virorum penuria est major, praesertim in magistratibus, ubi propter licentiam peccandi abstinere se difficilius est. Plerisque enim non tam voluntas malignandi deest, quam facultas. Cui vero cum licuerit, non libuit, in eo cognita, & spectata est bonitas. Enarrare quidem non possem, quantopere universam civitatem in te conversam repererim, quam amplissimis commendationibus te, ac nomen tuum, ubicunque sermo inciderit, prosequantur, quam satiari nequeant tuam justiciam, integritatem, abstinentiam, moderationem, humanitatemque memorantes. Praetereo illa, quae tibi communia sunt cum multis. Hoc vero egregium, & ut sunt mores nunc maxime, luculentum, quod te unum fuisse ajunt ex illo sanctissimo genere hominum, qui non putares praedam tibi concessam, cum gubernatio subjectorum demandaretur. Qui non vexationem, & spoliationem hominum tuae dictioni potestatique mandatorum, sed tutelam, & sublevationem tibi commissam arbitrarere. Nolo quenquam meis litteris attingere, nec ex aliorum malefactis virtutem tuam extollere: sed tamen vereor, ne ea de causa haec a te observata homines in admirationem convertant, quod rarissima sunt

hujus probitatis, integritatisque exempla. Nam usque adeo conversa est res, tantumque potuit cupiditatum vesania, ut impunitatem, & praedam se nactos existiment, quibus magistratus, & imperia committuntur. Ac si vera fateri volumus, fasces, & secures nostri temporis nichil aliud sunt, quam mercimonia, vel potius latrocinia quaestus & rapinarum causa sceleratissime comparata. Itaque illi maxime iusticiam violare didicerunt, quibus ad justiciae tutelam publice arma, gladiisque traduntur. Quo quid perversius esse possit non equidem intelligo. Natura enim ita comparatum est, ut in rectoribus praeponenidis populorum tantum quaeratur utilitas, punire maleficia, facinorosos absterrere, discordias tollere, de commodo eorum, qui reguntur, cogitare, rapiñas, damna, injurias, contumelias non solum non inferre, sed etiam ne alter quisquam inferat, prohibere, abstinentia, & integritate in omnibus uti. Quid ergo scelestius, quid proditioni similius, quam ut ea facias, ad quae prohibenda custos praefectus sis? At enim quid sibi habebit is, qui magistratum gerit? An non aliud quicquam, nisi laborem, gerendique molestias? Habebit profecto, & quidem rem maximam, omnię pecunia, lucroque potiorem. Id autem erit honor, & gloria, ad quem omnis pecunia comparata vilescit. Cui autem hoc non satis est, is nunquam bonus erit Gubernator. Recta igitur partitio fuerit, ut qui reguntur utilitatem, rectores autem honorem percipient, quod & ista, quae feruntur, instrumenta declarant. Quid enim quaeferant homines magistratum inituri? Vexilla credo, & equos, & stragulam vestem, sagulaque, & parmas & lulos, ac cetera hujusmodi, quae quidem omnia non pecuniae captandae, sed splendoris, ac magnificentiae sunt instrumenta. At enim mercator

cator quaestus gratia proficisciens nil tale secum defert, sed libros, & calculos. Lucri igitur, & honoris quaerendi diversa admodum ratio est, diversique apparatus, quae duo nunc plerique confundunt, ad lucrum, & pecuniam cuncta referentes, perinde in magistratibus, ut in mercimoniis quaestuosi. Tibi igitur gratulor, qui verum iter ingressus non quantum pecuniae, sed quantum laudis ex magistratu referres, cogitasti, quem neque cupiditas animi a ratione distraxit, neque superbia ab aequabilitate. Itaque non jam alium tibi imitandum proponam, sed ut te ipsum imiteris exhortor. Nichil enim tibi deerit ad laudem, si te posthac praefitieris quam simillimum tui. Vale.

## XII.

LEONARDUS RUFFO S.

*Magnam multitudinem Pisani Concilii esse.*

**A**D III. Nonas Apriles cum Pisas venissem obediens Patribus, qui per crebras me litteras evocarant, offendit rem Concilii opinione meliorem; ita frequens jam multitudo coivit, & quidem excellentissimorum hominum, tamque in dies singulos cumulatur omnibus undique confluentibus, ut vix suffictura haec urbs magnitudini conventus videatur. Collegio autem Patrum nichil humanius nichilque vigilans. Expectantur Britanniae Episcopi, qui cum Burdegalensi propediem affuturi dicuntur: Processus interea legitimi fiunt adversus Pontificem nostrum. O rem duram, sed tamen necessariam, quando ille post malos suasores abiens pro-

missa, jurataque contempsit. Alamannum Archiepiscopum Pisatum propinquum tuum hominem omni laude dignissimum convenio frequenter, ac de te sermo nobis creber est. Haec tibi scripsi potius, ut litteras tuas elicarem, quam ut quicquam haberem, quod magnopere nosse te vellem. Tu michi aliquid prolixius rescribas rogo, praesertim de studiis tuis, quae multo malim, quam acta Concilii perdiscere. Vale.

## XIII.

LEONARDUS NICOLAO S.

*Quaedam vetusta exemplaria amicum sum  
reperiisse.*

**I**N hac ipsa hora cum tibi scribere pararem, litterae tuae michi redditae fuerunt; primo igitur dicam quod dicturus eram, deinde tuis responderebo. Bartholomaeus Cremonensis michi hodie affirmavit, se Ciceronis epistolas ex vetustissima littera reperiisse. Contempsi primo, mox cum magis magisque asseveraret, confessim domum ejus visendi studio me corripui, quo in loco michi ostenditur volumen antiquissimum sane, ac venerandum. Sed dum avide evolvo, ac singula scrutor, invenio epistolas ad Brutum, & ad Quintum Fratrem, eas vide licet ipsas, quas habemus, & septem dumtaxat ad Atticum libros. Fuit id minus quam optarem; sed tamen opinor aliquantulum inerit lucri ad nostras emendandas. Illud satis constat, quas antea habuimus, ex eo volumine non fuisse transcriptas, cum ibi non plures, quam septem ad Atticum libri, nos vero,

vero, ut opinor, quatuordecim habeamus. Nonium Marcellum dicit se in dies expectare. Haec tibi nota facere constitueram prius. Nunc ad litteras tuas. De libro eligendo utrumvis eliges, bene erit & quos meo nomine habes, habebisve, quaeso diligenter conserva. De Augustiniano autem negocio litteras uberiores expecto. Gorgiam per hunc Ricci puerum tibi mitto. Tu, si commode fieri poterit, dabis operam, ut quam celeriter transcribatur. Vale. Pistorii Kal. Novembribus.

XIV.<sup>(1)</sup>

LEONARDUS NICOLAO S.

*De Guarino, Chrysolora, aliisque rebus  
commonefacit.*

**Q**UOD de Agathocyrlo scribis, me quidem in ea re quominus respondere tibi aperte queam, prohibet consideratio antiqui librarii, quem nec ejicere honeste, nec una retinere commode possum. Suspicor tamen hunc per se emigrandi consilium sumpturum, quod si faciet, continuo Agathocyrum vocabo. Graecorum vitam legit nunc Antonius Luscus<sup>(2)</sup>: cum eam praelegerit, ad te deferetur. Cum haec superiora jam exarassem, aliae michi litterae tuae delatae fuerunt, quas XIII. Kalendas Martias ad me dederas. De Agathocyrlo satis su-

per

(1) Haec in edit. cl. Fabricii

(2) Vicentinus, Secretarius A-  
postolicus, cuius nonnulla  
MSS. extant in Bibl. Lau-

rentiana. De hoc ita Cortesi-  
sus: *Antonius Luscus fuit Rhei-  
tor quoque non contemnendus,  
quem etiam indiscutibiliter dicunt  
fuisse.*

per expressi. De Gracchis quid Cicero scripserit non ignorabam, & est varia apud illum relatio, ut alibi deprimat illos, alibi tollat. Nec id mirum, cum & illorum acta fuerint varia; ab optimis enim initius profectos contentiones civiles longius evexere, ut sint quae laudari, & quae damnari possint. Ego tamen de his alias ad te rescribam plenius. Haec satis ad litteras tuas. Sed tu accipe, quae apud nos noviora: Joannes Graecus miles Bononiam venit ad XI. Kal. Martias. Secum habet Demetrium non Poliorcitam, & Guarinum Veronensem<sup>(1)</sup>. Hic ut gustare primo aspectu potui, Juvenis est apprime doctus, & qui tibi placere non immerito possit. Miles satis habuit vestes portare, quae apud eum levissimae sunt: nam libros, quoniam graviores esse videbantur, omnino reliquit. Manuel vero Chrysoloras nescire se adjunt, ubi terrarum siet. Conjectari tamen, illum in Hispania esse. Vale.

## XV.

## LEONARDUS NICOLAO S.

*Praeter alia, quae haec continet, scribit se nolle Religiosum juvare, ut Monasterium relinquat.*

**V**Alde cupio, meae ut aliquando litterae tibi fastidio sint non ob inconcinnitatem, nam id avertat Jupiter, sed ob nimiam crebritudinem, quod tamen nescio, an unquam continget.  
Gua-

(1) Leonardus fere aequalis fuit  
Guarinus Veronensis, doctus  
Magister. Ita Cortesius, apud  
quem plura. Vide Blondum,

Volaterranum, Gyraldem, ac  
cl. Maffei Lib. III. Ve-  
ronae Inlastr.

Guarinus tibi praesto aderit, quem praesentem intueri, ac perspicere licebit. Expectas judicium meum? Ego & alias scripsi ad te, & nunc magis etiam confirmo eruditissimum michi videri, & quem tu probare non immerito possis. Illud per molestem est, quod miles libros attulit nulos, graves esse putavit: ipse vero decreverat nichil praeter levitatem secum afferre. Itaque illos omisit, vestes autem nequaquam gravi homine dignas attulit. Quare populus concursat, Curia ridet, ego digito compesco labellum, & quo me vertam, nescio. Veteor enim, ut nunc mores sunt, ne ut olim Chaldaeи ex urbe Roma, ita nunc Graeci ob has ineptias e Curia pellantur. Mitte quae<sup>o</sup> eos, quos jam pridem flagito, codicillos. Pro Religioso autem illo, qui Religionis pertaesus exire cupit, miror, te usque adeo vehementer antiti, quasi vero desiderium aut honestum, aut tolerabile videri possit. Nam quod causas allegat, velamenta quidem illa sunt inconstantiae, & vacillationis, quae quem tu haec eadem allegare non putas? Itaque ne me roga quae<sup>o</sup>; sed siue rogabis, siue non, ego tamen nichil agam. Vale.

## XVI.

LEONARDUS NICOLAO S.<sup>(1)</sup>*De negocio sibi commisso bene sperari jubet.*

**N**ichil michi longius visum est, quam ut litteras tuas diu quidem intermissas recipere, quanquam leniebatur desiderium meum spe propinquai reditus, quem in dies singulos distuli, & adhuc

(1) Hanc omisit cl. Fabricius.

adhuc differre non desino. Nunc ad rem, pro qua Pontifici Maximo supplicari voluisti, breviter, & pauca respondebo. Omnia ut spero consequemur secundum sententiam, & quidem intra paucissimos dies. Data est enim forma, ut ego cuncta in libellum redigam, atque una cum Florentino Cardinali, is est Zabarellus noster<sup>(1)</sup>, discutiam, & censem quid agendum sit. Non ergo dubito, quin ita arbitremur, ut vos ipsi optatis. Una dumtaxat res admirationem Pontifici dedit, quod Religiosos ex observantia B. Augustini dicit sibi antea inauditos. Sed nisi fallor, id non oberit: vel quia reperiemus exempla, vel quia etiam si opus sit, bonis in rebus novum exemplum laudabiliter institui posse faciliter persuadebimus. Vale.

## XVII.

LEONARDUS POGGIO<sup>(2)</sup> S.

*De suarum nuptiarum impensis, & magnificentia.*

**A**D XV. Kal. Apriles Aretio rediens deflexi iter in patriam tuam<sup>(3)</sup>, ibique parentes tuos vidi utrosque sane incolumes. De sorore autem nuper nupta, itemque de ceteris tuis prospera michi retulerunt. Itaque summatim tibi scribere possum more majorum, recte sunt apud te omnia. Inde

(1) Francesco Zabarella Padovano Cardinale Dottore eccellen-  
tissimo, e sommo Teologo, e Mo-  
narcha di Scienza, che compo-  
se in ragione Canonica, ec. Ita  
in Ducibus Venetis Sauitus.  
Hunc inter doctissimos Cardi-

nales recensuit Ascoltus. Vi-  
de Ughellum.

(2) Bracciolino, Pontificiarum Epistolarum Magistro, ac Leo-  
nardi nostri Collegae.

(3) Terranovam videlicet.

Inde Florentiam reversus suscepi abs te litteras, quibus etsi longioribus vigiliis ita confectus, ut dormire quam scribere praestaret; tamen ut potero respondebo. Primum igitur, quod Zucharum virum omnium suavissimum, facete, ut solet, dictare scribis me quidem ut matrimonium consummarem abiisse, se vero remansisse ad patrimonium consumendum, id aperte scias verum non esse. Ego enim non matrimonium dumtaxat, sed patrimonium insuper unis nuptiis consumpsi. Incredibile est, quam multa impendantur his novis & jam ad fastidium usque deductis moribus. Nec ego nunc sane de conviviis loquor, quanquam est acta illa res a me non tibiis disparibus, ut est apud Comicos, sed paribus, nec unis, sed pluribus. Aderat insuper Pincius Citharedus nobilis, meministi, opinor, ejus, qui apud mulieres quandoque in conviviis querebatur, quod illae federent, cum Pincius erectus staret. Hinc tu frequentiam existimare potes. Vacuefeci forum, & aromatarias tabernas, coquos, farctores, aucupes notos, & ignotos pariter fatigavi. Verum haec licet sint magna, tamen non sunt magna, propterea quod rumoris plus habent, quam impensae, & plus strepitus inferunt, quam damni. Sed illa intolerabilia, quod vestitu, mundoque muliebri nullus est finis. Vellem, ut Romani isti tui, quibus ex vetere gloria nichil praeter inanem jaestantiam remansit, aurum, argentum, purpuram, margaritas, ceterumque ornatum mulierum Florentinarum conspicerent, ut desinerent aliquando tam absurde de se ipsis opinari. Sed haec Zucharus noster efficacius redarguet, Nos ad reliquam partem litterarum tuarum accedamus. Quod enim quaeris, quemadmodum appellare me in hac nova militia debeas, res gestas meas tibi breviter exponam, tu postea, ut dignum putaveris

veris, vocitato. Si militariter loqui oportet, quoniam  
& tu hanc novam militiam dixisti, sic accipe. Ca-  
stra, ad quae capienda veneram, prima vigilia ador-  
tus expugnavi, victoria non incruenta fuit. In illis  
ego castris nunc insideo, quanquam die quidem va-  
gor latissime, nocte tamen in illa ipsa castra rever-  
sus, pervigilia custodio. Itaque tu sive ducem, sive  
tribunum, sive centurionem, uti libet, appella. Si  
tamen audies me, caligatum militem vocitabis non a  
caligis, nam illas lectum ingressurus statim depono,  
sed a caligine oculorum. Sic enim jam vigilavi, ut  
singula michi prospecta bina videantur. Vale, &  
Zucharum nostrum meo nomine salvere jubeto. Iter-  
um vale. Florentiae XV. Kal. Apriles.

XVIII.<sup>(1)</sup>

LEONARDUS NICOLAO S.

*Quid in negocio Religiosorum B. Augustini  
transactum sit.*

**S**cipsi nuper, quod actum esset, quidve sperarem  
de negocio Castaneano. Postea vero cum esse-  
mus in summa & firmissima opinione confe-  
ctum iri, supervenit Olivetanorum importuna postu-  
latio. Statim illi ad me per Pontificem rejecti sunt  
ac subinde simul audit. Ab illis vicinitas locorum,  
& multa quae haec tenus perpepsi ob vicinitatem fue-  
rant, dicebantur. Ego quae causae nostrae profutura  
existimavi, in medium protuli, nec praetermissum est  
a me quicquam. Nam & conformitatem regulae &  
voluntatem Prioris se se ac locum ipsum subjicere

cu-

(1) Hanc praetermisit Jo: Fabricius.

cupientis, & desiderium insuper tuum & tuorum, & alia cuncta, prout tempus patiebatur, explicui. Nec fore vicinitatem ab illis pertimescendam, cum pro bonis malos, pro neglectoribus regularis observantiae cultores, professoresque forent in posterum habituri. Tandem, ut Oratores vocant, admiscui: Pontificem enim obtestatus sum, ut meum hoc negotium putaret: iis siquidem amicitiae vinculis adstrictam esse conjunctionem nostram, ut nichil posset ab eo praesente me contra rem tuam statui, quia contra honorem, existimationemque meam constitui videretur. Auditus sum diligenter a Pontifice Maximo, maximeque eum movere visa est ea pars, in qua coniunctio nostra allegabatur. Denique Olivetanis palam edixit, se invito te nichil facturum; proinde si considerent vi postulationis suae, id tibi persuaderent, nam & sibi postea fore persuasum. Cum ergo illi ostenderent se apud te hoc facile impetraturos, & dicto Pontificis acquiescerent, postularunt, ut supersederetur in causa, donec tecum agere possent. Non repugnante me illis concessum est. Tibi itaque tributus est honor meo judicio maximus. Quid enim majus esse potest, quam a Pontifice ipso ad te rejici? Dices ergo quid nunc agam? Primum rogo te, ut quod Deo futurum acceptius sit, id sequare. Deinde per tuas litteras Pontifici scribas quid velis; nam id fiet, nec est, quod scribere reformides. Ita enim scribas, ut si ad me. Unum praeterea non reticebo. Zabarellus noster, contra atque ego opinabar, totus pro Olivetanis est; & affirmat se, Episcopus Florentinus cum esset, locum ipsum Olivetanis concedere statuisse, ac si diutius in Episcopatu perseverasset, procul dubio fuisse facturum, quod Pontificem ex certo ambiguum reddidit. Habes omnia. Et supersedebitur in causa, nec

te

te invito Olivetanis dabitur. Tuas litteras expectamus. Haec, quae ego ad te scribo, aliis quoque, qui una tecum scripserunt, referre poteris. Ego propter occupationes respondere illis omitto.

## XIX.

## LEONARDUS NICOLAO S.

*De quibusdam verbis quomodo reddat latine dubitat.*

**Q**UOTIENS ABS TE LITTERAS ACCIPIO, TOTIENS STIMULOS SUSCIPIO AD STUDIA LITTERARUM. ETENIM STUDIA MEA IN HUNC LOCUM DEDUCTA, IN QUO NEQUE SOCIMUM ALIQUEM, NEQUE PERITUM EARUMDEM RERUM INVENIRE POSSUM. FATISCIERENT UTIQUE, AC VELUTI ARESCERENT, NISI PER TUAS LITTERAS VELUTI FACES QUALDAM REFRIGERATO INGENIO ADMOVERES. PER HOS Igitur DIES CUM OCIO ABUNDAREM, ORATIONEM AESCHINIS IN CTESIPHONTEM LATINAM FECI. UTINAM ADESSLES, UT UNA ILLAM LEGEREMUS! & UTILITAS QUIDEM DUPLEX PROVENIRET. NAM CUM PER SE IPSAM EST LUCULENTA, MULTISQUE RHETORICIS ORNAMENTIS PICTA, TUM ORATIOILLA DEMOSTHENIS, QUAM OLIM CONVERTI, QUIA HUIC RESPONDET, MULTO ERIT ILLUSTRIOR EX HUJUS COGNITIONE. QUO ENIM PACTO EXCUSATIO PLACERE POTEST, SI ACCUSATIO IGNORRET? HANC EGO PRAETULI CICERONIS VITAE, QUOD ISTA ORATORIA NESCIO QUA RATIONE ME PLURIMUM OBLECTANT, ATQUE UT TOTUM SCIAS, LIBRUM HIC HABEO NULLUM PRAETER HAEC IPSA, QUAES CONVERTO. EAQUE RES MICHIS INTERDUM OBEST. NAM SAEPER DE VERBIS AMBIGENS, AD QUEM RECURRAM, HABEO NEMINEM. HERI ME SUSPENSUM HABUERUNT DUO, DE QUIBUS TE LIBRORUM DIVITEM  
CON-

consulam. Απὸν Graeci dicunt, ut ita loquar, *maledictionem*. Id verbum michi non placet, quia nec elegantiam, neque dignitatem, neque sonum habet. Dux igitur imprecationem. Tu vide quaeſo Livium ubi foedere per Fetiales solemnibus verbis peragit, ibi opinor aliquid invenies, quod nobis ad expressionem ejus verbi sufficiat. Praeterea ἔνθες Graeci vocant eos, qui aliquo terribili, maximoque Deorum judicio sic affecti sunt, ut nec ipsis, nec qui cum illis versantur, prosperum quicquam esse possit. Hos michi quo nomine appellem, non sane occurrit. Nam pollutos aut infaustos dicere non omnino placet. Tu vide, & sapientiores, idest libros consule. Litteras Cautii nostri legi gaudens Capram<sup>(1)</sup> nostrum esse non incolumem modo, verum etiam in culmine. Postquam haec scripseram occurrit michi, ut pro αὐτῷ execrationem diceremus. Id opinor optimum fuerit. Vale.

XX.<sup>(2)</sup>

LEONARDUS NICOLAO S.

*Nonnulla Aeschinis verba exscribit.*

Cicero cum has orationes, quas ego latinas feci convertisset, addidit proemium, quod perditis orationibus extare nunc etiam credo, & si

Tom. I.

G

non

(1) Bartholomeum Capram, de quo supra: qui apud Jo- han. XXIII. tanquam Gre- gorii XII. studiosus cum ac- culatus fuisset, ab eodem Cre- monensis Infulis spoliatus est. Sed perspecta ejus inte- gritate, idem Joh. Pontifex

pro Episcopatu Cremonensi Mediolanensem Archiepisco- patum Caprae tradidit. Vide Aris. Tom. 1. Crem. Litte- ratae.

(2) Haec desideratur in edit. Fabriciana.

non erro, videor meminisse. Hoc ego velim diligenter quaesitum ad me mittas, ut quantum valeam, me summo viro propinquum afferam. Placebit tibi Aeschinis oratio. Est enim<sup>(1)</sup> . . . Vale. Subdam tibi unum locum oratorie dictum ab Aeschine, ut aliquid degustationis tibi praebeatur. Post redargutionem mendacii cuiusdam sic inquit. Etenim hoc Demosthenes praecipuum habet. Nam aliqui cum mentiuntur, obscura & iodeterminata dicere conantur redargutionem formidantes. Demosthenes vero cum mentitur, primum cum jurejurando mentitur sibi eversionem imprecatus. Deinde quae clare scit nunquam esse futura, ea asseverare audet dínumerans dies & tempora, & quorum corpora nunquam vidit, eorum nomina enarrat, imitans eos qui veritatem dicunt. Quamobrem maximo digous est odio, quod improbus cum sit, bonorum signa corruptit. His dictis decretum scribae legendum tradit prolixius quidem Iliade, vanius autem quam verba, quae dicere consuevit, & quam vita ejus, plenum spe rerum nunquam futurarum delegendarum. Abactis itaque vobis longe a furto suo, & per vanas spes suspensis, & reliqua. Item alio loco dicit. Hic ergo, viri Athenienses, adulator eximius cum per Charidemi speculatoris mortem Philippi primus cognovisset, turpi mendacio somnium Deorum sibi fixit, quasi non Charidemus, sed Jupiter, & Minerva hoc sibi nunciassent, quos postridie perjurans secum loqui per noctem, & futura praediceret affirmavit, ac septima die post mortem filiae vilissimus iste ante luctus impletos, antequam justa fecisset, corona & aiba ueste assumpta immolavit cum illam amisisset, quae prima ac sola patrem ipsum

nun-

(1) Heic desunt Graeca verba, quae in ullis MSS. & edit. inventire mihi non licuit.

nuncupabat. Nec infortunium objicio, sed mores discutio. Qui enim filios odit & malus est pater, nunquam bonus gubernator populi esse potest. Nec is qui carissima, & familiarissima corpora non gliscit & fovet, unquam vos alienos pluris existimabit: nec qui privatim est malus, unquam publice bonus esse potest, nec qui domi est improbus, in Macedonia, atque legatione probus foret. Non enim mores ad locum mutavit. Tota oratio plena est his luminibus. Tu vide hanc degustationem, & cum Nicola nostro examina. Vale. Aretii Kal. Septembris.





LEONARDI BRUNI  
ARRETINI  
EPISTOLARUM  
LIBER QUARTUS.



## I.

LEONARDUS NICOLAO S.<sup>(1)</sup>

*De gratulatione, donisque sibi missis gratias agit.*



Uantam laeticiam vel potius voluptatem michi attulerint litterae tuae, in quibus chorum illum gratiarum circa puerum descripsisti, vix satis dicere aut explicare valerem. Deus faxit, ut haec tua auguria non frustra sint. Quod vero totam fidem ei praebuisse dicis, gratias ago: quod apud te nichil reman-

(1) Haec a cl. Fabricio omissa est.

mansisse, id fieri nullo modo potest. Est enim fides divina quaedam res & amplissima, quam ut maximam alicui praebetas, ita maximam habeas. Nichil deperit ejus praebitione, nec dando alteri minuitur, sed augetur. Demosthenis vitam suscepi, & reliqua avide exspecto. Chrysoloras, qui nuper eam legit, miris laudibus elegantiam & conversionis fidelitatem extollit. Ei nos de fidelitate concedimus de elegantia refragamus. In tuo volumine quasdam mendas deprehendi, quas tibi emendandas censeo. Tu video ergo diligentius. Martiolinos tuos avide arripui: nam hic nulli sunt, praeter bubulos. Eos qui probat, valde dissentit a Zuchari nostri judicio, qui glutino dumtaxat, & muribus illos mandabat. Sed heus tu: novus hic mos, ut patri munera mittantur? Putabam satis esse puerpare missa. De libris meis, quos desiderare te scribis, jussi, ut vel omnes tuo arbitrio depromi permittant. Vale. Ex Urbe Roma VII. Kal. Januarii MCCCCXII.

## II.

LEONARDUS NICOLAO S.

*Amicitiae vinculo quosdam jungere studet.*

**C**um Joanne Praeposito Insulensi, qui aliquot menses apud nos fuit a Rege Francorum Legatus, viro humanissimo, atque doctissimo & studiorum nostrorum ardentissimo magna michi familiaritas est. Itaque non potuit, cum me cognoverit, te pro nostra amicitia ignorare. Multa saepius de me audivit, per quae licet te nunquam viderit, tamen & ingenium & suavitatem tuam agnoscit, cupitque tecum indelebilis amicitiae foedera ferire

rire non caesa porca , ut Reges illi prisci , sed caesa , & trucidata pedantaria , cuius ipse non omnino est expers . Hunc igitur virum obsecro humanissime suscipe , & bibliothecam tuam ostende , ac ceteris officiis tuis prosequare . Cum enim multa saepe , ut dixi , audierit de me , cupio ut talem experiatur , qualem sermo te meus illi pollicitus est . Vale . Ex Urbe Roma idibus Januarii .

## III.

## LEONARDUS NICOLAO S.

*Suae peregrinationis ab Urbe Constantiam usque descriptio .*

**S**i quae hic agantur , quaeve dicantur , te curare purarem , scriberem tibi acta Concilii , & quotidianarum rerum commentarios facerem . Sed si te bene novi tu ejusmodi mentis es , ut non modo non cures ista cognoscere , verum etiam interesse tua arbitriteris haec , ut tu appellare soles , tedia , & deliramenta hominum ignorare . Est autem ut invitantis opus ad gustum convivarum epulas quaerere , sic scribentis ad amicum convenientem ejus desiderio materiam sumere . Quando igitur tu quidem delicatior es , nec quemcunque cibum stomachus tuus admittit , multa etiam , quae ceteris placent , fastidit ; paremus sane epulas gustui tuo gratas , & quoniam nostratio ista contemnes , peregrina tibi obsonia conqueramus . Nichil itaque tibi magis placitum per haec tempora arbitror , quam si peregrinationem meam tibi perscripsero . Accipe igitur non totam quidem , nam id quid expedit ? sed ab Ita-

Italia. Veronam ad V. Kalendas Decembris cum satis mane venisse, ibi eam diem visendae urbis gratia, sunt enim nonnulla antiqua, & visu digna, commoratus, postridie prima luce secus Athisim flum ad Alpes contendit. Ut igitur ad eum locum pervenimus, quo Athisis in planos Italiae exit campis, mirabilis proorsus res michi visa est. Via siquidem profundissima, atque arctissima inter duos montes, quasi de industria naturae secata per fauces stritas ac sinuosas emanat. Alpestris sane locus & superbus, ita ut murmure aquarum & impetu gurgitis protertos & immanes earum gentium mores, a quibus fluit, imitari videatur. Inter fluvium, & dexterum montem vix tantum itineris est, ut singuli equites, ad plus ut singuli carri transire possint. A sinistra vero gurges montem perstringens avium facit, hinc atque hinc vastae rupes, geminique minantur in coelum scopuli. Eadem post ingressum longo itinere facies est; impendent enim hinc atque hinc minacissimae rupes, profundus amnis inter eas labitur, via perangusta inter rupes & alveum, colum veluti ex aliquo hiatu conspicitur, montes saxa habent durissima quidem atque asperrima, imo ipsi toti montes nichil aliud sunt, quam dura silex & marpesia cautes. Cedant jam Ciliciae pilae, cedant Caudinae furcae Romana clade nobilitate. Satis enim superque michi constat, vel unum homunculum superne stantem & saxa volventem universorum Gallorum, & Germanorum impetum, si transire contentur, inhibere posse. Per hanc vallem biduo profecti Tridentum pervenimus, urbem pro natura loci satis amoenam. Nam & supra, & infra paulo patentiora habet campum, & flumine ipso non indecora abluitur. In ea illud merito quis miretur, quod viri mulieresque, & cetera multitudo intra

una moenia constituti alii Italico , alii Germanico sermone utuntur . Ut quisque enim regione urbis habitat vel ad Italiam vel ad ulteriorem Galliam versa , ita aut nostra , aut illa utitur lingua . Atque ego credo evenire , ut in concionibus & publicis consiliiis aliae nostro , aliae barbarico sermone ab unius Civitatis civibus sententiae dicantur . A Tridento aliquot millia passuum profectos , quidam barbarorum mos vehementer turbavit . Est autem talis . Multa per rupes , quae fluvio imminent , castella sunt : ea tenentur a nobilibus . Ut igitur viatores paulo plures numero conspiciantur , cum jam illi castellis subfunt , repente ex arcibus cornua sonant , & quam maxima fieri potest hominum multitudo ex moenibus , & propugnaculis clamorem barbaricum , & hostilem ululatum extollit . Subita igitur re percussi homines plurimum trepidant , nec est quisquam ita constantis animi , qui non ea novitate moveatur , praesertim in locis vel de industria ad latrocinandum electis . Hunc morem barbarum , & immanem illi valere putant ad custodiam rerum suarum , magisque ab injuria temperaturos homines , si jam conspecti , & declamati se observari existiment . At ego michi per hostilem terram iter facere videbar , saepeiusque illud subibat animum : Ut belli signum Laurenti Turnus ab arce extulit , & rauco crepuerunt cornua cantu . Sed ad rem redeamus . Ex Tridento Tramenum venimus vicum pulcherrimum , atque beatum in sinistro monte trans amnem positum scopuli tamen superne terribiliter imminent . Vicus hic famosus est multitudine vinetorum , & Baccho , ut videtur , in primis sacer . Sunt enim ita multa vineta , ut nullo unquam in loco plura conspexerim : solum ipsum , in quo constae sunt vites , quibusdam in locis sic album est , ut nivi simillimum videatur .

Id

Id ex eo accidit, quod mons superne impendens marmoreus est. Itaque marmor confractum & in frusta decisum terram ubique contegens albentem loci faciem reddit. Vini apud Tramenum tanta copia oritur, ut in transalpinas usque partes abundantiam afferat. Inde Maranum devenimus, quod oppidum, an vicum appellare debeam nescio. Omnia quippe sunt ad urbis sufficientiam, praeterquam quod moenibus caret. Id & Trameno, & Marano opulentissimis locis accidere puto, quod ita praeruptis rupibus subsunt, ut muro circumdari non possint. A Marano secus Athisim profecti tertia die ad jugum pervenimus. Via est inter duos vertices leviter acclivis. Summitas planiciem habet, duosque subinde lacus parvo inter se spatio distantes. Aquarum divortia ex eo loco fiunt. Ex altero enim lacu Athisis oritur, qui in meridiem vergit, ex altero, qui Germaniam versus aspicit, fluvius manat, qui Danubium influit, Inum accolae vocant. Descensus ex eo jugo longe difficilior fuit, quam ascensus, via praecipi & arcta, ac quibusdam in locis manusarcita longo anfractu per praeruptas rupes quasi in baratum dicit. A dextera parte viae mons ingens impendet; a sinistra praecipicia sunt vel aspectu formidanda: abietum sursum deorsumque incredibilis multitudo; pinus insuper silvestris, cypressus, fraxini, fagi, orni, ac omne genus silvestris materiae. Ab eo jugo biduum per valles profundas ac difficiles sub ipsos montes progressi, ad aliud rursus jugum pervenimus. Aquilae montem barbari vocant. Hujus montis transitus longe difficillimus, atque asperimus fuit; nam praeterquam quod semper scandentibus arduum iter habet, tunc nives omnia texerant, quarum plerisque in locis supra viginti pedes altitudo erat. Semita per medias nives plantis via-

viatorum impressa non amplius uno pede lata deducbat. Per eum callem homines facile gradiebantur; nam & leviores sunt, & pedetentim incedunt. Equi vero misere & labioriose per frenos ducebantur, qui, si uno vel altero pede semita excedebat, in profundam nivem immergebantur, nec nisi cum summo labore & periculo eximi poterant & ad semitam reduci. Haec difficultas tribus fere passuum millibus continuo nos afflitit, donec transversi jam verticem descendere incoepimus, ut vel in eo universa hujus itineris pericula difficultatesque constitisse affirmare ausim. Est autem latitudo Alpium, quan nos iter facimus, a fauibus Athisis, quas supra demonstravi, ad transalpinum completum descensum millia passuum circiter ducenta. Tanti autem montes, tanti scopuli, tam crebra & continuata dorsa, tanta cacumina atque fastigia, tantae magnitudines ubique insurgunt, ut valde mirandum videatur, quid parens illa, & fabricatrix mundi Natura cum eas fecit, sibi voluerit. Me quidem aeternas illas ac perpetuas moles intuentem horror quidam & religio frequenter habebat, & nunc item sine horrore meminisse non possum. Post transitum Alpium XX. millia passuum profecti in oppidum venimus nomine Valcicum id est opulentum, atque urbanum: aedificia habet speciosa, vinetis & pometis plurimum abundat. Inde postera die profecti procul ab eo loco septem millibus passuum Rhenum transivimus. Flumen Rheni oritur in Alpibus non longe ab eo loco, quo nos transitum fecimus ex sinistra manu. Sed mox ad dexteram vergens & suo gurgite, & multorum incrementis adjutum ingens, & robustum decurrit inter orientem, & septentrionem recto alveo conversum. Aquam habet medii coloris inter coeruleam, & viridem, cursum rapidum, alveum are-

arenosum; solidum tamen, ita ut pedibus pressus vestigio non signetur. Navi ad ulteriorem ripam transvecti dextrorsum relieto amne per longam planiciem, ac palustre solum ad Castellum venimus nomine Rinicum. Ibi rursus praeterfluentem Rhenum offendimus. Nam veluti pertaesus prioris itineris mutato consilio inter septentrionem & occasum magis declinat, ac paulo infra castellum stagnans lacum facit. Haec cum audisset, videndi desiderio ductus equis & familia per terram praemissis ipse scapha piscatoria conducta per fluvium, ac per medium lacum Constantiam trajeci. Lacus est omnium amoenissimus, multaque castella, & vicos undequaque per ripas habet. Aqua nitida fundo glareoso, ac perspicuo. Pisces fert varios quidem ac multiplices, sed pro tanta aquarum magnitudine non admodum copiosos. Vigintiquinque millibus passuum in longitudinem patet, latitudo alibi ad decem, alibi ad quindecim millia passuum extenditur. In infima lacus parte Constantia est, urbs non magna, sed opulenta atque formosa. Ejus propter moenia Rhenus lacu emergens rursus in alveum reddit. Pons in eo est, qui ab ipsis urbis porta ad Germanos pertinet, ultraque pontem crebra aedificia secus alteram fluvii ripam. De Constantiae antiquitate, & origine cum saepe a quibusdam civibus quaesisset, nemo adhuc michi occurrit, qui vel avi sui nomen & memoriam, nedum urbis tenere videretur. Ego cum diligentius perscrutarer, tabulam inveni marmoream vetustas litteras continentem, ex quibus apparet a Constantio Constantini patre, qui a Diocletiano, & Maximiano Caesar dictus est, hanc urbem nomen coepisse, cum prius Vitudura nuncuparetur. Hanc tabulam nemo Constantiensium legere scit, tenetque vulgus opinio esse sanctuarium quoddam praecipuae religio-

ligionis. Itaque mulierculae , & cetera imperita turba fricandis per eam manibus & ad faciem refricandis jam litteras pene totas ex tabula deleverunt , cum tamen ibi scripta sint non Sanctorum Christi , sed persecutorum Christianae Fidei nomina . Mores quoque , & instituta civitatis , nam ea quoque res ad peregrinationis historiam attinet , ostendere conabor . Singulis annis unus ex civibus suffragio creatur , apud quem summa potestas cum imperio sit . Hic non publicis aedibus , sed in privata domo sua , & consueta habitat . Si quando per urbem incedit , lictores habet virgas manu ferentes . Cetero autem habitu nichil a reliquis differt civibus . Hic in caput uniuscujusque animadvertisendi potestatem habet , si de homicidio , de furto , de rapinis , de beneficio , de adulterio , ac de ceteris criminibus agatur . Astant in consilio ii , quos sibi civitas deputavit . Rei ipsi in vinculis adducuntur . Ibi & accusatoribus , & defensoribus dicendi contra reum & pro reo facultas datur . Auditis omnibus in sententiam itur . Si reus damnatur , lictores magistratus suppicio afficiunt . Eodem ordine de civilibus causis cognoscitur apud hunc magistratum , & ejus consilium . Quia liberam judicandi potestatem habent , oratoria facultas plurimum valet . Itaque si qui diserti reperiuntur , hi advocati in civilibus , & criminalibus causis adducti plurimum & gratia , & dignitate in civitate possunt . Universa haec civitas in duo genera divisa est : alii enim sunt equestris generis , alii plebei . Plebei mercaturis , & officinis intendunt ; equites veteribus patrimonii contenti redditibus aluntur , & equestrem dignitatem observant . Si quis plebejus ditior factus ad equestrem locum pervenire tentaret , ei nullo modo licere putant , nec nobilitas , quae in eo prophanari & pollui dignitatem suam arbitratur , hoc eum facere

cere permittit. Ita per longa tempora uterque ordo in suis finibus consistit, cum equites ad mercaturas & sordidiora munera declinare in turpissimis sit; plebeio autem ad equestrem ordinem dignitatemque se attollere nullo modo liceat, nec nobilitas patiatur. Gubernatio tamen reipublicae communis est plebeis & nobilibus. Vale II. Kal. Januarii.

## IV.

LEONARDUS POGGIO S. P. D.

*De Constantiensi Concilio.*

**K**Alendis ipsis Januarii dum una cum Nicolao nostro mulierum catervam, quae apud templum convenerat, ex consuetudine viseremus litterae tuae Idibus Decembr. Constantiae scriptae nobis redditae fuerunt uno atque eodem fasciculo alligatae. Meas confessim posthabita visendi cura ad ipsas templi valvas, nam intus quidem tenebrosius erat, cum perlegisset, jocunditate magis & salibus tuis exhilaratus sum, quam rerum ipsarum, quae a te significabantur, confusione permotus: Etsi enim tam longa intercesserit mora, ut non maturitatem jam rebus, sed putredinem sane debuerit attulisse; tamen quo longius delatus est, eo celerius finem expecto. Molestissimam tamen esse tibi hanc nimiam tarditatem nequaquam admiror. Nempe ex molestia mea, qui hic in meo sedens lectulo expectando discrucior, tuam & aliorum, qui istic ut vere dicam, tabescitis, saepe metior anxietatem. Qua quidem in re prudentiae fuerit tuae, ita ut te facturum scribis, tolerantiam adhibere. Senatum vero nichil consuli, time-

re

re multa, michi molestissimum est, doleoque & indignor, hujusmodi dignitatis homines in huic contemptum esse dilapsos. Dii vos respiciant: quamquam vereor, mi Poggi, ne illorum magna pars haec ipsa & graviora insuper, ob superiora quae referre piget, errata merito atque optimo jure perpeti videatur. Sed haec alias, & saepe coram. Nunc autem non mei solum sed & tui, ad quem scribitur, rationem puto michi habendam esse. Faecem Piceni agri atque Flaminii in possessiones nostras scribis impetum fecisse. O rem acerbam! Quid ergo posthac non timendum?

*Jungentur jam gryphes equis, aevoque sequenti  
Cum canibus timidi venient ad pocula damae.*

Ego praeter hos & lunaticos expecto, quod si fiat, vides plane integrum legionem. Quod me mones, ne properem, recte atque ex officio arbitror te fecisse. Etsi enim patria domus, familia, quemadmodum debent, me plurimum oblectant; tamen dulcissima recordatio curiae, & tot amicorum familiaritas sic interdum movet animum, ut omnibus posthabitatis advolare cupiam. Contra hos itaque animi motus tuum opponam consilium, atque ut ii, qui ad certam horam expurgisci volunt, si nemo vigil observet, nedum possunt quidem, sollicitudo animi quiescere permittit; sin autem observet quispiam, securi capient somnum: Sic ego confusus pollicitatione tua omnem sollicitudinem animi repellam, nec nisi te vocante tempus surgendi adfesse putabo. Quod autem de rebus meis certior fieri postulas, ego ad studia id refero. Vereor euidem ne insanire coeperim ea scribere aggressus, quae supra meas sunt vires. Exegi librum meum, eumque pergrandem, in quo longo discursu multa, quae ad historiae nostrae cognitionem pertinent, explicavi.

Ha-

Habet varietas delectationem, cognitio vero etiam utilitatem. Sed tantus est labor in quaerendis investigandisque rebus, ut jam plane me poeniteat incoepisse. Insuper ut tu nuper in Gallia orationes duas M. Tullii, quas nostra secula nunquam viderant, tua diligentia perquaesitas reperisti; sic ego nuper Aretii epistolam quandam ejusdem reperi, quam te nunquam vidisse certo scio. In ea non sine stomacho Tullius noster Petrarchae respondet. Vale & me ama; praeterea D. Cardinali Florentino, Pisano, & Placentino me commenda. Iterum Vale IV. Nonas Januarii MCCCCXV.

## V.

## LEONARDUS POGGIO S.

*Abhortatur Poggium, ut perget ab interitu  
vindicare bonos scriptores.*

**S**I vales bene est, ego quidem valeo. Legi apud Nicolam nostrum litteras, quas de hac ultima profectione, ac de inventione quorundam librorum scripsisti. Nec tantum de iis, sed de optimâ spe, quam pro ceterorum adeptione suscepisse te video, letandum existimo. Erit profecto haec tua gloria, ut amissa jam ac perdita excellentium virorum scripta tuo labore ac diligentia seculo nostro restituas. Nec ea res solum nobis grata erit, sed & posteris nostris, idest studiorum nostrorum successoribus. Neque enim silebuntur ista, nec oblitterabuntur, sed extabit memoria, haec dudum longo intervallo perdita, & jam plane deplorata pertuam industriam recuperata, ac restituta nobis fuisse.

se. Utque Camillus secundus a Romulo conditor dictus est, quod ille statuit Urbem, hic amissam restituit; sic tu omnium, quae jam amissa tua virtute ac diligentia nobis restituta fuerint, secundus auctor merito nuncupabere. Quare te hortatum oratumque maxime velim, ne in hoc praeclaro opere desideas, sed erigas te, atque insistas. Nam rei pecuniariae tenuitas ne tibi impedimento sit, nostra jam hic providentia erit, atque in hac inventione tua scito majus lucrum factum esse, quam tu sentire videaris. Quintilianus enim prius lacer atque disceptus cuncta membra sua per te recuperabit. Vidi enim capita librorum, totus est, cum vix nobis media pars, & ea ipsa lacera superesset. O lucrum ingens! O insperatum gaudium! Ego te, o Marce Fabi, totum integrumque aspiciam? & quanti tu michi nunc eris? quem ego quamvis lacerum crudeliter ora, ora manusque ambas, populataque tempora raptis auribus, et truncas in honesto vulnere nares; tamen propter decorum tuum in deliciis habebam. Oro te Poggi, fac me quam cito hujus desiderii compotem, ut si quid humanitas impendeat, hunc prius viderim, quam e vita decedam. Nam de Asconio quidem, & Flacco licet uterque placeat, tamen non usque adeo labrandum existimo, quorum si neuter unquam fuisse nichilo fere minus latinitas haberet. At Quintilianus rhetoricae pater, & oratoriae magister ejusmodi est, ut cum tu illum diurno ac ferreo barbarorum carcere liberatum huc miseris, omnes Etruriae Populi gratulatum concurrere debeant; mirorque te, & illos, qui tecum erant, non statim in hunc manus avidas injecisse, sed levioribus prescribendis hunc posthabuisse, quem ego post Ciceronis de Republica libros plurimum a latinis desideratum, & prae cunctis deploratum affirmare ausim. Proximum

mum est, ut te moneam, ne in iis, quae hic habemus, tempus teras, sed quae non habemus, conquitas, quorum maxime Varronis, & Ciceronis opera tibi proposita sint. Vale & me ama, ac Mediolanensi, Aretinoque Praesulibus me commendatum facias. Iterum vale: Florentiae Idibus Septembr. MCCCCXVI.

V I.<sup>(1)</sup>

## LEONARDUS CORVINO S.

*Amicum commendat, amorisque sui causas exponit.*

**M**Ultiplices amoris causae michi tecum sunt, & singulae, ni fallor, pondus habentes. Quare illam pro Patriae honore principem dixerim, quod nos una atque eadem civitas tulit. Id vero quanti sit, & existimari oporteat, tibi eruditissimo viro scribens non aggredior explicare, ne te forte, qui ista multo melius nosti quam ego, docere voluisse videar. Nec illud sane omiserim, quod maiores tui, ut in legibus & in ceteris publicis monumentis intueri licet, ita eminentissimi fuerunt cives, ut propensiorem benivolentiam apud nos, posterosque nostros mereantur. Tuque eorum praestantiam affectus eum dignitatis gradum tuis virtutibus meruisti, ut ad patriam quoque gloria tua redundet. Accedit ad haec maximum profecto vinculum studiorum nostrorum unanimis conjunctio, quod ego in his humanitatis studiis delectatus sum, in quibus tu non mediocriter excellis, & familiaritates Principum secutus, in quibus tu etiam, quod summe gaudeo,

Tom. I.

H

flo-

(1) Haec desideratur in edit. Fabriciana.

floristi. Illud quoque me plurimum movet, quod ab egregio adolescente Poggio Terranovano familiarissimo, & amantissimo mei dudum percepit, quanto honore ipsum, cum ad vos accessisset, vel solo meo nomine fueris prosecutus. Cui etiam diversoria michi splendidissime parata, quod illuc venturum putabas, domi ostendisti. Potest igitur non summus amor erga te michi existere, cum quo & tot vincula intercedunt efficacissimae conjunctionis, & propensissima erga me conspecta affectio? Haec scripsisse nunc libuit, ne forte me ex taciturnitate mea, ea quae sunt, ignorare conjectes, intelligasque te habere hominem amantissimum tui, & sine ulla exceptione deditissimum tibi. Atque ego plura scribere ea quoque de causa sum adductus, quod nobilis vir Franciscus Brundalia conterraneus noster meo, ac ceterorum amicorum non hortatu modo, sed impulsu ad te venit, vir, ut ex longa familiaritate verissimum afferre testimonium valeo, omnium optimus, ac nulla ex iis virtutibus carens, quae nobilem decent virum. Causa vero impellendi fuit, quod ejus virtutes ociose senescere, ac nichil agendo deficere intireque dolebamus, praesertim cum res familiaris non ampla illi sit, & magna familiae onus, magni etiam pro tuenda dignitate majorum sumptus incumberent. Eum igitur ita tibi commendabo, ut nichil magis me unquam cupitum esse existimes. Ego si res Ecclesiastica non penitus obruta ac dissipata esset, te hoc onere vel liberasse omnino, vel sublevasse. Cum vero in eo statu sit, quem vides, tuum erit munus hunc civem nostrum tuo favore ad aliquem locum suis virtutibus dignum apud tuum Principem promovere. Quod ut faciam, te etiam atque etiam rogo. Vale. Florentiae.

## VII.

LEONARDUS FELICI S.

*Ciceronem ex regio genere fuisse.*

**L**Atior michi ad pervagandum campus ostendit, si amico tuo viro eruditissimo respondere prolixius velim. Miratur enim, seu potius quaerit, si Ciceronis genus in Tullium Regem Volscorum, uti ego in vita ejus perscripsi, referebatur, cur aut Salustius humilitatem generis illi objecerit, aut ipse Cicero respondens hanc originis suae excellentiam conticuerit. Nam ignorasse quidem sui generis primordia virum omnium doctissimum, & antiquitatis curiosissimum, verisimile non est. In his igitur unum videtur quaesitum, sunt autem plura. Non solum eodem verum ne sit de genere scriptum quod ad historiam attinet, sed & dicendi ratio postulari videtur, quod totum rhetoricae est. Respondeo itaque ad omnia, sed breviter quidem, ne ostentare magis ipse me, quam satisfacere postulatis voluisse existimer. Primum igitur in Tullium Volscorum Regem Ciceronem referri, non ego ipse ex me, sed probatissimos auctores secutus afferui. Omitto ceteros, qui de Cicerone scribentes hoc ipsum testantur. Hieronymus vir doctissimus, & antiquarum rerum in primis studiosus in libro de temporibus, quem ab Eusebio scriptum e Graeco translatis & prosecutus est, cum Ciceronis natalitia annotaret sic inquit: CLXXIX. Olympiadis anno IV. Cicero Arpini nascitur matre Olbia, patre equestris ordinis ex regio Volscorum genere. Plutarchus autem

non solum genus regium , sed & Regem ipsum Tullium auctorem generis nominat , qui apud Volscos insigniter regnavit . Ipse quoque Cicero , ne forte amicus ille tuus ignorasse hoc , aut omnino reticuisse credat , idem quodam loco scribit . Nam cum de philosopho antiquo , & Tullii Regis coetaneo mentionem ficeret , sic inquit : *Pheredes syrus primum dixit animos hominum esse sempiternos . Antiquus Jane : fuit enim meo regnante gentili .* Quis igitur ambigendi locus relinquitur ? cum & alii probatissimi auctores , & Cicero ipse hoc idem testetur ? Restat ea dubitatio , cur aut ille objecerit , aut iste non refellerit . Evidem ab oratore non exigo , ut semper verum inimico objectet . Deinde si genus regium quamvis ab initio splendidum in obscuritatem migrarat , res quidem talis erat , ut ex utraque parte ansam haberet , & ad laudem splendor generis , & ad vituperationem obscuritas . Dicentis autem est id assumere , quod & pro se sit , & contra adversarium . Itaque obscuritatem , quam recte potuit objicere , in medium protulit ; splendorem autem , qui commendationis erat , praeteriit . Quamquam si recte memini , non tam obscuritatem Salustius objicit , quam novitatem . Sic enim inquit : *ubi M. Cicero ita gubernat , ac moderatur , quasi unus reliquus ex familia Scipionis Africani , ac non reptitus , & paulo ante insitus huic urbi civis .* Haec non obscuritatem generis , sed novitatem civitatis designant . Id ipsum in Historia clarius positum ab eo Salustio est , ubi de Cicerone , ac de consulatus petitione loquens dicit : *veluti pollui consulatum putabant , si quamvis egregius , tamen novus homo adeptus foret , & Catilina : cum eam defendat M. Cicero inquinilus urbis Romae .* Haec omnia , ut dixi , novitatem civitatis redarguunt , non generis obscuritatem . Sed cur Cicero ipse in refutandis

dis adversariis hoc reticet? Primo non objiciebatur obscuritas, ut dixi, sed novitas. Itaque ejus argumenta novitati respondebant. Nam si nullis praeclaris rebus majorum suorum in republica gestis commendabatur, ut Scipiones, & Metelli; at suis, & propriis, quod praestantius erat. Praeterea tacendi plures erant causae. Primo quod nomen regium apud Romanos invisum fane, ac detestabile erat; deinde quod arrogantiam invidiamque vitabat, quae in civibus praesertim novis fastidiosae, & intolerabiles sunt. Illud insuper accedebat, quod Rex ille inimicissimus Populi Romani fuerat. Non erat ergo prudentis consilii illum proferre, ne ab hoste Populi Romani originem traxisse diceretur. Itaque callido consilio obscuritatem potius, quam bonis rationibus in suarum virtutum laudem traducere poterat, objici patiebatur sibi, ut ego, qui novus Florentiae civis sum, si a Castrucio illo praestante quidem Duce, sed inimicissimo Florentini Populi originem traxissem, latere in plebecula mallem, quam eum generis auctorem egregiae licet nobilitatis proferre. Haec habui, quae responderem. Vale.

## VIII.

LEONARDUS P. TURCO S.

*Amicorum naturam ferendam in quibusdam.*

**V** Ereor, ne parum tibi respondere in amicitia videar ex hac mea tarditate scribendi. Eam quaeſo ſuspicionem, ſi quam forte cepiſti, animo tuo erade. Factis enim promptiſſimus ſum, verbiſ autem tarduſ, idque natura cum iſiſt, non

facile dimoveri potest. Traditur autem ab his, qui de amicitia scripserunt, in quibusdam ferendam esse naturam amici, ut de Scipione, & Laelio scriptum memini. Cum in Laelio quidem hilaritas esset, in Scipione autem vita tristior, ambitio major; dispartitatem morum par voluntas conjungebat animi, nec tamen a Laelio, ut secum una letus esset Scipio, flagitatum est, nec si flagitasset ille, praestare valuerit. Quare tuum quoque fuerit pro tua humanitate existimare, amici animum ita affectum esse erga te, ut debet, et si forsan facilitas, quae in te plurimum redundat, deesse illi videatur. Sed haec satis. Nunc venio ad litteras tuas, quas nuper Aretio rediens Florentiae offendi. Quod Matthaeus Albitius familiaris tuus me subiratum tibi ex judicio illo affirmaverit, valde equidem admiror. Nisi forte jocari tecum voluit, quod non ex litteris tuis solum, verum etiam ex illis verbis conjecto. Erat una Nicolaus noster, cum ille in foro me conveniens te admodum litteris, quas nuper accepisses, letatum esse, ac periculente scriptas existimare inquit: cupere denique certiorem fieri, quisnam illas scripsisset, ac suspicari quidem de me. Egone pro his tibi subirascerer, qui quod luculentum existimas, a me scriptum existimas, & quae maxime probas, mea esse conjectas? Contra equidem si accidisset, ut quae elegantissima tibi viderentur, ea esse mea diffideres, graviter ferendum putarem. At quae optima reris, eadem mea credidisse, cuius tandem signum est, nisi magnificientissime de me opinantis? Quamobrem tibi non modo, quod postulas, veniam do, verum etiam gratias ago. At forsitan graviter tulisti, me dicendi genus non internosse. Primum id quidem leve est. Michi enim satis eleganter dicta videri solent, quae cunque bene dicuntur. Deinde quid ego novi, utrum ille

ille michi, an ego illi in hoc genere scribendi praestem? Evidet nullum alium exitum scriptorum meorum unquam optavi, quam ut ab iis, quibus scribo, vehementer litterae mae comprobentur, quod illi accidisse video in iis, quae ad te scripsit. Id ergo cum ille scribens affecutus sit, quod ego affequi opto, nichil ejus litteris defuisse judico. Affectione nichilominus tibi, facilius affici nos laudibus nostris, quam ulla alia re. Quo ergo facilius, eo minori conatu opus est, ad id quod volumus, affendum. Nam & Themistocles ille summus vir quoniam cantu maxime delectaretur rogatus, ejus inquit, qui laudes meas apte concineret. Ut si etiam in his percensendis dulcedine laudis captus enarrasses, venia tibi sit tribuenda. Priscianum, quem postulas, omnes tabernas librarias perscrutatus, reperire nondum potui. Admonui tamen quosdam familiares, ut perquirant. Si quid emerget, ad te illico transmittam. Vale. Florentiae II. Nonas Decembris MCCCCXVI.

## IX.

LEONARDUS POGGIO S.

*Exitum Constantiensis Concilii expectari ab omnibus, & admonet Poggium, ut cautius de Hieronymi supplicio scribat.*

**D**edi nuper ad te litteras Philippo nostro, in quibus sane prolixior fui. Nunc autem nihil fere est, quod ad te scribam, nisi hoc ipsum, quod litteras expecto. Flagito igitur, quod adhuc non flagitavi, ut nos crebrius de iis rebus,

quae istic geruntur, certiores facere studeas. Nec ego a te acta solum exigo, sed qua prudentia es, etiam spem rerum futurarum. Scito enim non proceres modo, verum etiam plebem nichil tam per haec tempora curare, nec ulla de re cogitare, ac loqui magis, quam de Concilii exitu. Cum igitur haec sollicitudo sit alienis, quid michi, qui verna sim, fieri putas? Tu igitur me hac cura subleva, & siquid de futuro Pontifice odorare sagacius poteris, significa. Si quid occultius fuerit<sup>(1)</sup> . . . . adnotabis. Nudius tertius exemplum habuimus litterarum tuarum a Barbaro missum de Hieronymi supplicio, quarum elegantiam equidem valde probo. Tu illi tamen plus tribuere videris, quam ego vellem, etsi judicium tuum saepe purgas, tamen nescio quid majoris affectionis prae te fers. Ego cautius de hisce rebus scribendum puto. Quintilianus tuus laboriosissime emendatur. Per multa sunt enim in nostro vetusto codice, quae addenda tuo videantur. Sed in quibus locis veteratus deerat, hoc est in sincopis illis grandioribus, plerisque in locis insanabilis morbus est. Me Pisano, Placentino, & Florentino Cardinalibus commendabis. Vale. Florentiae II. Nonas Apriles.



## X.

(1) In MSS. Codd. lacuna quae-dam reperitur, in qua græ. ||| eam aliquam vocem decesse arbitror.

X.<sup>(1)</sup>LEONARDUS FRANCISCO BARBARO S.<sup>(2)</sup>*Adolescentem ei commendat.*

**V**Oluissem tibi praeſertim nunc ſcribere incipiens ſerioſius aliquid, & tua dignum excellentia, dignumque ſtudiis communibus afferre. Quamquam quid ſerioſius eſſe potest, quam hominem, quem cautum eſſe velis, per tuas litteras commendare? Verum aliud quiddam ſcribendi genus latius, fuſiusque optaſſem. Nam pro commendatione alicujus multa ad amicum ſcribere diſſidentis quodammodo videtur eſſe. Ita ſi uberius extendas epiftolam, moleſta prolixitas; ſin ultra legem coērceas, arida brevitas reſultabit. Illa igitur copia, pleno, ut ita loquar, cornu aliud in tempus ſerveatur. In re autem, qua de agere conſtitui, haec inſunt. Rainerius Petri filius adolescentis ſatis claro loco Florentiae ortus, ac juris civilis ſtudioſus nonnulla Venetiis negocia habet, quae cum explicare cupiat, & patrocinium tuum quantum ſibi prodeſſe queat non ignoret, mecum egit, ut iſpum tibi per meas litteras commendarem. Qualia vero ſint ejus negocia, & quemadmodum jampridem agitari coepa

&amp; in

(1) Haec deest in Edit. ejusdem  
Fabricii.

(2) Patricio Veneto, Chryſolitorae diſcipulo, de quo ita Blondus: Franciſcus Barbarus excellenſiſſimi vir ingenii, cuius litterarum Graecarum, & latinarum doctriṇarum, an elo-

quentiae editis operibus celebrae, aut in administranda Rep. sapientiae, & pietatis aut geſtarum praeſertim apud Brixiam rerum gloriam anteponas, haud facile poſſis diſcernere, &c.

& in hoc ipsum tempus perducta facilius ab eo cognosces, nec ambigo, quin statuas aequissima esse. Hunc igitur Rainerium pro nostra amicitia tibi maiorem in modum commendo rogans, ut eum tuo favore, & auctoritate protegas, & ab injuria tueare, faciasque, ut, quod ille speravit, hanc meam commendationem plurimum apud te valuisse intelligat. Guarinum virum suavissimum, atque optimum meo nomine salvere jubeto. Vale. Florentiae II. Idus Aprilis.

## XI.

## LEONARDUS PETRO MIANO S.

*Se Curiales res dubias, & confusas reliquisse,  
& ad studia litterarum rediisse scribit.*

**P**ropediem, tu opinor, plura tibi scribam. Nunc autem scias velim, me Florentiam rediisse ad II. Idus Martias Curia, & Curialibus rebus omnino relidit. Utor autem solacio cum studiorum, quae longo intermissa spatio avidissime repeto, tum etiam familiarium antiquorum, quorum tanta dulcedo est, ut prope gratias me debere putem iis procellis, quae ex alto abreptum me in hunc voluptatis, amoenitatisque portum retulerunt. Quoniam vero michi jampridem suasi, omnia quae apud te sunt, mea esse, & quae apud me, tua; utar nunc ea lege praecipue in libris, quos tu dudum summa cum liberalitate obtulisti. Vale.

## XII.

## XII.

LEONARDUS NICOLAO S.

*Optat amicorum adventum. Significat autem se ad eos venturum.*

**S**Alvum te advenisse gaudeo, ac ex Pisana coeli gravitate ad salubres Aretinorum colles incolumen evasisse incredibilem de eo suscepit voluptatem. Sed ista coram inter nos agemus uberius. Nunc venio ad epistolam tuam, quam communis amicorum decreto aīs scripsisse. Nisi istuc ipse accessero, exercitum michi denunciatis, & ducem apud vos esse & regem, quasi exhortaturi jačtantes. O rhetoricae contrariam! Vosne me his minimis terre re putatis, & hoc adhibito metu ad veniendum compellere? Videte quam erretis. Ego etsi illico venturus fuisset, tamen vel ex eo immorandum putarem, ut tam praeclara cohors diversari apud me compelleretur. Nam quid michi dulcius, quid michi optatius esse posset, quam videre domum meam tot simul clarorum virorum, & michi amicissimorum contubernio honestatam? Etenim si hoc in singulis semper optatissime fecimus: quanta voluptatis accumulatio foret universos, ut ita dixerim, amicissimos uno agmine simul accipere? Itaque ego vos oratos atque rogatos velim, ut hoc bellissimum, ut vere dicam, bellum, quod per litteras indicitis, michi inferre non differatis. Evidem si has vestras comminationes facta putarem non verba, etsi superbū forsan videri potest, tamen nunquam me prius venturum affidare, quam vos huc accederetis. Verum quia tarditas

ditas nonnullorum vestrum michi suspecta est, ego  
veniendi inducias postulo dierum octo, quibus exan-  
tis ad vos properabo. Causa induciarum est nego-  
ciorum quorumdam explicatio, quibus ita impeditur,  
ut nulli rei vacare commode possim, abesse certe  
per hosce dies nullo modo licet. Deambulatiuncu-  
las vero ad inclita religionis loca, quae finitima ha-  
betis postulo, ut in adventum meum differatis. De  
Poggiano thesauro coram. Libros Ethicorum divi-  
nissimos ut ex integro rescribas, jam nunc te para.  
Vale mi dulcissime Nicolae, & in adventu meo,  
ut mecum Aretium venias, certissimum statue. Ite-  
rum vale. Aretii VI. Kal. Octobris.

XIII.<sup>(1)</sup>

LEONARDUS LAURENTIO S.

*Petit ab eo nonnulla Ciceronis opera.*

**R**Editae sunt paulo ante michi litterae tuae  
non modo officii plenae, sed benivolentiae,  
caritatis, & sollicitudinis onustae. Pro qui-  
bus quid ego nunc tibi gratias agam, cum fami-  
iliaritas nostra nichil non ab alterutro promereatur?  
Verum ut ad sollicitudinem tuam, & praestantissi-  
mi viri Rainaldi veniam, nichil est profecto, ex quo  
formidinem suscipere debeatis, vel quia locus non  
multum periculi habet, vel quia persona non mul-  
tum damni. Vigilabo tamen, & ero ipse salutis  
meae qualiscumque tandem sim, ob tuas adhortatio-  
nes curiosior. Ac si forte locus infestus esse perget,  
confestim abibo. De Nicolao recte michi nunciasti,  
& si

(1) Haec deest in edit. Fabriciana.

& si quid in diem habueris, oro michi diligenter significes. Fines Bonorum a te expecto. Nam Aristotelis Ethica, quae traducere coeperam, nuper absoluvi. Ea cum expolire nunc cupiam, Cicerone, ac Finibus illis opus est. Vale.

XIV.<sup>(1)</sup>

## LEONARDUS GUARINO S.

*Laurentii epistolam petit, a quo se defendere cogitat.*

**L**EGI hodie litteras Barbari nostri praestantissimi, & disertissimi viri, quas Laurentio Cretenisi<sup>(2)</sup> Cancellario sub apologiae vocabulo graviter simul, ornateque rescripsit. Quibus etsi magnopere delectatus sum, nichil non ab illo praetermissum, quominus accumulate illius calumniis resonsum arbitrer; tamen quia communis est accusatio, ac me quoque, qui eidem Laurentio amicus ac jam pridem notus sum, tangit, cupio ipse quoque pro virili mea censori, & correptori nostro respondere. Res profecto, ni fallor permagna agitur, utrum nos omnes, an ille unus deliret. Itaque te majorem in modum rogo, ut exemplum litterarum, quas Laurentius Barbaro scripsit, michi transmittere procureas, ut videam, an rationes ejus tales sint, quae me poenitentia cogant temporis hisce studiis impensi, & ab oblivionem harum litterarum quasi iutilium provocent, vel ipse potius sui erroris commonefactus

no-

(1) Haec quoque in Edit. Fabriciana non exstat.

(2) Laurentio de Monaco Ma-

gno Regni Cretensis Cancellario, de quo Fabricius Lib. X. Bibl. Med. & Inf. Latin.

bonis rationibus tacere compellatur. Sed dices: num tibi Barbarus noster satisfacit? Abunde profecto. Sed ut si praesens contentioni adessem, quamvis Barbarus superior foret; ego tamen non tacendum michi putarem, sed aliquid ipse quoque dicerem, quo meam in eam partem declararem sententiam: sic & nunc quamquam ipsum longe victorem puto, tamen contra officium arbitror esse, ut taceam, nec ipse quoque simul aliquid pro causa praesenti mea dicam. Praeterea his diebus vietus longo, & continuato tedium quorumdam hominum, qui boni haberi volunt, cum sint mali, oratiunculam veteri more perscriptam in illos dedi, quam nunc ad te mitto. Tu cura, ut aliquid rerum tuarum majori mensura michi redas. Vale. Florentiae.

## XV.

## LEONARDUS POGGIO S.

*Deplorat nescio quod malum Constantiensis Concilii.*

**L**itteras tuas perbreves accepi transmissas michi a Nicola nostro. Eum qui detulit, conveniendi, ac rogandi non fuit facultas. Nam Aretii sum tum mearum rerum curandarum gratia, tum etiam vitandae pestis vel potius suspicionis. Nam illa quidem adhuc talis est, ut terreat magis, quam laedat eos, qui Florentiae habitant. Hac igitur de causa illum qui detulit convenire non potui, quamquam in Amalthea Saturnino cetera conjecto. O rem acerbam! Etsi de Patribus non tam equidem labore, quam de plebe.

*Quic-*

*Quicquid delirant reges, plectuntur Achivi  
Seditione, dolis, scelere, atque libidine, & ira  
Iliacos intra muros peccatur, & extra.*

Acceperam & alias tuas litteras triduo, ante quam Florentia abirem, in quibus permolestum sane id fuit, quod commentariolum illud, quod michi te mittere cum his litteris significabas, nunquam repertum est, neque catalogus ille librorum index. Omnia perdita per viam ajebant: quin & aperta, resignataque diplomata venisse. Quod autem in illis me percontraris, num & aliae tuae litterae, quas ante profectionem tuam dederas, michi redditae fuerint; si de iis rogas litteris, in quibus reprehensiones stultissimi, ac levissimi hominis continebantur ne dubita; jam prius illae michi redditae fuerunt, risique potius illius stulticiam, quam animo commotus sum. Nam ejus stuporem mentis, ac veluti fanaticam vesaniam jampridem prospexeram. Itaque non michi nova res est. Scripsisse autem nunc illa ipsa, quae mente vesana, atque distorta gerebat, quanti faciendum putas? cum vel nulli unquam lecturi sint, vel si legerint aliqui, in ipsa scribendi ineptitudine nullitatem ejus cognituri. Ille certe ne illa ipsa, quae reprehendere conatur, intelligit, & quae fatur, puerilia sunt, ac pene infantia. Itaque illum omnino sperno, atque contemno, nec dignum responsione mea duco. Tu vale, & me ama, & quid istuc agatur, crebro significa. Iterum vale. Aretii Idibus Juniis.



## XVI.

LEONARDUS EPISCOP. SENENSI S.<sup>(1)</sup>

*Excusat se, quod non scripserit, & laudat Episcopum  
ocio negotia posthabentem.*

**Q**uem non delectet humanitas, & mansuetudo tua? qui antequam de negligentia mea, quemadmodum poteras, accusares, rationem excusationis meae tu ipse obtulisti. Cum enim te jampridem admirari dices, quod ego nichil omnino ad te scripsisse; illud statim addidisti, te putare non alia causa, quam occupationibus meis id accidisse. Itaque cum id tuae sapientiae persuasum sit quod ego maxime persuasum esse cupio, tacere forsan in hac parte praestaret, quod & facerem, nisi haec mea excusatio partim ambitiosa, partim incredibilis videretur, ambitiosa, si me occupatissimum praedicem, incredibilis, si non potuisse scribere asseverem. Pauca igitur ad hanc ipsam defensionem tuam ex meo addam, quo dilucidius ea intelligatur. Fuerunt michi quidem occupationes, & sunt, sed nequaquam tantae, ut scribere non valerem, praesertim cum omnis occupatio mea in studiis litterarum verisetur. Cur non scripserim, audi quaeso patienter. Ego te semper eum hominem putavi, cui non nisi magna quaedam, & praeclara, & digna tua gravitate, auctoritateque convenirent. Cum igitur post naufragium illud gubernatoris nostri ad studia litterarum me tanquam in portum quemdam optatissimum retulisset, scribenda quaedam ac mandanda

(1) Antonio Casino, de quo supra diximus.

danda litteris assumpsi. Ad haec ego quantum ocii est, totum confero, nec libenter diverto. Credo, & aliis evenire, quod dicam. Sed michi, ut affirmare possum, haud dubie evenit: difficulter resumo, quod semel abrudi. Ad te ergo, quoniam graviora quaedam tua auctoritas postulat, ne ab inceptis diverterer, scribere supersedi. Poteram certe leviora quaedam, sed ea indigna tuo nomine arbitrabar. Graviora vero, & expolitiora sine intermissione coepitorum scribere non dabatur. Haec est defensionis meae ratio paulo explicatior, quam a te sit dicta. Quod autem te, & optime contentum, & in quiete constitutum significas, ob id te longe beatorem puto, quam cum in magnis rebus agendis, magnisque negotiis oppressum caterva hominum intuebar. Ocia enim negotiis longe sunt praefferenda, cum haec finis sint, illa ad finem. Negociamur enim, ut ocierur, & bellum gerimus, ut in pace degamus. Quod si ocia sunt praefferenda, & haec certe vita quieta, & tranquilla laboriosae illi, & occupatae, ad quam si aut honoris ambitio, aut pecuniarum cupiditas impelleret, quis tandem nostrum illam suscipiendam censeat, ac non velis remisque fugiendam? Qui autem in ocio contenti non sunt, ocium ipsum, ut ita loquar, perdunt. Immo nec sunt ociosi, sed potissima sui parte, idest mente & animo infestantur, ac longe rapiuntur. Tu ergo cum utrumque nactus fueris, gaude quaeſo, & felicitate tua diutius fruare. Quod si te forsan aut Pontificis jussum, aut voluntas tua in Curiam, atque in illum aestum negotiorum retulerit, ipſe te ubique amabo. Primum tamen sanius consilium est, quod utinam, & ego tenere possim! Vale.

## XVII.

LEONARDUS FRANCISCO BARBARO S.

*Praedicat agriculturam, ita tamen ut musas  
praefерat, laudatque in amico Sacrарum  
literarum studium.*

**R**edeundi michi ex agro Aretino, litterae tuae praesto affuere, atque ut de eo ipso, qui illas reddidit, cognovi, complures ante dies Florentiae sic redditum meum praestolatae fuerunt, ut jam longiorem moram incusarent. Ego autem eo diutius illis in locis detentus sum, quod jam supra biennium crassante pestilentia facultatem adeundi non satis habueram. Quare avidius incumbens ita delectabar, ut pene jam urbis me haberet oblivio. Nunc autem & nitore litterarum tuarum, & summa humanitate tua ad meliora revocor studia. Etsi enim agriculturam valde equidem probo, nichilominus illa stat sententia: *Me vero dulces nutritant ante omnia Musae.* Quid enim cum Musarum suavitate Pan, & Silvanus possint conferre? In hoc igitur genere, & audire eruditissimas voces tuas, & reddere ipse meas optavi equidem, atque opto, praeferim cum mutuo in amore familiaritateque jampridem inter nos suscepta silentium hoc, quod adhuc intercesserit, culpandum potius, quam laudandum videretur. Quod autem te ad sacras litteras majore impetu, & attentiore animo conferre significas, in eo sapientiam, gravitatemque tuam indeficibili laude commendandam duco. Si enim omnes Musae, quod supra diximus, dulces sunt; quanto illae magis, su-

quae verae sunt Musae? Et si vox poëtae in re finita delectat; quanto magis vox Dei delectabit in veritate? Et si praecepta hominum dissentibus prosunt; quanto magis proderunt Divina? Quare te currentem, ut video, vehementer cohortor ad hujus optimi, perfectissimique operis infudationem. Casum vero gravissimum amantissimi fratri, incommodaque inde suscepit, & tua moderatione, & illarum litterarum solacio levare debes. Vale. Florentiae.

XVIII.<sup>(1)</sup>LEONARDUS S. D. JOHANNINO<sup>(2)</sup>.

*Commentaria ei pollicetur, & de rebus nonnullis eundem monet.*

Res epistolas tuas unum fere sub tempus accepti, quibus antequam respondeo, juvat praefari atque praemonere, ea videlicet ipsa, quae meus erga te amor, ac patriae caritas exposcit. Multum igitur hoc brevi tempore, quo a nobis absfueristi profecisse statuo; siquidem in tanta civitate recentem adhuc, & modo advenam nonnulli praestantes viri in familiaritatem susceperunt, quorum gratiam tuere quaeſo diligenter, atque annitere, ut eos bene promerendo in amore tuum quammaxime vertas. Id tu si, quemadmodum spero, assequare, quod tandem lucrum cum hoc lucro existimem comparandum? Illud praeterea moneo, ut istic degens conquiescere animo velis, nec eorum, quos hic reliquisti, desiderio torqueri. Quod nisi feceris, nichil de te


(1) Hanc omisit Cl. Fabricius.

(2) Tortellio fortasse tunc adhuc adolescenti.

te laudabile unquam praestabis. Quid enim cor anxium & moerens exhibere aut sibi ipsi, aut alteri potest? Cogita igitur non tam domesticos, quam impias tuorum molestias domi reliquise. Urbem autem nunc incolere opulentissimam, ornatissimam, & in qua nichil molestiarum insit, nisi forte quas tu ipse multa mollicie tibi ultro suggesteris. Haec ego quae sentiebam de personis, & urbe commonefacienda putavi. Nunc venio ad epistolas tuas. Mea nescio quae istic reperta quod admirarere, quodque a ceteris ea laudari praedicas, ajunt fortasse homines:

. . . . . sed non ego credulus illis:  
Nam neque me Varo videor, neque dicere Cinna  
Digna, sed argutos interstrepere anser olores.

De epistolis autem, quas aliorum volumibus insertas deprehendisti, ne fer quaeſo tu id quidem moleſte. Satis michi honoris ille quisquis fuerit, meis detulit, qui inter suas, quas bonas putavit, collocare dignatus est. Commentaria vero primi belli Punici, quae flagitas, ad te propediem transmittam. Quod autem me consulis de re illa tua, michi una salus videtur, ut fortem nunc te constantemque praestes, etſi ſcio quam difficile sit non flecti animo, praesertim tibi, qui es natura molliflaminus. Sed tamen, ut mea fert opinio, aut nichil unquam, aut taciturnitas tua illorum vefaniam refringet, errantesque, & devios in orbitam reducet. Quod ſi indices te pati non posse, eludent. Vale. Florentiae.



## XIX.

PILEO ARCHIEPISCOPO GENUENSI<sup>(1)</sup>  
LEONARDUS S. P. D.

*Litterarum studium ad quae utile sit.*

Facile recognovi litteras tuas, doctissime simul, optimeque Antistes. Erant quippe ea facundia sapientiaque perscriptae, ut ex tuo potissimum judicio manasse viderentur. Atque ut natura fit, cum alterum dicentem audias, quod tu maxime probes, ut valde assentiamur; sic ego tuae illi de lectione studioque sententiae vehementer assensi. Sic enim michi quoque perspicere visus sum, aut nichil humanarum rerum adversus animi aegritudinem valere posse, aut unicum in litteris studiisque esse refugium, quas qui fastidiunt & contemnunt, verae puraeque veritatis gustum non habent. Tu igitur iis incumbe, ut facis, praesertim cum nulla res dignior sit homine sapienti, & in ea, qua tu es, dignitate constituto. Quod autem de libris scribundis rogas, non deerit tibi diligentia mea. Verum admirabilis est apud nos ejus rei penuria. Nam & studiosi permulti sunt, & qui mercede scribant, admodum pauci. Ego tamen quo tibi morem geram scrutatus omnia, cum tandem nichil reperirem, ex-

I 3 oravi

(1) Pileo de Marinis Ambrosii Corsicae Gubernatoris filio, Patricio Januensi, qui primum in Romana Curia Protonotaria, deinde an. 1400. Archiepiscopus Januensis electus fuit, licet aetate juve-

nis valde, tamen virtute senex, ut ad an. 1401. in Annal. Januens. scribit Georgius Stella, qui paulo infra *Scientiarum amantem, Sacrisque eruditum litteris cum nuncupat.*

oravi quendam ex familiaribus meis, ut libros quos-dam, sui ipsius gratia quos ille scripserat, venundaret. Sunt autem Ethicorum libri, quos nuper traduxi, & Commentaria primi belli Punici cum quibusdam orationibus Demosthenis, & Oeconomicorum libro, sat, ut michi primo aspectu visum est, emendate perscripti. Haec emere licebit. Tu igitur cuivis Januensium tuorum, qui hic negociantur committere poteris, ut libros excipiat, ac precium decens pro illis exolvat. Vale. Florentiae II. Idus Februarii.

## XX.

LEONARDUS JOHANNI S.

*Imperitorum calumnias contemnere se scribit.*

**E**xpecto Langustum illum tuum ac litteras ejus, praesertim si, ut michi persuadeo, festivissimae sunt futurae. Me profecto Epicureum litterarum factum esse scito; voluptatem in illis, festivitatemque consector. Quocirca jubeas velim, si quas ad me missurus est, jocunditate ut illas, salibusque respergat. Judicium illud tibi permoleustum, totamque stultorum hominum vaniloquentiam vix unius assis aestimandam puto. Adde etiam si placet rhetorem illum eloquentiae hostem. An tu his me censuris commoveri putas, quae ab hominibus parum acutis, ac stulte sibi ipsis judicandi peritiam arrogantibus proferuntur? Fieri non potest, quin ut quisque sapit, ita sentiat. Sed & nostrum nobis judicium est, quo magis nitimus, quam alieno: nisi forte Apellem, aut Protogenem quid rectum, amoenumque in

in pictura foret, non ex suo potius judicio, quam ex aliorum opinionibus statuisse credamus. Quamquam est quidem abs te non satis acute causa mea defensa adversus Constantinopolitanum. Quid enim opus fuit ad Ciceronem allegare hanc, quaecunque est in nobis, rerum moralium notitiam? Quasi vero Aristoteles ipse ab studio nostro fuerit alienus, cuius libros in adolescentia sic audivimus, ut etiam publice de his disputationes ex ordine studiorum substineremus. Biennio certe toto ab optimis illius disciplinae magistris incredibili aviditate imbuti sumus. Haec ego fundamenta cum in adolescentia jecerim, quis juste admiretur, si nunc aliquid a me exaedificatum sit? aut quis novum me ad haec sacra venisse dicat, quibus ego ab ipsa pueritia fuerim initiatus? Sed haec satis. De se enim ipso omnis sermo gravissimus est. Attamen silere aliquando non licet, ita multi occursant partim arrogantes, partim desipientes. Venio nunc ad id, quod per superiores litteras de Commentariis flagitasti. Ego quae scivi, quaeque memoratu digna aestimavi, in eos libros congessti, neque vero quominus, si quis plura teneat, plura conscribat. Commentaria tamen ab historia multum differunt. Illa enim amplior ac diligentior est: haec contractiora, & minus explicata. Livius quoque in Romuli, & in Hostilii, & Tarquinii Regum Romanorum gestis referendis non annos prosequitur, sed rerum summam. Idem Polybius facit, & ipse quidem probatus auctor, cuius auctoritatem secuti sumus. Vale. Florentiae.




## XXI.

LEONARDUS POGGIO S.

*Gratum sibi scribit, quod negotium suum apud  
Pontificem curet.*

**N**ihil omnino statuo duobus nobis fieri potuisse stultius cum hoc nostro importuno silentio. Sed quia illa jam corrigi non possunt, praeteriti defectus temporis, futuri exuberantia compensemus. Unum tamen non ignores volo, me per hoc ipsum silentium grandem tibi epistolam perscripsisse excitatum litteris tuis, quas ad Nicolam nostrum misisti de controversia Nicolai, in quibus cum te falsa illius suggestione deceptum animadverterem, totam rem verissime sincerissimeque patefacta tuo examini censuraeque subjeci. Eas litteras video te non accepisse. Itaque conquerram nunc rursus illam, tibique remittam. Negocium meum quod apud Maximum Pontificem curaris, michi summae est voluntati. Perspexi enim in te, & amici fidem, & sapientis hominis consilium, & impigri vigilantisque solertiam. Quod autem hortaris, ut ad Pontificem scribam, faciam ut mones Antonio Lusco, & Cintio sodalibus nostris meo nomine gratias agito, salvereque jubeto. Vale X. Kal. Martii. Aretii.



## XXII.

LEONARDUS DEMETRIO S.

*Quod Aristoteles eloquens fuerit, & male a linguarum imperitis latinitate donatus sit.*

**T**ria ut ex litteris tuis animadvertere potui, a te in crimen vocantur ex illa praefatione mea, quam libris Ethicorum adscripti. Unum quod Aristotelem de eloquentia commendarim, quem tu asseris, nec eloquentem fuisse unquam, nec curavisse quidem, ut eloquens esset. Alterum, quod interpretem illum, qui ante me hunc librum traduxit, Ordinis Praedicatorum fuisse dixerim. Tu vero antiquorem interpretem ejus libri putas esse quam Ordinem ipsum, ex quo fuisse affirmo. Tertium, quod huic ipsi interpreti maledixerim indignaris. Sunt & alia quaedam in litteris tuis, sed mehercle ita caliginose scripta, ut sensum eruere nullo modo potuerim & illa ipsa, quae supra retuli, allucinando potius deprendi te dicere velle, quam tu dicas. Ad haec igitur tria nunc: ad alia vero, si forsan id cupies, cum apertius scribes, respondebo. Primum igitur de Aristotele vehementer erras. An non curavit ille, ut eloquens esset? nam utrum fuerit mox videbo. Sed ita curavisse illum constat, ut neminem magis. Testes sunt artes rhetoricae ab eodem philosopho labore summo diligentiaque perscriptae, nec semel tantum, sed rursus atque iterum pluribus voluminibus explicatae. Nec est quicquam in ea facultate, quod non illum non modo pro se didicisse, sed etiam alios docere voluisse appareat.

Tan-

Tanta vero in eo cura eloquentiae fuit, ut etiam minutissima quaeque scrutari, & indagari nitereur. Quis enim quaeso ante hunc pedes, & syllabas etiam soluta in oratione servandas ostendit? Ut dactylum jambumque rejiceret, alterum ut elatum nimis, alterum ut depresso; paeana vero illum duplicem probaret, qui est aut ex longa, quam tres breves subsecuntur, aut ex tribus brevibus & longa postrema, quorum alterum principiis, alterum clausulis assignavit. An non curavisse illum dicis ut eloquens esset, qui eloquentiae artes tam curiose perscripsit, & minutissima quaeque tanta diligentia perscrutatus est? Atque ego certissime scio, nec te, nec praeceptorem illum tuum hominem, ut audio, magna theologiae scientia, sed nullarum penitus litterarum, quid sit paeana, quid jambus intelligere, nullum denique vestigium eloquentiae intueri. Nec id sane in vobis reprehendo: non est enim cujusque ista discernere: sed id reprehendo, quod tam leviter de rebus vobis incognitis judicium proferatis. Falsum est igitur, quod scribis non curavisse illum, ut eloquens esset, sed an fuerit eloquens, videndum est. Nam fieri potest, ut curaverit quidem, nec tamen sit eloquentiam consecutus. Evidem quantum est in me judicii, non video, quomodo iis de rebus, quas Aristoteles tractavit, aut aptius, aut suavius, aut copiosius scribere quisquam potuerit. Lege ejus libros, nec morales solum, & civiles, in quibus magna eloquentia cohaeret, sed eos, qui physici, aut metaphysici scribuntur. Invenies locos nullius eloquentiae capaces eloquentissime ab eo tractatos, rebusque obscurissimis splendorem, & claritatem per eloquentiam attulisse. De quo si non michi credere vis, at Ciceroni credas. Quamquam nec tu forsitan, Cicero qui fuerit, intelligis, egoque fatuus sum, qui tecum ista dissero.

ro. Sed tamen Cicero vir acerrimi judicii summus ipse orator suavitatem, & copiam, & omnia scribendi ornamenta Aristoteli tribuit, flumenque aureum illius scripta appellat. Ex quo magis translatoribus indisertis irasci soleo, quod hujus Philosophi libros admirabili facundia, suavitateque in graeco scriptos, tam absone nobis converterunt. Sed non sunt illi Aristotelis libri, nec si vivat ipse, suos esse velit, sed merae converfforum ineptiae. Ille enim & politissimus scriptor esse voluit, & quod voluit curavit, & quod curavit, assecutus est. Quid ergo me in crimen vocas? Quid eloquentissimum Philosophum infantiae condemnas? An non pudet de rebus tibi incognitis ita leviter asseverare? sed satis de hoc. Ad aliud transeamus. Eum, qui librum Ethicorum ante me convertit, Ordinis Praedicatorum fuisse dixi. Hoc tu ita derides, quasi erratum manifestum. Ecce rursus fatua crassaque opinio vix pueris digna. Putas enim interpretationem illam Boetii fuisse, qua quidem in re perquam pueriliter aberras. Nullam enim Boetii interpretationem habemus, praeterquam Porphyrii & Praedicamentorum & Perihermenias librorum, quos si accurate leges, videbis summum illum virum sine ullis ineptiis libros illos translusisse. Textus est nitidus, & planus, & graeco respondens. At enim in Ethicis, & Physicis quid tandem est, praeter ineptias meras? Non verba in his latina, non dicendi figura, non eruditio litterarum: praeterea ab ipso graeco male accepta complura. Haec a Boëtio longe absunt viro in utraque lingua docto, & eleganti. Nunquam ille architectonicam, nunquam eutrapeliam, nunquam bomolchos, nunquam agricos, quorum vocabula in latino habemus, graece reliquisset. Nunquam tristiciam pro dolore posuisset, nunquam honestum cum bono, eligere cum

cum expetere confudisset. Atque ut scias, duo fuerunt ante me, quod equidem viderim, interpretationes Ethicorum. Una, quam ex arabe lingua traductam constat post Averrois Philosophi tempora, quae quoniam anterior est, *vetus* appellatur. Altera haec posterior, & novior a Britanno quodam traducta, cujas etiam proëmium legimus, in quo & Fratrem se Ordinis Praedicatorum scribit, & rogatu confratrum de his transferendis laborem suscepisse. Quomodo igitur interpretatio ista prius fuit, quam Ordo ipse institutus est? Aut quomodo Boetii fuit ista nova interpretatio, cum vetusta illa, & anterior post Averroim fuerit, Boetius vero aliquot seculis Averroin anteeat? Reliquum jam crimen est, quod huic interpreti maledixerim. Evidem si vitam illius, si mores, si genus infectatus essem, tunc faterer me illi maledixisse. Sed nichil tale attigi, neque attingerem. At enim de litteris studiisque contendere, ac interdum vehementius urgere, & si res exigat, adversarium pungere: differere id quidem est, non maledicere. Denique tota vis in eo versatur, jure an injuria illum reprehenderim. Duxi graeca verba ob ignorantem latinae linguae ab eo reflecta, pro quibus latina vel optima haberemus. Nec duxi modo, sed & probavi, & verba ipsa ostendi. Cetera quoque errata, nec ea pauca, nec levia redargui. Aut igitur ista defende si potes, aut me pupugisse illum non moleste feras. Evidem si in pictura Jotti quis faecem projiceret, pati non possem. Quid ergo existimas michi accidere, cum Aristotelis libros omni pictura preciosiores tanta traductionis facie coquinari videam? an non commoveri? an non turbari? Maledictis tamen abstinui, sed rem ipsam redargui, ac palam feci. Vale.

XXIII.<sup>(1)</sup>

LEONARDUS POGGIO S.

*Librum a se procuratum scribit, integritatemque suam ostendit.*

**S**I vales bene est, equidem valeo. Egi cum Cosmo, ut liber ille ad te deferatur, quod ipse pollicitus est intra paucos dies esse facturum. Tu cum illum habueris providebis, ut a scriptore tuo pure diligenterque custodiatur. Quod autem de librario mones, recte tu quidem, & amice facis; sed tanta est apud nos hujusmodi hominum penuria, ut quamvis cupiam, habere non possim. Quare te rogo, ut si qua ratione potes, hoc michi negocium conficias. Si quem fortasse idoneum huic operi alicunde eruere queas, ad me mittito perquam cupide suscipiendum, habendumque. Franciscus Barbarus ad vos profectus est, cum quo una hic fui, ac de te multa ab utroque nostrum. Scio cum Romae fuerit, futurum te illi in intimo sanguine. Itaque non praetermittendum videtur, quominus te commonefaciam efflagitemque operam, ac medelam tuam. Compertrum habeo multa per aemulos obtrectatoresque meos sinistre de me ad hunc esse perscripta. Quis sit harum calumniarum fons, tute nosti: quam ingrate indigneque id faciat, te non latet. Adjecit se se huic atque addixit levissimus quidam homo professione hypocrita, patria sodomites: ambo hi de me ad Barbarum, ut compertum habeo, perversa quaedam scripsere. Huic tu rei, quaeso, medelam appone. Tu enim

(1) Haec a cl. Fabricio edita non est.

enim scis, quanti Barbarum semper fecerim, & quanta commendatione illius nomen prosecutus sim. Hoc ille ex te audiat. Deinde tibi notissimum est non mea culpa has inimicitias cum Nicolao esse suscepitas. Nichil in hac parte abs te postulo, nisi verum, pergratiumque michi fuerit, si pro rei noticia epistolam illam meam, quam de hac ipsa controversia ad te scripsi, Barbaro ostendes, ne aliud pro alio censeat. Intelliget enim, quod ego ad te scripsicerim, minime in eo me esse mentitum. Nam quod de vita ajunt ipsa, vita mea integerrime acta, & communis de me censura eos refellit. Versor in oculis hominum, atque in luce probatus quidem & acceptus omnium judicio. Nec est quisquam viventium, cui in hac parte integritatis, innocentiaeque concedam. Nulla foeditas in me, nullum flagicium, nulla libido mala, nulla injuria unquam reperiatur. Studiis vero non quantum cupio proficere possum, sed tamen non frustra a me in illis versari opera mea laboresque testantur, constatque me & Curiae Romanae commoda, & hujus urbis emolumenta ultro oblata posthabere, quo studiis & litteris dare operam possim. Quid ergo dicit sodomites ille, cuius una dumtaxat cura est in angulis, atque in umbris latentem cevere? Arque ut totum noris, ego de his rebus nichil cum Barbaro egi: praestare enim duxi, hoc quicquid sit apud eum ulceris dissimulare me scire. Quare & tu sic accedas ad hanc medelam, quasi nescias id, quod scias. Plena sunt omnia invidorum, Poggi, & malivolorum, & perversorum hominum. Sed crede michi magno animo eos contemno. De Barbaro tamen laborandum putavi, ne mea negligentia abalienatus dici possit. Vale.

*Finis Partis Primaæ.*

Læs mere om projektet på:

[www.kb.dk/EOD](http://www.kb.dk/EOD)

[www.books2ebooks.eu](http://www.books2ebooks.eu)

## Om EOD-projektet

“eBooks on Demand” (EOD) – på dansk “eBøger on Demand” – er et europæisk samarbejdsprojektet, der blev indledt i 2006. Det omfatter 14 national- og universitetsbiblioteker fra hele Europa og finansieringen sker bl.a. via EU.

Projekt har gjort det muligt for brugere af Det Kongelige Bibliotek at bestille ældre bøger som eBøger på nettet via REX. På længere sigt vil brugere på denne måde få adgang til millioner af bøger på nettet fra europæiske biblioteker leveret i digital form som søgbare PDF-filer -såkaldte eBøger.

eBøger fra dit bibliotek via

**eod** | [eBooks on Demand](http://eBooks.on.Demand)

digitaliseret via

Det Kongelige Bibliotek

